



Typis

87
ma
mo



Typis Vid. IOANN. CNOBBARI Typographi
 Antwerp. 1642.

*Emilevan Camaldulo prope Vassa
 monts Re...*

RE

PR

D.

G

EPIS

MIN

s


ECC

Colle

&

Comi

Do



runt,

Blen. H. 1. 20 (a)

REVERENDISSIMO

ET ILLUSTRISSIMO

PRINCIPI AC DOMINO,

D. FRANCISCO

GVILIELMO

EPISC. OSNABRVGENSI,

MINDENSI ET VERDENSI,

S. R. I. PRINCIPI,

ECCLESIAE CATHEDRALIS

RATISBONENSIS,

Collegiatæ Bonnenfis, Monacensis

& Oeringanæ Præposito, &c.

Comiti de Wartenberg & Schaumburg,

Domino in Wald & Hachenburg, &c.

Domino Clementissimo.



Everendissime ac Illu-
strissime Princeps. Duo
maximè singularis Pa-
tientia exempla nobis
sacrae litteræ prodide-
runt, Reverendissime atque Illustris-

* 2

me

D E D I C A T I O .

me Princeps, duobus fortissimis vi-
ris Jobo & Tobiâ, velut in publi-
cum Orbis theatrum productis, jus-
sisque suam Fabulam agere toti re-
tro Posteritati memorabilem. Ita
legimus Tob. 2. cap. *Hanc autem ten-
tationem ideo permisit Dominus evenire
illi, ut Posteris daretur exemplum patien-
tia ejus, sicut & sancti Job.* Et verò lu-
culenter egerunt ambo, pari vivaci-
tate, animi robore & constantiâ,
omnium seculorum approbationem
meriti. Non pulchrius Spectaculum
videre Jovem credebat Annæus Se-
neca, quàm patientem virum, & in-
ter ærumnas ausurum provocare
Fortunæ sævientis minas ac verbe-
ra. Quantò pulchrius exhibuerunt
Actores nostri, spectaculum facti
Deo, Angelis, & hominibus. Deo co-
ronanti, Angelis bonis applaudenti-
bus, malis confusis; hominibus, viso
tristis initiis lætissimo exitu, ad
imitationem provocatis. Cæterum
ut Choragi Scenas & apparatus va-
riare solent pro varietate materiæ,
quam

quam
diz fa
nerum
ita no
divina
terraru
ipsa luc
disposi
omnia
ludia
Cunct
riculi
Huma
innoco
alius su
volat.
pecora
bitis r
bus in
pòst ex
& per
dis usq
pfs ha
Deus,
Job pat
mon G

DEDICATIO.

quam tractant : (alia enim Tragœ-
 diæ facies existit, alia Comœdiæ,
 iterumque alia ex utrisque mixtæ)
 ita non injucundum erit, observare
 divinæ Sapientiæ ludentis in Orbe
 terrarum varios modos, quibus &
 ipsa ludit. In Jobo certè, donec series
 dispositorum eventuum evolvatur,
 omnia tragica reperias. Nulla inter-
 ludia : jucundi nihil immiscetur.
 Cuncta in suspenso sunt, justum pe-
 riculi metum terrorésque incussura.
 Humani generis hostis potestate in
 innocentem carnifex armatur. Mox
 alius super alium feralis nuncius ad-
 volat. Diripiuntur ædes, abiguntur
 pecora, cæduntur servi, filii. Quæ su-
 bitis ruinis non sepeliuntur, pejori-
 bus incendiis conflagrant. Paullò
 post *extenditur manus in ipsum corpus,*
 & *percutitur ulcere pessimo, à plantâ pe-*
dis usque ad verticem. Tragœdiæ syno-
 psis hæc est : supremus Agonotheta
 Deus, juvat Patientem & spectat;
 Job patitur, & *testâ saniam radit.* Dæ-
 mon sævit, uxor exprobrat, amici

DEDICATIO.

jam stupent, quia vident dolorem esse
vehementem; jam innocentia suæ in-
nixo indignantur. Hæc inter, ut
etiam loquendi modus cothurno re-
spondeat, de turbine ruunt voces,
vibrantur alternis & fulminant mi-
ræ sententiæ. Actio sanè pathetica.
Ingenium supra omnes Euripides &
Senecas. Ut meritò illud, quod de
Abrahamo disertè pronuntiavit Di-
vus Ambros. lib. I. cap. I. Jobo ac-
commodari possit. *Magnus planè vir,
& multarum virtutum clarus insigni-
bus. Quem votis suis philosophia non
potuit aquare. Denique minus est, quod
illa finxit, quàm quod iste gessit.* Ulti-
mo Actu mœror in gaudium, lucta
in triumphum vertitur. Cum enim
Iob in omnibus his non peccasset labiis
suis, suscepit Dominus faciem ejus, &
benedixit novissimis magis quàm princi-
pio ejus. Et facta sunt ei quatuordecim
millia ovium, & sex millia camelorum,
& mille juga boum, & mille asinae, &
fuerunt ei septem filii & tres filia, vixit-
que post hæc centum quadraginta annis:

Epilogo

Epilogo
recto
quod no
plex &
dens &
Etator
tius qu
tædio
finem
ctamu
dam o
ceatur
nec ab
nes de
& fic
Patiem
Agon
bus o
nem a
milian
parite
hoc t
calest
Tenta
infusa
viro a

DEDICATIO.

Epilogo ad omnes spectatores directo, ut considerent seruum Dei Iob, quod non sit ei similis in terrâ, homo simplex & rectus, ac timens Deum, & recedens à malo. Laudabit hîc, scio, spectator Actorem: sed mirabilem potius quàm imitabilem dicet. Morosi tædio afficimur spectaculi, & ægrè finem divinæ compositionis expectamus. Ut de horrore jam & quadam quasi immanitate dolendi taceatur. At enim infinitæ Sapientiæ nec alii modi defunt, quibus homines detineat, ad virtutis exercitium & fiduciam erigendos. Alterum Patientiæ exemplum propositura, Agonem Tobix longè aliis limitibus circumscripsit. Totam Actionem alio filo deduxit, in modum familiaris exempli, quod instrueret pariter & delectaret. Dæmone ab hoc theatro procul facessere iussu, cælesti potius Genio partes dantur. Tentationum acerbitas toleranda, infusâ suavitate corrigitur. Justo viro ab adolescentiâ suâ molestum

D E D I C A T I O.

erat abstrahi à Templo Jerofolymitano, captivumq; inter Assyrios Idololatrias versari. Temperatur autem hæc molestia. *Dedit enim Dominus illi gratiam in conspectu Salmanasar Regis: qui dedit illi potestatem, quocunque vellet ire: habens libertatem, quaecunq; facere voluisset. Tunc ergo pergebat per omnem cognationem suam, & consolabatur eos. &c. verum concessum solatium nova probatio excipit. At ubi nunciatum est Regi Sennacherib, quod sepeliret corpora filiorum Israël, jussit eum occidi, & tulit omnem substantiam ejus. Tobias verò cum filio suo & cum uxore fugiens mundus latuit. Quamdiu hoc? Post dies verò quadraginta occiderunt Regem filii ipsius, & reversus est Tobias in domum suam, omnisq; facultas ejus restituta est ei. Paulatim crescunt certamina. Epulaturus monetur de funere jacentis in plateâ Judæi. Manducatur panem cum luctu & tremore. Arguitur à proximis. Cæli aspectu dignissimus vir repentinâ cæcitate affigitur. Quod malum adeò persensit,*

fit, ut
Gaud
Qual
bris se
effere
cia. M
& ele
Tunc
cum la
secund
pricip
Exped
vere.
perge
deplo
rum, b
Quæ
re Jo
prov
dilu
Ita illo
borum
missio
phaël
enim
câ c

D E D I C A T I O .

fit, ut Raphaëli salutanti hac voce,
Gaudium tibi sit semper, Responderit:
Quale gaudium mihi erit, qui in tene-
bris sedeo, & lumen cali non video. Ac-
cesserunt domi iratae uxoris convi-
cia. Manifestè vana facta est spes tua,
& eleemosynæ tuæ modò apparuerunt.
Tunc Tobias ingemuit, & cœpit orare
cum lacrymis, dicens: Et nunc Domine
secundùm voluntatem fac mecum, &
præcipe in pace recipi spiritum meum.
Expedit enim mihi mori magis quàm vi-
vere. In cumulum miseriæ, missus
peregrinari filius creditur amissus,
deploratur ut perditus, lumen oculo-
rum, baculus senectutis, spes posteritatis:
Quæ plena calamitatis, et si atrocita-
te Jobi certamen non exæquatur,
providentia Numinis quamprimum
diluit, omnémque luctum exterfit;
Ita illo tempore exauditæ sunt preces am-
borum in conspectu gloria summi Dei: &
missus est Angelus Domini sanctus Ra-
phaël, nondum agnoscendus (ita
enim artificium requirebat) ut post-
ea cumulatiore gaudio cognitus
per-

DEDICATIO

perfunderet. Nimirum Actio finitur, & Patientia currit ad præmium.

Junior Tobias redit salvus & incolumis, multisque gaudiis onustus: Senior recipit visum; & suscipiens osculatus est eum cum uxore sua, & coeperunt ambo flere præ gaudio. Ingressa est etiam post septem dies Sara uxor filii ejus, & omnis familia, & pecora sana & cameli & pecunia multa uxoris, sed & illa pecunia, quam receperat à Gabelo. Undecimi capituli hæc clausula est: *Et per septem dies epulantes, omnes cum gaudio magno gavisi sunt.* Jucunda prorsus historia, ac velut in Scenâ alternante inopinosus eventus, hortatrix viva mortalium: ut per patientiam salutem suam operentur; post tristitia lætitiâ, & post tenebras sperent lucem. Utramque Jobi & Tobie Actionem, jam olim illustrandam sibi sumplerat P. Hieremias Drexelius, Societatis & Collegii nostri. Et præsentem quidem moribus efformandis utilissimam, paullò ante obitum absolvit: hunc ipsum

ipsum
hunc
Celsu
ceps,
eo pr
tion
puleh
quæ
facia
præm
tatis
ciam
mosy
fufiu
est,
omn
tuo
bon
ta to
legi
com
Aris
ita n
in It
cate
diga

DEDICATIO.

ipsum Libellum, quem inter post-
 humos quartum Tuæ Illustrissimæ
 Celsitudini, Reverendissime Prin-
 cept, humiliter dedicamus. Sunt in
 eo præter admirabile divinæ Proba-
 tionis artificium, plurima quoque
 pulcherrimarum virtutum decora,
 quæ commendabilem scriptionem
 faciant. Præcepta vivendi, pietatis
 præmium, obedientiæ laudem, casti-
 tatis prærogativam, vim & effici-
 ciam orationis cum jejunio & ele-
 mosynâ conjuncta, hinc scimus. Quæ
 fufius commemorare necesse non
 est, quando ipse repræsentas hæc
 omnia, qui probè animo inclusisti
 tuo altissima magnarum mentium
 bona. Munificentiam erga nos mul-
 ta testantur: & Osnabrugensis Col-
 legii amplissima Fundatio palàm
 commonstrat. Pietas te, ut omnibus
 Aris benignum & supplicem facit;
 ita nuper primùm Lauretum usque
 in Italiam tulit. Quo eodem itinere,
 cæteras animi dotes tanto Principe
 dignas, & Roma vidit, & mirata lau-
 davis.

DEDICATIO.

davit. Inde reducem inter publicos
Patriæ plausus gratulantium turbis
immixti hoc Te libello salutamus.
Per hunc Tibi porrò vitam, incolu-
mitatem, reditum ad tot Infulas,
fausta omnia apprecantes. Monachii
24. Aug. Anno Redemptoris nostri
M. DC. XLI.

*Rever. & Illustriss. Celsit. V.
devotissimum*

*Collegium Societatis JESU
Monacense.*

INDI-

IND

IN

Cap. I

Cap. I

Cap. I

Cap. I

Cap. V

Cap. V

Cap. V

Cap. V

Cap. V

Cap. X

Cap. X

INDICVLVS CAPITVM
IN PARTEM PRIMAM
TOBIÆ.

- Cap. I. **T**obias primarii generis vir
honoratus.
- Cap. II. Tobias inter omnes tribules suos
eximius.
- Cap. III. Tobias in cogitando Deo assi-
duissimus.
- Cap. IV. Tobias tam studiosus sepultu-
ra, quam patiens cecitatis.
- Cap. V. Tobias in adversis erectissi-
mus.
- Cap. VI. Tobias convivator frugalissi-
mus.
- Cap. VII. Tobias ad divinam volunta-
tem conformatissimus.
- Cap. VIII. Tobias Sara comprecator
in fide firmissimus.
- Cap. IX. Tobias Præsentia divina cul-
tor observantissimus.
- Cap. X. Tobias eleemosynarum largitor
liberalissimus.
- Cap. XI. Tobias luxurie hostis acerri-
mus.

Cap.

INDICVLVS.

- Cap. XII. Tobias inter lacrymas iubetur esse letus.
- Cap. XIII. Tobias junior comitantis Angeli socius.
- Cap. XIV. Tobias junior docentis Angeli discipulus.
- Cap. XV. Tobias junior ab Angelo contra dæmonem instructus.
- Cap. XVI. Tobias junior ab Angelo matrimonii leges edoctus.
- Cap. XVII. Tobias junior in ambiendâ conjugè, quæ septem viros extulit, impavidus.
- Cap. XVIII. Tobias ad bene agendi occasionem attentissimus.
- Cap. XIX. Tobias junior orationis crebra studiosissimus.

INDI-

INDICVLVS CAPITVM
IN PARTEM SECVNDAM
T O B I Æ.

- Cap. I. **T**obias junior sanitatis à Deo
impetranda cupidissimus.
- Cap. II. Tobias junior divina gloria
præco amplissimus.
- Cap. III. Tobias junior mansuetæ comi-
tatis plenissimus.
- Cap. IV. Tobias pudicæ sobrietatis aman-
tissimus.
- Cap. V. Tobias Senior ob moram filii
reducis vehementer anxius.
- Cap. VI. Tobias junior Raguelis saceri
facultatibus & obsequiis ditatus.
- Cap. VII. Tobias Senior mæroris nimii
preclarus medicus.
- Cap. VIII. Tobias junior parentum suo-
rum thesaurus optatissimus.
- Cap. IX. Tobias Senior cæcus, piscis fel-
le curatus.
- Cap. X. Tobias uterque divinis benefi-
ciis mirè gratus.
- Cap. XI. Tobias uterque orationi, jeju-
nio, elemosina deditissimus.

Cap.

INDICVLVS.

- Cap. XII. Tobias uterque ad remunerandum liberali voluntate paratissimus.
- Cap. XIII. Tobias uterque cum Deo familiarissimus.
- Cap. XIV. Tobias uterque hostis peccati maximus.
- Cap. XV. Tobias uterque admodum longevus.
- Cap. XVI. Tobias uterque in mercenarium suum munificentissimus.
- Cap. XVII. Tobias Senior providentiæ ac iustitiæ divinæ scientissimus.
- Cap. XVIII. Tobias Senior relapsa in pejus Nimves interitum vaticinatus.

TOBIAS

T
P

To



libro, qu

Tobia
est, Non
solent, i
reus. Ec
quàm de
tillimè co
pietatis se
niuntur,
dem hoc
storias p
qui meâ
phonte a
Nam & e

2 Ita

TOBIAS.

PARS PRIMA.

CAPVT I.

*Tobias primarii generis, vir
honoratus.*



TOBIAM virum Hebræum
exactissimæ virtutis, omnibus
noscendum, imò & imitan-
dum proponere animus est.
Præfanda tamen paucula de
libro, qui Tobias inscribitur.

§. I.

Tobias liber moribus formâdis utilissimus
est, Non nemo ex iis, qui librum obtrectare
solent, ingenuè dixit. Libellus est veræ au-
reus. Ediscendus esset à pueris, haud secus
quàm decalogus, & in imo pectoris diligen-
tissimè condendus, in quo nihil nisi mera
pietatis semina, imò flores & fructus inve-
niuntur. Non minùs honorificum de eo-
dem hoc libro elogium est istud: Inter hi-
storias primum tenet locum liber Tobias,
qui meâ quidem sententiâ feliciter Xenophonte
ac Aristotele tradit Oeconomiam. Nam & exemplis
viviis omnia, & salutaribus

A

præ-

2 Ita Munsterus.

præceptis demonstrat. Nulla hominum ætas est, ordo nullus aut sexus, qui non habeat ex hoc libro discere præceptiones optimas, nemo est, qui sui hîc officii non moneatur.

Liber Tobiaë Canonicus est. In ore duorum aut trium testium stat omne verbum, assertionem Christi: a tres nominasse suffecerit. Divus Irenæus libro adversus Valentinum cap. 34. in testimonium venit. b Divus Cyprianus epistolâ 52. argumentum ex eo libro sumpsit adversus Novitianos. Divus Augustinus l. 2. de doctrina Christianâ c. 8. Hunc ipsum in canone Scripturæ Sanctæ collocavit, & ex eo ipsemet partem sermonis ducentissimi vicesimi secundi pro concione proposuit. Sat testimonii. Mihi unus Augustinus loco mille testium est. Ad hunc cum antiquissimi Irenæus & Cyprianus aliique accedant, rem omni modo testatissimam habemus. Taceo Concilia, quæ Tobiaë librum inter divina monumenta, ut germanissimam eorum partem numerant. Ita dilucidè Concilium Tridentinum. c Ita totius Ecclesiæ consensus & decreta. Sed jam in libri auctorem indagemus.

Scriptus hic liber creditur ab utroque Tobiaë ram parente quàm filio. Nam Angelus utriusque præcipiens: Vos autem, inquit, benedicite Deum, & narrate omnia mirabilia ejus. d Hebræus & Græcus contextus

apertissimus. Scribitur in libro. Nihil tum est scriptus, Chromatius utriusque sus paucis gracili libris: Oportet nostram scientiam spem habere instructionem hominum ob causam: Ut dem fuerint duerint, iis exerceat Meum. Quis mihi mei? Quid stylo ferunt sculpsit cogitat non vulgare aut arboribus, sed marmore, quæ scrip-

apertissimus
Scribitur
bro. Nihil
tum est
scriptus
Chromatius
utriusque
sus paucis
gracili libris
ciavit: Oportet
nostram
scientiam
spem habere
instructionem
hominum
ob causam
rens: Ut
dem fuerint
duerint
iis exerceat
Meum
Quis mihi
mei? Quid
stylo ferunt
sculpsit
cogitat
non vulgare
aut arboribus
sed
marmore
quæ scrip-

a Romæ, l.
c Alii; ce
e Sufficit

PARS I. Cap. I.

apertissime hunc in modum loquuntur; Scribite omnia hæc, quæ contigerunt, in libro. Nihilominus non usque ad eò id certum est, cum initio hic liber Chaldaicè sit scriptus, quod Hieronymus, præfatione ad Chromatium, & Heliodorum testatur. Ab utriusque Tobix obitu, tertius aliquis, versus pauculos censetur adiecisse. De hoc tam gracili libello Paulus suum illud pronunciauit: Omnia quæcunque scripta sunt, ad nostram doctrinam scripta sunt, ut per patientiam & consolationem scripturarum spem habeamus. *a* Sanctorum vita, lex viva, instructio nostra. Chrysostomus sanctorum hominum res gestas à Spiritu divino eam ob causam dictatas, & nobis relictas asserens: Ut discentes, inquit, quòd licet ejusdem fuerint naturæ, virtutibus tamen studuerint, ne simus nos ignavi & desides in iis exercendis. *b*

Meum hic votum est, quod Jobi fuit: Quis mihi tribuat, ut scribantur sermones mei? Quis mihi det ut exarentur in libro stylo ferreo, & plumbi laminâ, vel cælesti sculphantur in silice: *d* In fimeto statuere cogitat tablinum, *e* & ordiri inscriptionem non vulgarem, nec enim tabulis ceratis, aut arborum corticibus, aut candidis linteis, sed nec chartæ vel membranæ, sed marmor, imò chalybi mandare vult verba, quæ scriptitare meditatur. Utinam & ego

A 2

hunc

a Rom. c. 15. v. 4. *b* Chrys. hom. 11. in Gen.

c Alii; certè. *d* Job. c. 19. v. 23. & 24.

e Wuff die Wiff will er ein Cantley auffrichten.

hunc librum scriptionis neutiquam proluxæ omnium memoriæ imprimere, aut quod mavelim pectoribus omnium, velut marmoreæ, aut chalybeæ laminæ possim insculpere. De hoc Tobix libro, qui pagellas pauculas complectitur, verè ausim pronuntiare: Liber mole quidem modicus; sed Christianæ perfectionis est commentarius.

Scriptionis porrò hic erit ordo, qui est historiæ. Ordiamur à Tobix genere & familiâ.

Tobias ex urbe & tribu Nephtali oriundus primariis Natalibus. Pater illius Tobiel, avus Ananiel, proavus Adiel, abavus Gabaël, tritavus Afaël, tritavi pater Nena-thiel.

Judæi suprâ quàm dici potest, in conscribendis genealogiis diligentissimi. Hinc ista talia tam exactè sciri potuerunt. Sed porrò eamus.

6. II.

Natus est Tobias anno quater millesimo quadringentesimo vicesimo. Denatus est sub Manasse Rege quater millesimo quingentesimo vicesimo secundo. Ita vixit centenis & duobus annis. Tobix patria fuit Galilæa superior, urbs Nephtali, quæ à tribu fortita nomen. Ergo non ignobili familiâ ortus est, quod ex accuratissimâ prosapiæ, generisque descriptione cuius facile constat, in quâ avus, proavus, abavus, tritavus, & pater tritavi tam distinctè nominantur.

Deinde si Tobix munus aulicum spectemus,

mus, S
mus su
pertinere
officio ho
que Tob
Et hæc r
ptis refer
concedit
dignitas
quibus er
Ina præc
debita, cu
Gregor
nobilitate
originem
sumus. C
a quæ sup
guinem
nobilitas
etiam o
potest.
rio. Vu
est, aut
ri, mem
stitutus,
eximie s
gnarus,
nobilitat
claritate
differens
ter, om
aliud est i
stemma n

mus, Salmanafaris Regis princeps œcono-
mus fuit Tobias, ad quem omnia emenda
pertinerent. Neque verò credibile, huic
officio hominem ignobilem præfectum. Ita-
que Tobias primarii generis vir honoratus.
Et hæc natalium ornamenta Deo in acce-
ptis referenda. Ita enim Deus, quibus vult,
concedit; negat innumeris. Habet generis
dignitas, familiæ vetustas suos honores,
quibus emineat. Nemo id negaverit. Pau-
lina præceptio est: Reddite ergo omnibus
debita, cui honorem, honorem. a

Gregorius Nazianzenus triplicem statuit
nobilitatem. Prima suam supernè trahit
originem: Ad imaginem divinam conditi
sumus. Quâ quidem ratione omnes per-
æquè sumus nobiles. Altera priscum san-
guinem & claros præfert natales. At hæc
nobilitas uti suum habet ortum, ita suum
etiam occasum & interitum ignorare non
potest. Tertia, quam virtus parit & erudi-
tio. Vulgatâ phrasi dicitur: Homo nobilis
est, aut quia ingenii nobilis, iudicii matu-
ri, memoriæ excellentis; aut quia bene in-
stitutus, optimè moratus, insigniter doctus,
eximie sedatus, omnibus sese attemperare
gnarus. Hic quivis dispiciat, quibus vel
nobilitatis insignibus ornari, si nondum eâ
claritate fulgeat. Seneca de nobilitate verâ
differens: Bona mens, inquit, omnibus pa-
teret, omnes ad hoc sumus nobiles. Si quid
aliud est in philosophiâ boni, hoc est, quod
stemma non inspicit. Patricius Socrates non

A 3

fuit:

a Rom. c. 13. v. 7.

fun : Cleanthes aquam traxit, & rigando hortulo locavit manus : Platonem non accepit nobilem philosophia, sed fecit. Quis ergo generosus ? Ad virtutem bene à naturâ compositus. Hoc unum est intuendum. Non facit nobilem atrium plenum fumosis imaginibus : Nemo in nostram gloriam vixit : quod ante nos fuit, nostrum non est. Animus facit nobilem, cui ex quacunq; conditione supra fortunam licet surgere. *a*

Paulus Timotheum suum hortatus : Divitibus, inquit, hujus sæculi præcipe, non sublimè sapere. *b* Præcipi vult, non suaderi his, qui ceteros facultatibus, nobilitate, aliis dotibus antistant, supercilium non erigere, non insolescere : Dic eis & manda, ut servulos atque subditos, & quoscunque alios, non minus quàm se, ac suos putent esse homines. Contrarium subinde factum. Homines potentes ac nobiles supercilio tam grandi servos suos, & ignobiliore alios despexerunt, perinde ac si magnates isti de longè meliore luto sint facti. Minimè Christiana, & amens, barbaraque insolentia hoc est. Præcipe igitur, præcipe tam fastuosis pavonibus christas ponere, & meminisse, non solâ multitudine fumosarum imaginum, nec stemmatis tantùm & longi sanguinis æstimatione censeri hominem vera nobilitatis insignia, virtutis & eruditionis esse ornamenta, plus aliis scire, auctiorem doctrinam comparare, sanctius ad virtutis leges.

a Seneca epist 44. mihi pag. 456. & seq.

b 1. Tim. c. 6. v. 17.

PA
leges vivere, h
Talem in
qui familiâ, &
tute, vir exact
perium. Talis
olissimus, qu
Asclepiadi An
tiens : Absit à
præfret parent
nerosa Christi
pio ut mihi
arcas. Christi
illiat. Oratio
lepiades, Chri
ntis cædi, later
it : At Roman
verè : Gratiâ
quod in meo
quibus Christu
ecce Christum
abia, quot v

Nostro h
stre nobilitat
clavis aurea,
dant Magna
Oratio & ele
rea. Has qui
eas imperat,
omnibus celu
omnem nobi
mut.
Ante annos

leges vivere, hoc facit nobilem.

Talem in exemplum statuimus Tobiam, qui familiâ, & stirpe clarus, clarior fuit virtute, vir exactissimus ad omne virtutis imperium. Talis & Romanus martyr vir nobilissimus, qui Galerii Imperatoris avo, Asclepiadi Antiochiæ præfecto in os obijciens: Absit à me, inquit, ut nobilem me præstet parentum sanguis, aut lex curiæ; generosa Christi sequela nobilitat viros. Non cupio ut mihi, meoque generi quidquam parcas. Christi sanguis pro me fusus me nobilitat. Oratione tam ingenuâ irritatus Asclepiades, Christi Athletam flagris & plumbeatis cædi, latera mucronibus conscindi iussit: At Romanus non minus fortiter ac liberè: Gratias ago tibi, ô Præfeste, inquit, quòd in meo corpore multa reseraris ora, quibus Christum meum deprædieem. Tot ecce Christum in me linguæ, tot laudant labia, quot vulnera.

§. III.

Nostro hoc ævo in aulis principum illustre nobilitatis ornamentum & insigne est clavis aurea, quam reges, Principesque dant Magnatibus, qui sibi à cubiculis sunt. Oratio & eleemosyna claves cæli sunt aureæ. Has quisquis desiderat, quavis horâ eas impetrat, hac geminâ clave momentis omnibus cælum reserat. His ornamentis ad omnem nobilitatis perennitatem insignimur.

Ante annos quadraginta & plures, quod

recentissimè memini, vir non longi sanguinis, nec lunulis a pedem insignitus, sed arte musices clarissimus auream à suo principe clavem in eximii favoris signum accepit. Sappuit vir iste, & intra suam sese fortunam continuavit, clausam galeam non perforavit, non se alium, quàm erat, jactavit: Scitur, agebat, qui sim; & gloriosius mihi est meà me arte evahi; satis est mihi clavis aurea, maximi favoris argumentum, hæc una clavis satis me nobilitat. Prudenter hæc & modestè.

Clave aureâ nobilibus inferi potest, quisquis id serid affectat. Et genus & formam regina non pecunia, sed pecuniæ largitio, sed eleemosyna, sed oratio donat. Eleemosyna & oratio, duæ claves aureæ. Eleemosyna cælum, oratio cor referat divinum, eò spiritus ardentè precantis ingreditur. Hieronymus Celantiam sapientèr instituens: Nul- li te unquam, ait, de generis nobilitate præponas, nec loco humiliore natas te inferiores putes. Nescit religio nostra personas accipere, nec conditiones hominum, sed animos suspicit singulorum. Sola apud Deum libertas est non servire peccatis; summa apud Deum nobilitas est clarum esse virtutibus. *b*

De eleemosynâ cæli clave aureâ Hebræus vates Daniel luculentissimè: *Quamobrem*, inquit, rex consilium meum placeat tibi, & peccata tua eleemosynis redime, & iniqui-

a Lunula in calceis prisca nobilitatis insigne.
b Hieron. ad Celanti am.

rates tuas.
 noster nob
 niam elect
 morte liber
 in tenebras
 summo De
 bus eam. *b*
 Hic dices
 esse liberalit
 centum phil
 partiri. At re
 cuam manu
 sem. Solati
 peditans: Q
 tes, factum
 quid quisqu
 De oratio
 des: Oratio
 bit, & done
 & non disce
 Applica har
 & expugna
 Quis gem
 regum regi
 sionis amici
 Orando & e
 ris superna
 tinerur.

*a Dan c. 4.
 c Aug. in p
 d Ezei. c. 3*

ates tuas. misericordiis pauperum. *a* Hoc
 noster nobis Tobias suo loco dicet. Quo-
 niam eleemosyna ab omni peccato, & à
 morte liberat, & non patietur animam ire
 in tenebras. Fiducia magna erit coram
 summo Deo eleemosyna omnibus facienti-
 bus eam. *b*

Hic dices: Quam ego velim in egenos
 esse liberalissimus, & quavis hebdomade
 centum philippeos in pauperum turbam
 partiri. At recula tenues sunt & accisa, va-
 cuam manum non explicant. Vellem si pos-
 sem. Solatium hic ingens Augustinus sup-
 peditans: Quidquid vis, inquit, & non po-
 tes, factum Deus computat. Discutit Deus,
 quid quisque voluerit, non quid potuerit. *c*

De oratione aurea cæli clave dixit Siraci-
 des: Oratio humiliantis se nubes penetra-
 bit, & donec propinquet, non consolabitur,
 & non discedet donec Altissimus aspiciat. *d*
 Applica hanc clavem, & referasti cælum,
 & expugnasti eor divinum.

Qui geminas has claves aureas habent hi
 regum regi à cubiculis sunt primæ admis-
 sionis amici, summæ nobilitatis magnates.
 Orando & eleemosynas erogando jus civita-
 tis supernæ, nomen nobilitatis aternæ ob-
 tineretur.

A 5 CA-

a Dan. c. 4. v. 24. *b* Tob. c. 4. v. 11. & 12.

c Aug. in psal. 57. & in Psal. 61. mihi p. 257.

d Eccli. c. 35. v. 21.

ongi langu
 itus, sed art
 suo princip
 accepit. Sa
 fortunam
 n perforavi
 avit: Scitun
 mihi est me
 clavis aurea
 hæc una cla
 r hæc & mo
 potest, quil
 s & format
 largitio, fe
 Eleemosyn
 Eleemosyn
 im, ed spiri
 tur. Hiero
 tituens: Nul
 nobilitate
 e natus te in
 nostra perso
 s hominum
 n. Sola apu
 ire peccatis
 est clarum
 reâ Hebrau
 Quamobrem
 laceat tibi, &
 , & iniqui
 tate
 litati insigni

CAPVT II.

*Tobias inter omnes tribules suos
eximius.*

TOBIAS genus & patriam exposuimus. Positum viri nomen, continuo multiplex comitatur elogium.

I. Puer etiamnum & pæne infans, puerile nihil aut infantile moribus præ se tulit. Cūque esset junior omnibus in tribu Nephtali, nihil tamen puerile gessit in opere. ^a

II. Ceteris omnibus ad Jeroboami vitulos aureos properantibus, ille solus Hierusalem ibat, & templum Domini frequentabat. Ita divinæ paginæ testantur. Denique cū irent omnes ad vitulos aureos, quos Jeroboam fecerat rex Israël, hic solus fugiebat consortia omnium, & pergebat in Hierusalem ad templum Domini, & ibi adorabat Dominum Deum Israël. ^b

III. Societatem hominum pravorum cautissimè declinabat; illud Siracide monitum sectatus: *Qui tetigerit picem, inquinabitur ab eâ, & qui communicaverit superbo, induet superbiam.* ^c

IV. Omnia primitiva sua & decimas suas fideliter offerebat, ita ut in tertio anno profelytis & advenis ministraret omnem

deci-

^a Tob c. 1. v. 4 ^b Ibid. v. 5. & 6.

^c Eccii. c. 13 v. 10

decima
tissimu
V. H
Dei pue
rabat, st
rabat, tr
precibus
memoria
phus icr
sic educa
nabulis
Quemad
ram cor
præcepti
pueris.
& pæne
combibi
bus sing
cum sum
vitulos a
omniur
tribules
mus.
a Tob
Incre
ercitui p
decanta
Tarquin
strinum
duxit. F
licio irru
mam po

decimationem. *a* Fidelissimus debitor, mi-
tissimus exactor.

V. Hæc & his similia secundum legem
Dei puerulus observabat: *b* parentes hono-
rabat, statis de die temporibus Deum ado-
rabat, mensam, somnum, actiones omnes
precibus Deo commendabat, leges divinas
memoriæ diligentissimè mandabat. Jose-
phus scriptor Græcus Hebræorum liberos
sic educatos asserit, ut in ipsis panè incu-
nabulis divinas leges caperint ediscere.
Quemadmodum alicubi locorum, ubi mo-
rum corruptela est, politica Machiavelli
præceptiones vel in cunis immulgentur
pueris. Ita Tobias etiamnum parvulus,
& panè cum nutricis lacte leges divinas
combibit. De his singulis Tobiaz acti-
onibus singulariter agendum foret. Sed uni-
cum sumemus illud: Cùm irent omnes ad
vitulos aureos, hic solus fugiebat consortia
omnium. Ergo Tobias inter omnes suos
tribules eximius. Quod jam uberius dice-
mus.

a Tob. c. 1. v. 6. & 7. *b* Ibid. v. 8.

6. 1.

Incredibile prorsus videtur unicum ex-
ercitui posse resistere. Sed id factum docent
decantata veterum historiæ. Rex Persena,
Tarquinius reges expulsos in gradum pi-
strinum restitutus exercitum ad portas per-
duxit. Hetruscis jam in urbem ponte sub-
licio irumpentibus Horatius Cocles extre-
mam pontis partem occupavit, totumque
hostium

hostium agmen, donec post tergum suum
 pons abrumperetur, infatigabili pugna su-
 stinuit. Atque ut patriam imminente peri-
 culo liberatam vidit, armatus se in Tibe-
 rim misit, non fluvii altitudine dejectus
 quassatusve, non pondere armorum pressus,
 nec ullo vorticis circuitu actus; ne telis
 quidem, quæ undique congerebantur, læ-
 sus, tutum natandi eventum habuit. Unus
 itaque tot civium, tot hostium in se oculos
 convertit, stupentes illos admiratione, hos
 inter latitiam & metum hæsitantes: unus-
 quisque duos acerrimam pugnam confertos ex-
 exercitus, alterum repellendo, alterum pro-
 pugnando, distraxit. Denique unus urbi
 Romæ, tantum scuto suo, quantum Tibe-
 beris alveo suo, munimenti attulit. Qua-
 propter discedentes Hetrusci dicere potue-
 runt: Romanos vicimus, ab Horatio victi
 sumus. Ita vir unus in multa millia hostilis
 exercitus pugnavit. Sed Horatium Cocli-
 rem salvere ac valere jubemus. Tobias ad-
 huc puerulus adversus populi multitudinem
 ingentem stetit, pugnavit, gradu se moveri
 neutiquam passus: Cum irent omnes ad vi-
 tulos aureos, hic solus fugiebat consortia
 omnium. Cum omnes ederent ex cibis gen-
 tilium, iste custodivit animam suam, &
 nunquam contaminatus est in escis eorum.
 Videte puerum, qui in suâ gente multa mil-
 lia adultorum abstinentiâ, fide, constantiâ,
 longè superavit. Verè lilium in spinis, lam-
 pas in obscuro, smaragdus in luto, sidus in
 tenebris: columba in accipitrum medio, o-
 vis

vis in lu-
 ta fidei
 omne
 Deo ad
 Pulch
 ximarum
 enervat
 formis
 ego exi
 si hoc a
 Mundi
 emphis
 ces sun
 lia, ne
 nam si
 lucrum
 non am
 que us
 cenda
 mo alit
 omnes
 nes. 7
 sis aut
 se cupi
 ero. C
 omnes
 alter al
 brachia
 Quis el
 totoqu

Tob
 nium.

vis in luporum circulo, sanctus & impolluta fidei inter improbissimos. Nephthalitz omnes idololatraz. Tobias solus uni & vero Deo adhæsit.

Pulchella Mundi ratiocinatio est, & maximarum virium, quæ etiam fortes animos enervat: Syllogismus iste est, sed planè informis: Tamen alii omnes hoc faciunt. Cur ego eximi numero & singularis esse velim; si hoc aliis, cur mihi non liceat? Hoc illud Mundi robustissimum epicherema est. Exemplis rem monstramus; vulgarissimæ voces sunt: 1. Omnes jam vivunt bacchanalia, nemo sobrius. 2. Quisque ad crumenam suam vigilat, quisque suum venatur lucrum. 3. Nemo est, qui corporis cultum non amet. Hoc vestigium genus jam ubique usitatissimum. 4. Hanc pecuniæ exercendæ rationem nemo non sequitur. 5. Nemo aliter hac de re loquitur. 6. Ad quietem omnes properamus, laborem fugimus omnes. 7. Nemo tolerat se dictis contumeliosis aut acerbis peti. 8. Nemo non amicus esse cupit reginæ pecuniæ: certè nec ego hostitero. Centum talia: Hoc omnes faciunt, omnes, omnes; ego unus sim eximius? Sic alter alterum ad gehennam suaviter inter brachia ducit; alienis perimus exemplis: Quis est, qui cum paucis, quis est, qui serid, totòque pectore solus cupiat potiri celo?

§. II.

Tobias solus fugiebat consortia omnium. Noëmus solus inter nequissimos bonus:

nus: Noë vir justus atque perfectus fuit in generationibus suis. Omnis caro corruerat viam suam. Mundus fœtentium hircorum refertissimus, solus ovicula Noëmus, cui dixerat Deus: Te vidi justum coram me. *a* En hic solus. Josephus in Ægypto, quàm non sanctâ domo exceptus est? Dominus, aulæ affectâ non magnam domûs curam habuit, domina impudica & nequam femina, ancillâ dominâ non sanctiores, invecundâ; domestici omnes idololatræ. Unicus Josephus inter tot corvos & Harpyias veluti columbula se continuit. Deum coluit, virtuti studuit. En iterum hic solus. Jobus idëa patientiæ, solus veri Numinis cultor inter idolorum fervos. Vir erat in terrâ Hus, ubi homines impii idololatræ, nequiores quàm bestiæ. Hinc ille ingemiscens: Frater, inquit, fui draconum & struthionum. *b* Ille tamen unus religione in Deum, vitæque sanctimoniâ eminuit, & ad mores paternos, suos quoque filios formavit. En etiam hic solus. Non adëo magnæ artis est probum inter probos, sed inter improbos probum perseverare. Quod Gregorius eruditè commendans: Sicut enim, inquit, gravioris culpæ est inter bonos bonum non esse, ita immensi est præconii, bonum inter malos exitisse. *c* Lothus inter Sodomæos & Gomorrhæos, salaces hœdos, vir integerrimus, quem Petrus Apostolus laudans: Aspectu, inquit, & auditu justus erat,

a Gen. c. 7. v. 1. *b* Job. c. 30. v. 29.

c Greg. tom. 2. l. 1. moral. c. 1. mihi pag. 316.

erat, ha
animar
bant.
Arima
res com
pronun
unus d
unus c
reus m
lio &
Horati
eximit
scribi
Satan
gasti
lial rel
non es
rus A
nensi
obstit
centim
ximè
tiam
restiti
licet r.
desert
pendi
Carol
toti A
fustul
set, a
non

a 2

c 1

erat, habitans apud eos, qui de die in diem animam iustam iniquis operibus cruciabant. *a* Ecce iterum hic solus, Josephus ab Arimathæâ inter septuaginta duos senatores confederat, qui omnes in Christi caput pronuntiârunt: Reus est mortis. Quid ille unus & solus hic diceret? Solus tamen & unus contrariam dixit sententiam: Non est reus mortis: non enim consenserat consilio & actibus eorum. *b* Ecce & hic solus, Horatius Coles, Tobias inter suos omnes eximius, Episcopo Pergami vox divina hæc scribi iussit: Scio ubi habitas, ubi sedes est Satana, & tenes nomen meum, & non negasti fidem meam, *c* Medius filiorum Belial religionem non mutavit, mores sanctos non exiit. Ecce & hic solus, Thomas Morus Angliæ sidus illustrissimum in Londinensi curiâ consedit, consiliis regis improbis obstiturus: ceteri suadentes omnes & Placentini senatores id decreverunt, quod maxime rex Henricus voluit, in cuius sententiam omnes alii concesserunt, solus Morus restitit, illas Baptistæ voces usurpans: *Non licet tibi.* Ecce hic solus viam veritatis non deseruit, caput insuper huic sententiæ impendit, verè curiæ Britannicæ Phoenix. Hinc Carolus V. Imperator dixit: Rex Henricus toti Angliæ caput amputavit, cum Morum sustulit. Si Morus præ ceteris videri voluisset, aut solâ restitisset pertinaciâ, laudem non tulisset. At verò dicente scientiâ &

con-

a 2. Pet. c. 2. v. 8. *b* Luc. c. 23. v. 51.

c Apoc. c. 2. v. 13.

us fuit in
corrupe-
m hirc-
Noëmus,
oram
Egypto,
est? Do-
m domus
& ne-
sanctio-
es idolo-
corvos &
ntinuit.
iterum
solus veri-
vos. Vir
mpitido-
Hinc ille
raconum
religione
minuit, &
filios for-
adeo ma-
s, sed in-
re. Quod
Sicut e-
ter bonos
præconi-
thus inter
s hædos,
Apostolus
lita iustus
erat,

pag. 316.

conscientiâ caput consecrare veritati, hoc sanè immensè est præconii. Ecce hic solus Tobias verus Phœnix.

Quotidianum est bonæ mentis homines inter improbos versari. Est famulus, aut ancilla in domo, in quâ mores regnent pessimi, de quâ vix alio modo judicare possis quàm isto. Mi Deus, quàm dissolutis moribus in hac domo inquilini sunt, quàm vita hîc vivitur vitiosa, estur, potatur, luditur totos dies, totas subinde noctes. Exclusum est his ædibus jejunium, exclusa pudicitia omnis; turpia, obscœna verba pænè omnium ore sparguntur; exempli boni vix quidquam videas. Precando mensam adire, aut ab eâ recedere pænè dedecori est; somnum ut pecudes ordiuntur. Hæc mihi parum videntur christiana, hæc divinis legibus non conformia. Hunc ergo domesticorum furorem non sequar. At irridebor, & vexabor? Parum refert: modò id Deo Angelisque placeat. Ecce hic solus; ecce hic Tobias. Iste custodit animam suam, hic sanctus est. Hæc talis ancilla non servit vitiis, animo libera, inter spinas rosa est. Quod Origenes per prisca legis sanctos confirmans: Qualis fuit Melchisedech, inquit, in medio Chananæorum, qualis Abraham in medio Chaldæorum, inter profanos sanctus, inter obscœnos mundus, pius inter impios. Sunt etiamnum in Orbe, non dubitem, ejuscemodi latentes sancti, quos difficile est digitis demonstrare, & dicere: *hi sunt.* Isti custodiunt animas suas. Deus defendit

defendi
ne.

Vnic
quàm a
des ape
quit, u
impil.
idem o
unus fa
meri p
lo dict
bus cor
in hom
probis
compu
do viti
nec se
cipiens
ciendu
rum ac
Nec er
boni.
qui ur
ut mo
his nu
non t
ideò p
non id
cultor
pauci
Math
Anthi

a E
c 2,

defendit illos ab omni vitiorum turpitudine.

Vnicus talis homo pluris est apud Deum, quàm aliorum multa millia. Quod Siracides apertissimè confirmans : Melior est, inquit, unus timens Deum, quàm mille filii impii. *a* Hoc Chrysostronus expendens, & idem omnino adstruens : Melior est, inquit, unus faciens voluntatem Dei, quàm innumeri peccatores. *b* Davidi regi olim à populo dictum : Tu unus solus pro decem millibus computaris. *c* Idem hic usurpare liceat in hominem inter improbos tam castis & probis moribus viventem. Hic unus solus computatur pro decem millibus. Multitudo vitiiis favens non curanda quidquam, nec sectanda. Quod Deus expressissimè præcipiens : Non sequeris, ait, turbam ad faciendum malum : nec in iudicio plurimorum acquiesces sententiæ, ut à vero devies. *d* Nec enim refert, quàm multi, sed quàm boni. Socrates imprudentissimum iudicat, qui unicum adulterinum nummum rejicit, ut monetam improbam, & marsupium his nummis plenum admittit, ut pretium non spernendum. Argentum falsum non ideò probum est, quia multum est : vitia non ideò laudanda, quia plurimos habent cultores & patronos. Laurigeri multi, pauci Phœbi. Eam ob rem optimus princeps Mathathias, cum suaderetur ei à multis, ut Anthiocho regi pareret, & præsentì sese

necessi-

a Eccli. c. 16. v. 3. *b* Chryf. hom. 8. in Acta.
c 2. Reg. c. 18. v. 3. *d* Exodi. c. 23. v. 2.

necessitati attemperaret, voce generosissimâ dixit: Etsi omnes gentes regi Antiocho obediunt, ego & filii mei & fratres mei obediemus legi Patrum nostrorum. Propitius sit nobis Deus, non est nobis utile relinquere legem & iustitias Dei. *a* Engermanum Tobiaë imitatore. Hic geminum documentum exactius observandum.

a 1. Mach. c. 2. v. 19. & seqq.

§. III.

I. Cùm irent omnes ad vitulos aureos &c. Mundum inspicere, imò teipsum intueri, ad vitulos aureos nemo non festinat. Pecunia obediunt omnia.

Scilicet uxorem cum dote fidemque & amicos

Et genus & formam regina pecunia donat. a

Dat census honores, inde gravis iudex, inde severus eques. *b* Atheniensium nummi bove, Peliponesiorum testitudine signati. Hinc verum & vetus verbum: Virtutem & sapientiam vincunt boves, vincunt testudines. *Quantum* quisque suâ numerum servat in arcâ, tantum habet & fidei, religionis, nobilitatis, ingenii, dignitatis.

Protinus ad censum; de moribus ultima fiet

a *Quaestio. Quot pascit servos? quot possidet*

agri

In terra? Quàm multâ, magnâque paropside cenat?

Quan-

a Horat. l. 1. epist. epist. 6. ad Numicium, *mihi* pag. 253. *b* Ovid. l. 3. Amor.

*Quantum quisque sua nummorum servat in
arca*

Tantum habet, & fidei. — — a

*O cives, cives quarenda pecunia primum
est,*

Virtus post nummos. — b

Aurum potest omnia. Quidvis numis praesentibus opta. O igitur beatus vir, o ter beatus, qui post aurum vitulosque aureos non abit.

Vilius argentum est auro, virtutibus aurum. c

Quaestio hic sit, num fusiles hi vituli è puro puto auro sint conflati? Ajo, non vitulos fuisse, sed vitulorum capita, eaque aurea. Hæc illa Hebræorum idola, quorum effigie in Aegypto utique viderunt, & ad suos ritus impiè transfulerunt. Vitulari, priscis erat lætitiâ exultare, uti amœnitate vernâ pecudes in pratis solent. Quivis hominum à suo protoplasto suos habet impetus, & procurfus, seu latentem petulantiam, seu exultantem lætitiâ, aut vehementem excandescentiam aut triticam & lacrymis exundantem tristitiâ. Hinc propensiones & affectus diversissimi: alii in aliud ferimur, sua quemque trahit voluptas, eaque sibi dissimillima. Sunt, quibus summa sit voluptati viles animas ad jurgia & pugnos mutuos concitare. Alii potando, alii ludendo, alii venando plurimum oblectantur. Aliquorum indoles summis studiis querit nummos, alii honores

& digni.

a Juvenal. sat. 3. v. 140 b Horat. epist. l. 1. epist. ad Mæcen. mihi pag. 245. c. Horat. l. cis.

& dignitates aucupantur industriâ incredibili, plurimi ad cultum pompâque vestium curam atque operam omnem conferunt. Juvenilia desideria, aurea vitulorum capita. Timotheum commonefaciens Paulus: Juvenilia, inquit, desideria fuge. Cum igitur omnes ad vitulos eant aureos, & suam quisque cupiditatem ac libidinem sectetur, vos soli, quicumque in rem vestram sapitis, custodite animas vestras, juvenilia desideria fugite. Exemplis optimis præit Tobias. Hic solus fugiebat consortia omnium, & pergebat in Hierusalem Domini & ibi adorabat Dominum Deum Israël. Ninive, ubi Tobias habitabat, colluvies erat idololatriæ, vitiorum officina, & tamen ab omni sese turpitudine Tobias abstinuit. Hic nempe solus. Neminem pigeat virtuti solum operari; nec enim pigeret, si posset, vel solum cælo frui, Dei aspectu potiri.

II. Deus subinde præmium in hac etiam vitâ tribuit, qui nullam actionem bonam mercede suâ destituit. Hæc illa Numinis paterna in suos est providentia. In exilio Tobias longè fuit felicior, quàm in patriâ; Deus illum periculis plurimis subduxit, & eas concessit facultates, quibus familiam honestissimè aluit, insuper & egenos juvit. Macello & lanienæ destinatus à Sennacheribo rege incolumis evasit, à Gabelo pecuniam mutuo datam recepit, optatissimum filii matrimonium vidit, visum perditum.

ICP

a 2. Tim. c. 2. v. 12.

P
recepit, a
divina p
tio Dom
mon: qu
Anno
mo trige
ea egit i
annis nih
lectum c
qualem &
dio ageba
bant, & l
tibus lapi
in sensu
ac provis
cumspic
tissimè c
nar. Om
spirituum
igitur De
cogitatio
& ad ult
vina te p
in omni
tuo hære
vina Prov
lissimum
missimus
Hanc im
peros du
scuto isto
defendi.
a Prov
Jun. l. 6. e
d Prov

recepit, aetatem longissimam vixit. Scutum divinae providentiae illum protexit. Benedictio Domini super caput iusti, a dixit Salomon: quod verissimum fuit de Tobia.

Anno Christiano millesimo sexcentesimo trigesimo primo b Vesuvium montem ea egit intemperies, ut à mille quingentis annis nihil tam terribile visum, auditum, lectum credatur. In ejusmodi terræ motu, qualem & Plinius secundus narrat, qui sub dio agebant, cervicalia capitibus imponebant, & linteis constringebant, ne à volantibus lapidibus læderentur. Beatus vir, qui in sensu cogitabit circumspeditionem Dei, c ac providentiam infinitam, quæ omnia circumspiciendo intuetur & lustrat, omnia rectissime disponit, ordinat, regit ac gubernat. Omnes viæ hominis patent oculis ejus: spirituum ponderator est Dominus. Huic igitur Domino revela opera & dirigentur cogitationes tuæ. d Quidquid agis, ad Deum, & ad ultimum finem tuum referas, & divina te providentia amantissime semper & in omni loco proteget. Hoc cervicali capiti tuo hæreat, & nusquam non tutus ibis. Divina Providentia non solum cervical est molliissimum, sed adversus mala & pericula firmissimum scutum, præsidium tutissimum. Hanc imponamus capiti & in viâ, quæ ad superos ducit, pergamus. Sub hoc cervicali, sub scuto isto non potest lædi, nisi, qui non vult defendi.

C A

a Prov. c. 10. v. 6. b Similem describit Plin. lun. l. 6. epist. 20. fine. c Eccli. c. 14. v. 22;

d Prov. c. 16. v. 22. & 23.

CAP V T III.

Tobias in cogitando Deo assiduisſimus.

Tobias adeò honestè, & sanctè se gessit, Tur rex Salmanasar hunc captivum suum eximiè amârit, eumque gratiâ non simplici honoravit. Nam Tobias integrum erat eundi, quò vellet, agendi quò liberet. Deinde ad insigne in aulâ officium adscitus est. Erat enim, quod Græci dicunt ἀγογῆς, quidquid emendum, Tobias emit, cibum, potum, vestem, jumenta, equos, vasa, suppellectilem. Tobias Oeconomus & procurator aulicus fuit, nec defuerunt ampla dona, quibus rex suum sibi famulum artius devinciebat. Ex his Tobias in aliòs suæ gentis plurima liberalissimè derivabat. Nam ad omnes unâ captivos frequentissimè revisebat, solatiis & monitis instruebat, adversis non frangi docebat: Pergebat, ait sacer historicus, ad omnes, qui erant in captivitate, & monita salutis dabat eis. a Gabelo sui generis viro non abundantè decem argenti talenta dedit mutua. Ad nostram monetam philippeorum sex millia. Cardanus censet fuisse ducatorum quinque millia. Tobias in super omnes ubique pauperes miseratus famelicis cibum, seminudis vestitum, mortuis sepulturam dedit, in neminem non beneficus. Et quod honestissimas actio-

a Tob. c. i. v. 16.

actiones ist
duam Dei
quoniam
de suo, de
Salmanasa
tando De
assiduam
tantam in
tes auget,
est occulti
Dei in tot
fundamen
candum.
a Tob. c.

Tobias
de suo, ne
nis, sed
Atque ho
Deo, pe
mumque
dere & in
in hoc or
vel horula
memineri
xerit. Th
nas: Obl
dens sign
rix, qua
vilipensio

a Cing
b S Th

actiones istas plurimum commendabat, assiduam Dei memoriam peccatore fovebat. Et quoniam memor fuit Domini in toto corde suo, dedit illi Deus gratiam in conspectu Salmanasar regis, *a* Tobias ergo in cogitando Deo assiduissimus. Memoriam Dei assiduam in animo nutrire, non animum tantum incredibiliter juvat, sed & facultates auget, & quidquid agendarum rerum est occultis beatissimis successibus. Memorem esse Dei in toto corde suo, veræ sanctimonix fundamentum est, quod jam uberius explicandum.

a Tob. c. 1. v. 13.

§. I.

Tobias memor fuit Domini in toto corde suo, nec enim meminisse tantum Numinis, sed ex toto corde voluit meminisse. Atque hoc est omnia cum Deo, omnia in Deo, per Deum omnia transigere, animumque suum penitus in Deum transfundere & immergere, *a* quod vivendi genus in hoc orbe felicissimum est, quando quis vel horulam credit infelicem, quâ Dei non meminerit, aut animum ad divina non erexerit. Theologorum princeps Thomas Aquinas: Oblivio, inquit, parvi pensionis est evidens signum, cum ea magis infigamus memorix, quæ magis æstimamus *b* Oblivio Dei, vilipensio Dei. Rex David hoc uno prænotatus:

a Eingotten/ vbergotten/ durchgotten.

b S Thom, 1. 2. q. 47. art. 2. ad 3.

tatus: Providebam, inquit, Dominum in conspectu meo semper: *a* providebam, quia diligebam, & idèò diligebam, quia memoriam dilecti semper retinebam. Contrarium est cernere in homine improbo, qui Dei memoriam excutiens in vetitum ruit, quod Psaltes dixit: Non est Deus in conspectu ejus, inquinatæ sunt viæ illius in omni tempore. *b* E diverso mundæ sunt viæ illorum, qui memores sunt Domini in toto corde suo. Germanam in Tobiâ hujus rei effigiem habemus. Oblivio Dei, interitus animi. Memoria Dei assidua, non dubia hominis sanctimonia.

Hoc plurimum auget amorem divinum, quotiescunque enim Dei meminimus, Deumque cogitamus, velut ligna subjicimus huic amoris igni fovendo.

Deinde patientiam mirificè roborat hæc Dei memoria, quæ animo identidem suggerit: Recordare IESVM, aspice flagellis cæsum, intuere spinis coronatum, suspice cruci suffixum; vide morientem. Summæ cernis exempla patientiæ: Bibe, fili mi, bibe servule impatiens è calice, quem tuus ebit Dominus.

Tertiò hæc Dei memoria validè à peccatis committendis retrahit, nam fieri non potest, ut seriò in Deum affectu ferar, mox tamen abeam, & in scelus me præcipitem. IESV dulcis memoria, dans vera cordis gaudia. Hinc sanè non quæruntur falsa. Eam ob causam Tobias filio suo præcepit: Omnibus

a Psal. 15. v. 8. *b* Psal. 10. v. 6.

nibus dieb
Deum, &
sentias. P
peccatum.

Quartò
hominis
sanctâ be
moriâ Dei
minis em
lentissimè
niam mer
suo: Mox
tur: Dedi
Salmanaf
cogitarèq
memor tu
gratiam. E
dnâ Deum
que adhæ
nexu, idci
tates illius
prosperita
In omnib
& ipse dir
bias filio
pore, ait,
vias tuas
ipso perm
tas, afflic
plecti.
Quintò
Dei mem
profectu n

a Prov. 10.

dibili. Abrahamus Deus imperaverat : Ambula coram me , & esto perfectus. *a* Conatus certè id facere , ambulavit coram Deo. Dixerat Deus : Patriam tuam & omnem cognationem tuam desere ; obedivit , deseruit. Jusserat Deus : Circumcisionem recipere ; paruit , recepit. Præceperat Deus : Filium tuum uti vitulum in victimam jugulare ; Non resistit , manum gladio armavit , jugulare voluit , ferire cœpit. Quidquid injunxisset ei Deus , quàm promptissimè fecisset , quia coram Deo ambulavit , hoc est , jugem Dei memoriam retinuit. Hinc maximis facultatibus & copiâ rerum omnium abundavit , vir longè ditissimus , cui semper præsto essent trecenti octodecim famuli. Memoria Dei solet esse opulentissima.

a Genes. c. 17. v. 2.

§. II.

Rex Sionis David sibimet gratulatus unicè : Dominus , inquit , regit me , & nihil mihi deerit. *a* Deus auriga meus est , ego patulo vehor pilento , & meum ante me aurigam semper aspicio ; ita hîc tutus confideo , subinde suaviter in hoc curru dormio , quia pericula non metuo , sed totum me divinæ providentiæ committo ; vias omnes & viarum compendia novit auriga meus. Ubi hospitium mihi fuerit accommodatum , subsistet , & hospitio me reficiet opportuno ; Dominus regit me ; nihil mihi deerit , ni-

a Psal. 23. v. 1.

hil unqu
xerit, qu
fuero. Hi
unū istud
neam, no
liam; du
deerit.

Atque
semper m
læ toties
in conspe
per ad De
lectatus s
dictis, se
illâ brevi
esse, & ve
Domine J
istud cen
in omnib
get gressu
nas voces
fiduè ani

Joseph
longè po
tamen ei
gratiam,
rus omni
gubernan
tus faven
suz credi
Pharao re
randâ ei

a Psal.
c Psal.

hil unquam, quamdiu me Dominus ita re-
 xerit, quamdiu ego in hoc curru progressus
 fuero. Hinc omni cogitatione, curâque in
 unū istud incumbo, ut in curru hoc perma-
 neam, ne fortè subitâ temeritate hinc desi-
 liam; dum mansero, felix ero, & nihil mihi
 deerit.

Atque hic Hebræi regis animus erat, Dei
 semper meminisse. Hinc notissimæ voces il-
 læ toties repetitæ: Providebam Dominum
 in conspectu meo semper. *a* Oculi mei sem-
 per ad Dominum. *b* Memor fui Dei, & de-
 lectatus sum. *c* Hinc ego, mi Lector, toties
 dixisti, scriptisque urgeo, & precatiunculam
 illâ brevissimam omnibus familiarissimam
 esse, & vel uno die millies ingeminari cupio:
Domine JESU, miserere mei, & dirige me. Dic
 istud centies, vel unâ horâ, die millies. Ita
 in omnibus viis cogita Deum, & ipse diri-
 get gressus tuos. Imò vel illas solum gemi-
 nas voces: *Domine JESU, identidem & af-
 fiduè animo vel ore ingemina.*

Josephus licet servus, licet extra patriam
 longè positus, licet alienigena & Hebræus,
 tamen ei Deus in Ægypto tantam aspiravit
 gratiam, ut Putiphar primus illius Domi-
 nus omnem domum suam commiserit illi
 gubernandam. In ipso carcere Deum exper-
 tus faventissimum, in regios captivos curæ
 suæ creditos imperium tenuit. Demum rex
 Pharao regnum Ægypti in annonâ procu-
 randâ ei tradidit. Ad hanc honoris subli-

B 2

mita-

a Psal. 15. v. 8.

b Psal. 24. v. 15.

c Psal. 76. v. 4.

mitatem per gradus ascendit ; primò domum, dein carcerem & captivos, denique regnum parte magnâ administravit. Unde huic homini ignotò, extero, servo, captivo tanta gratia ? Memor fuit Domini in toto corde suo. Fuitque Dominus cum eo. ^a Quis Mardochæus ? Homo vilis, inglorius, & ignobilis, Hebræus, contemptus, altissimo patibulo jam destinatus, jam panè in eo pendulus. Repentè ad summas dignitates evectus, abundans & felix, regi proximus. Quæ tantæ mutationis caussa ? Mardochæus memor Domini in toto corde suo, tam mirabiles rerum eventus divinæ providentiæ adscripsit, dixitque : A Deo facta sunt ista. ^b

Daniel in Persiâ succedentibus diversis^s quatuor régibus felicissimè servivit, à singulis honore maximo affectus. Illum quidem invidia in leonum cavum dejecerat, sed divinus favor eum sospitem in lucem iterum asseruit ; ingentia ei oblata munera Nabuchodonosor cetera superbissimus Danielem tamen collegam ^c nominat : quemadmodum duo Consules sunt, qui civitatè unâ gubernant. Profectò Daniel amplissimum dignitatis gradum adeptus in summam venit gloriam. Testimonio sunt hæc verba : Erat autem Daniel conviva regis, & honoratus super omnes amicos ejus. ^d Sed unde huic Hebræo juveni tanta felicitas ? Memor erat Daniel Domini in toto corde suo, nam,

^a Gen. c. 39 v. 2. ^b Esther. c. 10. v. 4.
^c Dan. c. 4 v. 5. ^d Dan. c. 14. v. 1.

tribus te
sua, & ad
sicut & an

Tobias
ruit ? nam
constituit
Salmanaf
cunque ve
cunque fa
béque Ne
lit, cum
vus & n
Deo pro
evaferit d
innumeri
subsidiâ
genti tale
obsecro c
pulentia
dedit illi
memoria
Sed heu
curæ ac
assiduitat
& imbec
somnia,

Hanc
mis ita cu
delere po
belli, sunt

a Dan. c.

tribus temporibus in die flectebat genua sua, & adorabat, confitebaturque Deo suo, sicut & ante facere consueverat. *a*

Tobias quantis peregrinatione successibus floruit? nam uti Hebræus contextus loquitur, constitutus est super omnia, quæ habuit Salmanasar, qui dedit illi potestatem, quocumque vellet ire, habens potestatem quocumque facere voluisset. *b* E terrâ patriâ urbemque Nephtali nec obolum Tobias extulit, cum sacco Niniven ingressus, ut captivus & mendicus, in exilio nihilominus, Deo prosperante, iis crevit successibus, ut evaserit ditissimus: præterquam enim quod innumeris victum, vestitum, aliâque vitæ subsidia gratis præbuerit, decem insuper argenti talenta apud Gabelum deposuit. Quæ obsecro causa tam insigniter crescentis opulentia? Quoniam memor fuit Domini, dedit illi Deus gratiam. Hæc jugis & suavis memoria Dei viliora etiam ista secundat. Sed heu verendum est, ne pauci sint, qui curæ ac cordi habeant hanc cogitandi Dei assiduitatem. Ideo inter nos multi infirmi, & imbecilles, & dormiunt multi. Malus fomus, qui Dei oblivionem inducit.

§. III.

Hanc ego Dei memoriam omnium animis ita cuperem insculptam, ut eam nulla delere posset oblivio. Sunt annuli, sunt libelli, sunt flosculi memoriales, uti ex annulis

R 3

a Dan. 4. 6. v. 10. b Tob. c. 1. v. 14.

lis est lunula, & annulus puerus, a è floscu-
lis ferratula Chamædris, seu quercula mi-
nor. a Tales annuli, tales libelli & flosculi,
eo loco ad manum sint, ut semper sint in
oculis. Hoc aio: suam quisque conscientiam
interroget, quid frequentissimè cogitet, seu
tristia sint illa, seu læta. Atque huic rei, quã
creberrimã versat cogitatione, memoriam
Dei eã lege affigat, ut quotiescumque con-
suetã cogitatio redierit, toties unã etiam
memoria Dei recurrat. Hebræi legis divinæ
memoriale compendium vestimentis, præ-
fertim manticeis, pileis, limbis inscribe-
bant. Nos pectori pauculas has voces inscri-
bamus:

Domine JESU miserere mei, & dirige
me, *Aut,*

Domine JESU, miserere nostri, & diri-
ge nos.

Sed objicias: Qui negotiis, curis, arum-
nis pluribus submersi sunt, his talibus vacare
non possunt. Possunt optimè, modò ve-
lint: negotia juvat, curas subleuat, arum-
nas mitigat, die uno vel unã etiam horã sæ-
pius animum erigere, & Dominum JESUM
pauculis his verbis suaviter compellare: *Do-
mine JESU, miserere mei, & dirige me.* Aut
illa solùm animo versare: *Domine JESU.* Sat
longa est oratio hæc intelligentissimo Deo,
qui magis affectus nostros, quàm nostra
verba ponderat. Nihil hïc laboris, nihil im-
pensarum, nihil ardui moliminis: imò quò
sumus occupatiores, aut turbatiores, eò

crebriùs

a Dendering. b Bergis meis nit.

crebriùs
mare n
choram,
otiosa, U
mare, no
in altum
anchora
ter fluct
rio, in
funis vol
spicaturi
demum
quam id
Dei n
blivio, o
lis plebi
quit, &
ni Dei t
corderis
ruch de c
natus: V
excelsio
collecto
occiden
memori
nes suas
& mand
nis hom
hoc est,
nihil est
cudis qu
non, quã

a Den
c Ecc

crebrius sint istæ ad Deum aspirationes. Qui mare navigant, in navi secum vehunt anchoram, quæ in oculis & ad manus est, sed otiosa. Ubi verò fluctus insurgunt, & sævit mare, non tantum aspicitur anchora, sed & in altum dejicitur: Dei memoria nobis est anchora, tunc maximè usurpanda, cum inter fluctus volumur. Divo Francisco Xaverio, in navigiis aut asseres, aut anchorarii funis volumina stratum dederunt. Nos aspiciaturi somnum, aut finituri, & quidquid demum operis, aut laboris aggressari, nunquam id sine Dei memoriâ faciamus.

Dei memoria omnis boni causa; Dei oblivio, omnis mali origo. Quod Moses Israël plebi tantopere inculcans: *Observa, inquit, & cave, ne quando obliviscaris Domini Dei tui, & negligas mandata &c.* Sed recorderis, quod ipse vires tibi præbuerit a Baruch de captivorum à Babylone reditu vaticinatus: *Exurge Hierusalem, inquit, & sta in excelso & circumspice ad orientem, & vide collectos filios tuos ab oriente sole usque ad occidentem, in verba Sancti gaudentes Dei memoriâ.* *b Ecclesiastes divinas præceptiones suas conclusurus: Deum time, inquit, & mandata ejus observa, hoc est enim omnis homo.* *c Quod Bernardus explicans: Si hoc est, ait, omnis homo, ergo absque hoc nihil est omnis homo. Et reverà potius pecudis quàm hominis ritu vivit, qui Dei sui, non, quàm potest creberimè, meminit.*

B 4

Jonas

a Deut. c. 8. v. 11. & 12. b Baruch. c. 5. v. 5. c Eccles. c. 12. v. 13.

Jonas fugitivus conscendit navim, hic à nautis pro mercatore habitus & examinatus perquisitissimè, quâ patriâ, quâ domo, quâ gente, unde veniret, quò tenderet, quid operis, aut mercimonii haberet: Quod est opus tuum? inquirunt. Ad quos Jonas prot septuaginta Hebræi proceres interpretantur: Servus Domini ego sum, inquit, & Deum cæli colo. Hæc mea mercimonia, hoc opus meum. Hoc sanè sit opus & nostrum, hæc primaria negotiatio, hæc primæ sint curæ nostræ semper meminisse Dei. Ad hoc conditi sumus.

Isaias, Ezechiël, Oseas, Prophetæ alii quoties illud ingeminant: Quia oblita es Dei Salvatoris tui, ô Hierusalem, ô Damascus, ô Judæa, quia oblita es Dei creatoris tui, & fortis adjutoris tui non es recordata, propterea plantabis plantationem infidelem, & germen alienum, obliviscat filiorum tuorum & ego. ^a Dei oblivio omnis mali origo.

Subinde querimur nos mergi falsissimo mari, ærumnis multiplicibus cumulari. Verè Dei oblivio horum malorum omnium causa. Vox Domini est: Ego diligentes me diligo. Ita: Ego obliviscentes me obliviscor. Jussa Christi novimus: Quærite primum regnum Dei, & hæc omnia adjicietur vobis. ^a Quod exponeas Gregorius: Quia enim nobis, inquit, in intentione æternitas, in usu verò tēporalitas esse debet, & illud datur, & hoc ex superabundanti superadditur. Continua

^a *Isocrates c. 17. v. 10.*

^b *Math. c. 6. v. 33.*

tinua si
plo Tol
corde no
nobis de

Cæliu
pellat M
plectitur
moriâ n
stitutum
agamus

Andr
Maurus
quem &
vitæ ge
buit. M
jejunium
quinque
Zoëtar
vitu co
cum ga
mum il
tis clavi
rem circ
affixit,
corpus
monito
asperi:
provid
asperum
tor de c
jam serv
tiii occu

a Cali
b Eix

tinua sit nostra ad Deum aspiratio: exemplo Tobiaë. Memores simus Dei in toto corde nostro: Dominus reget nos, & nihil nobis deerit.

Cælius Rhodiginus memoriam illam appellat *Matutinam*, quæ illius, quod complectitur, retinentissima est. a Hac tali memoriâ matutinâ tenacissimâ opus est ad institutum, ut bonitatis divinæ nunquam agamus immemores.

Andreas Zoërdus (cujus res gestas Maurus Boëmus Episcopus conscripsit, quem & puer vidit) solitudinem & seductiō vitæ genus sectatus parcè ac duriter se habuit. Moris autem erat, ut Anachoretæ ad jejunium venum tolerandum, quadraginta quinque dactylos tuguriolis suis inferrent: Zoërdus quadraginta nuces accepit, & eo victu contentus diem Christi Resurgentis cum gaudio expectavit. Cavata quercus domum illi præbuit, hanc intus totam acutis clavis ligneis asperavit, ad caput doliarum circum b appensis quatuor lapidibus affixit, ut quocunque caput, vel reliquum corpus sese acclinaret, lapides aut clavos monitores sentiret. Monitores, Deus bone, asperi! Cum plurimis hoc idem agit divina providentia, quæ perpetuo aliquid perpeffu asperum immittit, ut nunquam desit monitor de cogitando Deo. Jam liberi turbant, jam servi non obtemperant, jam mali nuntii occurrant, jam cura somno privant, jam

B 5

a Cælius Rhodig. l. 20, antiq lect. c. 3, initio.

b Ein Kaiff.

vexat corpus, jam cruciat animus; tot mo-
nitores, quot dolores, aut mœrores, idem
omnes unâ voce dicunt: Memore esto Dei,
in toto corde tuo; Dominus regit te, & ni-
hil tibi deerit. Iugis Dei memoria virtutum
omnium cognata, bonorum plurimorum
caussa.

C A P V T I V.

*Tobias tam studiosus sepultura, quam
patiens cecitatis.*

Q VAM felix & beatus egerat Tobias Sal-
manasare imperante, tam afflicus ac
miser fuit Sennacheribo rege, qui Salmana-
sari successit, Sennacheribus tyrannus om-
nes Tobia facultates in ararium suum ra-
puit, & Tobiam occidi iussit. Hæc viro san-
cto causa fuit deserendi Niniven. At ubi
tyrannus à suismet filiis jugulatus, Tobias
Niniven rediit, pristinam domum suam re-
cepit, facultates denuò acquisivit, quas utrâ-
que manu in egenos tribuit. Nam festo die
Pentecostes, cum lautius parasset prandium,
solus epulari non sustinuit, sed suæ religio-
nis pauperes ad illud invitavit. At audiit
Hebræorum aliquem jugulatum jacere in
viâ, ille mox accubitu exiliens, velut venâ-
tor visâ prædâ, relictis epulis impransus ad
cadaver properavit, quod furtivâ pietate ra-
piens, quam potuit occultissimè in ardes
suas deportavit, ut illud sub primas tenebras

caute

caute sen-
ad men-
dum sup-
cinium in-
tentur in-
occafum
texerat,
animus
pietatem
simplicem
ajebant,
& vix est
sepelis n-
vinaſque
hominum
occultab-
bus ea se-
Conti-
turis fati-
tem in g-
rer, hia-
num ni-
intuleru-
cum ab-
mandat-
tus cont-
evenit
manſit,
vitæ suæ
quàm p-
& ſepel-
uberius

a A
b T

cautè sepeliret. Tam optimis spoliis ditatus ad mensam rediit epulas luctu temperans, dum super mensam Prophetæ Amos vaticinium memoraret: Dies festi vestri convertentur in lamentationem & luctum. *a* Ad occasum verò solem cadaver, quod interdium texerat, humavit. Tam pius in defunctos animus non placuit cognatis amicis, qui pietatem hanc velut temerariam, & nimis simplicem graviter objurgantes: Nonne, agebant, hujus rei causâ interfici jussus es, & vix effugisti mortis imperium, & iterum sepelis mortuos: At verò Tobias Deum, divinâsque leges magis veritus, quàm dicta hominum, rapiebat occisorum corpora, & occultabat in domo suâ, dum mediis noctibus ea sepeliret.

Contigit autem, ut quadam die à sepulchris fatigatus domum rediret, & ad parietem in grabato se componens obdormisceret, hiantibus oculis: in quos ex hirundinum nido excrementa calida defluerunt, intuleruntque cæcitatem. At verò Tobias, cum ab infantia semper timuerit Deum, & mandata ejus custodierit, non est contristatus contra Deum, quòd plaga cæcitatatis ei evenerit, sed immobilis in Dei timore permansit, agens gratias Deo omnibus diebus vitæ suæ. *b* Tobias tam studiosus sepulturæ, quàm patiens cæcitatatis. Hic geminum istud & sepeliendi studium, & patiendi robur uberius explicandum.

B 6

f. J. Se-

a Amos. c. 2. v. 10.

b Tob. c. 2. v. 13. & 14.

§ I.

Sepulture cura & sedulitas apud Hebræos magna fuit. Quâ quidem in re, quemadmodum in genealogiis & stemmatum libris æternam, quâ liceret, sui memoriam quaesierunt. Deinde fides, quæ reditum à morte ad vitam expectat, nondum irroborationem, quamvis eam his ipsis sepulturis viderentur restari. Abrahamus conjugii Saræ locum sepulture quadragentis argenti siclis monetâ probâ emit. Idem officii Isaac Rebecæ & Lia præstitit. Iacob Ægypto voluit efferri quibuscumque demum sumptibus, & in Palestina humari. Hæ curæ funebres in omni præscâ lege obtinuerunt. Augustinus causam assignans: Non sunt, inquit, abicienda corpora defunctorum, maximè iustorum ac fidelium, quibus tanquam organis & vasis usus est Spiritus sanctus. ^a Ambrosius sui discipuli dicta confirmans: Nam si viventes nudos, ait, lex operire præcipit, quanto magis debemus operire defunctorum corpora. Si viantes ad longiora deducere solemus, quanto magis in illam æternam domum profectos, unde jam non revertentur? Ego, inquit Job, super omnem infirmum flevi. Quis infirmior defuncto? Nihil hoc officio præstantius, ei exhibere officium, qui tibi jam non possit reddere. ^b Theologorum assertio est gravem committi noxam, si corpora Christianorum inhumata destituantur.

^a Aug. l. 1. de Civit. c. 13. ^b Ambr. tom. 4. l. de Tobia. c. 1. mihi. pag. 304.

destituant
loquunt
Historia
se abject
plicium
na maxi
latis fit

Alian
Lex eria
fuit: Si
ver incie
sepeliat.
ut dux
neglect
ret. Fer
possent
in vitâ E
chrum
Vincen
direptio
rebus g
vari. Q
Fera, in
eorpori
nes neg
dicare
tamen

a A
b A
pag. 410
centio g
inimica
servatum
c A

destituantur. Nam opera charitatis, ut ipsi loquuntur, in casu necessitatis obligant. Historia Machabæa Iasonem insepultum esse abjectum memorat in commeritum supplicium, quod aliis hoc injuriæ fecisset. Poena maxima, privari sepulturâ, quod patibulatis fit & suâ manu jugulatis.

Ælianus de religione priscâ submonens. Lex etiam hæc, ait, inter Atticas scripta fuit: Si quis in hominis insepultum cadaver incidat, saltem terram ei injiciat, & ita sepeliat. *a* Lege Atheniensium cautum erat, ut dux, qui cæsum militem non sepelisset, neglectam hanc humanitatem capite lueret. Feræ ipsæ, cum nollēt homines, aut non possent, vespillones egerunt. Hieronymus in vitâ Pauli Anachoretæ, memorat ei sepulchrum à duobus leonibus effossum. Beati Vincentii corpus, Augustino teste, corvus à direptione volucrum defendit. *b* In sanctorū rebus gestis id crebrius factum poterit observari. Quod Ambrosius quoque adâruens: Feræ, inquit, hanc humanitatem defunctis eorporibus detulisse produntur, & homines negabunt, vindicare à volatilibus, vindicare à bestiis consortem naturæ. *c* Non tamen nesciendum hos sepulturæ honores

animo

a *Ælian. l. 5. Var. lect. c. 14. mihi pag. 178.*

b *Aug. tom. 10. serm. 13. de Sanctis, mihi pag. 410. ubi hæc conceptissima verba: Vincentio gratia conferatur, mittitur corvus avis inimica cadaveribus, expositas corporis dapes servatura jejunia.*

c *Ambros. l. de Tobia. c. 1. sine.*

animo defuncti non prodesse. Quod nec idololatræ penitus ignorarunt. Lyfimachus crucem minabatur Theodoro Cyrenæo, qui animosissimè respondens: Hæc mors, inquit, formidabilis sit purpuratis tuis: Theodori nil interest, humi an sublimè putrescat. Diogenes se mortuum in apricos campos iussit ejici. Cui amici: A feris, ajunt, laceraberis. Quibus irerum Diogenes: Date mihi ergo, inquit, bacillum in manus, avibus abigendis: Nil senties, dicunt. Quid igitur opus, ait Diogenes, cadaver magnis impendiis integrum servari, nec diu tamen servari posse. Ferarum ventre an terrâ condar, quid refert? Tot igitur ceremoniæ, sumptus, & pompa funeris; sepulturæ ac monumenti splendor, mausolæa & elogiorum artificia nil juvant defunctos.

Nihilominus hæc consuetudines indoctæ, & abusiones magnæ, ac quotidiana jam plurimum invaluerunt. Sæpe funeris sumptuosa nimium pompa est; ipsis mortuis induimus superbiam. Ah quid ista manes juvant? Verbo veteri non rarò dixeris: Honorantur ubi non sunt, & ubi sunt, cruciantur. Nec illud hic ullo modo probandum, quòd ii, qui sanguinem cognatum lugent, complures dies publicum & templum vident velut contagiosas domos. Error luculentus, & consuetudo seriò damnanda. Quid enim obsit luctui adire templum, ubi cum ceteris Deum exores, & solacium è suggestu accipias? sed satanas honestissimis etiam actio-
nibus

2 Cic. in Tusculan. question.

nibus se-
ligione

Tobia
tam reli-
mus qu
vim add
Hic tripl
Tobias a
præsent
& convi
jectum s
officiu
remus p
mamus
stulit, se
relinque
corpus
ris fecit
stum vic
non sine
3. Illu
candis
quam t
illos in
quæ no
menta,
dignitat
& Ang
Quand
pelieba
tuum &
mino.
to claus

a Tob

nibus se miscet, incautóque facillè fallit religione vaná & larvá virtutis.

Tobias certè laudatissimus ob sepulturas tam religiosè curatas. Et hic, obsecro, discamus quanti sit honesta actiõni nervum & vim addere, summâ fide, optimo animo. Hic triplex à Tobia nervus. 1. Convivium. Tobias apparavit, & convivales hospites jam præsentés habuit, nihilominus convivium & convivas deseruit, ut cadaver temerè abjectum sepeliret. Nec moras tulit tam pium officium. Nec enim auditus est dicere: Curremus priùs vivos, & paratum epulum sumamus, dein mortuos sepeliamus. Non distulit, sed statim exiliens de accubitu suo, & relinquens prandium jejunos pervenit ad corpus. 2. Naturæ ac Dei legem longè pluris fecit, quàm regis: quod æquum & justum videbatur, fecit, tametsi hoc faceret non sine grandi capitis ac vitæ discrimine. 3. Illustrem de mortalibus ad vitam revocandis fidem monstravit. Nec enim eos unquam tam sedulò sepelisset, nisi credidisset illos in lucem denuo asserendos. Hæc sunt, quæ nostris actibus maxima tribuunt momenta, & actiones à se bonas ad gradum dignitatis excellentissimum extollunt. Hinc & Angelus singulatim & significanter: Quando orabas, inquit, cum lacrymis & sepeliebas mortuos, & derelinquebas prandium tuum &c. ego obtuli orationem tuam Domino. a En gemmam nobilissimam auro clausam, en anulum pretiosissimum, sepultu-

sepulturæ studium non unâ solùm virtute decoratum. Sed hîc altera pars dictionis, tolerantia cæcitatibus inspicienda.

Summa fuit Tobias tolerantia in cæcitate perferendâ. Hîc cum psalte regio dixerimus: Verè Deus mirabilis tu es, quia omne, quod volueris, facies, *a* & sermo tuus potestate plenus est, nec dicere tibi quispiam potest: *Quare ita facis?* *b* Expostulare cum Deo nefas, facti rationem à Deo postulare non licet. Et eni iudicia Dei occulta, admiranda, semper tamen æqua. Tobias post tot virtutum officia, & actiones sanctas, dum Dei causâ laborat, cæcitatem incurrit. Hîc multi, qui valetudinem & bona fluxa nimis æstimant, aliter debuisse fieri iudicaverint. Nam Tobias eodem Pentecostes vespere à sepeliendi labore admodum fessus, cum aliquid immunditiæ legalis, à contactu mortuorum contraxisset, domum suam non omnino ingressus, sed in vestibulo juxta parietem decumbens, obdormivit; hîc hirundines in dormientis oculos dejecerunt sordes. *Quomodo* autem si dormiit? Interpretes septuaginta censent apertis eum oculis dormiisse. Pro testimonio dixit Plinius: Patientibus oculis dormiunt lepores, multiq̃ue hominum. *c* Hoc tamen mirum videri possit cum sicum hirundinis excrementum oculis medeatur, quomodo eos recens & calidum perdat *d* Nam & hirundinum pulli

fic

a Psal. 113. v. 3. *b* Eccles. c. 8. v. 3. & 4.

c Plin. l. 11 Natur. hist. c. 37. *d* Vide *Abdrevandum Ornithol. l. 17, c. 6, sine 6.*

fic cæcan
ci sunt pa
loquitur
vit illos c

Tobia
anno æ
perdidit
bos ocul
dentiam
quid qui
lum dim
casu fit,
si nostra
omnes t
& infer
Angelor
que late
que om
tura inv
autem
Quonia
diores
omnes
fi, & h
q̃tas p
illo, &
oculis e
fit. Div
ad fine
ter. e

a 8
Pante
b H
d la

fic cæcantur, eorum tamen oculares medici sunt parentes. Quâ de re Tertullianus ita loquitur: Hirundo si excæverit pullos, novit illos oculare rursus de suâ chelidoniâ. *a*

Tobias igitur usum oculorum perdidit, anno ætatis quinquagesimo sexto, sed non perdidit casu, aut fortuitò. Hic igitur ambos oculos immergamus in divinam providentiam, quæ ab omni retro æternitate, quidquid nobis tolerandum, ad unguiculum dimensa est. Nil in orbe fortuitò, aut casu fit, si divinam spectemus scientiam; si nostram, plurima. Deus puncto temporis omnes terrarum, & marium, omnes cali & inferorum recessus, ac sinus, omnium Angelorum, & hominum corda, ordiumque latebras pervidet ac penetrat, disponitque omnia sapientissimè. Non est ulla creatura invisibilis in conspectu ejus; omnia autem nuda & aperta sunt oculis ejus. *b*

Quoniam oculi Domini multò plus lucidiores sunt super solem circumspicientes omnes vias hominum, & profundum abyssi, & hominum corda intuentes in absconditas partes. *c* Opera omnis carnis coram illo, & non est quidquam absconditum ab oculis ejus. *d* Hinc nihil in terrâ sine causâ fit. Divina providentia attingit à fine usque ad finem fortiter, & disponit omnia suaviter. *e*

Augu-

a Schelwurtz/Schwalbentwurtz. Tertull. l. de Penitent. c. 12. mihi pag. 199.

b Hebr. c. 4. v. 13. *c* Eccli. c. 23. v. 28.

d Idem. c. 39. v. 24. *e* Sap. c. 8. v. 1.

Augustinus in Psalmum illum interpretatur: Confitebor tibi in toto corde meo, narrabo omnia mirabilia tua: Occultum, inquit, iudicium est poena, quâ nunc unusquisque hominum, aut exercetur ad purgationem, aut admonetur ad conversionem: aut si contempserit vocationem & disciplinam Dei, excrucietur ad damnationem. Non in toto corde confitetur Deo, qui de providentiâ ejus in aliquo dubitat. Omnia ad divinâ providentiâ regimen referantur, quæ stulti quasi casu & temerè, & nullâ divinâ administratione fieri putant. *a* Paulus in tribulatione gaudet, quia non casum, sed Dei donum tribulationem agnoscit. Ægrotat quis? si probus est, exercetur ad præmium: si improbus, monetur ad conversionem; si obduratus, præparatur ad damnationem. Moses infantulus in picatâ vimineâ fiscellâ à Pharaonis filiâ non casu, sed certo Dei consilio inventus est. Ad Hieremiam in vinculis hærentem venit, sed non casu, patruelis ejus offerens emendum prædium: Eme, aiebat, à me agrum meum, è quo tamen nec manipulus, sed nec spica meti poterat, cum Chaldæi Judæâ jam parè totâ occupatâ Solimæis portis imminerent. Nihilominus Hieremias agrum illum, qui jam in potestate hostis fuerat, signatis tabulis emit, testes adhibuit, argentum annumeravit, non casu, nec temerè, sed causam hanc addidit: Intellexi autem, quòd verbum Domini esset. *b*

Hussai

a Aug. in ps 9. mihi pag. 24.*b* Hierem. c. 32. v. 8.

P
Hussai p
greges o
nus obtu
nus abstu
factum e

Cum t
fortuito
tiam ex
cux extr
itò huic
vestis, ist
hoc casu
num mi
tur. *b* H
labatur i
Amnon
retur, cù
des in re
bellis fil
vid ad D
in te spe
manibu
que hor
rent, ex
quod te
creverit
potentia
Amb
nosor
vertere
deret:
inquit,

a
b Pr

Huffai principis armentum omne abactum, greges ovium combusti, liberi ruinâ domus obriti, non casu, nec fortuito: Dominus abstulit, & sicut Domino placuit, ita factum est.

Cùm forti nōs committimus, ^a & ex urnâ fortuitorum bonorum feliciorē sententiam exspectamus, schedulæ inanes & vacuæ extrahuntur plurimæ, sed non casu; subito huic inauratus scyphus, illi pretiosa vestis, isti pictura nobilis obtingit, neque hoc casu. Nam sortes Salomone teste, in sinum mittuntur, sed à Domino temperantur. ^b Hoc regem Hebræum David mirè solabatur in ærumnis etiam gravissimis, cùm Amnon filius clarissimus ad mēsam jugularetur, cùm nequissimus Semei verba & lapides in regem suum jaceret, cùm Absalon rebellis filius in parentem arma moveret. David ad Deum se vertens: Ego autem, inquit, in te speravi Domine; Dixi; Deus es tu, in manibus tuis sortes meæ. ^c Dicant, faciântque homines quod volunt, laudent, vituperent, extollant, abjiciant, parum interest: quod tua, mi Deus, providentia me fieri decreverit, id fiet, non istud forti, sed tuæ potentix ac voluntati adscribendum.

Ambigebat rex Babylonis Nabuchodonosor num vim bellicam in Ammonitas verteret, an verò adversus Hierusalem tenderet: Stetit enim rex Babylonis in bivio, inquit, Ezechiel, in capite duarum viarum,

^a In Stuckhassen legen.

^b Prov. c. 16. v. 33. ^c Psal. 30. v. 16.

rum, divinationem quærens, commiscens sagittas interrogavit idola, exta consuluit. Ad dextram facta est ejus divinatio super Hierusalem, ut ponat arietes, ut aperiat os in cæde, ut elevet vocem in ululatu, ut ponat arietes contra portas, ut comportet aggerem, ut ædificet munitiones. *a* Sed hæc non casu, neque fortuito factum, sed divinâ voluntate has sortes temperante. Rex quidem gravissimè deliquit, quod tanti momenti bellum sorti subjecerit, nihilominus prout Deus voluit, ita fors exiit.

Rex Israël Achab mutatâ veste in aciem prodiit adversus Galaaditas, eoque loco substitit, quo extra teli jactum esse videtur. Vir autem quidam (miles gregarius) tetendit arcum in incertum sagittam dirigens, & casu percussit regem Israël, inter pulmonem & stomachum. *b* Hoc sanè, si spectemus providentiam humanam casu factum est, neutiquam verò, si divinam. Quod Michæas apertissimè prædixit : Dei sagitta nunquam aberrat metâ. Ad sanandum, ad vulnerandum certissimæ sunt manus divinæ; non evadit ullus, quem eæ sibi ad idum destinaverint.

Cùm Joas rex Judæ animo angeretur ob vicinum hostem, humentibus oculis Elisabethum adiit, & quàm rebus omnibus urgeretur, exposuit, ejus auxilium imploraturus. Elisabethus, qui unum hunc plurimum solari & juvare poterat, sub hoc ipsum tempus ægrotavit,

b Ezech. c. 21. v. 21. & 22.

a 3. Reg. c. 22. v. 34.

ægrotavit
nec in ser
ipso anno
illac fecer
pore sepe
Elisæi abi
subito ca
casu factu
rator non
Christo,
stabulum
videntia
cit. Ita n
perdidit.
Dominu
exemplu
His jan
Germani
Sed direp
stis saviti
nitatem,
stianoru
publicæ
omne d
Domino
divinæ
nam pl
absurdiss
bem Deu
cum, q
runt, n
tuum. Sy
probe ho

agrotavit, & mortuus est, sed non casu, sed nec in sepulchrum casu illatus est. Nam eo ipso anno Moabitæ latrones irruptionem illac fecerunt, hinc cadaver hominis eo tempore sepeliendi latronum metu in tumulum Elisæi abjectum revixit. *a* Neque hoc certe subito casui tribuendam, quod maxime casu factum videri potest. Augustus Imperator non casu descripsit orbem nascente Christo, nec Christus casu pro natali domo stabulum habitavit. Hæc omnia divina providentia disponit, dirigit, ad exitum perducit. Ita nec Tobias casu oculorum usum perdidit. Hanc tentationem ideò permisit Dominus evenire illi, ut posteris daretur exemplum patientiæ, sicut & sancti Job. *b*

His jam annis, quibus hæc dixi, & scripsi, Germania bellis intestinis fuit afflictissima, Sed direptiones, cædes, funera famis & pestis sævitiem, militarium scelerum immanitatem, incendia, eversiones urbium, Christianorum principum dissidia, & quidquid publicæ calamitatis cernimus, hoc Deus omne definito consilio in nos immisit. Ita Domino placuit. Ita factum est. Sed hanc divinæ providentiæ ac voluntatis doctrinam plerumque oppugnat argumentatio absurdissima. Sic ratiocinantur: Hanc urbem Deus occupari voluit, ergo ignavia ducum, qui eam hosti diripiendam permiserunt, non est punienda. Epicherema factuum, syllogismus pessimus. Et, quæso, num probè hoc in modum concluderem: Cælestis

a 4. Reg. c. 13. v. 21. b Tob. c. 2. v. 12.

stis pater filium crucifigi voluit, ergo non malè fecerunt, qui eum crucifixerant; ergo innocentes Judæi, ergo Annas & Caiphas, ergo Herodes & Pilatus insontes. Cohæsiō, aut sequela nulla est.

§. III.

Quod de publicis calamitatibus dictum, idem de privatis rerum jacturis quibuscumque sentiendum. Dixerit quis: Hoc perdo, hoc patior, hoc metuo, hoc me penitus marcat & occidit. Verùm esto, sed hoc omne non casu, aut fortuitò, sed divinâ providentiâ & voluntate justissimâ fieri asserendum. Has in te pœnas Deus ab æternitate cum hoc tempore commensus est. Et quæso te, mi homo, hoc demum, quod tibi sæpius instillo, mente altissimâ repone: Malorum pœnalia nihil uspiam esse, quod Auctorem non habeat Deum. Verissimè dixit Augustinus: Nihil fit, nisi quod aut ipse facit, aut fieri ipse permittit. ^a Omnes miseriæ & clades, omnes ærumnæ ac calamitates, omnes pœnæ, infortunia, jacturæ tristes & acerbi casus omnes, solum si demas peccatum, à Deo sunt. Quidquid enim malorum talium humana vita, veluti Lerna in nos effundit, id omne à Deo ita volente provenit. Atque hoc explicatissimè confirmamus. Est, qui hominem innocentissimum occidit. Hæc cædes à Deo est, uti omnes injuriæ tales & injustitiæ. Quod Augustino credes,

^a Aug. tom. 7. l. 2. ad Prosp. & Hilar de dono Persever. mihi pag. 560.

qui è cen
modum
teremit,
nè, ait A
non fiere
vis ille i
Deus per
mittit De
testatem
Disputar
sis disput
pupillo a
cit Domi
potestati
habet æ
potes, i
Nunquid
fige in co
non excu
Deus, u
ramen ta
iniquita
Atque
luculent
Quanta
Et tamen
Dominu
Bonum
Domini
interfe
runt, E
etiam si
tem nou

qui è censuratus pro te ratiocinatur in hunc modum : Ergo, inquis, qui innocentem interemit, justè id fecit, an iniquè ? Iniquè sanè, ait Augustinus, iniquissimè. Et tamen non fieret, nisi Deus permitteret. Et quamvis ille iniquè fecerit, non tamen iniquè Deus permisit. Hic dixeris : Quare hoc permittit Deus? quare dat homini nequam potestatem tantam in hominem innocentem? Disputare vis, antequam facias unde dignus sis disputare. Discite bonum facere, judicate pupillo ac viduæ, & venite, disputemus, dicit Dominus. *a* Noli dicere quare dat Deus potestatem hæc faciendi, qui dat potestatem, habet æquitatem. Tu iniquè murmurare potes, ille æquitatem perdere non potest. Nunquid iniquitas apud Deum? Absit. Hoc fige in corde tuo, hoc de cogitatione tuâ non excutiat inimicus. Facere potest aliquid Deus, ut tu nescias, quare faciat: iniquè tamen facere non potest, apud quem non est iniquitas.

Atque hoc per Christi Domini mortem luculentè monstrans idem Augustinus : Quanta, inquit, bona egit passio Domini? Et tamen passio hujus justî non esset, nisi Dominum iniqui occidissent. Quid ergo? Bonum hoc, quod nobis præstitum est de Dominicâ passione, imputandum est iniquis interfectoribus Christi? Absit. Illi voluerunt, Deus permisit. Illi nocentes essent, etiamsi tantummodo voluissent. Deus autem non permisisset, nisi justum esset. Voluit

a Ita Isaiæ verba c. l. v. 17. August. recitat.

luit ergo facere impius, ut damnaretur, permissus est, uti tibi præstaretur. Quod voluit, imputatur iniquitati impii; quod permisum est, imputatur potestati Dei. Ille ergo, iniquè voluit, Deus justè permisit. Vide, quid tibi fecerit iniquus, quid justus; ille voluit, iste permisit. Ille injustè voluit, iste justè permisit. Voluntas injusta damnetur, permissio justa glorificetur. Quanta bona facta sunt justis de malo injusti? Hoc est magnum Dei, quia & bonum, quod facis, ipse tibi dedit, & de malo tuo ipse bene facit. Noli ergo mirari, permittit Deus, & judicio permittit; permittit & mensurâ, numero, pondere permittit. Apud illum non est iniquitas, tu tantùm ad illum pertine. ^a

Verùm hac in re plurimi etiamnum miserimè hallucinantur, dum causas secundas, ut in scholis loquimur, curiosissimè attendunt, causâ primâ penitus non consideratâ. Quod dixi, re simili sub aspectum pono. Fuit, ut in obeundis publicis religionibus magni principes plebem civicam præcederent. Hic spectatorum aliquis, seu principum, seu religionis contemptu, capite recto ad stare, reverentiæ nihil ostendere, & nec dominicos quidem oculos vereri. Hunc principum unus conspicatus, & ad famulû innox versus: Abi, ait, & impolito illi spectatori pileum decute, & doce genua cum ceteris submittere. A statum eò famulus pervolans stantis pileum excussit, & impactâ in tergum hastâ jussit reverentiùs adesse. At ille

^a Aug. tom. 8. in ps. 61. mihi pag. 256, & 257.

ille, licet
corpus
riâque ce
hic homo
mulo inn
dantem.
gitabat
turbas h
Nam pri
mulos, e
me irru
nistam:
Huic nat
vincia fa
Cedo igit
hi decus
hoc fecit
Nunq
tissimè.
secundar
mulum
quidem
sed prin
tantum
Hoc ip
quæcun
tur, alt
mur no
mines, r
sed caus
Deum. I
præter, q

ille, licet incultissimus homo, mox pronum corpus inclinare, pileum manu tenere, patriâque ceteris facere. Cur quæso tam facile hic homo cessit! Quia vidit principem famulo innuentem, & in aurem aliquid mandantem. Secum igitur non sine ratione cogitabat: Tam extremè stultus non sum, ut turbas hic excitem. Cedo, & obsequor. Nam princeps ille nimis multos habet famulos, etsi resistam uni, alii catervatim in me irruent, unum non metuerem. Antagonistam: tam multus non cedere, insaniam est. Huic namque principi tota civitas, tota provincia famulatur. Longæ manus regum. Cedo igitur, nec invado famulum, qui mihi decussit pileum. Ad sui principis nutum hoc fecit.

Nunquid non prudenter istud? prudentissimè. Nam causam primam attendit, non secundam; Dominum jubentem, non famulum exequentem consideravit; famulus quidem, ut causa secunda pileum decussit; sed princeps, ut causa prima, hoc fieri non tantum permisit, sed & præcepit.

§. IV.

Hoc ipsum in omnibus omnino injuriis, quæcunque demum nobis ab aliis interantur, altissimâ mente perpendamus. Intuemur non secundas hæc causas, non homines, non diabolos, nec res alias creatas, sed causam primam, omnium Auctorem Deum. Ita Jobus, ita rex David, ita tam prisca, quàm novæ legis sanctissimi viri, injuriis

juriis aut damnis affecti non causas secundas, sed primam respexerunt: nec enim, qui noceant, sed à quo permittantur nocere, attenderunt. Chaldæi & Sabæi decusserunt Jobo pileum, cum omnes pecoris divitias auferrent. At Jobus non secundas has causas, sed Deum, causam primam, respexit. An non regum optimo Davidi pileum decussit Semei, cum suum principem non verbis tantum, sed & luto ac lapidibus peteret? At prudentissimus rex David: Sinite illum, inquit, sinite, sinite ut maledicat: Dominus enim præcepit ei, ut malediceret David. *a* Dominus præcepit ei. En documentum multò potentissimum, ad sedandum animum adversus omnes injurias, & incommoda à quocunque demum homine, quibuscunque modis proveniant. Hæc enim omnia non fortuito casu, sed vidente ac jubente, aut annuente Deo contingunt. Vos, aiebat David, causam secundam, maledicum Semei; ego verò causam primam, Deum delictorum meorum vindicem attendo. Nec enim tam fatuus sum, ut nesciam, unde ista in me mittantur fulmina. Idcirco non quid Semei dicat, aut faciat, sed quid Deus velit, ac jubeat observo. Cognovi Domine, quia equitas judicia tua, & in veritate tuâ humiliasti me. *b* Obmutui, & non aperui os meum, quoniam tu fecisti. *c* Absalon meus filius coronam de meo capite molitur decutere. Ego taceo, quoniam tu fecisti. Subditi mei insultant

a 2. Reg. c. 16. v. 10.

b Psal. 118. v. 75. *c* Psal. 38. v. 10.

insultan
cisti. In
non exc
nia, fat
sunt hæ

Ita Da
sam prin
mulum,
rans inju
mo. Hin
minem
Dei in s
barling
David,
maledic
mus ad t
quid in
usus est

Ita Jo
dit, qui
Ita Sara
rum ap
&æ, nor
seviit, n
verbulo
lum per
nata int
cum De
secunda
oculis a
a Bern

insultant mihi. Ego perfero, *quoniam tu fecisti*. Israël's tribus defecerunt à me. Ego non excandesco, *quoniam tu fecisti*. Hæc omnia, fat scio, tuis fiunt placitis. A te & tuæ sunt hæ plagæ; Amove à me plagas tuas.

Ita David non ad secundas, sed ad causam primam respiciens, non lædentem famulum, sed jubentem Dominum considerans injurias maximas animo tulit æquissimo. Hinc illæ Bernardi voces: O verè hominem secundùm cor Dei, qui de corde Dei in seipsum ferebat sententiam. Saviebat lingua Semei maledica, sed intendebat David, quid in occulto ageret Deus. Vox maledicentis in auribus erat; & regis animus ad benedictionem se inclinabat. Nunquid in ore blasphemi Deus? Absit: sed usus est ad humiliandum David, a

Ita Jobus, Augustino teste, non attendit, quis percuteret, sed quis permetteret. Ita Sara à suâmet ancillulâ interfestrix virorum appellata, pluribusque conviciis affecta, non pugnis, sed nec verbis in famulam seviit, nec eam domo exturbavit, sed nec verbulo contrâ hiscens, in superius cubiculum perrexit, toto triduo impransâ & incenata inter preces & lacrymas sua omnia cum Deo transegit. Ita prorsus & ipsa non secundam, sed primam causam indefessis oculis aspexit.

a Bernard. serm. 34. in Cant. mihi pag. 278.

§. V.

Rem miram, & nescio, risu an indignatione digniorem attereo. Fuit non ita pridem ex opulentis civibus jacturam octo millium philippeorum passus, jacturæ causam in civium aliquem devolvebat. Ad illum igitur à damno pecuniario tam mœstum vir religiosus revivens, & inter solationum fomenta illud Jobi adhibens: Dominus dedit, aiebat, Dominus abstulit. Cui alter promptè: Ita est, inquit, ut dicis, Dominus dedit, sed nebulo, sed trifurcifer abstulit. Ohe voces non hominis, sed bovis! Procul ista, procul ab ore, à pectore Christiano. Indocta nimis infania, furor impius est de divinâ providentiâ tam malè sentire, tam fatuè loqui. Manet illud confirmatissimum: Dominus dedit, Dominus abstulit: seu Chaldæi, seu Sabæi, seu alii pecus abegerint: Dominus abstulit, quoniam ipse hoc fecit. Nil penitus possunt causa secundæ, nisi annuat, nisi velit ac permittat prima.

Atque ut facta fiant è verbis, quod dicimus exemplo monstramus. Nobiliores viri complures in orbem steterunt circulo facundo varia dissertantes. Inter hos dicacior unus certum aliquem oratione aculeatâ non leniter perstrinxit, & illi velut pileum decussit. At verò alter tanquam Tisiphones angue in se coniecto altum coquens dolorem ita secum statuit: Non impunè hoc dixeris. Hæc in me sparsa reddam cum fenore.

Inul-

Inultan
dinem
bunt. H

bonis d

Si qu

etiam v

respon

modo v

tardi c

placeat

injurtian

proveni

cundas

cum fa

nimè o

Tobia

quòd pl

bilis in

tias Dec

non car

cauffan

nium a

ei tran

stantiâ

dolor,

more. F

in rebu

priman

pectore

Inultam, ut scias, non sinam, oris tui libidinem: hæ voces per tuum jugulum redibunt. Hoc igitur ulciscat probe, aut potius bonis & urbe cedam.

Si quis interrogasset hunc hominem, num etiam vellet celo cedere, valde vereor ne responsurus fuisset: Etiam celo cedam, modo vindicem hanc injuriam. O stulti & tardi corde! Ita fatui sumus, ut subinde placeat jacturam potius cæli facere, quàm injuriam non vindicare. Hoc autem inde provenit, quia fixissimis oculis causas secundas intuemur, primam cæci transimus; cum famulo litigamus, & nutus heriles minime observamus. Ad Tobiam redeo.

Tobias non est contristatus contra Deum, quòd plaga cæcitatæ evenerit ei, sed immobilis in Dei timore permansit, agens gratias Deo omnibus diebus vitæ suæ. Tobias non causas secundas, non hirundines, sed causam primam, sed Deum pœnarum omnium auctorem consideravit. Hinc animus ei tranquillus, & tantâ in Dei timore constantiâ. Nos itidem nullus mæror, nullus dolor, timor nullus à Deo abducatur: in timore Domini permanebimus immobiles, si in rebus omnibus divinam providentiam, primam rerum omnium causam, devoto pectore suspiciamus.

C A P V T V.

Tobias in adversis erectissimus.

Tobias non inopiâ tantùm, sed & cæcitate, gemino & alto ictus vulnere, præterea domi suæ reperit sibilantes colubros, qui eum diætorum aculeis multò acerbius fauciant. Uxor & cognati, quorum fuisset mœstum solari, contumeliis, irrisu & vario scommate jam cæcum & pauperem confixerunt.

Hic geminâ sese spectandum dedit patientiâ, adversus Deum nec voculam animi reluctantis indicem ejecit, adversus conjugem & cognatos, nihil quod lædere posset protulit; immobilis in timore Dei, gratias agens Deo, perstitit. Cognati & uxor illum simplicem, delirum, fatuum, amentem appellarunt. Nam sicut beato Job insultabant, ita isti parentes ^b & cognati ejus irridebant vitam ejus, dicentes: Ubi est spes tua, pro quâ eleemosynas & sepulturas faciebas? ^c At verò Tobias non par pari reddidit, nec acerbi quidquam respondit, sed eos, quod Paulus præcipit, in spiritu lenitatis instruës: Nolite ita loqui, aiebat, quoniam filii Sanctorum sumus, & vitam illam expectamus quam Deus daturus est his, qui fidem suam nunquam

^a Segteuffel / Hausteuffel.

^b Illi vimirum, qui parentum loco fuisset
^c Tob. c. 2. v. 15. & 16.

nunqu
 Tobias
 esse m
 probus
 consec
 nec ob
 domi v
 die ope
 hoc dum
 cum ba
 te, inc
 eum d
 edere e
 uxor te
 da: Ma
 tua, &
 Vide, n
 hypocr
 tus sis.
 redime
 tam &
 ferens
 Hic
 gerrin
 tentam
 non co
 gratias
 erectif
 a 16

Juli
 mand
 a F

nunquam mutant ab eo. ^a Quo sermone Tobias spem æternæ vitæ vivacissimam sibi esse monstravit. Eo autem vir sanctus & probus integritatis laudem summam est consecutus, quod t amet si pauper fuerit, nec obolum tamen malè partum retinere domi voluerit. Nam cum uxor ipsius quotidie operis textrini aliquid faceret, mercede hæc in manupretium accepit. Cujus cum balantis vocem audisset Tobias: Vide te, inquiebat, ne fortè furtivus sit; reddite eum dominis suis, quia non licet nobis edere ex furto aliquid, aut contingere. Hic uxor tota in fermento jacens, & fremebunda: Manifestè, inquit, vana facta est spes tua, & eleemosynæ tuæ modò apparuerunt. Vide, mi vir, vide, mi sancte, sed simplex hypocrita, quid tot eleemosynis tuis lucratus sis. Ego stipem tuam omnem non asse redimerem. Et tamen Tobias tam aculeatam & maledicam linguam æquo animo ferens, irâ incendi, aut exacerbari nequirit.

Hic explicandum cur Deus virum integerrimum tot experimentis, tamque vario tentamine fatigarit, & quâ ratione Tobias non contristatus, in Dei timore immobilis gratias Deo egerit. Ita Tobiam in adversis erectissimum hîc sistam.

^a *Ibid.* v. 17. & 18.

§. I.

Julius Fatus de vitiosis affectibus edo-
mandis disserens: ^a Deus, inquit, non ut pi-

C 4

etor

^a *Fatus de mortificat. c. 21.*

tor agit, sed ut phrygio, Pictor tabulam politam aut laminam cupream, aut telam expassam in partes non secat, non comminuit, sed eos colores artificioso penicillo illinit, ut omnibus pictura placeat, omnes eam mirentur, & laudent. At verò phrygio telam sericam, holosericam, Attalicam conscindit, particulas unionibus & gemmis distinguit. Hinc opus elaboratum & pretiosum. Deus ab Orbe sic egit: tot centena millia suorum mutilari, lacerari, secari permisit. His decussa capita, his confossum pectus, his discepti artus, illi patibula, rotas, cruces corporibus cruentis vestierunt; isti membratim lacerati, flammis consumpti, aquis praefocati, belluis objecti, telis confixi, plumbatis contusi, flagris & taureis concisi, saxi & lapidibus instrati. Quorum lanienæ ingemiscens Paulus: Secti sunt, inquit, lapidati sunt, in occisione gladii mortui sunt. *a* Est nonnemo, qui credat plures homines, Christi martyres in lege novâ occisos, quàm in priscâ pecudes maectatas. *b* En tot centena millia, tot hominum milliones pro Christo jugulum praebuerunt, ferrum receperunt, vitam non raro per membra singula profuderunt. En quomodo noster hic Phrygio holosericum optimum in particulas conscindat: causas ipse novit, opus elegans, artificiosum inde prodibit. Hoc Deus ab Abele coepit, & ad Jobum perduxit, inde ad Tobiam, ad Isaiam, Hieremiam,

a Hebr. c. II. v. 36.

b Scribanus in Christo patiente, mibi p. 219.

miam
ad Ap
Vincent
stum ho
gionis r

Tobi
ci cons
aliquot
& patie
praebere
ret; certe
quem o
lida pat
presseri
quoque
vetus:

Qua lat

Appa

3. Ut

non sol

ut ide

gnans o

posteris

Jobus

ceptore

rita plu

ac fitis

Quod e

inquit,

examin

nos acq

esse pro

nimis a

a Ov

miam, prophetas alios: ab his ad Christum, ad Apostolos, ad Stephanum, Laurentium, Vincentium, martyres innumeros. Venu-
stum hoc opus totum ac perfectum Phry-
gionis nostri supremo die spectabimus.

Tobiam Phrygio noster miseriam multipli-
ci conscidit, diversas ob causas. Illarum
aliquot numeremus. 1. Ut illustrius virtus,
& patientia illius singularis, se Deo dignam
præberet, & luctando inter adversa cresce-
ret; certè sicut liberalitatem non exercebit,
quem omnis pecunia destituerit, ita nec so-
lida patientiæ dabit specimina, quem nulla
presserint adversa. 2. Ut eadem virtus aliis
quoque innotesceret. Eruditè canit poëta
vetus:

Qua latet, inq, bonis cessat non cognita rebus:

Apparet virtus, arguiturque malis. 2

3. Ut eminentissimam Tobia virtutem,
non solum alii scirent, sed & imitarentur,
ut ideam actionum illustrium, Hanc assi-
gnans causam facer historicus: Ut, inquit,
posteris daretur exemplum patientiæ ipsius.
Jobus & Tobias exactissimi patientiæ præ-
ceptores. 4. Ut Tobia apud Deum prome-
rita plurimum augescerent. 5. Desiderium,
ac sitis Dei in promovendâ salute nostrâ.
Quod expendens Ambrosius: Quanta est,
inquit, circa nos Dei nostri sollicitudo ! illos
examinat, ut nos erudiat; illos conterit, ut
nos acquirat; eorum cruciatus nostros vult
esse profectus. 6. Ut virtutis studiosi non
nimis altè sapiant, & sese plus æquo extol-
lant

C 5

a Ovid. l. 4. Trist. eleg. 3. b Ambr. serm. 4.

lant, aut ab aliis extollantur, Deus illis præcedit alas, opes subducit, valetudinem affligit, obtrahit & adversarios non reprimat, in communes cum aliis miseras eos deficit. 7. Ut immensa Dei potentia hinc effulgeat, quæ suis animum, vires, tolerantiam suppeditat, & demum à periculis, & malis universis liberat. 8. Ut mundus tam turbulentus, ut præsens vita tam amara desipere incipiant, atque ut hoc vitæ radium cogitationes crebras & sanctas de habitu ad meliorem vitam, de beatitudine, de paradisi gaudiis inflammet. Exilium desipiat, patria dulcescat. 9. Ut ii, qui plura & graviora patiuntur, documento & solatio sint ceteris cogitantibus: O quanta isti, & isti, & illi sunt passi! bona omnia insuper & vitam inter gemitus & dolores, inter contumelias & probra perdidit. Illi ipsi, quos hodie novimus & oculis contuemur, quanta patiuntur? Et tamen suis se necessitatibus attemperant, æquo animo sunt, Deo gratias agunt, inter tot miseriarum acerbitates à Deo non recedunt, 10. Ut afflictiones & ærumnæ velut piaculares flammæ commissas noxas aboleant & extinguant, Deus, cum solvendo non simus, suæ justitiæ satisfacit de nostro tergo, idque ex gratiâ. Ita, quod Jurisconsulti dicunt, gratiosè rationes expungit, solutionem sibi monetâ explicat præsentem. Epuloni purpurato in flammis dicitur: Fili recordare, quia recepisti bona in vitâ tuâ; Lazarus similiter mala; nunc autem hic consolatur, tu verò cruciaris.

ciaris. a
ternum p
his poeni
tantum e
donorum
Chryso
tes, Qui
tus homi
bo per si
patitur m
alter acc
mersus e
multos
ribus no
multas f
tes, & va
tionem v
mur, neq
nunc dil
riæ enim
nis caus
cere pos
diligenti
ceps nol
conting
cùm fir
sit ita t
Itaque p
in arrog
dinem &
nit afflig
beant d
patitur n

ciaris. *a* Melius est hinc uri & secari, ut in æternum parcatur. Quando igitur brevioribus his pœnis patienter toleratis peccata non tantum extinguuntur, sed & magna celestium donorum fit accessio, non immeritò dixit Chrysoſtomus: Multos audivi talia querentes. Quid tandem ille modestus & mansuetus homo ab alio quodam impio & improbo per singulos dies trahitur & innumeras patitur molestias, & Deus permittit? Quare alter accusatus injustè mortuus est? Ille submersus est, inquit, alius præcipitatus? Et multos possumus referre sanctos, & temporibus nostris, & majorum nostrorum, qui multas sustinuerunt tribulationes, differentes, & varias. Ut igitur horum omnium rationem videamus, & neque ipsi tumultuemur, neque alios scandalizatos negligamus, nunc diligenter dicendis intendamus. Variarum enim & omnimodarum sanctorum afflictionis causas numero octo charitati vestræ dicere possum. Idcirco omnes vos ipsos cum diligentiâ colligite, scientes quòd nulla deinceps nobis venia & excusatio dabitur, si de contingentibus scandalizemur, quippe qui cum sint multarum occasiones, tanquam nulla sit ita tumultuabimur, & perturbabimur. Itaque prima quidem est, quòd cum facile in arogantiam propter meritorum magnitudinem & miraculorum tollantur, ipsos finit affligi. Secunda, ne ceteri majorem habeant de ipsis opinionem, quàm humana patitur natura, & ipsos Deos, non autem

C 6

homines

a Luc, cap. 16. vers. 25.

homines esse arbitrentur. Tertia, ut & Dei virtus appareat per ægrotantes, & compeditos, exuperans, & prædicationem augens. Quarta, ut ipsorum illorum patientia manifesta fiat, non propter mercedem Deo seruientium, sed & tantam exhibentium gratitudinem, ut & post tot mala sincera in ipsis benevolentia ostendatur. Quinta, ut de resurrectione cogitemus: cum enim virum iustum, & multâ plenum virtute, innumera passum mala, & sic hinc digressum videris, oportet ex hoc omnino aliquid de illo iudicio cogitare. Si enim homo pro se laborantes sine præmiis, & retributione abire non permittit: multo magis eos, qui tantum laboraverunt, nunquam incoronatos remanere Deus decerneret. Si autem ipsos laborum suorum retributione privare non elegit, omnino necesse est, quoddam aliud tempus esse post præsentium finem, per quod præsentis vitæ laborum retributionem reciperent. Sexta, ut omnes in gravia incidentes, sufficientem consolationem & mitigationem habeant, in eos respicientes, & malorum, quæ ipsis accidere, recordantes. Septima, ne quando exhortamur vos ad illorum virtutem, & cuique dicimus: Imitare Paulum, imitare Petrum; propter gestorum excessum alterius ipsos naturæ participes fuisse cogitantes, ad imitationem torpeat. Octava, ut quando beatos, vel miseros censere oportet, discamus quos quidem beatos, quos autem miseros & ærumnolos putare debeamus.

Tot

Tot
rum an
indigne
multue
animos
ris hom
phiam
innum
dilecte.
vacante
turum,
ris. Ete
rentes.
natus e
in p
Alter r
eidit, &
inde dil
horum
fragium
appens
legit p
abibat,
gium v
sentent
ut hui
res, inq
tam t
quanta
his pri
majore
re. Ne
tes, ip
nibus g

Tot igitur habentes causas de Sanctorum afflictione dicendas, ne in tentatione indignemur neque angustiemur, neque tumultuemur: sed & ipsi nostros instruamus animos, & alios hæc doceamus. Et si videris hominem in virtute viventem, philosophiam sectantem, placentem Deo, postea innumera patientem mala, ne scandalizeris dilecte. Et si videris aliquem spiritualibus vacantem operibus, & aliquid utile expediturum, postea supplantatum, ne tumultueris. Etenim novi multos sapius talia querentes. Ille, inquit, ad templum peregrinatus est pauperibus pecunias perferens, & in naufragium incidit, & amisit omnia. Alter rursus idem faciens, in latrones incidit, & vix animam suam salvavit, nudus inde discedens. Quid igitur, dicemus? quod horum nullo trisari oportet. Etsi enim naufragium fecit, sed & habet iustitiæ fructum appensum: sua enim omnia implevit, collegit pecunias, deposuit, cum recepisset, abibat, peregrinationem attigerat: naufragium verò de reliquo, non de ipsius fuit sententiâ. Sed quare hoc Deus concessit? ut hunc spectatum exhiberet. Sed pauperes, inquis, privati sunt pecuniis. Non tantam tu pauperum providentiam habes, quantam, qui fecit eos Deus: etsi enim his privati sunt, tamen aliunde potest majorem copiam occasionem ipsis præbere. Ne igitur gestorum rationes repetentes, ipsum reprehendamus, sed in omnibus glorificemus: non enim imprudenter,

ter, & temerè talia saepe fieri permittit. *a*
 Tobias triplex illustre suæ patientiæ dedit
 specimen. Primum. Non est contristatus
 contra Deum, quòd plaga cæcitatæ ei eve-
 nerit. Duplicem solent assignare tristitiam.
 Una secundùm Deum est, quæ pœnitentiam
 in salutem stabilem operatur. *b* Hanc
 etiam sensere sancti cum bonis spoliarentur,
 cùm ad tormenta raperentur, cùm inopiã,
 morbis, doloribus exercerentur: Sentiant
 hæc amici Numinis, & ingemiscunt; nec enim
 ferrei & lapidei sunt, sed adversus Deum
 nil querulæ vocis emittunt, mœrent illi
 & tristantur, ad divinam tamen voluntatem
 se conformant. Assidua illorum ~~tristitia~~
 est; Ita pater, ita mi pater, quoniam sic placitum
 fuit ante te. Cùm Christus tragœdiam illam
 cruentam ordiretur, unã etiam pavere cœpit
 & tædere, ac mœstus esse. Nihilominus
 in victimam voluntariam sese offerens:
 Pater, inquit, non mea, sed tua voluntas
 fiat. Paulus etiam mœroribus variis confectus:
 Tristitia, inquit, mihi magna est, & continuus dolor. *c*

Sed & alia est adversus Deum tristitia,
 mater impatientiæ, quæ Deum obliquè ferit
 & accusat, audet hiscere contra Deum &
 occultè dicere: Quid ad eò me Deus affligit?
 Heus lingua improba, pessulo coërcenda es,
 Ori digitum impone, qui talia in Deum
 spargis. Tobias afflictissimus non est contri-

status

a Chrys. tom. 5. prima omnium hom. ad
 Antiochen. pop. mihi pag. 11.

b 2. Cor. c. 7. v. 10. *c* Rom. c. 9. v. 2.

status c
 plenus c
 que cont
 neque to
 versus D
 centena
 vertamus
 que. En
 nis omni
 tatem de
 patriã pro
 cti, nihil
 contrista
 les in tin
 parcha m
 jussus: P
 fatis, cuj
 sine sub
 vel in ho
 teste, ob
 rrosus
 ferrea h
 fititor la
 Sunt & i
 qui ferre
 mitatis
 runt, cor
 Franci
 adversor
 subinde i
 tur, mise
 minus fa
 effundeb

status contra Deum, neque Jobus ulceribus plenus contra Deum est contristatus, neque contristatus est David adversus Deum, neque tot alii viri, feminaeque tristitiam adversus Deum conceperunt. Ut fileam tot centena millia martyrum. Sed huc quaso vertamus oculos in nostri aevi viros feminasque. En tot bonae mentis Christiani fortunis omnibus exuti, ad saccum & mendicitatem devoluti, militaribus injuriis vexati, patriam profugi, in extremas miseras projecti, nihilominus adversus Deum non sunt contristati, gratias Deo egerunt, immobiles in timore Dei persistentes. His annis toparcha magnus omnibus terris suis cedere jussus: Perlibenter, inquit, & imperio Caesaris, cujus mea sunt omnia, me promptissime submitto. Me hercle vox generosa, & vel in hoste admiranda. Aristoteles, Calio teste, ob indefessum legendi studium ἀνωγνώστῃς χαλκέντερος est appellatus, quod ferrea haberet viscera, lector infatigabilis, sititor laboris, & studiorum inexplebilis. Sunt & inter Christianos animi robustioris, qui ferreis panè visceribus, quidquid calamitatis accipiunt, mente generosam digerunt, contra Deum nil contristati.

Franciscus Xaverius fiduciam in Deum, & adversorum tolerantiam exercitissimus, licet subinde incommodis omnibus constaretur, miseriarum omnium compos, nihilominus familiarissimas illas ad Deum voces effundebat: Etiam amplius, Domine, etiam amplius,

amplius. Quod & Jobo in votis fuit, qui à Deo acerbius & manu non parcente desiderans flagellari: Et hæc mihi, aiebat, sit consolatio, ut affligens me dolore non parcat. ^a

Alterum patientiæ specimen in Tobia hoc erat: *Immobilis in Dei timore permansit.* Nos cortæ patientiæ homines, sæpe ut arbores sumus, quæ vere florent uberrimè; flôs merus adeo liberaliter totam arborem vestit, ut spectatores usitato præfagio dicant: Hæc pomus, hæc pyrus non erit ferendo fructuum abundantiam. Brevi nebula, vel pruina unica omnem decutit florem, & spem fructuum rapit universam. Autumno tandem arbor tam miserè spoliata, si felicissimè proveniat, poma paucula; eaque calculosa, nana, verminosa velut artis suæ specimina, profert. Ah, quàm speciosè vernabat hæc arbor, quantam pomorum copiam pollicebatur, & quantum nunc à seipsa degenerat tam deformi sterilitate? promisit plurima, nihil præstitit. Nos haud aliter hiatu ingenti promissores sumus amplissimi; in florem nos induimus magnis propositis, mox unica tentatio, aut paulò gravior afflictio, & florem & fructuum spem omnem abripit: quod remanet, pusillanimitas, impatientia, consternatio est. O ver, ô autumnæ quàm estis dispares! ubi immobilitas in timore Dei? Arundines sumus vëto agitæ; ^b huc illuc impellimur, ad omnem strictiorem auram mutamus propositum: jam surgimus, jam denuò cadimus, cerei

^a Job c. 6. v. 10. ^b Matth. cap. II. vers. 7.

cerei in
res, sola
citas & p
men in
Arundin
quit, ga
deo: a n
men in
vit cum
lum urse
mansit i
Tertiar
Deo omni
Deo per
nis, in c
tias ager
asse pro
tum hic
ro: Nihil
in advert
martyru
ergo do
martyrii
agamus
enim est
ris hoc f
rerum n
extremis
præclaru
phia. c p
a Tob.
hom. 8. i
c Phil
disciplina

cerei in vitium flecti, omni vento mobiliores, solâ constantes vitiositate. Tobiam cæcitas & paupertas graviter usserunt, & tamen in timore Dei permansit immobilis. Arumnas suas valde sentiens; Quale, inquit, gaudium mihi erit, qui in tenebris sedeo: *a* nihil hîc gaudii aut solatii est, & tamen in timore permansit immobilis. Oravit cum lacrymis Tobias, adeo mœrores illum urserant, & tamen in timore Dei permansit immobilis.

Tertium patientiæ specimen, *Agens gratias Deo omnibus diebus vita suæ.* Magnæ artis est Deo peræquè in miseriis, in luctu, in arumnis, in calamitatibus, atque in gaudiis gratias agere: hanc arrem non callent, nisi ex asse probi Christiani. Chrystomi monitum hîc habemus cedro litterandum & auro: Nihil, inquit, hac linguâ sanctius est, quæ in adversis agit: certè non est inferior linguâ martyrum; utraque patiter coronatur. Si ergo dolores pertulerit, & gratias egerit, martyrii coronam sortitur. *b* Gratias itaque agamus in omnibus, quidquid fiat: hoc enim est gratum esse. Etenim rebus prosperis hoc facere, nihil magni fuerit. Nam ipsa rerum natura eò impellit. Quando verò in extremis existentes gratias agimus, tunc præclarum est. Videte, quanta sit philosophia. *c* primùm, Deum lætificas: Alterum, diabolum

a Tob. cap 5. vers. 12. *b* Chryst. tom. 4. hom. 8. in c. 3. epist. ad Coloss. mihi p. 1159.

c Philosophiam semper appellat, Christiana disciplina accuratam observantiam.

diabolum pudefacis: Tertium, & quod malefactum est, nihil esse facis. Nam & tu simul gratias agis, & Deus dolorem tuum amputat & diabolus abscedit. Nam si tu quidem difficilis fueris, ipse magis incumbit, tanquam qui jam, quod volebat, effecerit, & Deus tanquam blasphematus deserit, & augetur malum. Si verò gratias egeris, abscedit diabolus, tanquam qui nihil profecerit, & Deus vicissim, velut honoratus, majore honore afficit. Non potest etiam fieri, ut afflictiones sentiat homo ille, qui in afflictionibus gratias agit.

Hæc sua Chrysofomus confirmans: Ignis ingruens, inquit, substantiam tuam absumpsit, & totam domum populatus est? Reminiscere eorum, quæ Job acciderunt: age gratias Domino, qui prohibere potuit, & non prohibuit: & tantam recipies mercedem, quantam, si omnia illa in pauperum manus reposuisses. Nullum gratiarum actio- ni par bonum, quemadmodum blasphemiâ pejus nihil. Est nobis telum maximum, quod omnes tales diaboli machinas repellere valet; qui per hæc omnia gratias Deo agit, diabolum superavit. Magnus thesaurus gratiarum actio, magnæ divitiæ, in- sumptum bonum, aeternitatis fortis. Perdidisti pecunias? si gratias quidem egeris, animam lucratus es, & majores nactus es divitias, quia Dei benevolentiam hausisti am- pliorem. ^a

Hæc

a Chryso. tom. 5. hom. 1. ad Antiochen.
pop. mihi pag. 11.

Hæc
tiffima
inquit, I
quando
in regem
vientis S
Achis es
ceptus, p
aded ut
vitam ser
ciferatur
tempore
inter tot
tens, in
veluti ca
tias agit
Hebræi
velut in a
es in thro
superglo
Inter ips
ac Bene
tiarum
imprim
reperere
fis Pau
oneratus
nihilot
gratias a
omnibus
tam in lu
quàm in

a Psal
c 1. T

Hac certè linguâ, quæ Chrylostomo sanctissima est, præditus David: Benedicam, inquit, Dominum in omni tempore. *a* Et quando obsecro istud dixit, nunquid cum in regem ungeretur? Sanè non, sed cum savientis Saulis insidias fugeret, & ad regem Achis exul diverteret, parùm humaniter exceptus, panè malis simul omnibus pressus, adèò ut etiam fatuitatem simularit, modò vitam servaret, eo ipso tamen tempore vociferatur: Benedicam Dominum in omni tempore. Jobus jam omni pecore abactò, inter tot liberorum funera, ulceribus scærens, inter vermium agmina, ad fimetum veluti cadaver elatus, canit tamen, & gratias agit: Sit nomen Domini benedictum. Hebræi juvenes in flammis Babylonæis velut in ætivâ pergulâ canunt: Benedictus es in throno regni tui, & superlaudabilis, & supergloriosus, & superexaltatus in sæcula. *b* Inter ipsos flammarum vortices Benedicite, ac Benedictus toties ingeminarunt, ut gratiarum actionem in adversis tantò altiùs imprimerent afflictis, quantò eam crebriùs repeterent in ipsis faucibus mortis. Tarsensis Paulus tam gravi ærumnarum catenâ oneratus, ut quotidie videri posset mortuus, nihilo tamen fecius: In omnibus, inquit, gratias agite, hæc est enim voluntas Dei. *c* In omnibus tam in adversis, quàm in prosperis, tam in luctu, quàm in gaudiis, tã in inopiã, quàm in opulentiã, tam in afflictã valitudine

a Psal. 33. vers. 1. *b* Dan. c. 3. v. 54. *c* 1. Thess. c. 5. v. 18.

dine, quàm in integrâ; tam in tormentis, quàm in deliciis; tam beneficiis acceptis, quàm iniuriis; tam delatis honoribus, quàm illatis contumeliis, in omnibus. Qui enim tunc solum gratias agit, cum quis ei beneficium tribuit, is debitum reddit: qui verò gratias agit, cum quis eum maledictis figit, is debitum acquirit.

§. III.

Objicias: Hæc quidem commodè dicuntur, sed aliud est dicere, aliud verò facere: Spiritus quidem promptus est, caro autem infirma. Nec imperitè dixit Ludovicus Cælius: Simile simili nutritur, spiritus spiritus odorem corporis esse nutrimentum negant. a Spiritum odoribus nutiri argumento est, odoratum & fragrans vinum, quod vires mirificè refocillat. Aristoteli vitam præsuavi odore pomi aliquamdiu prorogatam asserunt. Sed hæc rara sunt, hæc paucis obtingunt. Ita & gratias agere, cum mærorum medullas exedit, rarum est, paucorum est.

Non negamus, pauci sunt, qui pro plaris gratias agunt, sed isti Numinis veri amici sunt. Simus, obsecro, & nos inter hos paucos & inter quascunque turbinum ac procellarum furias, quæcunque ad nos aggerantur mala, Deo agamus gratias bonorum omnium fonti, qui mala hæc omnia permutat bonis maximis. Odor oris
tui,

a Lud. Cel. l. 24, c. 28. med.

tui, Dom
qui sanita
Jacobu
membrat
ex ejus co
membri
tias. Non
tis dolor
morat, A
agrotu fr
movisse, il
se: Summ
tias agere
lie incul
religiosiss
plus vales
prosperis.
Tobias
pertate ac
contume
ris lacess
nibus di
docunq
liciter an
hilariter
renum si
tempesta
an agrot
vis è vote
dant tete
facere no
Deo semp
clesia di

tui, Domine JESU, sicut odor malorum, & qui sanitatem & vitam suavissimè instillat.

Jacobus intercisus ita nominatus, quia membratim & intercisè mortuus, quoties ex ejus corpore vel articulus digiti, vel pars membri resecaretur, toties dixit, *Deo gratias*. Non aureæ, sed gemmæ voces in tantis doloribus. Ruffinus Aquilejensis memorat, Ascetam senem virum sanctissimum ægroto fratri fomenta varia solatiorum admovisse, illud eximie in documentum dixisse: Summa religio est, inter adversa Deo gratias agere. Dixi ego, & scripsi sæpius vel milies inculcandum, idque ab ore & calamo religiosissimi scriptoris: Unum Deo gratias plus valet in adversis, quàm sex millia in prosperis.

Tobias fidelissimus Dei famulus à paupertate ac cæcitate pessimè habitus, probris, contumeliis tam cognatorum, quàm uxoris laceffitus, Deo tamen gratias egit, omnibus diebus vitæ suæ. Nos itidem quomodocunque res succedant, benè an malè, feliciter an infeliciter, suaviter an insuaviter, hilariter an flebiliter, lætè an dolenter, serenum sit cælum an nubilum, amœna sit tempestas an fœda, opulenti an inopes, sani an ægroti, tristes an mœsti simus, & quamvis è voto nihil succedat, etsi res omnes cadant terribimè, hoc tamen faciamus quod facere nos jubet Paulus: Gratias agamus Deo semper pro omnibus in omnibus. Ecclesia diebus singulis sapientissimè hortatur:

THI :

tur: Verè dignum & justum est, æquum & salutare, nos tibi *Semper & Vbiq̃* gratias agere. Gratiarum actio in adversis cumulabitur mille præmiis.

C A P V T VI.

Tobias convivator frugalissimus.

PAulina præceptio est: sive manducatis, sive bibitis, sive aliud quid facitis, omnia in gloriam Dei facite. *a* Hanc legem Tobias examussim servans, cum esset dies festus Domini, & factum esset prandium bonum in domo Tobia, dixit filio suo: Vade & adduc aliquos de tribu nostrâ, timētes Deum, ut epulentur nobiscum. *b* Convivium apparavit Tobias, idq̃ non unâ ex causâ, nam festus dies Pentecostes erat, quem Hebræi, sicut & alios dies festos conviviis agitabant. Voluit certè Deus, ut ejusmodi solennia non sine hilaritate peragerent, ut eò promptius Hierosolyma contenderent. Ad hoc ergo convivium Tobias non temerè quosvis, sed tribules, & populares suos vocarat, ut eos exules ac captivos solaretur atque reficeret. Nec quosvis popularium aut tribulium vocavit, sed pios dumtaxat & timētes Deum, & quibus tenue domi salinum erat, Neque hæc conviviola Tobias ceremoniæ tantum aut animi causâ instituit, aut

a I. Cor. c. 10. v. 31.

b Tob. c. 2. v. 1. & 2.

P
ut conviva
ut amon
restaurare
Conviv
quæ confa
veniebant
aut dissen
ter amica
stiani tam
sta myster
præmitteb
cœna. Qu
suerudine
tiquatus
nem ut je
Convivi
prohibita
vitiosos p
explicand
hensione
pent.

Trocha
Difficile e
vii
Parlimoni
castus ser
inter con
velit vider
Hinc suos
sectato lu
abusus m
mus ex hi

ut convivalem gratiam remuneraretur, sed ut amorem & amicitiam inter præsentés restauraret, ac conservaret.

Convivia Græcis charistia dicebantur, ad quæ consanguinei dumtaxat & amici conveniebant: ut si quid forsan offensivuncula, aut dissensionis inter eos fuisset natum, inter amicas epulas sepeliretur. Primævi Christiani tam divites, quàm pauperes sacrosancta mysteria percepturi, agapas & convivia præmittebant, in monumentum Dominicæ cœnæ. Quia verò abusiones & vitiosæ consuetudines unâ subreperant, mos iste antiquatus est, & sancitum lege, caelestem panem ut jejuni sumerent.

Convivia divinis legibus non quidem prohibita, sed mores plerunque inulsos ac vitiosos pariunt. De his jam dicendum, & explicandum ordine, quanti abusus reprehensione dignissimi convivia passim occurrunt.

§. I.

Trochaico veteri ac vero jactabatur:

Difficile est mediocritatē dare operam in convivio. —

Parimonia & sobrietas, circumspectus & castus sermo raræ alites, prodigia magna inter convivas. Nemo est, qui hac in re non velit videri lautus, nemo, qui alteri cedere. Hinc suos quisque ordines, statumque affectato luxu transilit. Hinc conviviorum abusus maximi, plurimi. In digitos mittamus ex his notiores,

Primus

Primus conviviorum abusus, *Ferculorum multitudo*. Ob unicum hoc delictum jure meritissimo convivia pleraque omnia magnopere damnanda. Ingens, perniciosus, intolerabilis luxus jam mensas passim occupavit. Ad ostentationem & ad pompam, hinc panè omnia congeruntur. Ante annos centum, velut prodigium ingens è publico suggestu proclamatum est, in principalem mensam subinde novem fercula inferri. Joannes Gailer Kaiserspergensis Theologiae Doctor cum anno millesimo quingentesimo quinto Argentorati in aede summâ ipsis cineralibus concionaretur, in mensarum luxum & copiam ferculorum graviter inventus est conceptissimis verbis, quæ videbantur non mutanda: Es muß da seyn ein Suppen/ oder ein Gemüß/ bald kömen Haring/ Bachfisch/ vnd ein grüßes Kraut darzu/ darauff folge ein Pfeffer/ vnd dann Galleren/ wol fünff oder sechs Trachten/ vnd das geschicht auch bey Fürsten/ da wol einer etwan neun Trachten hat vber ein Mahlzeit. ^a Nimirum hoc illud luxûs grande portentum erat, mensæ

^a Gailer Von den Sünden des Munds mihi pag. 11. Principio, inquit, offeruntur, aut aliquid pulmentarii, sequuntur halesces & frixi pisces, hos comitatur hortense olus. Accedit jus atrum aut flavum, quinque aut sex fercula. Atque hoc etiam in mensis principum fit, ubi nonnunquam novem fercula uno prandio ponuntur. Vide *Gazophylacium Christi* parte 3. c. 4. §. 3.

mensæ v
inferri,
tenos è c
gandum.
immanè r
Si quis Ka
dixisset, D
centum, c
quàm nu
mensis dit
ginta cale
totidem in
pateris. Qu
Gailer? D
tè ante a
ac illustri
dominoru
vium, qui
apponit, c
gematum
Si hunc ite
cii genus c
dum; vix
rerum lux
pam vestit
hæc tem
præclarum
quando in
videre fuit
lam, collat
ri, esurito
sed frigida
ces affi, sec
frigidi, præ

mensæ vulgari sex cibos, principali novem inferri, quod ab hinc ante annos ferè centenos è cathedrâ videbatur publicè objurandum. Bone Deus, quantum & quàm immanè multum ab ævo illo divertimus! Si quis Kaiserspergenfi Theologo, ut vates dixisset, Domine Doctor, vix anni abibunt centum, cùm annona ingravescet, & multò, quàm nunc sit, durior erit, nihilominus mensis ditioribus, & dominicis quinquaginta calentia fercula inferentur, adjectis totidem in mensam secundam bellatorum pateris. Quid ad hoc tale vaticinium dixisset Gailer? De re nihil est dubii. Hoc mihi certè ante annos aliquam multos vir generosus ac illustris sanguinis conquestus: Si quis dominorum, inquit, me invitet ad convivium, quinquaginta calentes à foco epulas apponit, comitantibus eodem numero tragematum phialis, idque recepto jam ritu. Si hunc iterum invitem, nec enim hoc officii genus defugere licet, idem mihi faciendum; vix aliter honestè possum. Ita alter alterum luxu mensarum perdimus, ut pompam vestium taceamus. Pro Superi! quæ hæc tempora, qui mores isti? Et quàm illud præclarum & magni exempli, quod aliquando in Præsulum & Antistitum mensis videre fuit. Cùm ad esuriale refectiunculam, collationem vocat, convenitur vespere, esuritores illos octo aut novem fercula, sed frigida expectant, lactuca triplex, pisces assi, sed, quod maximæ religionis est, frigidi, præter dominicum panem & bella-

ria copiosa, triplex aut quadruplex genero-
 floris vini genus. Reverà commodum est e-
 surire ad præsepia tam plena. Et numquid
 hoc, ô viri, jejunare est, tot bellaria, tot la-
 &ucas, tantum piscium, panem niveum,
 opimianum vinum propitiandæ fami po-
 nere? Sunt tamen, quæ speciosè opponan-
 tur: Hæc, inquis, frigent omnia, quæ po-
 nuntur. Quid magni, quæso, interest, frigi-
 dis, an calidis ventrem ita farcias, ut esurire
 desinas? Deinde: Non omnia hæc, inquis,
 libantur: At certè periculum est ne tangan-
 tur multa. Tertio: Hæc, inquis, postulat
 principalis mensæ dignitas. Hilarion super-
 fluum censebat in sacro quarere mundi-
 tiem, ego aquè superfluum censeo in jeju-
 nio quarere splendorem. Quarto: Ad frigi-
 dam hanc cenulam subinde viri primarii &
 peregrini adhibentur. Si, ut simul cenent,
 invitantur, nihil eis calidi apponere, nimis
 parum est; si ut simul jejument, tot missus
 ponere frigidus nimis multum est. Sed nun-
 quam deest luxur, quæ obducatur. Jam mo-
 rem, jam convivarum, jam convivatoris
 dignitatem prærexit culpæ.

Baro fuit, nomen silemus, qui convivio
 unico trecenta posuit fercula, quod scripta
 publica testantur. Ohe portentum luxûs, &
 monstrum nobile! Ante annos centum in
 mensis principum novem fercula, malo ex-
 emplo & offensionem erant, nunc lautiores
 servi, qui quadras panis aliquando mendi-
 cabant, quinquaginta ponunt, & plura.
 Quò luxûs & abusionum non devenimus,

& quò

& quò
 crescent
 rem cum
 do fercula
 mus.

Abusus
 pretium,
 cuntur, ut
 rissimum,
 vii appara
 fiat, hic sur
 peditare co
 ces, olera,
 ro bubula,
 nisi exotic
 porina, ap
 malium si
 tur. Plinius
 tenta quoc
 vertimus,
 pedes con
 simos pis
 Hoc autem
 cum carni
 va, pisces
 dejiendo
 præbet ali
 des, gallin
 canas, In
 pullastro
 mandras &
 cogere mus
 coquere &

a Plin. l.

& quò tandem non deveniemus luxu crescente ? Hoc prorsus est rem familiarum cum ratione perditum ire. Multitudo ferculorum, abusus convivorum maximus.

Abusus alter priori proximus, *Ferculorum pretium*. Elementis omnibus servitia indicuntur, ut mensa ritè oneretur. Id quod rarissimum, quod exquisitissimum, in convivi apparatum expeditur, quidquid impensæ fiat, hic sumptibus nullis parcitur. Terra suppeditare cogitur omnis generis herbas, radices, olera, fructus, omnis generis feras. Capro bubula, agnina, ovilla, hædina, vitulina, nisi exotico jure perfusa non admittitur; leporena, aprugna, cervina, & quidquid animalium silvas pererrat, in mensas extrahitur. Plinius de Carduis sativis differens: Portenta quoque terrarum, inquit, in gancam vertimus, etiam ea, quæ refugiunt quadrupedes conscia. Post terram, aqua pretiosissimos pisces gulæ subministrare jubetur. Hoc autem nimia ac noxia voracitatis est, cum carnibus jam abundè saturi sunt convivæ, pisces etiam inferre in ventrem plenum dejiciendos. Aër volucres, & omnis generis præbet altilia, perdices, phasianos, meleagrides, gallinas Decumanas, Numidicas, Africanas, Indicas, ficedulas, gallinages, pullastrorum stragem. Si possemus Salamandras & Phœnices ad culinam trahere, cogeremus ignem has delicias non negare; coquere & lixare illas faciliè disceremus. He-

D 2

sioga-

a Plin. l. 19. Nat. hist. c. 8. mihi pag. 451.

liogabalus Imperator, Lampridio teste, convivis pollicitus phœnicem, aut mille libras auri.

Ad incendendum convivii pretium insigniter faciunt epulæ fictæ & adumbratæ, seu verius epularum ludibria & figmenta, quæ mensis, ad solam ferè spectandi voluptatem inferuntur, merus oculorum pastus, escaria imitamenta, spectacula mensaria, & oblectamenta, quæ magni sumptus sunt, nullius aut perexigui usus. Et nunquid epularium spectaculorum satis est, si quinquaginta, si centum missus in mensam veniant, quid opus est novis epularum ludibriis? Objicias: Hoc meus status & conditio, hoc opes meæ, hoc liberalitas, hoc dignitas mea expetit: mille talia prætexuntur. Sed luxus, & modum excedens sumptus, virorum optime, nulli statui, nullis opibus, nulli convenit dignitati. Hunc dynastam, hunc regulum, hunc satrapam, hunc esse principem jam antè novimus, etiam si nec hic, nec iste, nec ille sumptu extra modum prodeat.

a Schawessen.

§. II.

Tertius abusus, *Conviviorum prolixitas, confessus nimium diuturni*. De Centaurotorum, & Lapitharum cenis, quæ duos trêve dies & noctes, aut etiam hebdomades durabant, sileo; de nostris vulgaribus loquor, quæ sepe prandium cenæ necunt, aut cenam ad noctis umbilicum, ad primam, ad tertiam, adusque quartam, diei principium extendunt.

dunt. Ha
nas, fec
David,
quem dis
bam ad c
ter homi
scodos i
unum, n
triduum
dies, con
omni hoc
furtim do
chi & Ver
nes, & s
sacramen
gant, no
prælio ex
dum & pu
mam. e
Verum
aut quinc
quod pri
frangere.
valetudin
bus aut r
tati potes
Abusus
teres aliqu
cædibus c
nebant, q
& illimus
a Die t
b Psal.
c Rainer

dunt. Hoc nimirum est ad preces matutinas, sed temulentas pervigilare. *a* Vale, rex David, vale & abi, nimis matutinus es, quem dixisse novimus: Mediâ nocte surgebam ad confitendum tibi. *b* Non nescio inter homines etiam Christianos mores tam fœdos invaluisse, ut quandoque diem unum, noctemque totam subinde biduum triduûmve, nonnunquam septem aut octo dies, continuum pænè convivium occupet; omni hoc tempore estur, potatur, luditur, furtim dormitur. Sanctissima sunt ista Bacchi & Veneris pervigilia, ad quæ popinones, & symposiastæ punctis digitorum, & sacramento dexterarum fidem suam obligant, ne quis fugitivus hoc poculorum prælio excedat, ne quis signa deserat, standum & pugnandum ad usque guttam ultimam. *c*

Verùm nec illud laudandum, quatuor, aut quinque horis mensam accumbere, & quod prisci dicebant, diem epulis & mero frangere. Id verecundiores aliqui non sine valetudinis dispensio malè tolerant. Duabus aut tribus horis abundè genius propitiari potest.

Abusus quartus, *Acroamata*. Romani veteres aliquot gladiatorum paria, mutuis se cædibus conficientium ad mensam componebant, qui Cubicularii dicebantur, uti doctissimus Lipsius in Saturnalibus attestat.

D 3

tur. a

a Die truncken Metten singen.

b Psal. 118. v. 62.

c Rainer vom andern; Schelm der da weicht.

tur. ^a Hoc cruento acroamate, nostra non multò puriora sunt. Malum acroama est chartarum lusus ardens nimium & pretiosus, cum quadræ argento vel auro plenæ multum in singula puncta ejiciunt. Malum acroama cum ministri mensæ, & moriones inter se committuntur, ut ora sibi pugnis fœdent, unguibus lacerent, dentes excutiant, humi se sternant. Memores estote, obsecro, viri magni, quos alitis fatuos esse etjam homines, vobis ipsis nonnunquam aut sapientiores, aut sanctiores, humano ritu tractandos. Fœdum dictu & indignum prorsus est, quid illud hominum genus ad Magnatum mensas cogatur ferre. Vidi ego meis oculis homini non sanæ mentis ad herilem mensam altitium carduorum capillitium ^b vi per os ingeri. Sexcenta talia fiunt, acroamata sanè pessima. Quasi verò ea demum sit amœna recreatio, torquere miseros, & eos velut feras tractare. Aliud acroama malum, Choreæ & quidem peregrinæ, Germanis ante hac ignotæ, ad quas duarum aut trium hebdomadum prolusione sit opus, si concinnè in numerum saltare velis. Sit, obsecro, venia verbo. Hæc Germaniæ stulticia est, cui domestica sordent, & exteriorum omnia placent, vestes, idioma, ipsa etiam vitia quæ hoc potissimum nomine speciosa sunt, quia peregrina sunt. Senarii veteris monitio est :

Cena

^a Lips. l. 1. Saturnal. c. 6.

^b Den groben Bass von Artischocken müß der arm Tropff fressen.

Cena
Præferim
quàm lib
insana ga
tractatio
trahunt c
illius mo
tis aures
trahitur.
bidinum
stus expri
sed & osc
siuncula
Veneris i
causa, cæ
bus sum
nem lasci
mit quid
tulantissi
gem perf
nis turp
dus audi
omnis p
obscœni
na lex ju
ctu Dor
Iarem no
spectu su
Deus vid
verecund
verba, ic
Hæc turp
a Deu

Cena optima est in quam Choraules non venit.

Præsertim talis, qui non tam auribus servit, quàm libidini. Malum aliud acroama est, insana garrulitas, foedi clamores, crebra obtrectatio. Quantis famam, noménque subtrahunt convivia, cùm modò hujus, modò illius mores carpuntur: non mirum si multis aures tinniant, de quibus adèd liberè detrahitur. Acroama pessimum est diversæ libidinum formæ, quas ebriorum verba & gestus exprimunt, cùm non paucula tantùm, sed & oscula fiunt ambulatoria, cùm morsuunculæ ac compressiunculæ, similisque Veneris imitatiunculæ in orbem eunt animi causâ, cùm oculis, cùm & linguæ, ac manibus summa libertas est, cùm oculi ad omnem lasciviam vagi evolant, cùm lingua promit quidquid animus diu celarat, cùm petulantissimæ manus omnem verecundiæ legem perfringunt. Ea nonnunquam sermonis turpitude est in conviviis, ut verecundus auditor dixerit: Hi potulenti homines omnis pudicitix obliti, minimè Christiani, obscæni, barbari, panè diaboli sunt. Divina lex jusserat: Et comedetis ibi in conspectu Domini Dei vestri, ac lætabimini. a Epularem nobis lætitiàm concedit, sed in conspectu suo, ut illud pectori assidue hæreat: Deus videt, Deus audit. Ubi autem tam inverecondi gestus, tam propudiosa volant verba, id certè in conspectu Dei non fit. Hæc turpitude, si possit, Dei oculos velaret,

D 4

aures.

a Deut c. 12. v. 7.

aures obturaret. Impia sunt, & neutiquam Christiana, hæc conviviorum acroamata.

§. III.

Abusus quintus, *Exemplum pravum*. Nulquam pænè magis stricta fervet imitatio, quam cum luxûs & pompæ Archetypon videmus. Ita enim bellè ratiocinamur: Iste me ferulis tricenis, ille quinquagenis, hic centenis etiam exceptit: num ego me vinci patiar, & apponam pauciora? decorum graviter violatam. Ergo ego idem, quod ille, faciam, totidem missus, quot ille, apponam; imò hoc potius agam, ut illum vincam, neque enim illi opibus aut dignitate cedo; tot ego aro jugera, quot ille & plura; tot ego pascio servos, quot ille & plures, divès agris, dives positus in fanore numis. Mea igitur culina tot dapes in mensam potest mittere, quot illius, & hujus, & istius. Ut cedam, ut illo sim inferior, nemo mihi persuaserit. Hæc nostra sunt epicheremata, hic Logicus noster Sorites; alter alterum trahit in exemplum, & prototypon quod imitetur, & superet imitando: quemadmodum in ædificiis nonnunquam alter alterius luminibus obstruit, & ita alter alterius pompam & luxum, solerti studio excedit. O Christiani! amore Christi æmulamini charismata meliora. c

Abu-

a Horatius de Arte Poët. post med. & lib. 1. serm. sat. 2. initio.

b Niner vberhatet den andern.

c 1. Cor. c. 12. v. 31.

Abusus
tus exclu
si pauperi
na, qua
obicere.
dras sacer
non prohi
guia, & bi
qui non p
prandiis o
Judæis al
in gratiar
lennes fer
lætitia, &
pauperib
rectam pa
esse vult I
pèrum ob
ditis, inq
medio ar
& nihil
seph. e E
tales non
quid ino
ditiores o
quit, dom
quisque
manduca
alius qui
bant, ut
cluderent

a 2. E
b E/Ab
d 1. C/

Abusus sextus, *Pauperes à conviviiis penitus excluduntur.* Rem magnam præstamus, si pauperibus demus conviviorum rejectanea, quæ lautiores culina solent canibus objicere. Longè aliud lex prisca docet. Esdras sacerdos epularem aliquam lautitiam non prohibens: *Ite,* inquit, comedite pingua, & bibite mulsam, & mittite partes his, qui non præparaverunt sibi. *a* Fruantur suis prandiis opulenti, sed partes mittant egenis. Judæis ab Amani cruento edicto liberatis, in gratiarum actionem constitutæ sunt solennes feriæ: ut essent dies isti epularum & lætitiæ, & mitterent sibi invicem partes, & pauperibus munuscula largirentur. *b* Exporrectam pauperum memoriam nusquam deesse vult Deus. Hebræus vates Amos pauperum oblivionem exprobrans: *Qui* comeditis, inquit, agnum de grege, & vitulos de medio armenti, bibentes vinum in phialis, & nihil patiebantur super contritione Joseph. *c* Extremam aliorum paupertatem hi tales non miserantur, neque verò curant, quid inopes lambant, vel rodant. Corinthios ditiores objurgans Paulus: *Hoc non est,* inquit, dominicam cenam manducare. Unusquisque enim suam cenam præsumit ad manducandum. Et alius quidem esurit, alius quidem ebrius est. *d* Nam illi ita cenabant, ut pauperes non invitarent, sed excluderent, vel certè non expectarent. Et

D 5

quis

a 2. Esdr. c. 8. v. 10.

b Esdr. c. 9. v. 22. *c* Amos c. 6. v. 4. & seqq.

d 1. Cor. c. 11. v. 22. & 21.

utiquam
mata.

am. Nul-
imitatio,
typon vi-
mur: Iste
nis, hic
ne vinci
corum
quod il-
ille, ap-
lum vin-
dignitate
& plura;
ures, di-
numis, &
nam po-
& istius.
mo mihi
heremata,
alterum
non quod
emadmo-
er alterius
ius pom-
cedit. O
mini cha-

Abu-
& lib. 1.

quis hodiè que audit Christum præcipientem: Cùm facis prandium, au cenam, noli vocare amicos tuos, neque fratres tuos, neque cognatos, neque vicinos divites; ne fortè te & ipsi reinuissent, & fiat tibi retributio. Sed cùm facis convivium, voca pauperes, debiles, claudos, & cæcos. Et beatus eris, quia non habent retribuere tibi; retribuetur enim tibi in resurrectione iustorum. *a* Quis ista Domini præcepta curat, quis obtemperat? Prisca sunt ista, inquirunt, & pridem desita. Hoc est, quod querimus, nec Petrum, nec Paulum, nec ipsum Christum audiri præcipientem, leges divinas, velut voces desitas contemni.

Abusus septimus, *Con viviorum luxum pauperes & domestici luunt.* Non tantùm non fruuntur epularum apparatus, sed ob hunc ipsum parcius pascuntur. Res nota in familiis, convivio peractò has plerunque inirrationes: Magnos sumptus fecimus, ergo jam marsupium contrahamus, mensam, famulorum præsertim & ancillarum tenuius instruamus, attentiore parsimoniâ stipem demus, ut ita paulatim redeant expensæ. Ita de victu quotidiano semper aliquid abraditur, & perparcè visitatur. Cùm adsunt creditores, laniones, pistores, cupedinarii, factores, negatur id esse tempus exigendi, commodiore redeant: undique desunt nummi, nisi cùm litandum est luxui. Ah, unus quidem esurit, alius autem ebrius est. Convivis cibus & potus abundans præne pistillo ingeri-

a Luc. e. 14. v. 12. & seqq.

ingeritur
mestici
visio est,
nascitur.

Deinde
anni acris
bellum, p
ritas est.
curamus.
petinde si
a: ctior fr
viviorum
buerit. N
ris & ex
moneta
bimus, n
runt lucr
bis accidi
volabim
Nolite er

Ante
lescentes
viginti q
liberali r
uberitatq
& tamen
gredi; n
& supra
hilominu
nesti lux
augelcit.
ciem & i
ritæ convi

a Gal.

ingeritur, ut panem crepent saturitate; domestici vix solantur famem. Pessima hæc divisio est, quæ non raro è conviviorum luxu nascitur.

Deinde quàm hæc tempora, hi nostrates anni acriter reclamant omni-luxu? Fames, bellum, pestis sæviunt, annonæ magna charitas est. Nos interim hæc obstacula non curamus. Quod prorsus est irridere Deum, perinde si dicamus: Etiam duplo, aut triplo arctior sit annona, hunc nihilominus conviviorum splendorem nemo nobis prohibuerit. Non deerunt nobis nummi, si honoris & exultationis negotium agatur; si moneta præsens deficiat, syngraphas implebimus, nomina faciemus, expectare poterunt lucri aucupes. Domine tu quidem nobis accidisti alas, nihilominus vel invito te volabimus. Hoc prorsus est irridere Deum. Nolite errare, Deus non irridetur. a

Ante annos quinquaginta dabant adolescentes patrifamilias convictus pretium viginti quatuor florenos annuos, honestâ & liberali mensâ habiti. Erat enim vilitas ubertatæque rerum venalium, annona laxa, & tamen luxus nondum eò fuit ausus progredi; nunc anni sunt in summâ caritate, & supra modum ingravescit annona, nihilominus populator opum, dissuasor honesti luxus maximis incrementis proficit, & augetur. Quousque tandem? Ad perniciem & intentum. Sunt quidem sumptuariz convivales tabulæ ac leges, quis illas ser-

vat?

vat : M. Antonius olim & lucius Flaccus Censores Romæ , Valerio teste , Duronium senatu moverunt, quòd tribunus plebis legem de coërcendis conviviorum sumptibus abrogasset. *a* O quàm hoc ævum censoribus egeret, qui conviviorum immoderationem & intemperantissimas perpotationes severissimis legibus coërcerent. Perit Respublica, si crescere non desinat tam nociva intemperantia.

Sed dicas : Res satis liquet ; quis autem primus erit, qui luxum minuat, & sumptus revocet ad moderationem priscam ? Hoc opus, hic labor. Vir prudens & modestus non recusat esse primus, cùm certamen indicitur virtutis. Suam quisque crumenam & culinam coërcet, ne sumptu extra modum prodeat. Frugalitas & moderatio non valetudini solùm servandæ, sed opibus etiam parandis plurimum facit.

a Valer. l. 2. c. 9.

C A P V T VII.

Tobias ad divinam voluntatem formatissimus.

Tobias tam cæcitate, quàm paupertate a suisq; incommodis ærumnosus, à cognatis irrilus, ingemuit, & coëpit orare cum lacrymis. *a* Ardebant preces Tobix suspiriis, gemitibus, oculorù rivulis distinctæ. In his justitiam & misericordiam Dei extollens :
Justus

a Tob. c. 3. v. 1.

Justus es
tua just
dia, & ver
bus tam s
noxios fa
mine, me
sumas, n
parentur
mus præ
dilection
in fabula
tionibus,
Domine r
mus secu
lavimus f
divinam v
nunc Don
fac mecur
utere, & p
bitrium &
præsto es
dum. In
xi præcep
Plus prod
neas, sed
quàm si n
non habet
beritum
ceptionem
formitatem
nâ, funda
solidissim

a Ibid. v.
b Sen. l.

Justus es Domine, inquit, & omnia judicia tua iusta sunt, & omnes viæ tuæ misericordia, & veritas, & iudicium. In iisdem precibus tam se, quàm tribules suos crimini obnoxios fatetur, & deprecatur noxas: Domine, memor esto mei, & ne vindictam sumas, neque reminiscaris delicta mea, vel parentum meorum, quoniam non obediimus præceptis tuis, ideò traditi sumus in direptionem & captivitatem, & mortem, & in fabulam & in improprium omnibus nationibus, in quibus dispersisti nos. Et nunc Domine magna judicia tua, quia non egimus secundum præcepta tua, & non ambulavimus sinceriter coram te. *a* Demum ad divinam voluntatem conformatissimus: Et nunc Domine secundum voluntatem tuam fac mecum, In tuâ manu sum, ut pilâ me utere, & projice quòd volueris. Tobias ad arbitrium & nutus divinos se fingens totum, præsto est. Quod hoc capite erit exequendum. In quo mihi maximè sequendam duxi præceptionem Senecæ, qui sapienter: Plus prodest, inquit, si pauca præcepta teneas, sed illa in promptu & in usu tibi sint, quàm si multa quidem didiceris, sed illa non habeas ad manum. *b* Consilium saluberrimum. Eam ob rem hoc capite, præceptionem hanc unicam ingeremus, Conformitatem humanæ voluntatis cum divinâ, fundamentum esse omnis sanctimonix solidissimum, optimum, nec esse, quod Deo magis

a Ibid. v. 3. & seqq.

b Sen. l. 7. de Benef. c. 1. initio.

magis placeat, quàm iste voluntatum consensus & conspiratio, de quâ ordine, sed brevi, septem monita trademus.

§. I.

I. Monitum, Hæc doctrina de Conformatione humanæ voluntatis ad divinam non solum præceptiones & doctrinas Christianorum omnes complectitur, sed omnium est apex & perfectio. Si mihi centum annis ad Christianam plebem è cathedrâ dicendum, hanc ego præceptionem semper unicè instillarem: *In omnibus velis, quod vult Deus.* Leonardus Lauredanus Venetus vir oppidò doctus memorat beatam Catharinam Genuensem ita exultus e iocundam, ut ex oratione dominica unum illud sumeret: *Fiat voluntas tua.* E Salutatione Angeli hanc unam sibi vocem exciperet: *JESVS,* E bibliis totis unicum illud verbulum retineret: *Ame.* Sanctioris vitæ solidius fundamentum non habemus, quàm istud unicum: *Fiat Voluntas tua,* sicut in cælo, & in terrâ, Nil explicatu, nil & factu melius, nil Deo gratius, quàm velle hominem, quod vult Deus.

II. Voluntas Dei duplex est Theologis, prima *Signi,* altera *Beneplaciti.* Illa *Signi* est, quâ Deus significat, jubet, præcipit, quid à nobis fieri velit. Ista *Beneplaciti* est, quâ Deus creat, disponit, renovat, agit, quod vult: hæc Dei voluntas ab omnibus retro sæculis, ab omni æternitate gubernat, regitque omnia. Hæc Dei voluntas nunquam non perficitur, hæc semper consummatur, quid

quid mor
Nos, non
quæque
eriam, qu
tatem om
mè, quæ
surdâ vide
Domine,
mero, ut
bellicosi,
rà, ingent
rei tamen
fir. Hic, ob
divinam v
dentiam
dimus sul
nec fortit
nec doct
Summa D
aurigatur.
bus contr
mines in
rati oscita
ter, segnit
itum add
ficiunt, si
subinde p
turbatur &
rum ad De
currendum
mis consil
disponit.
neca: In
a Ecclis.

quid mortales hic infra turbent, aut exerrēt. Nos, non tantum voluntati, quæ signi est, quæque leges & præcepta continet, sed etiani, quæ Beneplaciti est, nostram voluntatem omnem attemperemus. In iis maxime, quæ nobis mira, insolita, & pænè absurda videntur, dicamus paratissime: Fiar, Domine, voluntas tua. Contingit sæpenu-mero, ut viri animosi, prudentes, eruditi, bellicosi, sancti & integerrimi rem omni curâ, ingenti studio summâ solertiâ tractent, rei tamen exitus infelix, malus, calamitosus sit. Hic, obsecro, rectissimâ viâ curamus ad divinam voluntatem Beneplaciti, ad Providentiam Dei; dicimus cum Ecclesiaste: Vidimus sub sole nec velocium esse cursum, nec fortium bellum, nec sapientium panem, nec doctorum divitias, nec artificum gratiâ. Summa Dei providentia in his omnibus autigatur. Atque hinc quandoque prioribus contraria videmus. Nonnunquam homines ineruditi, imprudentes, timidi, scelerati oscitanter quippiam, indoctè, imprudenter, segniter, aggrediuntur, & ad felicem exitum adducunt; quod male moliantur perficiunt, summa votorum impetrant. Hinc subinde provincia tota, totumve regnum turbatur & labat. Non ignota cano. Hic iterum ad Dei voluntatem ac providentiam currendum, quæ hæc omnia destinatissimis consiliis, permissionibus ordinatissimis disponit. Huc respiciens sapienter dixit Seneca: Invadit temperatissimos morbus, validissi-

a Eccli. c. 9, v. 11.

validissimos phtifis, innocentissimos pœna, secretissimos tumultus. *a* Hic in solâ Dei voluntate acquiescendum. In aliis liceat subinde dicere : Plus ultra. Hic religiosissimè servandum illud : Non ultra.

III. Dei voluntas rerum omnium moderatrix est, omnia ad perpendicularum facit, omnia vel minima quaque in parato, in expedito habet. *b*

Ditescere, depauperari ; bellè valere, morbis corripì ; Vincere, vinci ab hac est. Abraham contra Babylonios victoriâ potitus potuisset sibi videri magnus. At verò rex Salem Melchisedech : Benedictus Deus excelsus, inquit, quo protegente hostes in manibus tuis sunt. *c* Sennacheribus Assyriorum tyrannus circumquaque urbes & propugnacula multa vi cepit, inde suam potentiam grandi supercilio circumspexit. Hinc Deus per Isaiam dici iussit : Habitationem tuam & egressum tuum, & introitum tuum cognovi, & infaniam tuam contra me. Cùm fureres adversum me, superbia tua ascendit in aures meas : ponam ergo circulum in naribus tuis, & ficum in labiis tuis, & reducam te in viam, per quam venisti. *d* Mi rex Sennacherib à me hæc habes omnia ; ego tibi pandebam portas ad arces & civitates capiendas ; absque me nulla fuissent vires tuæ ; me disponente ac permittente innumeros pauperum afflixisti,

pluri-

a Senec. epist. 91.

b G Ottes Will hats alles an ein Schmirrl.

c Gen. c. 14. v. 20. d Isa. c. 37. v. 28. & 29.

PA
plurimos d
manus me
recipies, I
cidèris. Ita
voluntas o

IV. Sac
tissimum,
tissimos
derate ; N
phum, D
tot argum
ab eis exte
dirè cupi
dum volu
hamus &
præmio ce
primus fu
matione a
sanguine
victimam
jugulum
Deo volu
nii tulit è
vitum sec
nes volun
gnus prin
mialtes S
rebus gest
ficeis, qui
norum re
manitez

a Aff

plurimos divitum depauperasti, sed nec tu manus meas evades, præmium te dignum recipies. In templo tuo à tuismet filiis occidèris. Ita Deus voluit, ita factum est. Dei voluntas omnium moderatrix.

§ II.

IV. Sacrificium summum, Deoque gratissimum, propriæ voluntatis oblatio. Sanctissimos quosque viros prisce legis considerate; Noëmum, Abrahamum, Josephum, Davidem, Tobiam; cur eos Deus tot ærymnis ac calamitatibus exercuit, quid ab eis extorquere voluit? Hanc unicam audire cupiit cantiunculam: Domine, secundum voluntatem tuam fac mecum. Abrahamus & David de consequendo primo præmio certarunt, & nescio an non uterque primus fuerit in hac suæ voluntatis conformatione ad divinam. Abrahamus suum ipse sanguinem, suum filium obsequentissimè in victimam daturus, jam gladium vibrabat in jugulum, prius tamen suam jugulaverat Deo voluntatem, David autem id testimonii tulit è cælo: Inveni David, filium Jesse, virum secundum cor meum, qui faciet omnes voluntates meas. *a* An non uterque dignus primo præmio? Narrat calitum encomiastes Surius rem memoratu dignam in rebus gestis Eugenii Carthaginensis Pontificis, qui ævo vixit, quo Hunnericus Arrianorum rex impius Catholicorum cæcus immaniter afflixit. Ex eo numero mater Catholici

a Actor. c. 13 v. 22.

tholici nominis, pia femina & heroïs, parvulum manu trahens, curre, ajebat, curre, curre, mi filii, ut assequamur ceteros martyres. Alii è spectatoribus parvulum miserati. Quid filiolum, inquirunt, ultra vires fatigas: His adeò generosè ac piè respondit mater, ut illi lacrymis oppleti, hoc unum haberent dicere: Fiat voluntas Dei. Istud in rebus omnibus, adversis maximè, dicendum. Non est sanctius Deoque gratius sacrificium ab homine, quàm propriæ voluntatis oblatio, seu vera cum divinâ voluntate Conformitas.

V. Hæc ipsa cum divinâ voluntate Conformitas, nihil agendum, aut patiendum excipit. Noëmi, anus Hebræa, Ruthæ socrus decennio laborabat, ut Rutham nutum suam ad Dei cultum, veramque religionem petraheret, sed nullo successu; frustra fuerunt dicta. Demum vale ultimum dictura: Nunc enim verò, inquit, abi mea filia cum cognatâ tuâ Orphâ. Cui Rutha ingenuè: Ne adverteris mihi, ait, ut relinquam te & abeam. Quocunque petrexeris, pergam, & ubi morata fueris, & ego pariter morabor. Populus tuus, populus meus, & Deus tuus, Deus meus: quæ te terra morientem suscepit, in eâ moriar, ibique locum accipiam sepulturæ. Hæc mihi faciat Deus, & hæc addat, si non sola mors me & te separaverit. *a* Paraphrastes è Complutensi bibliothecâ ita loquendum sistit Noëmi: Præceptum nobis est filia, ut iter sabbathi non ultra

a Ruth c. I. v. 16. & seqq.

ultra dimidiur
Lutha: Ibo, q
Sos, inquit,
eges servandas
aus servavit po
ni denuò: Im
tus & cerem
eamus sacris.
neus erit; qui
gida est, inqu
radio, lapidib
blasphemi, so
antur, crucifig
c territa Ruth
toriar & ego. S
tu, locoque m
ur. Cui Ruth
adem & me te
e tam indissol
poteft animoru
ominis cum
oluntatis con
ut pati recuse
VI. Confe
um divinâ pr
nostra. Utique
uam fuerint o
ui se auctorata
uali vendeba
his conceptiss
pro, a uri, vine
n has tam cr
uniolam ani

a Fichter 21

ultra dimidium milliare instituat. Cui Rutha: Ibo, quò iveris. Sed iterum Noëmi: Nos, inquit, sexcentas tredecim habemus leges servandas. Ad quæ Rutha: Quidquid tuus servarit populus, & ego servabo. Noëmi denuò: Imperatum nobis est à Deo, ne ritus & ceremonias exterorum nostris misceamus sacris. Cui Rutha: Deus tuus, Deus meus erit; quid vis amplius? sed lex nostra rigida est, inquit Noëmi, maleficos & reos gladio, lapidibus, rogo, cruce punit; adulteri, blasphemii, fontes alii comburuntur, lapidantur, crucifiguntur, gladio feriuntur. Neque sic territa Ruth: Ubi tu, inquit, morieris, moriar & ego. Sed nos, ait Noëmi, sepeliendi ritu, locòque multum à gentibus distingui-mur. Cui Rutha: Quæ te sepultura texerit, eadem & me teget. Si hominis cum homi-ne tam indissolubilis consensus, tanta esse potest animorum conjunctio, quantò magis hominis cum Deo? Hæc autem geminæ voluntatis concordia nihil excipit, quod aut pati recuset, aut facere.

VI. Conformitas humanæ voluntatis cum divinâ prima est & summa obligatio nostra. Utique plus obligati sumus Deo, quàm fuerint olim gladiatores suo domino; cui se auctorarant. Gladiatores priscei seipfos quasi vendebant, auctoramento horribili, his conceptissimis verbis: *Sacramentum juro, auri, vinciri, verberari, ferroque necari.* In has tam cruentas leges ob exiguam pecuniolam animosè jurabant. Et nos ob hono-

honorem Dei & amorem, ob immortalē regnum, non vendamus nos ipsos Deo? Non sacramentum juremus istud? Domine secundum voluntatem tuam fac mecum: Liga, ure, seca, verbera, jugula: Tibi me vendo, tuus sum, jure omni obligatissimus, & facere & pati fortia tui causā paratissimus: Fac mecum Domine secundum voluntatem tuam.

§. III.

VII. Conformitas humanæ voluntatis cum divinâ est permutatio cordium optima. O beatus! ô ter beatus, qui cor humanum sordibus & navis plenissimum permutare potest cum divino, omnis sanctimoniz fonte purissimo. Cantiuncula est omnium, qui JESVM diligunt: hanc ego hic voce prece; ita cantandum: Domine JESV, meum à me cor tolle, tuum mihi redde, utrumque cor unius voluntatis effice. a Non sileo hic, quod mihi amicorum optimus, vir doctissimus de hac suavissimâ cordiū commutatione, de amantissime divinæ volūtatis cōplexu sapius scripsit. In specimen sint hæc pauca, quæ subjūgo, & verbum è verbo fideliter exprimo. Injuncta igitur pestifera luis mentione: Nemo, inquit, nunc latus vivit, qui vitam divinæ voluntati anteponit, qui in flagella non est paratus; solus tranquillitatem habet inæstimabilem, qui magni animi robore, & internis oculis voluntatem

Dei

a Nimb hin das mein / gib mir das dein;
lasse beyde Herz ains Willens seyn.

Es semper intue
veratur, &
cō formare stud
fit Christianus;
fit & patientiā;
pcer, conserva
riorem vitam
es poenitentia
Qid multis? h
nvoluntatis me
hminem facit D
ationes efficit di
ratibus gaude
iter lacrymas.
pforibus est f
gmoji, volens
non cessabo, q
Voces me herc
Sidem in aliis
Had verbum ha
c historiam, qu
in sanctissimâ
did esset repe
nferiarum pon
ejugum Domi
ndicamentorum
re. Sed quis at
qui divina m
qpercipienda e
veneratio su
quis intelligit in
a perturbation

a Bellum & h
imo Septemb. a

Dei semper intuetur, divinam providentiam veneratur, & se divinæ voluntati penitus conformare studet; in hoc solo studio proficit Christianus; hoc studium labore constat & patientiâ; hoc hominem, quò minus peccet, conservat, ubi fortè peccavit, ad meliorem vitam revocat, & ad dignos fructus pœnitentiæ perpetuo invitat, & incitat. Quid multis? hoc studium & assidua divinæ voluntatis meditatio, atque exercitium hominem facit Deum, & omnes humanas actiones efficit divinas, ut in extremis calamitatibus gaudere possit homo, & ridere inter lacrymas. Jam nunc mors omnibus præforibus est satis vicina: a si me contingat mori, volens moriar, & in æternum velle non cessabo, quod vult Deus. b

Voces me hercle viro erudito dignissimæ. Sed idem in aliis ad me datis litteris de verbo ad verbum hæc præscribit: Funebrem do historiam, quam & lugubrem dicerem, si in sanctissimâ Dei voluntate luctus aliquid esset reperire. Dum nutant humeri miseriarum pondere, en onus Dei leve est, en jugum Domini suave, dum amariorum medicamentorum poculis medicatur anima. Sed quis assequitur hæc talia? Ille certè, qui divina mysteria non sensibus, sed fide percipienda existimat. Divinæ providentiæ veneratio summum vitæ præsidium est. Quis intelligit in hac rerum omnium extrema perturbatione, occultam Dei gubernationem

a Bellum & pestis sæviebant. b Litteræ ultimo Septemb. date Anno 1634.

tionem esse reſtiſſimam & ordinatiſſimam? quis in graviſſimorum ſclerum frequentiâ ſanctiſſimam Dei voluntatem veneratur & ſuſpicit, niſi qui jam pridem divinæ ſe conſecravit voluntati, quam vitæ ſuæ unicam & regulam habet, & metam. Abſtulit mihi bonus Deus chariſſima tria pignora, ſed quæ prius dederat, abſtulit volens & volenti. Imò non abſtulit, ſed repetiit, & eripuit ex miſeriis æternùm ſervanda. *a*

Hæc proſectò ſtylum Chriſtianum ſapiunt, hæc virum, hæc Jobi affinem monſtrant; ita cor humanum permutatur divino.

Elifabetha Pannoniæ regis filia, illa pauperum mater laudatiſſima, Haſſiæ princeps, cùm ei Ludovicum conjugem mors abſtulſſet, illa in gemitus & lacrymas ſoluta: Deus, inquit, cordium ſcrutator novit, quantum inter nos, quàmque ſincerus fuerit conjugalis amor. Meus pro me conjux, ego pro meo conjuge mori paratiſſima fui, & hoc inter beneficia numeraviſſem. Sed aliud Deo viſum. Quòd ſi nunc maritum meum vel unico crine capitis mei è ſepulchro vivum poſſem extrahere, id autem Deo non valde placiturum ſcirem, id reverà non facerem. Major mihi in divinam voluntatem reverentia eſt, quàm ut tale quid audeam. *b*

Deus, quàm generoſus ac virilis animus in feminâ! Hæc illa eſt cordium commutatio feliciffima, omnem voluntatem ſuam ita transfundere in divinam, ut vel in maxi-

a Ex litteris datis die 29. Decemb. Anno 1634.

b Bavaria Sanctæ volum. I. mihi pag. 141. med.

timis arum
Domine, ſi
amovere, &
vinæ volunt
noſſem, id
fac mecum
Hæc Tobia
rum, hæc
nam Confi
eſt. Hic con
omnia licet
Deum tranſ

Tobias Sa

Explicati
pagina
quæ non
precando d
I. Eximi
Nam eum
invaderet
iſta: Ampl
aut filiam
tuorum. N
jam occidi
rientem m
centiam ta
ſet? Sara fil
non colaph

xitis arumnis ingenue profiteri audeat :
 Domine, si ego meas arumnas omnes à me
 amovere, & excutere possem, id tamen di-
 vine voluntati tuæ non optimè placitum
 nossem, id profectò non facerem. Domine,
 fac mecum secundùm voluntatem tuam.
 Hæc Tobix precatio, hoc unicum illius vo-
 tum, hæc vera est nostræ voluntatis ad divi-
 nam Conformatio. Hæc virtutum summa
 est. Hic compendio non multa solùm, sed
 omnia licet discere. Aude hoc velle, & in
 Deum transisti.

CAPVT VIII.

*Tobias Sara comprecator in fide fir-
 missimus.*

Explicatis Tobix precibus exponit sacra
 pagina preces etiam Saræ alibi orantis,
 quæ non unius tantum virtutis specimen
 precando dedit.

I. Eximiam certè patientiam præ se tulit.
 Nam eùm eam ancilla ipsius ore maledico
 invaderet, ei que acerbissimè approbraret
 ista: Amplius ex te non videamus filium
 aut filiam super terram, interfectrix virorum
 tuorum. Nunquid & occidere me vis, sicut
 jam occidisti septem viros? a Quis hîc præ-
 rientem manum continuisset, quis maledi-
 centiam tam effrenem non pugno vindica-
 set? Sara siluit, & contumeliam non tantùm
 non colapho, sed nec verbulo vindicavit.

II. Infi-

a Tob. c. 3. v. 9. & 10.

II. Insignem exhibens abstinentiara per-
 rexit in superius cubiculum domus suæ, &
 tribus diebus & tribus noctibus non man-
 ducavit, neque bibit. *a*

III. Constantiam monstrans singularem:
 nam, in oratione persistens cum lacrymis
 deprecabatur Deum. *b* Epilogum orationi
 suæ hunc attexit: Hoc autem pro certo
 habet, omnis qui te colit, quod vita ejus, si
 in probatione fuerit, coronabitur. Hinc il-
 lud sumitur certissimum: Cùm filios casti-
 gat Deus, percutientis verbera magna sunt
 amoris argumenta. Quod jam paulò uberi-
 riùs exponendum.

a *Ibid.* v. 10. *b* *Ibid.* v. 11.

§. I.

Quemadmodum meliora sunt amantis
 vulnera, quàm odio persequentis blandi-
 menta & oscula: ita prorsus meliora sunt
 Dei filium punientis verbera, quàm blan-
 dientis Mundi beneficia. Hebraus Amos
 Numinis vicem: Tantummodò vos, inquit,
 cognovi ex omnibus cognationibus terræ:
 idcirco visitabo super vos omnes iniquita-
 tes vestras. *a* Vos ut notos, imò ut filios
 meos virgis & flagris compellam ad offi-
 cium. Quod Hieronymus confirmat, illa
 Ezechielis verba interpretatus: Non parceret
 oculus meus, neque miserebor. Non parceret
 ut parcat; non miseretur, ut magis misereatur.
 Percutit autem Dominus, quem dili-
 git, & castigat omnem filium, quem reci-
 pit.

a *Amos* c. 3. v. 2.

PA
 pit. Hinc
 Quem De
 Quod & c
 quosque,
 miseros, q
 sine flagell
 cium (in h
 non corti
 affirmans
 Deus, cù
 malignum
 stum, Nor
 luculentæ
 eos, inquit
 rum; ibun
 per Ezechi
 recedet à t
 Corripient
 indicia. *d*
 Scriptur
 scribo, co
 hæz gent
 qui hæc Je
 pter adver
 acciderun
 reptionem
 to tempore
 tentiâ agen
 magni ben
 ma est mil

a *Greg.*
b *Bern.* *se*
d *GD*
e 2, *Ma*

pit. Hinc nos rectissimè philosophamur: Quem Deus non verberat, hunc non amat. Quod & Gregorius confirmans: Peccantes, quosque, ait, tunc consideramus amplius miseros, quando conspiciamus eos in culpâ sine flagello derelictos. *a* Maximum supplicium (in hoc orbe) est delinquentem à Deo non corripi. Quod Bernardus disertissimè affirmans: Tunc, inquit, magis irascitur Deus, cùm non irascitur. *b* Ulcus nimis malignum est, quod omnem abhorret tactum. Non puniri, maxima est punitio. Tam luculentæ veritatis Deus ipse testis: Dimisi eos, inquit, secundùm desideria cordis eorum; ibunt in adinventionibus suis. Idem per Ezechielem pronuntiavit: Zelus meus recedet à te, & non irasceam tibi amplius. *c* Corripientis patris verbera, sunt dilectionis indicia. *d*

Scripturus historiam hujus ævi, quo hæc scribo, commodè apponet illud è Machabææ gentis historiâ: Obsecro autem eos, qui hæc lecturi sunt, ne abhorrescant propter adversos casus, sed reputent ea, quæ acciderunt, non ad interitum, sed ad correptionem esse generis nostri. Etenim multo tempore non finire peccatoribus exsententiâ agere, sed statim ultiones adhibere, magni beneficii est indicium. *e* Pars maxima est misericordiæ, pœnas debitas ad sup-

E premum

a Greg. hom. 12. in Ezech.

b Bern. ser. 42. in Cant. *c* Ezech. c. 16. v. 42.

d Gottes Schlag seynd Liebstraich.

e 2. Machab. c. 6. v. 12. & 13.

premiū iudiciū non differre. In hac vitā percutiens Dei manus materna est & medica. Hic planā & porrectā manu ferit Deus, uti matres solent infantulos; ^a at verò illic in orbe altero duobus pugnis cædit, corpus & animam in gehennam perdit. Quos odit, manibus ferreis contundit, æternū occidit. Hic autem, quos amat, castigat. Nos homunciones infantuli misselli, ac stolidi vellemus suavius amari, blandis & parentibus manibus tractari, pulvillo collocari, rosis coronari. Hæc nostra est stulta infantia; adedò nondum reliquimus nuces, ut ea solū, quæ temporis sunt, pueriliter attendamus; iis non magni æstimatis, quæ promittit æternitas. Rex David longè maturiori sensu hæc levia contemnens, & minimos etiam naves à Deo puniri singularitatem gratiam interpretatus: Deus, inquit, tu propitius fuisti eis, & ulciscens in omnes adinventiones eorum. *b* De Mose, Aarone, Samuele sermo est, qui quidem primæ admissionis amici erant, à levioribus tamen etiam labeculis impunitatem non habuerunt. In sanctissimis etiam viris pænè semper est, quod corrigi, quod emendari possit. Actiones humanas veluti pictorum tabulas nos pagani, imperitissimi spectatores, parum limatis & indoctis oculis aspiciamus: hinc iudicia temeraria & perversa. At verò Deus sicut artifex, & picturarum peritissimus æstimator vel minutissimos errores

oculis

a Bantschen vocant.

b Psal. 98. vers. 8.

P
oculis equ
ne virtut
præmio no

Hinc illa
bia ac Sara
habet, om
in probati
tissimè id
quid facul
to favore
quæcunqu
septingent
mille asina
gentis; pro
cepit. Pri
fuerat, qu
amici, cog
imò & opt
annis tole
cum velu
omnium
decurso st
mortis ex
fuerunt pe
lia multa
unam &
bus denu
tionem co
Ægypti p
venditus,
suo domi

a lob e.

oculis equissimis deprehendit & punit; omne virtutis officium vel tenuissimum sine prämio non dimittit.

§. II.

Hinc illa fidei certitudo, quam Deus Tobia ac Sarae patefecit: Hoc autem pro certo habet, omnis, qui te colit, quod vita ejus, si in probatione fuerit, coronabitur. Luculentissime id spectare est in Jobo, qui quidquid facultatum & opum perdidit, geminato favore recepit. Addidit Dominus omnia quaecunque fuerant Job duplicia: a pro septingentis ovibus, mille quadringentas, mille asinas, & mille juga boum pro quingentis; pro tribus, sex millia camelorum recepit. Prius tamen in probatione grandi fuerat, quam ita coronaretur. Omnes illum amici, cognati, famulae, famuli deseruerant, imò & oppugnabant: post arumnas septem annis toleratas, ad fimerum denique publicum velut cadaver vivum elatus, rerum omnium extremè inops. Hoc septennali decurso stadio Deus illum velut faucibus mortis extrahens in solium reduxit. Adfuerunt postliminio amici, cognati, familia multa nimis. Amicorum singuli ovem unam & inaurem auream donarunt. Opibus denuò post longam & asperam probationem coronatus est amplissimis. Joseph Aegypti prorex à suismet fratribus iniquè venditus, à suâ dominâ falso accusatus, à suo domino in carcerem conjectus, tandem

E 2

emerfit

a Job c. 42. vers. 10.

emerſe poſt rigidam probationem à Deo coronatus. Daniel in leonum foveam bis præcipitatus in probatione fuit, ſed à Dario rege honoribus ſummis coronatus eſt. Caſſiſſima Suſanna jam ducebatur, deſtinata morti victima, jam ei minabantur lapides ut adulteræ. Auſtera fuit hæc probatio. Sed adfuit Deus; innocens & pudica mulier ingentibus elogiis coronata in celebritate maximâ, atque in oculis omnium vixit; nec ullis poſt ſæculis partam pudicitiam gloriam amittet. Pro certo habuit Suſanna mortem innocenter obitam à Deo ampliffimè coronandam.

Iſta tamen probatio non negamus, vehementer exruciat, ſed modicum durat, & æternum coronat. Hæc probatio eſt lixivium mordax & aſperum, ſed egregiè purgat & fanat. Ad hanc fidei certitudinem divinus Petrus nos erigens: In quo exultabitis, inquit, modicum nunc ſi oportet contriſtari in variis tentationibus, ut probatio veſtræ fidei multò pretioſior auro (quod per ignem probatur) inveniatur in laudem & gloriam & honorem in revelatione Jeſu Chriſti. *a* In ipſo luſtu, intèrque lacrymas gaudere nos jubet & exultare. Et ejus rei assignat cauſas. 1. Probationes & tentationes, ærumnæ atque afflictiones omnes, modicum ſunt exiguiſſimum, ad infinitum, immortale, immenſum cæli præmium. 2. Quod patimur non modicum ſolum, ſed & breve ac momentum eſt. Beatus Eucherius ad Valerianum

2 1. Pet. c. 1. v. 7. & 8.

Valerianum
magnam
oportet
cum nece
quod imm
luntas eſt
fiderandæ
In dibus,
fiduis me
mur, que
Nos ſubin
jungimus
non ingra
5. Probè n
potes ſunt
perimenta
que varia
tas, iſtum
temptus &
occulta pe
ærumnæ
certo hab
ejus, ſi in
In probat
jam omni

Longiſſi
ſeptennium
ros deſect
les perpe
ſed ſinguli
quidem m
tum & un

Valerianum cognatum : Nihil est, inquit, magnum re, quod paruum est tempore. 3. Si oportet contristari : quid enim luctamur cum necessitate ? si oportet, toleremus quod immittitur tolerandum : hæc Dei voluntas est. 4. Vices rerum humanarum consideranda, quæ gaudia identidem miscent luctibus, luctusque gaudiis: neque enim assiduis mœroribus aut doloribus obrundimur, quemadmodum damnati ad inferos. Nos subinde respiramus, & pausam interjungimus, & vires reparamus : perpetua & non ingrata rerum omnium vicissitudo est. 5. Probe norint quicumque miseriarum cōpotes sunt, afflictiones esse probationes, experimenta, tentationes, exercitationes, easque varias: Hunc morbus, illum paupertas, istum odia & invidentia, hunc contemptus & infamia, alios curæ, angores, & occulta pectoris vulnera exercent. Quidquid ærumnarum & exercitationum sit, hoc pro certo habet, omnis qui te colit, quod vita ejus, si in probatione fuerit, coronabitur. In probatione fuerunt omnes amici Dei, jam omnes coronantur.

§. III.

Longissimus fuit Jobo tirocinii annus, septennium ipsum, quo toto velut ad inferos dejectus morbos & ærumnas incredibiles perpeffus, non singulis solum diebus, sed singulis pænè horis mortuus. Noëmus quidem mitius, sed diuturnius, annos centum & unum variis & gravibus molestiis fatigatus

fatigatus est. Calumnias & carcerem Joseph triennio sustinuit. David penè omni vitâ in miseris fuit. Daniel tirocinium suum inter leones posuit. Hebræi tres juvenes in ipsis etiam flammis specimen suæ virtutis dederunt. Machabææ heroidis filii in sartagine & exquisitissimis tormentis constâtiâ suam insignissimè demonstrarunt. Athanasius non ab Arrianis tantum, sed ab orbe toto exagitatus locum ex loco mutavit exul & profugus. Sed hoc modicum fuit, probatio fuit. Ad hoc animi robur Sebastianus martyr Marcum & Marcellianum fratres cohortatus est, ne tentati à fide deficerent. Tormenta vel levia sunt, vel acria & gravia. Si levia, tolerabilia sunt; si gravia, non diuturna sunt, sed ad mortem adigunt, & per mortem ad immortalitatem transmittunt. Toleremus ergo tam levia, quàm gravia; illa, quia modica; hæc, quia brevia. Hoc enim pro certo habet, omnis qui te colit, quòd vita ejus, si in probatione fuerit, coronabitur.

Beatus Leo præsul Romanus summus ad hanc ipsam spem nos animans: Certa est, inquit, & secura expectatio promissæ beatitudinis, ubi est participatio dominicæ passionis. *a* Scientes, inquit Paulus, quod sicut focii passionum estis, sic eritis & consolationis. *b* Nam si commortui sumus, & convivemus: si sustinebimus & conregnabimus. *c*

Arnulphus

a S. Leo serm. 9. de Quad. *b* 2. Cor. c. 1. v. 7.
c 2. Tim. c. 2. v. 12.

Arnulphus sciens f...
scerum u...
aliquanto...
Ubi dem...
exclamavi...
sv, que d...
Interroga...
reddidit...
que dixist...
rare, & al...
Quibus il...
affirmo ve...
in Evang...
Magnus i...
mihî nom...
ingerit æ...
habet, on...
ejus, si in...
Et necess...
peris catu...
rendam c...
remunerat...
cat: Qui p...
cælo tarc...
tiuntur; s...
pecuniâ u...
tradunt, i...
vocat; qu...
mos. Hos...
onera, qu...
in amicit...
rationis a...
Dices:

Arnulphus religionis religiosæ Cisterciensis familiaris vir eximie pius morbo & viscerum doloribus colicis adeo laboravit, ut aliquanto tempore in mortuum jacuerit. Ubi demum ad se rediit, coram pluribus exclamavit: Vera sunt omnia, Domine JESU, quæ dixisti. Idque sæpius ingeminavit. Interrogatus, qui valeret, has ipsas voces reddidit: Vera sunt omnia, Domine JESU, quæ dixisti. Qui adstant, linguâ eum delirare, & aliena loqui præ doloribus putabâr. Quibus ille: Sanæ mentis sum, inquit, & affirmo verissimum esse, quidquid Christus in Evangeliiis amatoribus crucis promisit. Magnus hic dolor qui me exercet, sed hoc mihi nomine gratus est, quia spem certam ingerit æternæ voluptatis. Hoc igitur certo habet, omnis qui Deum colit, quod vita ejus, si in probatione fuerit, coronabitur. Et necesse prorsus est, homo fidelis & superis carus sit, cui Christus suam crucem ferendam committit, tolerantiam amplissimè remuneraturus. Bonaventura rem ita explicat: Qui pedites eunt peregrè, æstuante jam cælo tarcinulas suas, si possint, in alios partiuntur; sed non cuivis pallium, aut cum pecuniâ bulgam, sed noto homini ac fido tradunt, ita Christus ad patiendi societatem vocat, quos charissimos habet & fidelissimos. Hos inter felleum partitur calicem, & onera, quæ ipsemet gestavit, amicis dividit, in amicitie symbolum & futuræ remunerationis argumentum.

Dices: At enim æquè multa, vel plura
 E 4 patiuntur

patiuntur homines mali. Fateor, sed ea, quam ferunt, non est crux Christi, sed mundi, sed diaboli. Sed unde, inquires, hoc scitur? E pluribus, nec fallacibus signis: verba & gestus horum crucigerorum considerat; observa eorum diffidentiam, pusillanimitatem, impatientiam, murmurationem, inconstantiam. Verbum vetus est: Laurigeri multi, pauci Phœbi: ita profus crucigeri multi, pauci patientes & probi. Inter illos & istos discrimen invenire non difficile. Non obmurmurat, neminem accusat, præmium in cælo expectat, qui crucem Christi causâ portat. Ideo Sara tam signanter dixit: Hoc autem pro certo habet, omnis qui te colit, quod vita ejus, si in probatione fuerit, coronabitur. Subinde mater terrificam se fingit infanti, pugnos complicat, tonat, minatur, fulminat, quasi jam jam infantem vivum devoratura; ira est, imprecatio dira est, sed matris; nollet fieri, quæ imprecatur, quia mater est: ita Christus nunquam vultum leonis induit, ungues exerit, ignes vomit, dentes stringit; nihilominus saviendo patet, quia pater est. Hoc igitur pro certo habet, quisquis illum colit, suas miseras amplissimis præmiis emutandas. Hoc unicum ergo quærendum: Colitis Christum, amatis Deum? Colimus, amamus. Hoc ergo habetote pro certo, quod vita vestra, si in probatione fuerit, coronabitur. Altum ingemiscens Jobus: Solum mihi, ait, superest sepulchrum. Nos hilarius loquamur: Solum nobis superest cælum

PA
lum. In r
stitiz. a
mitatis a
mur mag
sto, pro C
pendiosif

a 2. Ti

Tobi

S I qu
stiam
com
omnem v
melius q
inveniet,
parens d
lum, qui
ceptis tri
gereret e
Tertio d
ret erga s
ptis, Hi
præcepti
Officiu
complec
Omnibu
Deum. C
presenti
tota est,

lum. In reliquo reposita est mihi corona iustitiæ. a Non sum primus, cui scævitia calamitatis attulit exordium salutis. Progrediamur magno animo, & patiamur cum Christo, pro Christo. E cruce in paradysum compendiosissimus est transitus.

a 2. Tim. c. 4. v. 6.

CAPVT IX.

*Tobias presentia divina cultor
observantissimus.*

SI quis ideam & prototypon vitæ Christianæ ex virtute agenda inspicere, & compendio velit discere, quidquid ad omnem virtutis exercitationem spectat, vix melius quid, aut brevius, aut ordinatius inveniet, quàm præceptiones, quas Tobias parens dedit filio. Nam primo erudit illum, qui se gereret erga Deum, idque præceptis tribus. Deinde docuit illum, qui se gereret erga homines, idque sex præceptis. Tertio denique instruxit illum, qui se gereret erga seipsum, idque tribus etiam præceptis. Hic ordo paternæ cohortationis est: præceptiones singulas inspiciamus.

Officium erga Deum præceptiones ternas complectitur. Prima est, Religio & Pietas: Omnibus diebus vitæ tuæ in mente habeto Deum. Quibus verbis filio assiduam divinæ presentia venerationem commendavit. Altera est, Laudatio Dei continua: Omni

tempore benedic Deum, & pete ab eo, ut vias tuas dirigat, & omnia consilia tua in ipso permaneant. Tertia est, Aversio ab omni peccato perpetua: Cave, ne aliquando peccato consentias, & prætermittas præcepta Dei nostri.

Officium erga homines, quod in charitate potissimum, & justitiâ consistit, præceptionibus senis comprehenditur. Prima est, erga parentes: Honorem habebis matri tuæ omnibus diebus vitæ ejus. Secunda, erga pauperes: Ex substantiâ tuâ fac elemosynam: Quomodo potueris, ita esto misericors. Ubi etiam docet, quibus, quomodo, ex quâ crumenâ, quo fructu sit largiendum. Tertia, erga mercenarios: Quicumque tibi aliquid operatus fuerit, statim ei mercedem restitue. Quarta, erga Consiliarios: Consilium semper à sapiente perquire. Quinta, erga Defunctos, Panem tuum, & vinum tuum super sepulturam justî constitue. Sexta, erga quoscunque alios: Quod ab alio oderis fieri tibi, vide ne tu aliquando alteri facias. En sapientissimum Charitatis & Justitiæ brevium.

Officium erga seipsum, est victoria sui, & decorum, quod præceptionibus tribus continetur. Prima est, Submissio & modestia: Superbiam nunquam in tuo sensu, aut in tuo verbo dominari permittas. Secunda, omnis lascivie & adulterii fuga: Attende tibi, fili mi, ab omni fornicatione, & præter uxorem tuam nunquam patiaris crimen scire. Tertia paupertatis, & aliarum zrum-

narum

P
narum to
perem qu
bona hab
Atque ho
Has præc
volumini
nium præ
tuti divi
duam, ob
bias præc
mus.

a Hæc

De De
dâ Nicet
hunc lect
tingemus
nemus ad
è divinis
ni loco v
tus: In on
templant
minis pat
rator est
vates con
quit, &
jus oculi
liorum
cundum
Non est,

a Nicet

b Prou

c Hier

narum tolerantia : Noli timere, fili mi, pauperem quidem vitam gerimus, sed multa bona habebimus, si timuerimus Deum. *a* Atque hoc vitæ Christianæ compendium. Has præceptiones uberius explicare magni voluminis negotium est : Nos primam omnium præceptionem delibabimus, explicaturi divinæ præsentiae venerationem assiduam, ob quam jure merito dici possit Tobias præsentiae divinæ cultor observantissimus.

a Hec omnia c. 4, Tobias.

f. 2.

De Dei præsentia in omni loco veneranda Nicetas meus paulò fusiùs dissertat, hunc lector consulte. *a* Hic angustè rem attingemus, & eam omnem doctrinam ponemus ad compendium, Rei fundamentum è divinis litteris hîc locamus. Deum in omni loco verissimè præsentem Salomon testatus: In omni loco, inquit, oculi Domini contemplantur bonos & malos. Omnes viæ hominis patent oculis ejus, spirituum ponderator est Dominus. *b* Quod Hieremias vates confirmans : Magnus consilio, inquit, & incomprehensibilis cogitatu; cuius oculi aperti sunt super omnes vias filiorum Adam, ut reddas unicuique secundum vias suas. *c* Idem adstruens Paulus: Non est, inquit, ulla creatura invisibilis in

E 6

con-

a Nicetas l. 2. c. 10. per novem paragraf.

b Prov. c. 15. v. 3. & c. 16. v. 2.

c Hier c. 32. v. 19.

conspēctū ejus: omnia autē nuda & aperta sunt oculis ejus: discretor cogitationum & intentionum cordis: *a* Clarissimè Prophetā, quem dixi, & ad institutum accommodatissimè. Si, inquit, occultabitur vir in absconditis, & ego non videbo eum? dicit Dominus. Nunquid non cælum & terram ego impleo? dicit Dominus, *b* Est ergo religionis Christianæ dogma multò certissimum & primarium, Deum locis omnino omnibus esse præsentissimum, & quidem, cum dividi non possit, totum Deum. Hanc evidentissimam fidei nostræ veritatem præfæ legis Triumviri sanctissimi, Noë, Job, David probè perspexerunt, eam summè venerati. Noë vir justus, atque perfectus fuit in generationibus suis: cum Deo ambulavit. *c* Perinde uti duo cuntes peregrè intermutuos aspectus suaviter colloquuntur; alter alterum intuetur. Ita non solum Deus Noëm, sed & Noëmus Deum identidem aspexit. Et nisi hoc sanctum exercitationis genus habuisset, mores tam sanctos inter vitiorum colluviem, homines nequissimos, tueri ægrè potuisset. Lasciviebat orbis universus impiis deliciis intentissimus, at ille ambulabat cum Deo, solum Deum respiciebat: hinc centum annorum ædificio molestissimo non succubuit.

Jobus de seipso: Nonne ipse, inquit, considerat vias meas, & cunctos gressus meos

a Hebr. cap. 4 v. 12. & 13.

b Hier. cap. 23 v. 24.

c Genes. cap. 6. v. 9.

meos din
sibi ipsi ac
quibus ni
numerat
gitatione
nes, Deus
videt, au
in numer
Observat
stigia pec
me terter

Ejusde
Provideb
ctu meo
recordor,
dexteram
præsentia
voluntate
Simonia
Servavi,
quia om
Hæc un
sublime

Deum
lolatræ
omnia c
premi No
naus Ser
quæ ab
aut Chr
Hinc mo
& à vitii

a Job
c Psa

meus dinumerat? *a* Facile quis persuadetur sibi ipsi attendere, si cogitet gressus omnes, quibus nihil inest mali, à Deo numerari. Si numerat gressus, multò magis spurcas cogitationes, impios sermones, pravas actiones, Deus exactissimus est Arithmeticus, qui videt, auditque omnia, & nihil non habet in numerato. Quod & Jobus expendens: Observasti, ait, omnes semitas meas, & vestigia pedum meorum considerasti. *b* Hoc me terret, continetque in officio.

Eiusdem animi beatissimus rex David: Providebam, inquit, Dominum in conspectu meo semper. *c* Crebrius tui, mi Deus, recordor, cogitatione frequentius te, quam dexteram meam, intueor: jugi hoc divinæ præsentia intuitu vir tantus, vir secundum voluntatem Dei evasit. Hæc illi studia sanctimoniam contulerunt. Nec ipse diffidetur: Servavi, ait, mandata tua, & testimonia tua, quia omnes viæ meæ in conspectu tuo, *d* Hæc una mentis exercitatio plurimos ad sublimem sanctimoniam gradum evexit.

Deum locis omnibus præsentem nec idololatræ ignorarunt. Homero Deus sol est omnia collustrans, omnia cernens. De supremi Numinis in omni loco præsentia Annæus Seneca pluribus epistolis ea disserit, quæ ab Ambrosio aliquo, aut Augustino, aut Chrysostomæ dicta, scriptave censeas. Hinc mores & vita Senecæ tam composita, & à vitiis remota, ut viros non Christianos solam,

a Job c. 31. v. 4. *b* Job. c. 13. v. 27.

c Psal. 15. v. 8. *d* Psal. 118. v. 168.

solùm, sed & religiosos Deoque sacros in ruborem dare possit. Quisquis aut ignorantia, aut defidia istud circa presentiam divinam studium negligit, ingentem cumulum vitiorum brevi colliget: ita enim vivet, perinde ac si eum oculus omnium actionum arbiter non cernat.

Reperias asylum alicubi, quod securitatem magis promittat, quam præstet, asylum mendax & chartaceum. Joabus belli dux in asylum se recepit, ad aram tabernaculi confugit. Quod ubi Salomon rescivit, eum exire iussit. Joabus noluit. Illuc igitur fulmen regium penetravit, & missa vox: Interfice eum ibi. Ita plures è refugii latibris extracti, quod asylum crediderunt, locum supplicii esse senserunt.

2. 3. Reg. c. 2. v. 29.

6. II.

Quicumque culpis gravioribus se obstringunt, omnes unicum habent asylum, sed diaboli, sed chartaceum; malè tutum. Nec enim in cælo securi sunt cum Lucifero, nec in terrâ cum Adamo, nec cum Jonâ in pelago, nec cum Judâ in tartaro. Hæc omnia latibula mente obiens David: Si ascendero, inquit, in cælum, tu illices; si descendero in infernum, ades; si habitavero in extremis maris, a ades. Nusquam asylum, nusquam. Quibus ergo latibulis homines vitiosi se abdunt, quo se asylo elaudunt? diaboli chartaceo, asyli hujus nomen est: *Non videor*. Elatae mentis homo, fastu turgidus, qui

2. Psal. 138. v. 8. & 9.

qui se ali
præferre
Non vide
sunt in a
asylum i
& odia co
licitate ta
Non vide
& colubr
cogitatio
latere se
res, obt
adulteri
lum: Non
istud se
fugam a
nebræ co
sciat, qui
ut ceteri
Sed ped
non tene
dies illum
tenebris
claro me
delicis n
abdito q
protracta
ta. Futu
cularia
regno m
runt. D
deor, Do
lis, licet

a Psal.

qui se aliis non æquiparare tantum, sed & præferre auder, in asylum hoc confugit: *Non videor.* Ambitiosus, quem auræ paucunt inanes, qui basilicas in aëre struit, in asylum istud se recipit: *Non videor.* Qui iras & odia coquit, plenus invidiâ & alienâ felicitate tabescens hoc ipso clauditur asylo: *Non videor.* Cocus venenarius, qui viperas & colubros lixat, qui libidinosis & impuris cogitationibus sese oblectat, in hoc eodem latere se posse sperat asylo: *Non videor.* Fures, oblectatores, ganeones, impostores, adulteri in hoc ipsum sese illatebrant asylum: *Non videor.* Ipse etiam David in asylum istud se proripere cogitans, jamque pænè fugam adornans: Et dixi, ait, forsitan tenebræ conculcabunt me. *a* Quis enim resciat, quid in tenebris rex faciat? Perinde, ut ceteri è plebe, tutus latebo.

Sed pedem mox revocans: Quia, inquit, non tenebræ obscurabuntur à te, & nox sicut dies illuminabitur. O Domine, tui oculi in tenebris æquè omnia pervident, atque ipso claro meridie. Et nox illuminatio mea in deliciis meis. *b* Voluptas, quam ego mihi in abdito quærebam, in apertissimam lucem protrahata est, scelera mea jam omnibus nota. Furtivi in Bethsabeam amores, clancularia Uriæ epistola, jam urbe totâ, jam regno meo, jam orbe universo innotuerunt. Deprehensus sum in flagitiis, videor, Domine, videor, à tuis certè oculis, licet omnes humanos fallam, tuos fallere,

lere, sopire tuos non possum. Medius mei pectoris, medius oris mei, medius mei cerebri, & corporis totius resides: quò vel oculus, vel manus, vel pes meus exerrat, te Deus invenit præsentissimum. Arcanissima cordis mei penetralia, tibi, ò Deus, nunquam non patent; Videor. Atque hoc illud omnium proborum asylum est munitissimum: Videor, videor, ò mi Deus, videor à te, etsi mortalium nemo videat. Hoc illud asylum est, quod à gravioribus noxis omnibus defendit ac protegit. Contra priores illos in cacodæmonis asylo malè latitantes Isaias altum vociferatur: *Væ*, qui profundi estis corde, ut à Domino abscondatis consilium; quorum sunt in tenebris opera, & dicunt, quis videt nos? & quis novit nos? Perversa est hæc vestra cogitatio. *a* Flagitiis exundat orbis; Mundus totus in maligno positus est, non est, qui faciat bonum, non est usque ad unum. Ut autem tantò licentius peccent, ad unum omnes confugiunt asylum: *Non videmur*. Quod testatissimè affirmans Ezechiel: Dixerunt enim, inquit, dereliquit Dominus terram, & Dominus non videt. Idem impietatis & nequitiae asylum digito monstrans David: Et dixerunt, inquit, non videbit Dominus, nec intelliget Deus Jacob. *b* Idem ex ore impiorum Jobus pronuntiat: Quid enim novit Deus? & quasi per caliginem judicat: Nubes latibulum ejus, & nostra non considerat, & circa cardines cæli perambulat. *c*

a Isa. c. 29. v. 15. & 16.

b Ps. 93. v. 7. *c* Job c. 22, v. 13. & 14.

In

In hos
Intelligi
stulti alio
rem, non
non conf
hominum
intuentes
mo eos v
terit illu
dit se ab
hominum
excogitav
nem scie
Idcirco
diebus v
Dei præ
rare. Hui
est illa, q
tempore
vias tuas
ipso per
fieri non
Deum a
mè dilig
quis De
præsent
& non
voce, ac
cuius de
re: Dom
me. Imò
Jesv, p

a Ps
b Eccl

In hos jure merito excandescens David: **I**ntelligite, inquit, insipientes in populo; & stulti aliquando sapite. **Q**ui plantavit aurem, non audiet, aut qui finxit oculum, non considerat? Dominus scit cogitationes hominum. & Dei oculos omnia momento intuentes nemo claudet, nemo sopiet, nemo eos velamine ullo conteget: Non præterit illum omnis cogitatus, & non abscondit se ab eo omnis sermo. **A**byssum & cor hominum investigavit; & in astutiâ eorum excogitavit. **C**ognovit enim Dominus omnem scientiam *b*

Idcirco, mi Tobia, mi Christiane, omnibus diebus vitæ tuæ in mente habeto Deum; Dei præsentiam in omni loco assidue venerare. Huic præceptioni sacræ, conjunctissima est illa, quæ primam ultro sequitur: **O**mni tempore benedic Deum, & pete ab eo, ut vias tuas dirigat, & omnia consilia tua in ipso permaneant. **Q**uemadmodum autem fieri non potest, ut homo jam cælo receptus Deum aperte aspiciat, & Deum non intime diligat; ita prorsus fieri vix potest, ut quis Deum complectatur animo, & Dei præsentiam jugi veneratione prosequatur, & non singulis horis aliquoties Deum invocet, ac laudet. **Q**uam pronum & facile cuivis de die sæpius Christum ita compellare: **D**omine **J**esv, miserere mei, & dirige me. **I**mò illæ geminæ solùm voculæ: **D**omine **J**esv, precatio sunt non minus pia, quàm succincta.

a Psal. 93. v. 8. & seqq.

b Eccli. c. 42. v. 12. & seqq.

succincta. Nam cetera illis oculis addenda, vel pius affectus satis exprimit, aut patrum matutinum cum Deo initum pronuntiat. Hinc saluberrimi consilii est, ut non sani tantum, sed & aegroti ac moribundi has ipsas voces, *Domine IESU*, assidue tam ore, quam corde volvant: alia his oculis duabus in ritum precationis adjicienda satis intelligit Deus, qui etiam corvorum se invocantium idioma novit. Nec enim opus omnem orationis sensum & affectum verbis exprimere, quando Deo loquimur, qui ab omni aeternitate scivit, quid non tantum locuturi, sed & cogitaturi unquam essemus. Has voces, *Domini IESU*, à beato Paulo, Stephano, alis sanctissimis viris usurpatas discimus, & eandem meritò assidue usurpamus.

Ubi ergo praesentiae divinae venerandum studium est, illic continua pax ad Deum sequitur aspiratio. Deus omni tempore benedicendus Beati calites indefinenter, continue, summam cum suavitate Deum & amant & laudant, & nec puncto quidem temporis has actiones dulcissimas intermittunt. Omne caeli momentum mel merissimum, merissimas habet voluptates. Dum vivimus, beatos calites hac amoris & laudis indefinente ac jugi perpetuitate imitari non possumus; nihilominus urget praecipio. Omni tempore benedic Deum, saltem horis singulis, saltem aliquoties in horas singulas.

Verum
te ab eo
fillum te
gradi pe
cespitam
bimur, c
mus, ut
gerula n
ne me ni
cientia n
Deus eri
super te
in me p
tuos nu
iterum,
me aspi
cienti in
in via h
oculos v
Hierc
Spinola
animo
serenda
religios
stabant
jam par
bant. A
sapia, v
bis obn

a 2e
c P/2
sicutus B

§. III.

Verùm præceptioni huic additur : Et pe-
te ab eo, ut vias tuas dirigat. Si vel ad pu-
sillum temporis spatium nostro nos pede
gradi permittat Deus, mox impingimus,
cespitamus, hallucinamur, offensamus, la-
bimur, conculcamur, ad cò à Deo pende-
mus, ut heri natus infantulus à nutricis vel
gerulæ manu. Verissimum illud Christi: Si-
ne me nihil potestis facere. *a* Omnis suffi-
cientia nostra ex Deo est. *b* Promissis nos
Deus erigens per Psalten : Firmabo, inquit,
super te oculos meos. *c* Tu contra & tuos
in me perpetim flecte : hoc saltem age, ut
tuos nunquam à me penitus avertas, quin
iterum, ac iterum, iterumque horis singulis
me aspicias. Sic ad me identidem respici-
enti intellectum tibi dabo, & instruam te
in viâ hac, quâ gradieris, firmabo super te
oculos meos.

Hieronymus Platus *d* memorat Andream
Spinolam virum triginta & octo annorum
animo ingenti exarsisse ad fluxa omnia de-
serenda, quò se penitus divinis obsequiis in-
religiosâ familiâ obeundis consecraret. Ob-
stabant multa, quæ moram injiciebant, &
jam panè ad sanctiora transeuntem revoca-
bant. Alia sanè suadebant nobilissima pro-
sapia, valetudo tenuis, incommoda, mor-
bis obnoxia, lautior antehac mensa, quies
affecto

a Ioan. c. 15. v. 5. *b* 2. Cor. c. 3. v. 5.

c Psal. 31. v. 8. *d* Platus l. 3, de bono
sicutus Relig. c. 16. mihi pag. 536.

affecto corpori necessaria, dignitatis am-
 plitudo disciplinæ religiosæ difficultas. Plura
 talia ad sanctiorem vitam properanti præpe-
 dimentum objiciebant. At ille in hoc cogi-
 tationum æstu sapius ad Deum versus præ-
 cabatur: Dirige me, Domine JESU, dirige
 me. Non frustra fuit hæc precatio. Repente
 animo illud psaltæ objectum: Deus, qui
 præcinxit me virtute, & posuit immacula-
 tam viam meam, qui perfecit pedes meos
 tanquam cervorum, & super excelsa sta-
 tuens me. ^a Hic pavidæ cogitationes eva-
 nuerunt omnes. Ergo se totum divino ar-
 bitrio permisit, & demum ausus, quod
 cæperat, reliquum omnem spiritum impen-
 dit Deo, ^b in Societatem JESU adscriptus.
 Ipse dein factus est, in eo se triclinio sapius
 prandisse, & lauius ut hospitem exceptum,
 pleraque tamen fercula & insulsa sibi &
 sordida fuisse visa, nunc verò strictissimam
 ferculorum legem & dixtam palato insigni-
 ter respondere; & verò etiam interrogavit,
 num sibi singulare quid pararetur? Non so-
 lum fames, sed omne verbum, quod proce-
 dit de ore Dei, condit epulas. Omnis suffi-
 cientia nostra ex Deo est; in eo res vertitur.
 Deus nos dirigat, & vicinus. Nec refert, per
 quos antractus & ambages nos ducat Deus,
 modò ducat, modò dirigat. Falco cum ad
 ardeam oppugnandam emittitur, si quidem
 probè sit eruditus, non viâ rectâ sursum evo-
 lat, sed velut fugiens laevorsum, aut dex-
 torsum

^a Psal. 17. v. 33. & 34.

^b Er magts auff Gott,

P
 trorsum at
 hostem. P
 rima, qua
 noxia: qu
 gat, & va
 tempore p
 Primari
 locis omni
 omni ter
 sequitur:
 sentias. L
 non est al
 tentate, p
 & in flam
 Deum ti
 nem calo
 plium c
 mali qua
 minima.
 pitalis re
 deliquiss
 petit, &
 rum tiro
 mel car
 amplius
 bulo ini
 gravior
 monis ju
 statem tr
 sunt; e f
 & migr
 hominur

a Ma
 c Sp

trorsum ascendit, ut supernè ruens configat hostem. Haud aliter in vitâ nostrâ sunt plurima, quæ planè anfractuosa videantur, aut noxia : quòd si Deus nos ducat, Deus dirigat, & valdè recta, & admodum utilia suo tempore patebunt.

Primam præceptionem de Dei præsentia locis omnibus veneranda; Alteram de Deo omni tempore benedicendo. Tertia rectè sequitur: Cave ne aliquando peccato consentias. Letali peccato vel unico consentire, non est aliud, quàm ictum Deo letalem intentare, promissi cæli sygrapham lacerare, & in flammâ excutere. Letaliter peccasti? Deum tibi hostem constituisti, beatitudinem cælestem perdidisti, ignis æterni supplicium commeruisti. Hoc verissimè habet mali quælibet letalis noxa, & letalium vel minima. Et quod miserabilius: culpæ capitalis reo plerunque non satis est semel deliquisse, sed delicta iterum iterumque repetit, & scelus necit sceleri. Nam sicuti furum tirones novelli laverniones, *a* cùm semel carnificis ferulam acceperunt, *b* vix amplius Mercurii tribu excedunt, jam patibulo initiati sunt: ita prorsus, qui semel graviori noxæ consenserunt, jam cacodæmonis jugum subjerunt, jam in ejus potestatem transierunt, jam tartaro consecrati sunt; *c* si mors vitam raperet, ad inferos rectâ migrarent. Hinc sanè dubitem, an ullus hominum apud inferos pœnas luat, qui uni

solùm

a Maustöpff *b* Henckermässig.

c Höll: vnd Zerselmässig.

solum graviori culpæ se obstrinxerit. Peccatum primum celerrimos habet transitus ad alterum. Qui semel malus, sapius malus, verosimillimâ conjecturâ. Rex David adulterium & homicidium facillimo nexu copulavit, levi motu à flagitio in flagitium digressus. Impius Saul semel ausus Deo non parere, ausus invidere Davidi, omnia denique flagitia ausus est patrare. Eunt aliqui, sed pauci, de virtute in virtutem, quod psaltes dixit, & ita plurimi eunt de vitio in vitium. Hinc maximi refert, quod Tobias monet, nec semel quidem ulli culpæ graviori consentire. Gustatâ vel semel vitiorum dulcedine difficillimum infrenem appetentiam, ne prolabatur ulterius, coërcere. Ergo trigeminam hanc Tobias præceptionem inculpamus pectori. 1. Deum in mente habeamus omnibus diebus vitæ nostræ. 2. Benedicamus Deum in omni tempore. 3. Caveamus ne aliquando peccato consentiamus. Hanc porro viam teneamus: Ibis de virtute in virtutem.

a Psal. 83. v. 8.

C A P V T X.

*Tobias eleemosynarum largitor
liberalissimus.*

Præceptione triplici Tobias filium formavit ad optimos mores. Quippe illum erudit. 1. Quâ ratione se gereret adversus Deum.

P.
Deum, 2.
beret. 2.
nibus sing
ditionis f
mur, quod
quo supre
sola erit q
mus in pa
syna ac st
mosyna, i
& à morte
ire in tene
vini libri p
eleemosyn
breviter, s
a Tobias

Filium
pauperum
ciem tuar
tûs averfi
quod pau
I. Vul
nuriam h
deat, quâ
illi operar
dere, illu
inquit, m
æquè nur
militer ac
ba ut hon
Tertius e
tus ad qu

Deum. 2. Quem adversus hominem se præberet. 2. In seipsum quis esset. De his omnibus singillatim differere proluxa nimium dictionis foret. Nos hîc de eo solum loquæmur, quod omnes homines spectat, & de quo supremi judicii die maxima & penè sola erit quaestio, quo nimirum animo fuerimus in pauperes & afflictos, quid eleemosynæ ac stipis sparserimus in egenos. Eleemosyna, inquit, Tobias, ab omni peccato & à morte liberat, & non patietur animum ire in tenebras. Eleemosynam omnes divini libri plurimum commendant. Ergo de eleemosynis, sed oratione adstrictè factâ breviter, summatimq; differemus.

a Tobias. c. 4. v. 11.

§. I.

Filium Tobias erudiens, & in amorem pauperum instigans: Noli, ait, avertere faciem tuam ab ullo paupere. Varia est vultus aversio, prout diversa est animi affectio, quod paullo explicatius tradendum.

I. Vultum à paupertatè avertit, qui penuriam hominis non nescit, cum satis videat, quâ necessitate stringatur, sed ne suam illi operam aut pecuniam cogatur impendere, illum à se ad alium amandans: Ito, inquit, mi amice, ito, ille juvabit te. Ille aliter æquè nummorum tenax, & operæ parcus similiter ad aliû mittit dulcia effundens verba ut hominem tantò celerius à se amoveat. Tertius eodem artificio ad quartum, quartus ad quintum, hîc ad plures alios ablegat.

Mire

Mirè omnes munifici sunt verbis, re nullus; operam nemo, nemo crumenam commodat: omnium sagax cura est hominem egentem à quo nihil speres, quàm celerimè à se amoliri. Hoc creberrimum, hoc imò quotidianum est. Nemo est, qui ipse sibi dicat: Tibi derelictus est pauper, *a* tibi, non aliis; Imò seipsum quisque purgat frigidissimis his logis: Cùm pauperulum hunc nemo velit juvare, cur ad me mittitur, cur ego juvem? Nunquid Deus ego sum? Num mea crumena ad omnium necessitates singuliat? Ego mihi & meæ familiæ prospicio, quid ad me alieni? Ita omnes excusant, ita opem negant omnes. Ita omnes isti quantumcunque suaves & politici sint, facies suas à paupere avertunt. In hos Joannes acriter declamans: *Qui* habuerit substantiam hujus mundi, ait, & viderit fratrem suum necesse habere, & clausit viscera sua ab eo, quomodo charitas Dei manet in eo. *b* Misericordia vera non linguam facundam, sed manum actuosam poscit. Filioli mei non diligamus verbo, neque linguâ, sed opere & veritate. *c* Quod & Siracides præcipiens: Fili, ait, eleemosynam pauperis ne defraudes & oculos tuos ne transvertas à paupere, Animam esurientem ne despexeris, & non exasperes pauperem in inopiâ suâ. Cor inopis ne affixeris, & non protrahas datum angustianti. Rogationem contribulati ne abjicias, & non avertas faciem tuam

a Psal. 9. v. 19. *b* 1. Ioan. c. 3. v. 17.
c Ibid. vers. 18.

P
 tuam ab e
 tuos. *a* M
 doctorem
 titis phra
 Oculos tu
 avertas fac
 avertas oc
 nostro di
 hac inger
 des ergo
 avertendu
 nem, vest
 lorum, &
 lam cordis
 vanâ circ
 cium quic
 tu juva, q
 I. I. Fac
 graviore v
 Hic ferè m
 maniter,
 menter a
 lio, unda
 mox fac
 verba jaci
 quæ mel
 rit, mel d
 sape nec
 est à pau
 longè mit
 mam, in
 non exasp

a Eccli.
b Eccli.

tuam ab egeno. Ab inope ne avertas oculos tuos. *a* Mirum, bis mirum, sapientissimum doctorem Ecclesiasticum idem sapius repetitis phrasibus profari: quod hinc certè fit. Oculos tuos ne transvertas à paupere: Non avertas faciem tuam ab egeno. Ab inope ne avertas oculos tuos. Nimirum hæc stupori nostro dicta sunt, cui centies, cui millies hæc ingerenda, dum ea satis capiat. Siracides ergo persuasurus à pauperum nullo avertendum vultum: priusquam, inquit, panem, vestes, pecuniam des, da aliquid oculorum, & humani affatûs, da prius particulam cordis, quam aris; & ne ludificatione vanâ circum amicos mittas, qui nec teruncium quidem, aut assem porrigent. *b* Tu da, tu juva, quidquid alii faciant.

*I*l. Faciem avertit à pauperibus, qui eos graviore verbo appellat, & asperè tractat. Hic ferè morbus divitum est; egenos inhumaniter, impolitè, severiter, acerbè, inclementer accipere. Quòd si quis meliore pallio, undante bombycinâ veste sese inferat, mox saccarum oris promunt, & byssina verba jaciunt: adeò docilem habet linguam, quæ mel & acetum fundat, prout collibuerit, mel divitibus, acetum pauperibus, quos sæpe nec responso dignantur. Hoc prorsus est à paupere faciem avertere. Ad mores longè mitiores nos formans Siracides: Animam, inquit, esurientem ne despexeris: non exasperes pauperem in inopiâ suâ; cor

F

inopis

a Eccli. c. 4, v. 1. & seqq.

b Schick ihn nie um die Holzschär.

inopis ne afflixeris; non protrahas datum angustianti. Noli obsecro tam esse cunctabundus, cum pauperibus dandum est. Da quàm primum potes; multum dederis, si cito dederis; tolle moras tam exosas, & exporrigere cunctatricem manum, & ne rimeris pauperum promerita: largire stipem pauperi, quia pauper est. Quid anxie scrutaris, quàm eâ sit dignus? Joannes Chryostomus pro suggestu saepe totis concionibus docuit. Pauperes non esse scrutandos; cur pauperi des, caussarum satis esse scias paupertatem. Deus, inquit Augustinus, non cui detur sed quo animo detur attendit. Qui Christum diligit in Christiano, hoc animo ei porrigit eleemosynam, quo accedit ad Christum, a Occurrit tibi homo peccator; duo nomina dixi. Hæc duo nomina non sunt superflua. Duo nomina, aliud quòd homo, aliud quòd peccator. Quòd homo, opus est Dei, quòd peccator, opus hominis est. Da operi Dei, noli operi hominis. b

a Aug. tom. 5. l. 21. de Civit. c. 27. mihi pag. 291. b Aug. in ps. 102. mihi. pag. 476.

§. II.

III. Faciem avertit à pauperibus, qui debitores egenos, aut subditos depauperatos rigidâ vi ad expedienda nomina compellit. Severus instat exactor; heus solve ad diem, solve. Non possum; Fac possis, solve. Expediam nomen, sed hoc mense non possum. Hoc mense debes. Ultra omnes vires meas

meas est
mox lais
jugulavi
predato
bussit h
reddere
creditor
ta, aut c
velim re
pingam,
mi here
proximu
Ita vult
titur à p
inquit
luntas
repetitis
junatis,
scâ lege
tus præc
tuo rem
gredieri
stabis fo
rit. Sin
te pign
cat. Qui
lentiam
operime
ribus vi
solution
crudelia

a In
b 11.
6 11.

meas est, *as* alienum tam cito luere. Nisi
 mox lais, cogam. Ah grando vastavit agros,
 jugulavit segetes, arva non responderunt,
 prædator miles, aut subitum fulmen com-
 bustit horreum, statum frumenti pensum
 reddere non possum. Nihilominus premit
 creditor: heus rustice frumentum represen-
 ta, aut cippo includeris. Non possum, etsi
 velim repræsentare. Ergo tibi compedes im-
 pingam, corpus in nervum dabis. Mitius,
 mi here, mitius. Redde, quod debes, aut
 proximus est licitor, qui in robur a te rapiat.
 Ita vultus & unâ omnis humanitas aver-
 titur à paupere. Quod testatus Isaias: Ecce,
 inquit, in die Jejunii vestri invenitur vo-
 luntas vestra, & omnes debitores vestros
 repetitis. Ecce ad lites & contentiones je-
 junatis, & percutitis pugno impiè. *b* In pri-
 scâ lege Deus hanc vim vehementer aver-
 satus præcepit suis: Cùm repetes à proximo
 tuo rem aliquam, quam debet tibi, non in-
 gredieris domum ejus, ut pignus auferas: sed
 stabis foris & ille tibi proferet, quod habue-
 rit. Sin autè pauper est, nō pernoctabit apud
 te pignus. *c* Quod solinus interpres ita expli-
 cat. Qui repetit non habentē, Deo facit vio-
 lentiam. Nam sæpe vestis stragula, & lectuli
 operimentum & curtissima supellex paupe-
 ribus violèter adimitur, ut ad expediendam
 solutionem adigantur. Viscera impiorum
 crudelia, *d* planè ferrea. Sed his talibus non

F 2

parcet

a In *Stoet* legen.*b* *Is.* c. 58. v. 3. & 4. *c* *Deut.* c. 24. v. 10.
 & 11. *d* *Prov.* c. 12. v. 10.

parcet Deus, cujus & specimen dedit in Belisario Justiniani Cæsaris supremo duce, qui tot reges vicit, tot egit triumphos, tandem erutis oculis devolutus ad saccum publicè mendicavit. Ajunt Constantinopoli eam columnam etiamnum stare, ad quam solitus sedere, ac clamare: Date obolum pauperi Belisario. Hujus ego facinora non proclamabo, sed verosimillimum est, quod militiæ fieri amat, à Belisario pauperes spoliatos, fortunis omnibus exutos, eorum domus combustas; aut certè has tales injurias illis allatas, ab ipso dissimulatas. Tandem suorum vindex consurgit Deus, par pari reddit: Quâ enim mensurâ mensi fuerimus, remetietur nobis. a

Turbarum bellicarum, quibus Germania ab Anno 1618. ad Annum 1636. miserimè deformata causas complures est assignare. Inter primarias hæc censenda, pauperum incredibilis oppressio; quanti, ah, quanti sine numero reculis suis exuti ad saccum, ad extremam mendicitatem, ad diram famem, mortemque adacti sunt? Grave est pupillam Dei tangere, ne dicam, violare, aut lædere: qui pauperes lædit, Dei pupillam fodit. Deus quidem patientissimus, summè longanimis, immensæ misericordiæ est, has tamen injurias sibi in suis irrogatas, vix unquam diu dissimulat. Viderint illi, qui aut has Germaniæ turbas concitarunt, aut mederi concitatis cùm possent, ambitione aut socordiâ, aut avaritiâ ducti

ducti ne
Tobia
tuam ab
desit mi
desint b
Jacto
dâ stipe
tueris, e
pro facu
dare. Si
bue: si
libenter
dit, quo
ca sit da
numera
I. Ita
mini. El
præ vito
simum,
amorib
honestu
ziæzet
perinde
cium. D
stis pro
Deus est
Avertin
sed parc
tatem.
nos lar
berali
à te faci
lum hal

ducti noluerunt. Usque & usque & usque Tobias cohortatus: Noli avertere faciem tuam ab ullo paupere. Si desit pecunia, non desit mitis affectus, humanitas vultus, non desint benigna verba.

Facto fundamento preceptionum de danda stipe subjungit Tobias: Quomodo potueris, esto misericors. Da pro viribus, da pro facultatibus tuis, da quantum potes dare. Si multum tibi fuerit, abundanter tribue: si exiguum tibi fuerit, etiam exiguum libenter impertiri stude. Simul etiam ostendit, quos fructus pariat eleemosyna, & cur ea sit danda. Inter fructus eleemosynæ hanc numerat.

I. Ita fiet, ut nec à te avertatur facies Domini. Eleemosyna seu misericordiæ studiū, præ virtutibus ceteris hoc habet singularissimum, Deo maxime placet, ei que magis in amoribus est, quam aliæ actiones plurimæ honestissimæ. Neque enim ulla res est, Nazianzeno teste, quæ Dei benevolentiam perinde conciliet ac misericordia, sacrificium Deo gratissimum. Talibus enim hostiis promeretur Deus. a. Talis reverà in nos Deus est, quales nos sumus in pauperes. Avertimus nos? Et ipse se avertit. Damus, sed parcè? Et ipse suam subtrahit liberalitatem. Damus, sed largiter? Et ipse in nos largissimus est. Da igitur, fili mi, da liberalissimè; pro posse da, & non avertetur à te facies Domini; Deum semper benevolum habebis.

F. 3. ad 5. mor. II. Præ-
a Hebr. 6. 13. v. 16. non respiciunt d

II. Præmium bonum tibi thesaurizas in die necessitatis. Hebræa phrasis depositum bonum appellat: nam quidquid in pauperem erogatur, apud Deum deponitur, ubi totum fidelissimè custodiatur, cum inæstimabili lucro, nec obolo inde decessuro. Tibi thesaurizas, ait Tobias, qui enim dant eleemosynas, verè sibi thesaurizant; qui pecunias congerunt, thesaurum quidem colligunt, magis tamen aliis, quàm sibi. Nam condus quarit promum, & quod ille comparsit, id alter universum abripiet. At verò qui eleemosynas dat, sibi ipse thesaurizat. Chrysostomus rem putat absurdissimam, eleemosynam parcam. Nam eleemosyna, inquit, non est eleemosyna, quæ non est larga. Addit: Sunt misericordes, sed modica tribuentes per totum annum. *a* Et quale hoc prandium est censendum, quo ovum unicum apponitur, quod dum lixaretur, dimidium effluxit, avenacei panis particula, gustatorium pocillum accescente zytho plenum. *b* Qualis hæc cena est, quam uno alterove bolo totam glutias; qualis hæc eleemosyna, quæ tam parca, tam sordida? Qui plus stipis spargit, thesaurum ampliores colligit. Vir magnus & eruditus affirmavit, alchimix artificis id efficere se posse, ut in ipso hypocausto suo intra unius anni spatium, quinque millia florenorum sibi velut sub manibus nascentur. At ego, aiebat, non hoc ago, sed lapidem philosophicum quero.

Promissum.

a Chryl. tom. 4. hæm. 32. in epist. ad Hebr.

b Kustergläst voll sawrem Bier.

Promissu
sed qui
quadrã,
vis, regn
pem, &
nem elun
tenti so
etiam pr
docens
petierit,
palcis bo
mendicu
est; Om
ptum ef
num &
enim qu
qui præ
vos indi
tant, vid
tant. Qu
sus, esto
quis viv
non rep
eris pro
servitur
lige sup
venit, ut
enim de
ni peten
rere di
tuã, dor
Perfecta
curratu
cus, NÖ

Promissum magnum, & ponamus verum, sed quid hoc ad eleemosynæ lucrum? Panis quadrâ, veste obsoletâ, pecuniâ vilissimâ, si vis, regnum lucrari potes: das parvulam stipem, & recipies auri millionem, frange panem esurienti, & emisti calum. Neque petenti solum dandam eleemosynam, sed etiam præoccupandum esse non petentem docens Augustinus? Noli dicere, inquit, si petierit, dabo. Expectas, ergo, ut petat. Sic pascis bovem Dei, quomodo transeuntem mendicum? illi petenti das, quia scriptum est; Omni petenti te da. De isto quid scriptum est? Beatus qui intelligit super egenum & pauperem: Quære cui des, beatus enim qui intelligit super egenum pauperem, qui præoccupat vocem petitori. Si sic inter vos indigent milites Christi, ut etiam petant, videre ne vos judicent, antequam petant. Quomodo, inquis, quæro? Esto curiosus, esto providus. Prospice, attende, unde quis vivat, unde se transigat, unde habeat: non reprehendetur ista curiositas tua, terra eris produçens fœnum jumentis & herbam servituti hominum. Curiosus esto, & intellige super egenum & pauperem. Alius ad te venit, ut petat: alium tu præveni ne petat. Sicut enim de illo, qui te quærit, dictum est: Omni petenti te da: sic de illo, quæ juberis quærare dictum est: Sudet eleemosyna in manum tuâ, donec invenias justum, cui eam tradas. Perfecta est ergo misericordia, ut ante occurratur esurientibus, quàm roget mendicus. Nô est enim perfecta misericordia, quæ

precibus extorquetur. Sed si tacet mendicus, loquitur pallor in facie. Festina pietate succurrere, ne audias rogantem: ne quod debetur Domino, vendices tibi. *a*

a Aug. tom. 8. in psal. 103. mihi pag. 49 I. idem asserit in psal. 146. pag. 698. Idem tom. 10. hom 39. pag. 290.

§. III.

III. Eleemofyna ab omni peccato, & à morte liberat, & non patietur animam ire in tenebras. Ab omni peccato liberat: disponit namque ad pœnitentiam, quæ gravissima quæque peccata eluit. Si quis verò stipem erogaret, nihilominus in immensum aggregaret noxas, nec feriam cogitaret pœnitentiam, incassum panem laboraret. *a* Sed eleemofyna saniozem injicit mentem, & maturius ad resipiscentiam impellit. Neque à peccato solum, sed & à morte liberat. Illi demum verè moriuntur, qui in peccatis moriuntur. Quod Christus Judæis vaticinatur: Vos, inquit, in peccato vestro moriemini. *b* Hanc mortem pessimam arceat eleemofyna. Nam, beato Leone teste, eleemofyna peccata delent, mortem perimunt, & pœnam perpetui ignis extinguunt. *c* Quæ Chrysofomus illustrissimo dicto confirmans: Eleemofyna, inquit, remedium est ad omne vulnus utile. Nabuchodonosor rex

a Vide Augustinum tom. 5. lib. 21. de Civit. cap. 27. mihi pag. 290.

b Ioan. cap. 8. vers. 21. & 24.

c S. Leo serm. 2. & 5. de collectis.

rex erat sceleratissimus, ulceribus & vulneribus letiferis plenus. Daniel nihilominus velut chirurgus peritissimus spem sanitatis afferens, & jacentem erigens: Rex, inquit, animos revoca, reperiemus malagmata, his vulneribus tuis omnibus curandis. Peccata tua eleemosynis redime, & iniquitates tuas misericordius pauperum. Hoc emplastrum usûs accommodandum animo: da eleemosynas, & restituetur sanitas. Nam eleemosyna ab omni peccato, & à morte liberat.

IV. Fiducia magna erit coram summo Deo, eleemosyna omnibus facientibus eam. Hebræo idiomate: Manus amplum & bonum reddetur coram Sancto. Misericordix singulare, inestimabile præmium, tam in hac mortali, quàm in meliore, immortalivita persolvendum. Fatali orbis die, qui de nostris annis omnibus sententiam dicet, de Misericordix actionibus maxima instituetur quaestio. Si confectis studiis Medicus aut Jurisconsultus examen subiturus sciret, quid examinatores quaesituri essent, rem sibi optatissimam duceret, & ad ipsas quaestiones se solertissimè pararet. Ecce, ô Christiani, examinatur & iudex supremus præmonet sincerissimè, quid supremo die singillatim sit interrogaturus. Interrogationes hæc erunt: In quos inclementes, duri, immisericordes, in quos humani, misericordes, benefici fuerimus; cui pecuniam aut panem, aut vestem dederimus; quem mor-

F 5

bo

bo aut carcere detentum inuiserimus, cui hospitium aut sepulturam concesserimus. Quid ad quaestiones istas respondebimus? Jam praemonemur millies; iterumque millies, haec ipsa eo die interroganda; quin paramus nos summis studiis, quid ad quaestiones istas, quam opportunissime respondeamus? Cur autem Orbis Judex supremi iudicii die, solius eleemosynae facturus sit mentionem disertissime Augustinus id explicans: Dominus noster **JESVS** Christus, inquit, praenuntians nobis iudicium suum futurum, omnia cetera recta facta iustorum, & solas eleemosynas commemorare dignatus est. Tacuit omnia mala facta iniquorum, & solam sterilitatem eleemosynae increpandam esse iudicavit, non nisi ad nos commoendos. Quare hoc? Quia omnia crimina eleemosynis redimuntur. Ideo illam laudavit fecunditatem, istam culpavit & damnavit ariditatem. Sed audistis omnia malefacta eleemosynis redimi: nolite sic intelligere, ut intelligunt quidam perversè. Eleemosynae enim possunt tibi prodesse ad delenda peccata praeterita, si mores mutaveris. Si autem in eisdem malis perseveraveris, eleemosynis tuis non corrumpes iudicium Dei. Fiducia magna erit coram summo Deo eleemosyna omnibus facientibus eam.

Hanc certè fiduciam expertus Tobias nobilissimos eleemosynae fructus collegit. 1. Oculorum usum per Angeli cataplasma felleum recepit: si centum millia ducatorum huic beneficio rependere potuisset, beneficium

neficium
nem, ta
recepit.
nio collo
tiam, ho
tem laxa
buis, ann
non omni
mè reper
lomonis
indigebit
nebit per
mè suad
rum qua
interdun
gis noxi
eleemos
gaudet l
qui nihil
a Prov
offic. c. 2

Tobias

M
cu
ceret fe
nae pra
Dei lau
nibus a
cendo l

neficium non equasset. 2. Pecuniam omnem, talenta decem à Raguele fide optimâ recepit. 3. Filium honestissimo matrimonio collocavit. 4. A rege Salmanasar gratiam, honores, opes obtinuit. 5. Senectutem latam, vegetam, vitam diuturnam habuit; annos duos supra centenos vixit. An non omnis eleemosyna illius abundantissimè repensâ, in hac etiam mortali vitâ? Salomonis oraculum est: Qui dat pauperi, non indigebit; qui despicit deprecantem, sustinebit penuriam, a Eam ob causam utilissimè suadet Ambrosius: Necessitates aliorum quantum possumus juvemus, & plus interdum quàm possumus. b Nusquam magis noxia est parsimonia, quàm in dandâ eleemosynâ, cujus, quivis obolus centuplici gaudet lucro. Nemo hîc magis perdit, quàm qui nihil vult perdere.

a Prov. c. 28. v. 27. b Ambr. tom. 1. l. 2. offic. c. 28. initio, mibi pag. 62.

C A P V T X I.

Tobias luxuriæ hostis acerrimus.

MOnuerat Tobias filium, respiceret cum curâ Deum, respiceret homines, respiceret seipsum. Primum illud assiduam divinæ præsentîæ venerationem, continuam Dei laudationem, jugem à peccatis omnibus aversionem complectitur. Hæc dicendo libavimus, Subjunximus præceptio-

nem de iuvandis pauperibus. Ea, quæ ad parentes honorandos, amicos & consiliarios audiendos, mercenarios tractandos, mortuos curandos spectant, alibi explicanda jam seponimus. Tertium illud est: Respice teipsum: quo documento superbiam potissimum, & luxuriam monet cavendam. Nos hic explicabimus, quare Tobias libidinis osor maximus tam accuratè ac sollicitè filium instruxerit, omnem vel luxuriæ umbram vitare.

Tobiæ præceptio est: Attende tibi, fili mi, ab omni fornicatione. Cùm Propheta, cùm Christus, cùm Apostoli suum illud inclamant: *Attendite*: animus certè adhibendus, & agendum serid. Vociferatur David: *Attendite popule meus.* *a* Vociferatur Hieremias: *Attendite & videte.* *b* Christus toties vociferatur: *Attendite à falsis prophetis; attendite à fermento Phariseorum; Attendite ne graventur corda vestra crapulâ.* Paulus valedicens hoc ipsum Ephesinis majoribus altè impressit: *Attendite vobis, & universo gregi.* *c* Ita Tobias: *Attende tibi, fili mi.* Cùm sermo est de libidinis vitio, inclamandum ubique omnibus altissimâ voce: *Attendite vobis, attendite.* Cur autem Tobias filium tam anxie monuerit, libidinem caveret, plures sunt causæ considerata dignissimæ.

I. Vitium

a Psal. 77. vers. 1. b Thren, c. 1. v. 12.

c Actor. cap. 20. v. 20.

I. Vitium libidinis vulgarissimum quod vix ulli hominum ordini aut ætati parcit. Omnia libidinum referta. Mundus totus in maligno positus est. *a* Orbi universo labem foedissimam infert luxuria. Quod Oseas jam olim deplorans: Furtum, inquit, & adulterium inundaverunt, & sanguis sanguinem tetigit. *b* Omnia his nequitii plenissima: quod satis constat: & quantum ejusmodi nequitiarum supremus dies in aperto ponet, de quo jam nihil constat, quod pariteres & tenebræ velant. Vir eruditus dicere solebat: Si centum juvenes ad inferos mittantur, nonaginta novem ob hoc unicum flagitium in flammam præcipitantur. Verosimilis planè conjectura. Idcirco Paulus apertissimè prædicens: Hoc enim, inquit, scitote intelligentes, quòd omnis fornicator, aut immundus non habet hereditatem in regno Christi & Dei. *c* Ille Domini ocellus Joannes beatorum civitatem digito monstrans promulgat: Fortis canes & impudici. *d* Exeste Veneris mancipia, exeste libidinum prostibula, homines impuri, turpes, obsceni cogitatibus, verbis, actibus: exeste canum & hædorum lascivi greges, in flammeum Orci stabulum vestra vorapit lascivia. Attendite vobis, o Christiani, attendite ab omni fornicatione.

II. Vitium libidinis pertinacissimum, & panè insanabile. Vix enim vitiorum ullum est,

a 1. Ioan. c. 5. v. 18. *b* Ose. c. 4. v. 2.

c Ephes. cap. 5. vers. 5.

d Apoc. cap. 22. vers. 15.

est, quod adeò pervicaciter & obstinatè divino spiritui resistat. Quod Siracides clarè restatus: Verbum sapiens audivit luxuriosus, inquit, & displicebit illi, & projiciet illud post tergum suum *a* Idem & Oseas deplorans: Non dabunt, inquit, cogitationes suas, ut revertantur ad Deum suum, quia spiritus fornicationum in medio eorum, & Deum non cognoverunt. *b* Qui cor suum hac libidinum piceatâ foeditate inquinat; nec citò, nec facîle, nisi sibi vim faciat, nitoti pristino illud restituet: picem tetigit, jam hæret captivus & maculatus. Et quod longè miserrimum, nonnunquam in extremo pænè spiritu hoc lascivia malo infestantur, qui principiis noluerunt obsistere. Novimus viros magnos, qui sub vitæ finem à nemine persuaderi poterant, ut pellices domo ejicerent; non dederunt cogitationes suas, ut reverterentur ad Deum suum. Ante annos aliquam multos vir primi nominis familiæ illustrissimæ morbo letali confectabatur, filii jam grandes natu unâ & viri religiosi complures, is maximè, qui à confessionibus erat, rogabant simul omnes, juberet feminam famæ sequioris domo excedere. Verùm nec precibus, nec rationibus ullis moveri se passus, neque tunc quidem cum extremis labris hæret anima, amores impuros desiit, maluitque animam potiùs relinquere, quàm deserere luxuriam. Verissimum: Non dabunt cogitationes suas, ut revertantur ad Deum suum. Libido vitium pænè

a Eccli. c. 21. v. 18. *b* Os. c. 5. v. 4.

panè immedicabile. Cæcitas mentis, filia libidinis. Quod apertissimè dixit Oseas: Fornicatio, & vinum, & ebrietas auferunt cor. *a* Attendite vobis, attendite ab omni fornicatione.

III. Luxuria & fornicatio vitiorum compendium. Quid oro virtutis habuit Herodes Antipas, qui Joannem occidit, & Christum ut fatuum irrisit? Postquam enim ausus est sui fratris conjugem Herodiadem inauspicatis nuptiis sibi jungere, omnia denique ausus est. Cetera non deterrimus regum fuit, nam conciones audiit, aulicum concionatorem suam eremi cultorem non contempsit, nec dicta illius animo exclusit. Herodes enim, beato Marco teste, meruebat Joannem, sciens eum virum justum & sanctum, & custodiebat eum, & audito eo multa faciebat, & libenter eum audiebat. *b* Nihilominus Joannes tot divinis concionibus adulterium impedire nequirit, & insuper veritati caput impendit. Salomoni non tantùm regum omnium sapientissimo, sed etiam in divinis eruditissimo, veri Numinis cultori maximo, idololatriam, flagitiorum omnium Lernam, nil efficacius persuadere potuit, quàm luxuria palliata; thesauros ei maximos, complures vitæ annos, summam sapientiam unica ei subtraxit incontinentia. Potuit de se fateri Salomon:

Illa fuit mentis prima ruina mea.

Videre illos Saræ septemvirois infelicissimos

a Ose. cap. 4. vers. 11.

b Marci cap. 6. vers. 20.

mos, alius super alium à cacodamone jugulatus est. Profectò testis è cælo Angelus non eos stuprorum, aut immanium turpitudinum, aut adulteriorum infimulat, hoc unum ceteris in cautelam asserit: Qui conjugium ita suscipiunt, ut Deum à se, & suâ mente excludant, & suâ libidini ita vacent sicut equus & mulus, quibus non est intellectus, habet potestatem damonium super eos. *a* Quanti alii gravissimis sceleribus irretiti, non tamen cacodamoni obijciuntur necandi, quemadmodum hi viri septem, quos Asmodans interemit. Revera tam impuros homines averfatus Deus jam olim dixit: Non permanebit spiritus meus in homine in æternum, quia caro est. *b* Spiritus divinus ab eâ mente procul exulat, quam libidinis malum occupat. Idcirco Jobus cum dixisset: Pepigi fœdus cum oculis meis, ut ne cogitarem quidem de virgine, continuo subjunxit; Quam enim partem haberet in me Deus desuper, & hereditatem omnipotens de excelsis? *c* Idcirco & Tobias non immerito: Atende tibi, ait, fili mi, ab omni fornicatione. Cur autem filio tam sanctè educato fugam adulterii tam severè ingerit? Præter uxorem tuam nunquam patiaris crimen scire. Quid his monitis opus? Adulterii summam turpitudinem, nequitiam nefandam brevibus perstringam.

§. II. Cle-

a Tob. c. 6. v. 17. *b* Gen. 6. v. 3.
c Job c. 31. q. 1.

§. II.

Clemens Romanus verè dixit: Venenum adulterii cunctis malis perniciosius. ^a Eo plerunque quatuor homines gravissimè læduntur, adulter & adultera, atque utriusque conjuges. Hæc certè foedissima est, & prorsus iniquissima matrimoniorum violatio. Et certè si mœchus aut mœcha expenderent cohesionem illam & catenam tot malorum, quæ patratum adulterium comitari solent, facilè illud caverent, dicerentque ingenuè: Tanti pœnitere non emò. ^b Plurima, gravissimæque damna & mala ex hoc uno malo consequuntur. Quod Jobus probè perspicuens: Hoc enim nefas est, inquit, & iniquitas maxima. Ignis est usque ad perditionem devorans, & omnia eradicans genimina, ^c Frondes & fructus, ipsamque arborem, stirpem & radicem aufert. Quod & Hieronymus affirmans: Omnia, inquit, virtutum bona, & universa sanctarum rerum incrementa in homine consumit luxuria. Eam ob rem Jobi ævo adulteri combusti, aliàs lapidibus obruti. Nostro hoc ævo adulteria autè impunè committuntur, aut mollissimè puniuntur, & pœnam plerunque sola sentit crumena. Plinius mentionem injiciens adulterii vel in rege puniti: Canem locutum, inquit, serpentem latrasse in prodigiis accepimus, cum regno pullus

^a *Clement. lib. 6. Constitut. Apostol. c. 27.*

^b *Gell. lib. 1. Noct. Attic. c. 8.*

^c *Iob cap. 31. vers. 11.*

pulsus est Tarquinius. *a* Reverà nunc opus foret loquerentur canes, latrarent serpentes, tot enim adulteria committuntur, tam rara plestuntur, ut panè verendum, ne bella nos accusent libidinis audacissimè patrata; rarò aut timidissimè castigata. Adulterjure gentium omnium morte multatur. *b* Adulterium Chrysostomo crimen est inexcusabile. Luxuriolus ebrio aut energumeno similis. *c* Subinde pauperculus furatur, quia rerum omnium inopiã premitur; fames illum audacem facit. Adulterii scelus prætexi non potest tam honesto nomine; nefas est, iniquitas maxima est famæ ac fortunarum eversio, certa mors est animæ. Quod Salomon confirmans: Qui autem adulter est, inquit, propter cordis inopiam perdet animam suam: turpitudinem & ignominiam congregat sibi, & opprobrium illius non delebitur. *d* Atque hæc fuit causa Tobia filium tam sollicitè monendi: Præter uxorem tuam nunquam patiaris crimen scire. Præsertim cum Ninive habitarent, ubi Bacchus & Venus plurimum colerentur. Ne igitur filius tam pravis, tamque quotidianis exemplis sensim corrumperetur, præcepta sanctiora in antecessum fuerant instillanda.

a Qui vim intentavit Lucretia.

b Vide Cornelium de Lapide in c. 38. Gen. v. 24. *c* Chrysost. orat. 5. contra Iudeos.

d Prov. c. 6, v. 32. & 33.

§. III.

Quòd si libido tam severè prohibita Judæis, si ea verecundiæ ac conjugiorum tuit ratio in lege priscâ, ne miremur in novâ Pudicitiam & continentiam toties inculcari à Paulo, qui divino jussu severissimè præcipiens: Fugite, inquit, fugite fornicationem. Fornicatores enim & adulteros judicabit Deus. *a* Nolite errare, neque fornicarii, neque idolis servientes, neque adulteri, neque molles &c. regnum Dei possidebunt. *b* Fugite fornicationem. Omne enim peccatum, quodcumque fecerit homo, extra corpus est, qui autem fornicatur, in corpus suum peccat. An nescitis, quoniam membra vestra templum sunt Spiritûs sancti, qui in vobis habitat, quem habetis à Deo, & non estis vestri? Atque ut discerent Christiani prudenter declinare quidquid olet carnem, Paulus libidinis spurcam varietatem discriminans: Manifesta sunt, inquit, opera carnis, quæ sunt fornicatio, immunditia, impudicitia, luxuria, idolorum servitus &c. ebrietates, comestationes, & his similia, quæ prædico vobis, sicut prædixi, quoniam, qui talia agunt, regnum Dei non consequentur. *d* Tam strictam verò vult esse Christianorum pudicitiam, ut hæc talia non tantùm neutiquam patrandi, sed nec quidem nominanda dicat: Fornicatio & omnis immunditia, aut avaritia, nec nominetur

in

a Hebr. c. 13. v. 4. *b* 1. Cor. c. 6. v. 9.

c Ibid. v. 18. & 19. *d* Gal. c. 5. v. 19. & seqq.

in vobis, sicut decet sanctos, aut turpitudine, aut stultiloquium, aut scurrilitas. *a* Denique in verba conferens paucissima omnes continentia leges: Caro & sanguis, inquit, regnum Dei possidere non possunt. *b*

Medicinae princeps Galenus de simplicibus medicamentis differens: Oleum, inquit, cutem mollit, sed interiora mordet; ita prorsus libido ad carnis petulantias bellè facit, at conscientiam lædit, animam interimit. Quod Hebraeus Sapiens de generoso ac nobili vino dixit; idem omnino de libidine affirmandum: Ne intuearis vinum, quando flavescit, cum splenduerit in vitro color ejus: ingreditur blandè, sed in novissimo mordebit, ut coluber, & sicut regulus venena diffundet. Oculi tui videbunt extraneas, & cor tuum loquetur perversa, & eris sicut dormiens in medio mari, & quasi sopitus gubernator amisso clavo: *c* ita fornicatio, adulterium, & omnis libido blandè ingreditur, sed demum ut coluber & regulus letale ac erodens toxicum dispergit, periculis objicit, diversis vitis exponit, maximis malis obruit, ita incautos perimit. Atque hic est ab ingressu blando miserabilis & infelix exitus. Attendite vobis, attendite ab omni fornicatione. Beati mundo corde, quoniam ipsi Deum videbunt.

a Ephes. c. 5. v. 3. & 4. *b* 1. Cor. c. 15. v. 50.

c Prov. c. 23. v. 34.

CAPVT XII.

*Tobias inter lacrymas iubetur
esse latus.*

Tobias filius cum præceptiones aureas à parente accepisset, & unà intellexisset pecuniam apud Gabelum depositam, dixit parenti: Omnia quæcunque præcepisti mihi, faciam Pater: quomodo autem pecuniam hanc requiram, ignoro. Nam neque Gabelum, neque viam ad Gabelum novi. Cui pater: Gabeli Syngrapha, inquit, penes me est, quam cum exhibueris, pecuniam sine cunctatione reddet. Tu hoc age, fili, inquire comitem fidelem, qui te mercede ducat ignotas vias. Non distulit filius iussa parentis exequi, & mox invenit juvenem nitidâ veste amictum, & ad iter jam paratum, sed nesciebat esse Angelum. Hunc salutans: Unde, inquit, mi bone juvenis, quâ gente, quâ domo es? Cui personatus Angelus respondit: Ex Israëlîs populo. Cui Tobias iterum: Quæso te, inquit, num viam nosti, quæ in Medos ducit? Ad quæ Angelus promptissimè: Hæc itinera, inquit, itione crebrâ mihi exactissimè nota, & in ipsâ metropoli Medorum Rages apud Gabelum tribulem nostrum hospitatus sum. Obsecro te, inquit Tobias, paxillum moræ tolera, dum hæc parenti meo nuntiem. Nuntiata omnia. Continuo senex pater accersiri eum ad se rogavit. Nec cunctatus cælestis juvenis

nis seni se sistens : Gaudium, inquit, tibi sit semper. Vocem cum gemitu excipiens Tobias cœcus : Quale, inquit, gaudium mihi erit, qui in tenebris sedeo, & lumen cali non video ? Illico solatium instillans Angelus : Forti animo esto, ait, in proximo est, ut à Deo cureris. Hic senex querere, quod juveni nomen, quæ patria, quæ tribus, quæ familia sit, num filium in Medos ad Gabelum velit ducere, mercedem non defuturam. Angelus promptissimè : Ego, inquit, Azarias vocor, Ananiæ Magni filius. Tuum verò filium ducam sanum, & reducam ad te. Ita in sponsonem hanc conventum, iter paratum, vale parentibus dictum, profectio- ni datum initium. Hic è pluribus, quæ dictione prosequenda forent, unum illud Angeli votum seligimus, gaudium sit tibi semper. Hoc loco explicandum an in rebus adversis & turbidis, an in luctu & mœrore seriò hilarescere possimus, & quâ tandem ratione hæc hilaritas excitanda.

§. I.

Non absurdè queritur, num in serio luctu gaudere quis possit ? Possè aio, & quandoque etiam debere. Pluribus id rationibus docebo.

I. Apostoli hanc animi lætitiã non imperassent, in rebus etiam adversis exhibendam, si ea non possit exhiberi. Atqui præcipiens Paulus : Gaudete, inquit, in Domino semper, iterum dico gaudete. *a* Quibus, obsecro, & quandõnam hæc dixit : Eo potissimùm

a *Philip. c. 4. v. 4.*

tissimum tempore, quo Christiani, ad quos scripsit, fortunis p[er]nè omnibus provoluti ad quæstiones, & tormenta, ad lanienam & supplicia rapiebantur. Hos ipsos hoc ipso tempore jubet *Gaudere semper*. Scivit utique Paulus, & verò etiam expertus est ipse, quantis tunc injuriis, & ærumnis vexarentur Christiani, nihilominus jubet illos *Gaudere semper*. Eodem animo Jacobus jugem in adversis latitiam persuasurus: Omne gaudium, inquit, existimate fratres mei, cum in tentationes varias incideritis. *a* Severius hoc priori est imperium. Nec enim eos tantum in adversis, sed ob adversa vult gaudere. Hoc ipsum & Petrus præcipiens: Communicantes, inquit, Christi passionibus gaudete. *b* Neque verò istud Domini JESU discipuli epistolis solum & pro cathedrâ, sed reipsâ, & exemplis docuerunt. Tarsensis Paulus fame, siti, frigore confectus, catenis vinctus, ter virgis cæsus, ter naufragus, semel lapidatus, periculis innumeris expositus, calamitatibus & insidiis undequaque cinctus, quotidie p[er]nè mori coactus, nihilominus exultans gaudio: Repletus sum, inquit, consolatione, superabundo gaudio in omni tribulatione nostrâ. *c* Est etiam, mihi credite, inter lacrymas gaudiis locus. Non ergo miremur Angelum dixisse, & pauperi, & cæco Tobia. Gaudium sit tibi semper. Luculentè dixit Salomon: Non contristabit iustum, quidquid ei acciderit. *d*

II. Sub-

a Jacobi c. 1. v. 2. *b* 1. Petri c. 4 v. 13.
c 2. Cor. c. 7. v. 4. *d* Prov. c. 12. v. 21.

II. Subinde viatoribus totos dies plorante cælo incedendum in pluviis, vesperi vestes madidissimæ stillant, aliis emutari non possunt; corpus friget, deest hospitium, fames urget, panis deficit, nox subsistere cogit, animus pendet, quid faciat? Si quis animosior ex isto viatorum numero dicat: Eia, bono animo, fratres, quin canimus Te Deum laudamus, quin nostrum ipsi balneum ridemus? Ah, dicent ceteri, quàm frigidus & Sardonus est hic risus, quàm in-tempestiva hilaritas! Sed, ô boni viatores, confirmate animos, & actores comicos cogitate: subinde illi lacrymas fundunt, quas fabula poscit, sed sub personâ rident, intus latissimi sunt. E diverso, in comœdiis nonnunquam convivia celebrantur, fercula ponuntur, pocula ministrantur, sed plerunque fati sobria & sicca; a latitia, sed parum seria; intus quandoque mœrent. Quid vita nostra, nisi comœdia & fabulâ? Multi ridere ac hilarescere videntur: hilaritas est non solida, non seria; intus dolent & gemunt, occultis vulneribus carpuntur; alii lacrymas fundunt, quas nimirum exciit comœdia & instabiles rerum vices, sed intus solatiis pascuntur, Christum non tantùm antea mbulionem & ducem, sed & futurum muneratorem aspiciunt, nec unquam in luctu tam acerbo sunt, quin animo dicant: Domine JESV, hæc quidem amara sunt, & mihi lacrymas excutiunt, sed tui amore hæc libenter atque hilariter perferam, in te gaudebo
semper:

a Man schenck nit vil vbrigs ein.

semper. Non possit ista Christianus? Vide-
te Apostolos, qui probris affecti, minis onc-
rati, virgis casti, Ibant gaudentes à conspe-
ctu concilii, quoniam digni habiti sunt pro
nomine JESU contumeliam pati. Omni au-
tem die non cessabant in templo, & circa
domos, docentes & evangelizantes Chri-
stum JESUM. a Supplicium virgarum uti-
que senserunt, sed amor Christi & supplicii
causa gaudium illis pepererunt. Quod gra-
ve & acerbum corpori, suave & jucundum
est animo ac spiritui.

III. Inter mœrorès & dolores gaudiis
locum esse non nescierunt homines à disci-
plinâ Christianâ etiam alieni, quorum illud
effatum erat: Sapiens vel in Phalaridis tau-
ro dicit: Quàm hoc non curo, quàm mihi
hoc suave! Nec defuerunt ex iis, qui hoc
non solum dicerent, sed & facerent. Ignem
Mutius, paupertatem Fabricius, exilium
Rutilius, venenum Socrates, dolium clavis
armatum Regulus æquo & hilari animo
tulerunt. Quod illi de hac animi generosi-
tate somniarunt, id per umbram ostende-
runt: At nostri Martyres istud reipsâ exhi-
buerunt.

Beatus Ignatius Antiochenus Pontifex,
illustrissimus Martyr animo latissimo ad
bestias, certissimamque mortem propera-
vit. Si in carnificinam, b in patibulum, in
rotam, in crucem ire fuisset jussus, jussit
paratissimus, si clibanum, si rogam, si scro-

G

bem

a Actor. c. 5. v. 41. & 42.

b Hauptstatt.

hem serpentibus plenam subire iussus fuisset, latissimus subiisset. Hinc illæ voces exultantis: Utinam fruar bestiis, quæ mihi sunt præparatæ, quas & oro mihi veloces esse ad interitum, & allici ad comedendum me, ne, sicut & aliorum martyrum, non audeant corpus attingere. Quòd si venire noluerint, ego vim faciam, ego me urgebo ut devorer. Ignis, crux, bestia, fractio ossium, membrorum divisio, & totius corporis contritio, & tota tormenta diaboli in me veniant, ut tantùm Christo fruar. Generosæ voces, animoso risu excipientis mortem.

Ita Marcus & Marcellianus fratres patriæ Romani, hoc uno nomine, quia Christiani, ad stipitem ligati, pedes, clavis confixi, à Fabiano duce diis facere iussi: Nunquam, aiebant, tam jucundè epulati sumus, quàm hæc hilariter Domini **JESU** causâ perferimus; cujus amore jam fixi esse cœpimus. Utinam nos tamdiu relinquat in his tormentis, quamdiu erimus in vivis. Ita diem, noctemque inter supplicia Deo cantantes, telis denique confossi, astris, palmisque sunt potiti.

Agatha Catanensis virago, ad carcerem & tormenta velut ad epulas invitata lætissimè ibat. Hac fronte, hac animi hilaritate multa millia beatorum martyrum carnificinas tripudiando adierunt. Hic sanè non somnium, non umbra, sed res ipsa, inter cruciatus erectissimâ lætitiâ sese spectandam dedit.

§. II.

IV. Homines pagani & artifices mechanici tunc sæpe latissimi sunt, cum gravissimos labores obeunt. In agros, obsecro, ad segetes prodeambulemus, & spectemus messores. Hi à summo manè in serum usque vesperem in opere continuo, corpore incurvato perseverant, uentem tot horis solem tolerant, vix unquam manibus otiosam falcem emittunt, tot manipulos succidunt & ligant, lassitudine se conficiunt, & multo sudore. Experiatur hæc delicatior quis otiosulus, vel ad horæ partem, mox falcem velut lampadem tradet alteri. At verò homines rusticani in opere tam multi sudoris sunt latissimi. Ita Martyres Christi, ita tranquillæ mentis Christiani, gravia quidem & acerba ferunt, & tamen lati sunt, sicut qui latantur in messe, dixit Isaias, & sicut exultant victores captâ prædâ, quando dividunt spolia. *a* Sicut autem villici estate apricissimo die, flagrantissimo sole laboribus sese conterunt, ita hieme in horreis stant totos dies, & messem exterunt, tritramque conficiunt, & tamen lati sunt; etsi cibus vilis & crassus, jus solis cepis oculatum, olus non unctum, nonnunquam cum Apollo ridet, & mensa lautior hydropemata, aut coliphia frixa cibus valentissimus. *b* Subinde, cū lautissime vivitur, vaccini

G 2

lactis

a Isa. cap. 9. vers. 3. *b* Wassernudel / oder Bachernudel / oder psündige Setzlüchel /
 ♪ Er Gott ein starke kräftige Speiß!

lactis alveus mensam coronat; interim dum malè cenant, dum labores gravissimos continuant, latari tamen non cessant, messem ad flagellum, ad trituram devenisse: ita homo verè patiens, tametsi pluribus ærumnis exerceatur, ille tamen non sine gaudio: Hęc, inquit, mea messis, hæc tritura mea est, nulli parcendum operæ, nulli sudori. Adversus omnia fortunæ fulmina clypeus septemplex validissimus est latus animus, nec est, quod magis mitiget tempora tristia, quàm animi sereni lætitia; altero tanto lævior est afflictio, quæ lætum sortitur animum. Eia ergo, miseras humanas, & quidquid tolerandum venit, tranquille ac hilariter toleremus. Uti Deus hilarem datorem, ita quoque hilarem amat crucis gestatorem. Calamitatem jam pænè vicit, quilquis eam hilariter perferre cœpit, a

Militiæ dux Gedeon adversus Madianitas victoriam illustrissimam obtinuit admirando stratagemate. Trecentos non tam milites, quàm tubicines in prælium armavit hoc ritu: Cuius militum unâ manu tubam, alterâ lagenam fistilem cum ardente abditâ face dedit præferendam. Sic armatos in tres centurias divisit, & unâ præcepit: Quidquid me facere videritis, hoc & vos facite, me tubam inflante, & vos tubâ clangite, ac simul conclamate: Domino, & Gedeoni. Hoc paratu Madianitarum castra tribus locis aggressus bellicum cœpit canere, mox omnes classicum canentes, colliferunt lagenas,

a Trölich gesucht / ring gesucht.

lagenas, extulerunt faces, & voce unâ con-
 clamarunt: Gladius Domini, & Gedeonis.
 Cōtinuò tātus terror castra hostilia inuasit,
 ut hostes luporum instar ululantes in fugam
 præcipitem effusi, mutuâ se cæde trunca-
 rent. *a* Victoria prorsus nobilissima, gau-
 dium Israëlitis maximum. Sed quibus sum-
 ptibus, quanto sanguine stetit hæc victoria?
 trecentis solùm hydriis, totidémque faci-
 bus, quarum illæ frangendæ, istæ fuerant
 comburendæ. Ita vera patientia in luctu &
 mœrore, inter ipsas lacrymas, inter ipsos do-
 lores solet gaudere; sola est testarum & fa-
 cium jactura; ærumnis corpus atteritur, la-
 boribus frangitur, & exhauritur, facultates
 minuuntur, morbi & dolores graviter sen-
 tiuntur. Quid tum? num ideo omne gau-
 dium ex animo proscribendum? Est etiam
 in afflictione summâ gaudio locus. Quod è
 verbis Domini luculentum. Ad gaudium &
 exultationem excitans Christus: Cùm, in-
 quit, maledixerint vobis homines, & perse-
 cuti vos fuerint, & dixerint omne malum
 adversum vos, mentientes propter me, gau-
 dete & exultate, quoniam merces vestra co-
 piofa est in cælis. *b* Calumniæ profectò &
 probra, contumeliæ & maledicta supra mo-
 dum affligunt, nihilominus cùm his confi-
 gimur, gaudere jubemur & exultare. Ne-
 que verò Christus præcipit, quod fieri non
 possit. Ergo gaudere in luctu & possumus
 & debemus. Sed quomodo?

G 3

§. III. Si

a Iud. c. 7. v. 15. & seqq.

b Matth. c. 5. v. 11. & 12.

c. III.

Si Deus & homo conjungant vires res hæc facillima est; amicum Deus agit fidelissimum, modò hominem non habeat inimicum. Deus animum jacentem excitat, solatia instillat, spe præmii confirmat, dat ficeram mœrenti, amariori pharmaco addit saccharum, uti pharmacopola solent. Experius hoc David: Secundùm multitudinem, inquit, dolorum meorum in corde meo, consolationes tuæ latificaverunt animam meam. ^a Fit nonnunquam, ut herus nobilis obliquos oculos in famulitii mensam flectat & unà meminerit querelas ad se delatas, cerevisiam esse acidam, ferinam putidam & verminosam, panem mucidum; de suâ igitur mensâ cantharum vini, & cuilibet quadram panis dominici mittit: illi amplas agunt gratias, lætiq̃ue ac hilares refectiunculam herilem conficiunt, ac suavibus modis acceptos se credunt; tum quia Domini benevolentiam sentiunt; tum etiam quia vinum suâ indole jucundum bibunt. Videte, obsecro, hos homines ad acerbum & acrescentem zythum ^b festivè & amœniter cenant, quia vinum gustant, quod domini gratia submisit. Ita planè Deus cum servulis suis liberalissimè agit, recreat, solatur, animos auget, hilarem alacritatem dilargitur. Hinc Paulus alacerrimus in adversis & erectissimus: Benedictus Deus, inquit, & pater Domini

^a P^{sal.} 93. vers. 19.

^b Beym sauren Bier seynd sie so lustig.

Domini
cordi
qui e
nostr
in om
quã e
abund
per C
Ergo
fictio
magis
tur. H
ampli
illos i
quisq
firmi
in per
Diy
opella
quant
cogita
Deo,
cretis
aturat
cet h
celum
viã i
in cor
Deus
beatit
quid
si mal

a z
b z

Domini nostri JESU Christi, pater misericordiarum, & Deus totius consolationis, qui consolatur nos in omni tribulatione nostrâ, ut possimus & ipsi consolari eos, qui in omni pressurâ sunt; per exhortationem, quâ exhortamur & ipsi à Deo: quoniâ sicut abundant passiones Christi in nobis, ita & per Christum abundat consolatio nostrâ. *a* Ergo Deus mœstos aded exhilarat, ut in afflictione magis affligi cupiant, & tantò sibi magis gratulentur, quantò magis affliguntur. Hinc audent dicere: Amplius, Domine, amplius. Hæc hilaris sanctâque alacritas ita illos in divinâ voluntate firmat, ut eorum quisque cum Paulo dicat: Placeo mihi in infirmitatibus, in cõtumeliis, in necessitatibus, in persecutionibus, in angustiis pro Christo. *b*

Divinis hac in re auxiliis suam jungat opellam homo, & curas, metum, angores, quantum potest, animo pellat hac geminâ cogitatione. 1. Deo sic visum, sic placuit Deo, ita Deus voluit: quid obliet ego decretis divinis? 2. Et si ego hanc rerum jacturam fecerim, hoc damnum passus sim, licet his ærumnis jam premar, nihilominus cælum mihi patet; imò celerius & tutius hac viâ illuc penetravero. Hæc duplex cogitatio in corde etiam amarissimo mel optimū est. Deus hoc permittit, Deus istud vult: hoc beatitudinem non minuit, sed auget. Nunquid non puella chorearum amantiſſima, si malo casu pede claudicet, chirurgo animos

G 4

a 2. Cor. c. 5. v. 3. & seqq.

b 2. Cor. cap. 12. vers. 10.

mos addeus: Ure, inquit, & seca, hæc pa-
 rum curo, modò ad choreas liceat redire.
 Et Christianus non æquè animosus dicat
 Deo: Ure, mi Deus, & seca; infestet mor-
 bus, vexet paupertas, invidia exerceat, in-
 juria conturbent, omnis in me calamitas
 conspiret, parum hæc moror, modò ad cælum
 liceat pervenire. Subinde infans tam
 acerbum clamat & plorat ut cultro confi-
 xus videatur; sed monstra ei pomum, aut
 aliud quidpiam charum, mox fieri desinet:
 cum mœrores & angores nos turbant, mo-
 dò cælum & eternas delicias seriò cogite-
 mus, mœror & angor omnis remittet. Ea
 subinde tempora sunt, quibus dicere possi-
 mus: Nunquam melius. Lamentatus Aba-
 cuc vates: Ficus, inquit, non florebit, &
 non erit germen in vineis; mentietur opus
 oliuæ, & arua non afferent cibum; abscin-
 detur de ovili pecus, & non erit armentum
 in præsepibus. *a* Segetes jugulabit grando,
 arbores pruina & gelu interficiet, pecus om-
 ne mortalitas auferet, vacua mœrebunt
 stabula, deerunt agris semina; lac, panem,
 carnes frustra experiet mensa Pejus nun-
 quam; sed & nunquam melius, nam addit
 vates: Ego autem in Domino gaudebo &
 exultabo in Deo Jesu meo, Deus Dominus
 fortitudo mea, & ponet pedes meos quasi
 cervorum, & super excelsa mea deducet me
 victor in psalmis canentem. Licet mala illa
 omnia in me unum irruant, ego tamen læ-
 tus & hilaris cantabo.

Apollo Abbas, Ruffino & Palladio testibus quingentos monachos curæ suæ commissos habuit; omnes mirè lati erant. Si quis aliquantulum mœstior visus, mox interrogabatur quid ægrimonix sentiret? Quod si ille dolorem dissimularet, aut tegeret, mox Abbas pectus manu palps diceret solebat: Hic ulcus est, in corde latitat. Exhortationes suas omnes Apollo ita infillabat, ut identidem commendaret istud: Non oportet iis ullam prorsus inesse tristitiam, quibus est salus in Deo, & spes in calorum regno. Æternitatis expectationem habemus, cur non omni exultatione lateamus? *a* En hic nostrum illud geminum: Deus hoc vult, & multa pati beatitudini non officit.

Ludovicus Granata memorat fuisse virum religiosum, qui licet rebus omnibus urgeretur, ore tamen renidente dicere solebat: Bonum, quod expecto, tam est immensum, ut omne supplicium & omne tormentum mihi vertatur in gaudium. Ad hanc animi latitiam erigens Christus: Gaudete, inquit, quòd nomina vestra scripta sint in calis. *b* Etiam si nomen vestrum ex omnibus omnino libris eradatur, & affigatur patibulo, insuper vos ipsi in idem attollamini, etiam si in ardentem rogam rapiamini, gaudete. At, *o* mi Domine, bonis omnibus exuti sumus. Nihilominus gaudete. Amicorum & patronorum optimi sunt mortui.

a Ruffinus Aquil. c. 27. & Pallad. c. 52.

b Luc. c. 10. v. 20.

Vos tamen gaudete. Extremè affligitur. Gaudete, ajo. Combustæ sunt ædes nostræ, mendici sumus. Gaudete; comburi non potest cælum. Agrimoniâ cor tabescit. At ego dico vobis, gaudete, nomina vestra scripta sunt in cælis; hanc scripturam nulla manus, vis nulla, nullus ignis poterit abolere. Æternitatis expectationem habemus, cui non omni exultatione lætemur? ô Christiani, gaudium vobis sit semper. Hoc verum animi gaudium futuri gaudii gustulus est & exordium.

C A P V T XIII.

Tobias junior Angeli comitantis socius.

Tobix senis filius cognominis Tobias, ubi parentibus valedixit, in viam cum comite suo se dedit. Matri non valdè probabatur hoc iter, quod multis lacrymis prosecuta est. Non enim putabat filium à grandavis parentibus sic abstrahendum: iacturam pecuniæ potiùs, quàm filii faciendam censuit. Salvo filio satis opum fuisse futurum, solatus eam maritus: Noli flere, aiebat, salvus perveniet filius noster, & salvus revertetur ad nos. Quod veluti vates pronuntiavit, His vocibus acquiescens mater lacrymas repressit.

In viâ nos omnes esse nescire non possumus, sed nescimus quo tempore, quàm

com.

commodè ad metam perventuri simus. Angelus Tobia socius exemplo suo suaviter ostendit, quâ ratione nos in nostro geramus itinere. Nam uti sacer historicus loquitur: Egressus Tobias invenit juvenem splendendum, stantem, præcinctum, & quasi paratum ad ambulandum. Hæc tria nobis in nostro ad cælum itinere sint commendatissima. 1. Ut juvenes. 2. Ut Splendidi. 3. Ut Præcincti & ad ambulandum parati progrediamur. De hoc triplici in viam paratu jam differendum.

§. I.

Primum, quod ad iter peragendum valdè facit, est juvenus. Qui seriò contendit ad cælum, seipsum sanctis desideriis identidem renovet necesse est. Hoc viatori rex David commendans: Qui replet in bonis desiderium suum, inquit, renovabitur ut aquila juvenus tua. *a* Norat unque sapientissimus rex, hominem jam annis senem non posse reçoqui, ut Jasonem, & juvenescere, sed mentis vires perditas quotidie reparandas, pia desideria, animique decreta instauranda, & hanc esse juventutem illam, in quam homo sapiens quotidie sese induat. Sanctissimi quique homines hoc vitæ compositissimæ habuerunt compendium: Quotidie ab integro incipere. Diebus singulis fibimet ipsi dicebant: Hactenus reverà nihil fecimus, nunc ergo, nunc incipiamus; hoc die, hac horâ; jam res procedet.

G 6

Ca.

a Psal. 102. vers. 5.

Carolus Borromæus pater purpuratus, vir sanctissimus, hoc ad amissum fecit, hoc omnis sanctimonie compendium habuit. Nutritus delicatè, ad ævi & patriæ morem, modicis se rebus cœpit frangere; ita principio faciliori pugnâ seipsum triumphavit. Ipse sibi quotidie dixit: Hoc sanè nihil est ad illud, quod peragendum restat; Carole, nihil dum fecimus; paullò majora canamus. Nunc igitur ex integro incipio. Ita hebdomade primâ vino abstinuit; alterâ carne, tertiâ pisce, ovis quarta. Hoc pede progressus eò pervenit, ut annis postremis in dies singulos nihil libarit eduliorum præter panem & aquam ad dimensum, & parcè sumpta. Festis solùm diebus aliquid calentis opsonii admisit; carne tamen, & ovis atque vino semper exclusis. Jejunio verno pane etiam abstinuit, fabis tantum & ficibus in ediam toleravit; sanctiore hebdomade solis lupinis, legumine amarissimo victavit. Somnum non admisit in lecto jacens, sed in sella sedens aut culcitre stramentitię indormiens. Taceo asperrimum illius cilicium & flagellum, creberrimo usu attritum utrumque. Illud insuper multò laudatissimum vir iste sanctus quotidianum habuit, nunquam otiosi, sed aut precari, aut laborare. Et quomodo, inquis, ad hanc vitæ sanctimoniam pervenit? Quotidie de integro incipit. ^a

Non igitur miremur complurium abstinentiam eò progressam, ut illi victus diurnus

^a Vide vitam illius l. 8. c. 21.

nus fuerit nux unica, & unica somni hora. Admirandâ in omnibus patientiâ quotidie conati sunt iuvenescere, & animum instaurare ad sanctiora. Ita non pauci aliquot annorum spatio ingentes in virtutis studio progressus fecerunt. Nimirum fabricando fabri simus, vigilando vigilare, jejunando jejunare, continendo nos discimus continere. Hoc plurimis obstaculo est; incipere nolunt, aut à cœptis mox resiliunt. Hoc opus, hic labor. Ex integro incipiendum quotidie. Hi certe iuvenes sunt, qui assiduâ mentis innovatione iuvenescunt.

Memorat Paschasius duodecim Anachoretas in senatum cõisse, principem quaestionem fuisse hanc: Quodnam spiritualis vitæ fundamentum sit? Primus sententiam rogatus dixit: Me ipsum crucifixi totum: Quis à tergo mihi pendeat, non video; quid Mundus fremat, non curo, à tergo mihi est; ego autem me ipsum inspicio, vix mihi oculorum satis est ad hoc spectaculi. Alter hoc sententiæ dixit: Ex quo hoc vitæ genus amplexus sum, mihi ipse quotidie dico: Hodie renatus es, hodie primum cœpisti servire Deo; sic esto quotidie peregrinus, crastino forsân ad terminum perventurus. & Hic pedarius quidem Senator religiosissimè omnium dixit, & congruè prorsus paginis divinis. In confirmationem dictorum addo, quod Pelagius narrat: Pambo eâ ipsâ horâ quâ mortuus, dixit. Non memini me locutum, cuius pœniteat: quidquid comedi, his manibus

manibus & operâ paravi: Nunc ad Deum vado, ut qui nec initium quidem fecerim ferviendi Deo. *a*

Sed eodem Pelagio teste, Abbas Moses Silvanum Abbatem interrogavit: Potestne aliquis quotidie initium facere conversationis? Cui Silvanus: Si est, inquit, operarius, potest omni die & horâ inchoare conversationem. *b*

Hæc optima proficiendi ratio est: In nosmetipsos descendamus quotidie, sollemnioribus saltem diebus. Dicat quisque sibi: Quàm exiguum hætenus, quàm nullum in virtutibus progressum feci, in eâ præsertim, in quâ maximè debuissim: quàm in me friget Christianus aliorum amor, quàm debilis est patientia, quàm mansuetudo & animi submissio nulla! Eia igitur, eia cum Davide sanctissimè statuo alium induere hominem. Dixi, nunc cœpi. *c* Hæc invocatione sui quotidie seipso robustior David ad Deum contendit grandi passu. Hæc illa est juvenus, ad arduum iter, quod cœpimus, conficiendum necessaria. Hoc modo vegeti juvenes, optimi sunt viatores. Hoc ritu sub ipsum vitæ finem in extremis, ut Pambo fecit, juvenescendum.

a Pelag. libell. 1. n. 16. mihi pag. 563. apud Rosveid. *b* Idem libell. 11. n. 29.

c Psal. 76. v. 11.

§. II.

Alterum, quod in juvene cælesti admundum erat spectabile, *stetit Splendidus, vul-*

tu decorus, veste nitidus. Viator ad calum, ante omnia intentionis sit recta, & conscientia bona. Alterum ex altero sequitur.

Qui agenda optimo agit animo & fide summa, a seu, quod diximus, Intentione recta, non potest non esse conscientia bona. De Intentione recta, qua amissis est omnium humanarum actionum ante annos aliquam multos librum dedi; quem subinde, mi Lector, relegere non pigeat, & præceptionum meminisse. Omnia sunt sita in Intentione recta, Christi dicto: Si oculus tuus simplex fuerit, totum corpus tuum lucidum erit. b

Si recta & sincera est intentio nostra, omnes actiones nostræ coram divinis oculis pretiosæ sunt: Sin autem prava est & maligna Intentio, actiones nostræ nullius pretii, & ut nuces cassæ sunt. Hæc certè Intentio femel minimùm in die instauranda, matutinis præsertim horis. Illud consultissimum & magni promeriti est, actiones singulas Deo consecrare hisce talibus formulis: Domine JESU, honori tuo, & tibi scribo, tibi lego, tibi canto; tibi comedo, bibo; tibi curro, ambulo, quiesco, dormio, tibi omnia facio. Porro non tantùm veste nitidum, sed & vultu decorum se Tobia stitit juvenis caelestis. Priscorum placitis,

Augusta forma multum de calo trahit,

Egregia forma diu latere non potest:

Vtrumque hoc verissimum de Intentione recta pronuntiatum. Intentio bona forma

est

a Gantz auffrecht.

b Luc. cap. 11. vers. 34.

est augustissima, quæ cuncta de celo trahit. Bonæ mentis, seu, rectæ Intentionis homo, vultum à Deo nunquam avertit: nam illius oculi in divino vultu habitant. Atque hinc talis Intentio diu non potest regi. Quàm erectæ Intentionis uterque Tobias fuerit, è verbis & actionibus, è stipe liberalissimâ, è melioris vitæ spe certâ facillè sciri poterat: hæc optimi animi signa sunt non fallacia. At uxor Tobia, & cognati pravam Intentionem suam conviciis, irrisione, maledictis saris prodiderunt. Jurisconsultorum scito: A fine denominatur res; a si finis bonus, bona sunt omnia: atque ut Aristoteles loquitur: Cujus finis melior, & ipsum quoque melius est. *b* Summi momenti est bona sit an mala Intentio. Hic cardo est, in quo vertuntur omnia. Tanti profectò est Intentio, ut Augustinus dixerit: Quidquid vis, & non potes, factum Deus computat. *c* Si vis plurimum stipis dare, nec potes, jam dedisti, factum Deus computabit; si tolerare inediam velis, nec possis, jam tolerasti, Deus factum remunerabitur. Eodem sanè modo, si furari vis, aut mœchari, nec potes; jam furatus, jam mœchatus es; Deus computabit factum. Uti vestis & vultus corpori splendorem, sic confert animo bona intentio omnem virtutis ornatum.

§. III. Ter-

a *L. Si quis à multis. ff. de noxali. c. de judic. l. rem non novam. §. fin. b Arist. tom. x. l. 3. Topicor. c. 1. mihi pag. 535.*

c August. in psal. 57.

§. III.

Tertium, quod in tabellione cælesti suspiendum: Præcinctus stans, paratus ad ambulandum quavis horâ. Infame præcis esse discinctum. Nebulosus Satyricus canit:

*Non pudet ad morem discincti vivere Nat-
tæ.* a

Ignominiosum erat militiæ, discingi. Hordeum pro tritico datum, & jussum ante castrâ fodere discinctum, magni dedecoris erat. Discinctus & mollis, atque iners homo, plerunque sunt affinia. Hinc jussa Christi. Sint lumbi vestri præcincti. b Hinc Petri & Pauli hortamenta: State ergo succincti lumbos mentis vestræ; c in omnem horam ad omnem nutum parati. Maximi refert, hoc unum probe capere, peregrinos ac viatores nos esse, cælum viæ terminum, finem peregrinationis incertissimum, nec quidem momentum à morte tutum, iter brevî & forsân subito finiendum. Ideirco Petrus ingenti sollicitudine: Charissimi, ait, obsecro vos, tanquam advenas, & peregrinos, abstinere vos à carnalibus desideriis: atqui certò abstinebitis, si firmiter credatis, quòd advenæ & peregrini sitis.

O mi Deus, quantæ hoc levitatis & incogitantæ est! Quotidie morientes cernimus, ad sepulchra mortuos deducimus, & tamen nos morituros suaviter obliviscimur, qui morti proximi sumus. Nemo hic

a *Perfus Sat. 3.* b *Luc. c. 12. vers. 35.*

c *Ephes. c. 6, v. 14. & 1. Pet. c. 1. v. 13.*

manentem habet civitatem. Credimus hoc quidem, sed languidissimè, & quod credimus, obliviscimur. Moribundis oculos manu claudimus, viam ejus, qui moritur, finitam pronuntiamus, nostram tamen finiendam perfunctoriè cogitamus. Epicedia, threnos, naxias, feraleſ campanas, solennes inferias quotidie audimus, notissimorum tumbas & tumulos transimus, & tamen nos eò brevì ducendos obliviscimur. Qui Augustâ Antuerpiam tendit, in viâ frequentissimè loquitur de Antuerpiâ, Antuerpiam cogitat, Antuerpiam somniat. Nos ad cælum tendimus, quis nostrum, & quando loquitur de cælo? de pecuniâ sermones longissimi & pænè perpetui texuntur; de rerum damnis juges ploratus, de lucro & quæstu altercationes æternæ, quis de cælo litigat? vix ulla uspiam unquam cæli mentio, tanquam si eò perventuros nunquam seriò vel cogitemus, vel speremus. Obsecro vos, viri pecuniosi, de pecuniâ loquimini, pecuniarias disputationes vestras non prohibeo, sed paullulum muto, si possimi. Hoc sermone creberrimo pertractate, quàm tuto collybo a pecuniam in terram sanctam, in cælum transmittatis. Egena pauperum manus securissimus est collybus, quo thesauros omnes trāsmotu tutissimo licet mittere in orbem alterum. Mittite, quæso, mittite, quidquid cupitis non perdere. brevì omnia fenore millies aucto recepturi. Obsecro ergo vos, tanquam advenas & pere-

a Durch sicherem Wechsel.

peregr
potest
& aff
confic
juven
in ips
dum,
ad ren
lis tar
menti
scient
dor e
Tectu
ment
super
sollici
ramus
mur,
dum
a T
b
T
mer
cetu
biam
comi

peregrinos, aptate vos itineri, quod differri potest, nec interrumpi. Peregrinandum est, & assidue pergendum. Huic itineri recte conficiendo plurimum facit, quot diebus juventutem animi restaurare. Quotidie vel in ipsa mortis viciniâ ex integro incipiendum, tanquam si praterito tempore parum ad rem sit actum. Intentio recta non singulis tantum diebus, sed & horis, & horæ momentis innovanda, ne unquam desit conscientia bona. Hic vultus & vestium splendor est. Denique præcincti stemus, & ut Tertullianus loquitur, expediti ab impedimentis lacinosæ & implicitæ vitæ. a Illas superflui cibi, superflui somni, curarum & sollicitudinum superfluarum lacinias auferamus. Habentes alimenta, & quibus tegamur, his contenti simus. b Ambulemus dum dies est, sed ambulemus præcincti.

a Tertull. l. 4. contra Marcionem c. 29.

b 1. Tim. cap. 6. vers. 8.

C A P V T X I V.

*Tobias junior docentis Angeli
discipulus.*

Tobias Angelo comitante ad fluvium Tigrim pervenit, ubi pedes loturus meraserat. Hic prædo maritimus, immanis cetus ex undis emergens impetum in Tobiasem videbatur facturus. Exterritus Tobias, comitis inclamans opem: Invadit me, inquit.

quit. Cui comes Branchiam illius, ait, apprehende, & ad te trahere. Fecit, ut iussus. Mox Angelus: Hunc piscem, inquit, exentera, & jecur illius cum corde ac felle tibi sepone, sunt enim ea medicamentis necessaria. Omne reliquum piscis partim assauerunt, partim sale condierunt, & in viam sumplerunt quotidiano hoc victu contenti, dum in urbem Rages pervenerunt. Hic Tobias discendi avidus interrogavit Angelum: Obsecro te, frater Azaria, dic mihi, quid ea, quæ servari voluisti, medicinæ conferunt? Cui Angelus: Cordis, inquit, particula prunis imposita omne genus dæmonum fumo pellit: fel oculorum albuginem tollit. Hic interrogatio Tobie ansam nobis præbet, ut ad quæstiunculas aliquot de cane, de medicamentis, de pisce respondeamus. E quibus facile erit colligere, quantum in rebus etiam minutis profuerit Tobie comitatus Angeli.

§. I.

Quæstiuncula. I. Cur Canis à scriptore sacro describatur? Historicorum mos est subinde frivola, minuta, vilia, miscere narrationi, ut tanto plus auctoritatis accedat veritati, & lector ad dandam fidem tanto sit promptior. Beatus Marcus narrans Domino JESU vincula in oliveto injecta, rem modicam attexit de adolescente, qui solâ Sindone amictus, ut injectas manus falleret, rejecit Sindonem, & profugit nudus, a

Beatus

a Marci cap. 14. vers. 51.

Beatus
prode
itineris
nes inc
ad mo
summi
provid
qui sic
citus,
cupavi
human
menta
in Dor
admod
micam
ger, in
sapien
de per
tem. D
num e
igitur
fieri, l
nymu
gula v
sibus
hil m
lare m
signat
ulque
Qu
a
b
c P
d

Beatus Lucas Christo Domino in olivetum
 procedente duos gladios e cenaculo ad illud
 itineris sumptos memorat. a Beatus Joanes
 inconfurilem Christi tunicam, & duos
 ad monumentum excurrentes Apostolos
 summis mysteriis immiscet. Ita hic divina
 providentia voluit mentionem fieri canis,
 qui sicut suum herum abeuntem est prose-
 cutus, ita revertentem præcurrit, & præoc-
 cupavit evangelia. b Insuper fidelitas canum
 humanis moribus insignia præbet docu-
 menta. Omnium animantium canis à fide
 in Dominum maximè laudandus. Quem
 admodum verò Salomon pigrum ad for-
 micam mittens: Vade ad formicam, o pi-
 ger. inquit. & considera vias ejus, & disce
 sapientiam. c Haud aliter dixerim ego: Va-
 de perfidiose ad canem, & disce fidelita-
 tem. De docili ac fideli prorsus indole ca-
 num eruditè scripsit Justus Lipsius. d Non
 igitur hic supervacaneum mentionem canis
 fieri. Nam, quod Chrysostomus, & Hiero-
 nymus observant, in scripturis divinis sin-
 gula verba, syllabæ, apices, puncta plena sen-
 sibus & mysteriis; nihil hic superfluum, ni-
 hil minutum. Hoc loco, uti Raphaël tute-
 larem Angelum, ita canis conscientiam de-
 signat, quæ certè fidelissimis latratibus suis
 usque & usque monere non desinit.

Quæstiuncula 2. Quis piscis iste fuerit
 Tobiam

a Luc. cap. 22 vers. 38.

b Er hat das Böttenbrodt gewonnen.

c Prov. cap. 6. vers. 6.

d Lipsius centuriâ I. ad Belgas, epist. 44.

Tobiam invasurus. Quæstio videtur sterilis. Viri docti hac de re sententia verbo expedienda. Franciscus Valeſius Philippi II. Hispaniarum regis medicus cenſet carnivorum illum immanem cetum, appellari Callionymum, ſive Uranoſcopum; quòd inſignem præferat fronte oculum, quo cetum ſpectet; ſel autem hujus piſcis in varios uſus eſſe commodiſſimum. *a* Nam, Galeno teſte, quorundam animalium bilis ſingulariter à medicis extollitur, tanquam aciem acuant, velut piſcis, quem Callionymum vocant. *b* Aſſertio verofiſſima. Morales hujus piſcis ſignificatus prudenti lectori deferro eruendos. Hoc unum addo: Norunt Angeli omnium herbarum, arborum, plantarum, animalium, gemmarum vires & agendi vim. Hinc illis longè faciliſſimum quoſvis morbos perſonare. Nos miſeri palpamus in ignorantia tenebris. Quàm exiguum, quàm nihil eſt, quod ſcimus ad Angelos. In beatorum ſedibus hæc omnia cum Angelis ſciemus. Ampliſſimam hanc ſcientiam Adamus protoplaſtus & Salomon rex ſapientiſſimus habuit. Scivit enim diſpoſitionem orbis terrarum, & virtutes elementorum, initium & conſummationem, & medietatem temporum, viciffitudinum permutationes, mutationem omnium morum, anni curſus, & ſtellarum diſpoſitiones, naturas animalium, & iras beſtiarum, vim ventorum, & cogitationes hominum, differen-

a Valeſ. in ſacrâ philoſophiâ, c. 42. mihi pag. 332. *b* Gal. l. 10. de ſimplic. medicâ c. 12.

tias virgultorum, & virtutes radicum, & quæcunque sunt absconsa & improvisa didicit. Omnium enim artifex docuit illum sapientia. a Volumen medicum, à Salomone scriptum, combussit rex Ezechias, uti asserit Eusebius; quòd populus morborum ex eo medelas sumeret, & sanitatem à Deo postulare negligeret.

a Sap. c. 7. v. 17. & seqq.

§. II.

Quæstioncula. 3. Cur Angelus Tobiam in re medicâ instruxerit? origo medicina à Deo petenda. Quod Siracides affirmans: A Deo est enim omnis medela, inquit: altissimus creavit de terrâ medicinam, & vir prudens non abhorrebit illam. a Sive jam medicamenta benè vel malè respondeant, magni aut nullius sint effectûs, ad sanitatem aut morbum proficiant, utrumque à Deo est. Medicinis utor, inquis, sed frustra. Medicamenta non comprehendunt, venis non concipiuntur, nihil auxilii valentis adferunt. Ne id, quæso te mirare, complures sunt causæ medicamenti malè respondentis. 1. Ah quoties exterforis, & repurgantibus medicamenti curamus corpus? Animus egeret, quem turpiter negligimus; suam corpori vitam tuemur, & animus jacet mortuus. 2. Humana remedia sæpe prius quærimus, quàm divina; nonnunquam admovemus ea primo, quæ ultimo loco aut nullo essent ponenda. 3. Auxiliis huma-

a Ecl. c. 38. v. 2. & 4.

nis & arte medicâ nimium plerumque nitimur. Quod Rex Aſa cetera optimus fecit, qui magis in medicorum arte conſilius eſt. *a* Ideò permittit Deus, ut vaniſſima ſpes eludatur à medicamentis nihil proficientibus.

Ne verò miremur ab Angelo Tobiam aliquid artis medicæ hauſiſſe, Sanctiſſimi quique homines ægrorum maximam curam geſſerunt. Iſaias regi Ezechix non ſolatum tantùm adhibuit, ſed etiam è ficibus malagma impoſuit. *b* Obſequiis ægrotorum Angeli ſuam operam crebrò impenderunt, cur homines id officii detractent? Angelus tot morbidorum bono ſolymæam aquam ſtatis vicibus movit. *c* His igitur præceptis medicis amorem ſuum tam in parentem, quàm in filium Angelus monſtravit.

Quæſtiuncula 4. Cur omne piſcis reliquum, quod non aſſarunt, ſale condierint? In Oriente itinera tot cauponis & diverſoriis non diſtinguebantur, uti apud nos. Eo ævo viatores ſuum com meatum ſecum portabant, aut jumentis vexerunt. Cene aut prandii tempore ad rivulum diverſati cenarunt ſymbolis allatis, noctem ſub arbore patulâ, aut in viridi ceſpite ſub puro Jove egerunt. Ita Jacob æquore aperto noctu dormiit, ſaxum capiti pro cervicali ſubjicit. *d* Ita Joſeph fratres ad iter inſtruxit, datis ſuprà cibatis in viâ. *e* Ita hîc Tobias pa-

a 2. Par. c. 16. v. 12. *b* 4. Reg. c. 20. v. 7.

c Ioan. cap. 5. verſ. 4.

d Gen. cap. 28. verſ. 11.

e Gen. cap. 42. verſ. 25.

ratis omnibus, quæ erant in viâ portanda, fecit vale patri suo, & matri suæ, & ambulaverunt ambo simul. *a* Ita Raguel uxori suæ dixit, ut præpararet omnia quæ in cibis erant iter agentibus necessaria. *b* Et quamvis via peregrinis vicos & pagos offerret, in iis tamen aliud non petebatur, quàm hospitium, & esse sub tecto, quod hodiè que in Poloniâ & Hispaniâ moris est. Ævo veteri cauponas & vinarias tabernas non admittebat eorum hominum partim frugalitas, partim etiam hospitalitas. Sumptibus hac in re multùm parcebatur. Necdum artes illæ in usu erant, doctis dolis attondere hospites, marsupia exenterare, æs emungere. Sunt quidem hic sumptuariæ leges bonæ, sed malè servantur. Ita prisca ad amicorum aliquem, aut hominem norum diverterunt. Priscis enim Hospitalitas usitatissima. Quæ Paulus admodum commendans sæpius: Necessitatibus sanctorum communicantes, inquit, hospitalitatem sectantes. *c* Caritas fraternitatis maneat in vobis. Et hospitalitatem nolite oblivisci, per hanc enim placuerunt quidam Angelis hospitio receptis. *d* Hæc virtus inter Ceritum tabulas, & pænè ex omni virtutum syllabo erasa, jam propè nullius inter homines pretii est, cum tamen non desint egeni, pauperes, peregrini quibus hospitalitas esset exhibenda. Sunt quidem diverforia & hospitia, sed pauperum crumenulis nullus hic locus est. Ævo Chri-

H

a Tob. c. 5. v. 22. *b* Tob. c. 8. v. 22.

c Rom, c. 12. v. 13. *d* Hebr. c. 13. v. 1.

isti Domini jam pandochia, stabula, tabernæ cauponariæ fuerunt. Et constat quantum humanitatis ac reverentiæ in primo omnium diversorio Bethlehemi Christo fuerit exhibitum. Leges ab Apostolis sancitæ nulli Clericorum permittunt penetrare popinas, multò minus illic computare, aut choreas ducere. *a*

a Constitutiones Apostolica can. 55. c. Non oportet Clericos. & dist. 44. c. Nulli Clerico &c.

§. III.

Tobias igitur, ejusque comes prisca frugalitatis tenaces, quidquid reliqui habuerunt è pisce, salierunt, & asportarunt. Hinc verosimilis quorundam conjectura est, Tobias & comitem iter equites confecisse. Erat enim Tobias primarii viri, æconomi regis filius, hunc à patre peditem in viam tam longam amandatum parum credibile. Et vix fieri potuit tam multum falsi piscis usque Rages perferre tergo. Hic autem singularissima Dei providentia toto animo cogitanda, quæ in rebus his gerendis planè admirandam se præbuit. Et en ejus specimen animal, quod vivum censebatur noxium & mortiferum, jam mortuum, itineris maximum est subsidium. Ex hoc fluviatili prædone Deus insigne suis viaticum providit. Poterant viatores isti cantare: salutem ex inimicis nostris. *a* Præclarissimè dixit Cyprianus: Habenti Deum nihil deerit, si Deo ipse

a Luc. c. 1. v. 78.

ipse non desit. Ita Daniel cavo leonum mer-
 fus delicias messorum *a* à volante dapifero
 accepit: Judæis annona venit è cælo: Eliæ
 cōmeatum avium furacissimæ deportarunt.
 Nihil deerit habenti Deum. Sed quid opus
 erat his falsamentis? Christus totis quadra-
 ginta diebus in ediam toleravit, & postea
 demum esuriit. *b* Moses in Sinai jugo qua-
 draginta dies & quadraginta noctes panem
 non comedit, & aquam non bibit. *c* Elias
 totidem diebus impransus, & incenatus ad
 montē Horeb peregrinatus est. *d* Cur Deus
 Tobix famem, sitimque non simili modo
 sedavit, cur falsus piscis per viam deportan-
 dus? Nimirum hoc agit Deus, ut providen-
 tiam suam mortalibus quàm perspectissi-
 mam reddat, variis eam modis sub oculos
 ponit, ut quantum potest maximā in eum
 fiducia ferantur. Reverà providentissimus
 hic pater pro victu ac vestitu filiorum longè
 vigilantiorē gerit curam, quàm getere pos-
 sint pro seipsis filii. Hinc & ægerrimè fert
 filios amantissimo patri tam parum fidere,
 sibiipsis vanissimam & nihil profuturam
 sollicitudinem struere, frustra trepidare, &
 animo angere.

Hoc quidem non negamus: Deus suos in
 deliciis non habet; cibum eis submittit, sed
 minimè delicatum, panem hordeaceum,
 sub cineribus coctum, pisces sallos, pul-
 verum & messorum prandium, cum

H 2

ramen

a Schnittermues.

b Matth. c. 4. v. 2. *c* Exodi c. 34. v. 28.

d 3. Reg. c. 19. v. 8.

tamen eodem sumptu exquisitissimas posset præbere epulas. Nam ille idem Angelus qui Abacuc è Judæâ in Babylonem agili vesturâ transtulit, & Danieli pulmentum messoribus paratum obtulit, potuisset ex aulâ regiâ unum aliquem dapiferorum, unâ cum ferculis in leonum caveam avehere. Noluit Deus ita fieri, neque sine causâ noluit. Quis autem cognovit sensum Domini, aut quis consiliarius ejus fuit? a Tertullianus aliquid causâ assignans: Constitui oportebat exemplum, inquit, in tempore pressuræ Xerophagiis esse vivendum. b Vult Deus suos, præsertim in afflictionibus, non lautè, nec delicatè vivere, necessitati enim non voluptati subvenit. Quòd Danieli Deus pulmentum tantum, non etiam potum submiserit, in promptu causa est, pulmenta & offa, humidiores cibi suum secum potum adferunt. Quòd Christus in solitudine tot millibus hominum sine potu panes distribuerit, ne miremur, utique ad rivulum vicinum confederunt, ubi sitim propitiare poterant. Odit Deus superflua. Addo: Cibi viliores & generis unius precationi & luctu spiritali sunt aptiores. Hinc Sethi nepotes & posterii herbis tantum & fructibus victitabant, carne & vino abstinentes. Daniel tres sibi sumpsit hebdomades precibus & vitæ rigoribus exigendas: Panem, ait ipse, desiderabilem non comedi, & caro & vinum non introjerunt in os meum. c Oraculum

a Rom. c. II. v. 34. b Tertull. l. contra
Psychicos c. 9. c Dan. c. 10. v. 3.

lum Dominicum habemus: Non in solo pane vivit homo, sed in omni verbo quod procedit de ore Dei. *a* N. mirum in eo situm est, cui Deus benedicat. Dei benedictio modicum & vilem cibum vel præstantissimo efficit alibiliorem. Habenti Deum nihil deerit.

Mittamus ergo curas superfluas, omnem sollicitudinem nostram, quod Petrus monet, projicientes in Deum, quoniam ipsi est cura de nobis. *b* Ita vigilantissimæ Dei providentiæ nihil penitus diffidamus. Hoc infantes stulti & homines modicæ fidei solent, qui plus suæ credunt sollicitudini, quàm sapientissimæ Numinis gubernationi. Clemens Alexandrinus eruditâ elegantia. Sunt, inquit, quæstiones, quæ sensu indigent; an nix candescat, an ignis urat? vide, tange: Aliquæ admonitione egent, aut increpatione; Utrum inimicis ignoscendum, jejunium servandum? ignosce, serua: quædam dignæ sunt, ut puniantur, ut est, quæ ere, an sit providentia? *c* Deus pro omnibus & singulis curat, nec curat tantum, sed omnibus & singulis, quod illis maxime profuturum, suppeditat. Fidamus Deo in omnibus. Habenti Deum nil deerit.

a Matth. c. 4. v. 4.

b 1. Petri cap. 5. v. 5.

c Clem. Alex. l. 5. Strom. c. 1.

C A P V T X V.

*Tobias junior ab Angelo contra
demonem instructus.*

Petrus Maffejus Indiarum historiam profecutus: Cùm, inquit, Emmanuel Lusitanix rex Anno Christiano millesimo quadringentesimo nonagesimo septimo navigationem expediret, quæ Orienti Evangelium & Christiana sacra intulit, primæ prætorix navi nomen dedit Gabriel, qui primus è cælo terris Evangelia deportavit: Alteram Raphaëli viatorum duci ac tutori inscripserunt a Fidelissimi duces nostri sunt Angeli: summâ fide, amore incredibili, peritiâ maximâ nostris itineribus moderantur.

Nicephorus Callistus & Cæsar Baronius narrant, Theodosio Imperatori à secretis fuisse virum perfidum Joannem, qui nullam quietis partem capturus videbatur, dum æquè Imperator cum Theodosio salutaretur. Nec miles defuit ad eas molitiones: In hunc Theodosius supremum militiæ præfectum misit Ardaburum, cui omnis pugna felicissimè terrâ cessit, non item mari; hic verterunt vices nam ventus subito coortus ducem Theodosii cum copiis tyranno tradidit capiendum. Nimirum causa æquissima videbatur labare. Eventus tam infelix Theodosium supra modum habuit sollicitum,

a Maffejus l. 1. hist. Ind. mihi pag. 29.

tum, adduxitque in angustias. Putaverat certè tyrannus Theodosium jam sui fore arbitrii, si quidem Ducem cuperet liberatum. Sed Aspar Ardaburii filius parentem inter hostium unguis deserere nefas ratus, eo, quo potuit collecto milite tyrannum insequi decrevit. Nec pii Cæsaris preces defuerunt. Nam Angelus pastoris habitu processit Asparem & Ravennatem lacum trajiciendi modum monstravit, easque vias duxit, quas nullus hominum isse auditus. Ita Ravennam non adèò numerosus miles occupavit, & Joannem perfidum tyrannum cepit, qui Aquilejam ductus, dexteram unâ cum capite amisit. a

Auctores viz multò peritissimi sunt Angeli, nec unico quidem vestigio fallunt. Peritiam hanc comitis sui fidelissimam expertus est Tobias, quem Angelus non solum suavissimè duxit, sed etiam variè in rebus agendis erudit. Nos dissertatione priori quatuor posuimus quæstiunculas super hoc itinere Tobiz Apponamus hic tres alias, responsuri ad singulas.

a Niceph. l. 14 hist. c. 7. Baron. tom. 5. An. 425.

§. I.

Quæstiuncula I. Quâ ratione & an verè dixit Angelus: Ego sum Azarias Ananiaz filius? Est nonnemo, qui hunc è cælo rebellionem arguat mendacii. a Nos vera dixisse

H 4

asse-

a Wtakerus l. 1. contra Edmundum Campanum pag. 77.

asserimus, Nam Azaria formam comes cælestis induit. Atqui nos phrasi vulgatâ ita loquimur, cum templi aram loquente manu monstramus atque dicimus: Hic Christus est à Magis adoratus, hic Christus in oliyeto sanguinem sudans, hic Christus in crucem suffixus, quia imago Christi adorati, sudantis, crucifixi est. Ita olim sub orbis primordia locutus cum Jacob Angelus: Ego sum Deus Bethel, ubi unxisti lapidem & votum vovisti mihi. ^a Erat certè Angelus, qui Deum repræsentavit. Quod in lege veteri frequentissimum fuit. Deinde, si vim vocis spectemus, Azarias auxilium Dei, Ananias donum Dei designat. Quàm ergo congruè istud sibi nominis vindicavit Angelus?

Quæstiuncula 2. Cur Angelus seruari iusserit cor, fel, & jecur piscis? duplicem causam ipsemet assignavit; fugandis diabolis, & oculis persanandis. Interpretatio certè, quam divinus Spiritus hic spectabat, nobis commodissima. Tria potissimum sunt, quæ interiorem hominem juvent, sanent, animent: Contritio cordis, tolerantia afflictionis, edomatio, vel ut loquuntur, mortificatio carnis. Primum corde, alterum felle, tertium jecore adumbratur.

1. Contritio, seu, cordis dolor ob admittas noxas earum vitium est, ut animus dolore hoc concepto, etsi letalibus peccatis faucibus, mox reviviscat è mortuo. Uti Mithridaticum Alexipharmacum omne pellit

venenum,

^a Genes, cap, 31, vers. 13.

venenum, ita cordis contritio, omne letiferum extinguit peccatum Hinc multo saluberrimi consilii est, eadem mox hora, qua commissa est noxa, animum letaliter vulneratum contritione persanandum. Hinc ille, quem vocant, contritionis actus tot libellis, tot chartulis ad creberrimum usum perscriptus. Nec enim differenda est medicina, quamprimum admissa capitalis aut gravior noxa. Contritio ad vitam momento revocat. Cor contritum & humiliatum Deus non despicias. *a* Quamprimum David serio dixit: *Peccavi*. Mox Nathan subjunxit: Dominus transtulit peccatum tuum. En, inquit Ambrosius, quantum tres syllabae valeant. Cui subscribens Cyprianus: O poenitentia, inquit, quid de te novi referam? omnia ligata solvis, omnia contrita sanas! Atque hoc cor est, quod servari iussit Angelus.

2. Fel, est afflictionis tolerantia, qua & Contritionem juvat & Mortificationem. Fel istud ærumnarum amarore suo nitidos & acutos admodum reddit oculos. Nam, quod Isaias dixit: *Vexatio dat intellectum: b* Afflictio elleborum est, quo Deus noxiam & peccantem redundantiam à nobis depellit, & ad mentem sanam reducit. Nos saepe derubamur de mente, & ad insaniam redigimur ob pravas animi afflictiones, quæ in furorem & mentis alienationem nos agunt, ideo Deus elleboro suo consilium & sensus fugitivos revocat.

H 5

Indiz

a Psal. 50. v. 19. *b* Isa. c. 6. v. 9.

Indiæ arbor est, quam arborem Tristem indigenæ appellant. De hac Garfias ab horto differens: Arbor Tristis in Indiâ, inquit, nūquam floret nisi post solis obitum, interdū folliculos, seu, calyces clausos habet, noctū aperit, tanquam solem reformidans, sicut vespertilioes non volant nisi nox offundatur, & tenebræ incedant: a sic pluri mi hominum nunquam ita compositi ac modesti, ita dociles, ac devoti sunt, quàm cum ægroti, aut aliis ærumnis pressi sunt. Tunc precantur, tunc manus cælo attendunt, & omnem promittunt sanctimoniam. Tunc demum oculos aperiunt, & acurum cernunt, cum in oculis fel ærumnarum sentiunt. Vexatio dat intellectum.

3, Jecur prunis impositum, est edomatio carnis, seu, Mortificatio. Lex certa est, quam beatus Paulus divino Spiritu jubente dixit: Si secundum carnem vixeritis, moriemini; si autem spiritu facta carnis mortificaveritis, vivetis. b Quantò magis viger, vivitque caro, tantò magis interit Spiritus. Prunis imponendum est jecur, fumus ejus extricat omne genus dæmoniorum, sive à viro, sive à muliere, ita ut ultra non accedat ad eos. c De dæmonibus fugandis Christus: Hoc autem genus, inquit, non ejicitur nisi per orationem & jejunium. d Nemo unquam vicit diabolum, qui nequit carnem vincere. Hic ingenti opus est sui edoman-

a Garfias l. 2. de plantis Indiciis c. 1.

b Rom. c. 8. v. 13. c Tob. c. 6. v. 8.

d Matth. c. 17. v. 21.

edomandi sollertiâ. Multa corporis comoda fastidienda, gravia contra & aspera in amore habenda, ut quibus solis adlescere virtus insuerit, quæ mollibus alioqui & jucundis præfocatur. Res certa: qui sunt Christi, carnem suam crucifixerunt cum vitis, & concupiscentiis. At verò caro, ejusque pravæ cupiditates nullis clavis aptius figuntur, quàm abstinentiâ & jejuniis. Hoc autem est, quod maximè horremus: ne in diem toleremus, excusationes mille adferimus. O bona pecora ad pastum nata! Satiritate diabolus non fugatur, qui vesuti canis non recedit, dum patet macellum carnis plenum. Hic Cerberus non abigitur copioso & lauto pastu; per orationem & jejunium ejicitur.

a Galat. cap. 5. vers. 24.

§. II.

Quæstiuncula 3. E Theologiæ scholis petita, quomodo res sensibilis agat in spiritalem, fumus jecoris in diabolos. Dixerat enim Angelus: Cordis ejus particulam, si super carbones ponas, fumus ejus extricat omne genus dæmoniorum. Quid virium habet fumus contra spiritus? Multa hic Theologi. Et constat è fastis Regum, Saulem in furem à diabolo actum, modis musicis restitutum ad se rediisse. Ideo David in citharædum regium aulae adscriptus. Plurimi ante Saulem intemperis acti & à malo dæmone infessi symphoniam convaluerunt ex malo. Josephus testis ocularis: Vidi enim, inquit,

ex popularibus meis quendam Eleazarum, in præsentia Vespasiani, & filiorum, & tribunorum, reliquorumque militum, multos arreptitios percurantem. Modus verò curationis erat hic. Admoto naribus dæmoniaci annulo, sub cujus sigillo inclusa erat radici species à Salomone indicatæ, ad ejus olfactum per nasum extrahebatur dæmonium, & collapsò mox homine, adjurabat id, ne amplius rediret: Salomonis interim mentionem faciens, & incantationes ab illo inventas recitans. Volens dein Eleazarus his, qui aderant, ostendere suæ artis efficaciam, non longè inde ponebat poculum, aut pòllubrum aquâ plenum: imperabátque dæmonio hominem exeunti, ut his subversis signum daret spectantibus, quòd reliquisset hominem. Quo factò nemini dubium erat, quanta fuisset Salomonis scientia, & sapientia. *a*

Ergo energumeni, si Josepho fides, odore singularis herbæ curati. Alii fanaticos virgis aut flagris cædunt in remedium, ita enim agitantes ab iis furias expelli ajunt. Sunt, qui infessos à malo dæmone, excrementis caprinis velut catapotis curent.

Ad hæc omnia Theologorum scholæ, si cum iis loquendum, ita respondent: Corporalia in spiritum, aut spiritualia nequeunt directè agere, sed indirectè, naturaliter tamen dum corpus à malo genio infessum ita comparant, ut demum cedere cogatur dæmonium.

a Joseph. l. 1. Antiquitat. c. 2. post initium, mihi pag. 257.

mon. *a* Exempla gratia: In homine Iracundo, qui flavâ vel atrâ bile (choleram vocant & melancholiam) abundat, in eo certè cædæmon longè suaviùs habitat, quàm in homine sedatæ indolis. Quòd si in altero illo fel minuatur, diaboli habitatio destruitur: mavult enim cedere, quàm incommodè habitare. Quòd si caprarum excrementa, vel ridiculum quid energumenis appensum fuget dæmonem, id eâ causâ fieri dicendum, quòd summa dæmonis superbia ferendo non sit ejusmodi contemptum. Sed & illud ingenuè fateamur, in indagandis rerum naturis plurima latere, quæ ignoremus. In hoc etiam Orbe nostro innumera rerum naturalium arcana regi, quæ nesciamus, nec unquam dum hîc vivimus, penetraturi simus. Plurima scholarum conclusionibus affirmantur, aut negantur, quæ etiamnum incertissima sub judicis sceptro pendent. Hæc, inquit Augustinus, ridet Auctoritas divina. Certissima ea est sententia, scire quàm parum sciamus, & quàm in multis nihil cogniti, nihil experti habeamus. Non nimium æstimemus, obsecro, argutatiunculas nostras scholasticas, secreta naturæ plurima nunquam rimabimur; infinita Dei arcana nec quidem eminus hîc contuebimur. Rex David simile quid conatus: Existimabam, inquit, ut cognoscerem hoc; labor est ante me, donec intrem in sanctuarium Dei. *b* Tanti regis sapientia hîc cæcutit,

a Cessante conditione sine quâ non.

b Psal. 72. vers. 17.

tit, quid tu tibi angustæ vernula capsæ polliceris? sapienter & ingenuè fecerimus, si nostram potiùs ignorantiam confiteamur, & cum Paulo succlamemus: O altitudo divitiarum sapientiæ & scientiæ Dei *a*! Hæc tamen sciemus omnia, sed in cælo, ubi scientem omnia contuebimur.

a Rom. c. 11. v. 33.

§. III.

Hic in minimis sæpe allucinamur, aut ore hiante miramur, quæ non satis capimus. Quàm illa nobis nova & admiranda, Petri umbra, Pauli sudaria & semicinctia perfanarunt ægros. Petri verba paucula Ananiam & Sapphiram ita fulminarunt, ut subito expirarint. Et quod magis admirandum. Sensilis est corporeus avernalis ignis, diabolos tamen & damnatorum manes cruciat. *a* Ergo corporatum aliquid in spiritale agit. Quâ tandem ratione? nescimus. Occulta Dei vis rebus creatis juncta patrat hæc admiranda. *b* Deus hic primarius actor, cetera illi ut instrumenta subserviunt. Complura sunt, quæ Ecclesiæ precibus sacra sunt (Theologis sacramentalia dicuntur) in his numerantur aqua, oleum, cera, herba, vinum, edulia, suis quæque temporibus consecrari solita. In horum numero habentur Exorcismi, sacra Martyrum, aliorumque divorum lipsana, signum crucis, sanctissimum nomen JESVS.

Hoc

a Greg. l. 4. dialog. c. 29. b Assistentes, ajunt Theologi, & non in hæsiuè.

Hoc salutiferum ac venerabile nomen & pe^ore clausum, & ore promptum assidue feramus. Nec enim aliud nomen est sub caelo datum hominibus, in quo oporteat nos salvos fieri. *a* Hoc certe nomen longe potentius, quam ulla piscium exta cacodæmonas fugat. Quod pollicitus Servator: Signa, eos, qui crediderint, hæc sequentur: In nomine meo dæmonia ejicient. *b* Querelam ad Christum deferens Joannes: Magister, inquit, vidimus quendam in nomine tuo ejicientem dæmonia, qui non sequitur nos, & prohibuimus eum. Cui Christus: Nolite prohibere eum, nemo est enim, qui faciat virtutem in nomine meo, & possit citò male loqui de me. *c* Ita septuaginta duo discipuli à Christo, velut in messem novâ emissi, non sine gratulatione ac gaudio reversi: Domine, ajebant, etiam dæmonia subjiciuntur nobis in nomine tuo. *d*

Imò Patres prisca hoc unico pane argumento sunt usi adversus idololatrias, Christum verum esse Deum, quòd audito Christi nomine cacodæmones ex humanis corporibus cogantur cedere. Tertullianus certè compluribus testimoniis asserit à Christianis solo Christi nomine impuros Spiritus profligari. Cùm autem apologeticum suum, seu Christianæ disciplinæ defensionem Romanam misisset, eoque scripto parum promovisset, & Chartaginiensis Præses Scapula gravius

a Actor. c. 4. v. 12. *b* Marci c. 19. v. 17.

c Marci c. 9. v. 38. & 39.

d Luc. cap. 10. vers. 17.

gravius in Christianos favire cepisset, ad hunc ipsum Scapulam librum conscribens: Dæmones, inquit, non tantum respiciamus, verum & revincimus, & quotidie traducimus, & de hominibus expellimus, sicut pluribus notum est. Hoc autem Christiani fecerunt pronuntiato Christi nomine. Eam ob causam jure meritisimo Paulus id unice commendans: Omne, inquit, quodcumque facitis, in verbo aut in opere, omnia in nomine Domini nostri JESU Christi. *a* Hoc igitur divinum nomen penitissimo pectori insculpendum assidueque magna reverentia & ingenti fiducia corde & ore versandum. In rebus prosperis pro gratiarum actione, in adversis pro scuto & defensione usurpandum. Præsertim cum occasio, & periculum peccandi, cum aspera perpeffu toleranda, cum ardua & difficilia factu aggredienda, ardente animo identidem ingeminandum: Domine JESU, fiat voluntas tua, fiat, fiat. Domine JESU à peccatis protege me. Domine JESU, da patientiam & conforta me. Et utinam toties liceat sanctissimum hoc nomen ingeminare, quoties spiritum ducere. Illud ego mihi & omnibus Dominum JESUM amantibus toto animo voveo & opto, ut in ipsa mortis viciniâ, & in extremis singultibus, dum vocis usus erit, geminas saltem has vuculas (*Domine JESU*) assidue pronuntiem, sintque hæc mea ultima verba, & meorum omnium verborum clausula, *Domine JESU*. Denique in hac sanctâ

ad

ad Dominum JESVM aspiratione expirem.
 Hoc, inquam, mihi & omnibus Christum
 amantibus, animo precor. Ita fiat, Domine
 JESV.

CAPVT XVI.

*Tobias junior ab Angelo matri-
 monii leges edoctus.*

TAbellarius è czlo Raphaël Archangelus
 Tobiaz suo dixerat : Saram Raguelis fi-
 liam in conjugem sibi posceret, eam ipsi
 seruatam, Cui Tobias : Audio, inquit, quia
 tradita est septem viris, & mortui sunt :
 sed & hoc audiui, quia dæmonium occidit
 illos. Timeo ergo ne fortè & mihi hæc eve-
 niant. *a* Ad quæ Angelus : Mi Tobia, in-
 quit, me audi, planissimè tibi aperiam, qui-
 nam sint illi, in quos tantum licentiæ cacodæ-
 mon habeat. Nimirum illi, qui conju-
 gium ita ineunt, ut Deum omnémque ve-
 recundiam ab animo proferbant, & suæ li-
 bidini indulgeant, perinde ut equus & mu-
 lus, ceteraque pecudes solent ; nempe hi
 sunt, in quos imperium habet cacodæmon.
 Tu autem, mi frater Tobia, rem longè ali-
 ter geres. Finito nuptiali die non statim à
 te omnem continentiam profligabis. Tri-
 duo simul eritis, sed sicut fratrem & foro-
 rem decet, assiduam comprecationem jun-
 getis. Et primâ quidem nocte piscis jecur
 offe-

a Tob. c. 6. v. 14. & 15.

offerendum prunis, ad dæmonem fugandum Nocte alterâ votis & precibus sanctos Patriarchas ad benevolentiam vobis & amicitiam conciliabitis; eorum verecundia & sanctitas menti vestræ obversabitur. Nocte tertiâ benedictionem conjugio largiendam impetrabitis. Hac nocte transactâ in torum convenietis pudicum, non impetu libidinis, sed spe & amore prolis, idque cum Dei timore. Has matrimonii leges Tobix dedit Angelus. Hic tria potissimum veniunt querenda. 1. Num diabolus in homines aliquid possit, absque singulari Numinis licentiâ. 2. Quænam ea sint peccata, ob quæ Deus juris aliquid in hominem diabolo permittat? 3. Cur diabolus non omnes libidinosos jugulet? Ad singula jam respondimus.

6. I.

Primæ quæstionis est, Num humanæ generis inimicus uti viribus possit in hominem sine Dei licentiâ? Afferimus, in hominem nil penitus potestatis esse cacodæmoni, Deo abnuente. Nec pilum quidem lædere, aut eripere potest ulli, si Deus nolit. Matthæus narrat dæmonas ex homine, quem infederant, pullos non prius in porcos abjisse, quàm ejus rei potestatem acceperint à Christo. Jobum non prius invadere ausi, quàm id Deus concessisset; nec gravius eum torquere conati, quàm Deus præscripsisset, ad dimensum diabolo potestas hæc concessa:

Ecce

a *Matth.* 6. 8. v. 32.

Ecce in manu tuâ est, veruntamen animam illius serva. *a* Exerce ipsum & crucia prout vis, sed salvâ vitâ. Quod Augustinus expendens: Satanâs, inquit, cùm habet semper nocendi cupiditatem, nocere cuique non potest, nisi ab omnipotente acceperit potestatem. *b* Quod si diabolus non summam potestatem, nec infinitû habet imperium, *c* Multò minùs habebunt ejus mancipia. Hinc malevolorum hominum nullus alteri plus nocere potest, quàm velit Deus, aut permittat: potestas, quæ ei traditur, ad unguem limitata est. Ita Christus vincit expressissimè Pilato: Non haberes, inquit, potestatem adversum me ullam, nisi tibi data esset desuper. *d* Ergo, mi Christiane, quidquid tibi, quidquid mihi, quidquid aliis infert injuriæ hic mendax, hic malevolus, hic obrectator, hic invidus & nequam homo, id omne illi permissum à Deo: non haberet in te, in me, in alios potestatem ullam, nisi ei datum esset desuper. Certum hoc, certissimum. Ergo me, inquires, non defendam, nec obstam adeò in me arietanti? Hoc non ajo: Jure tuo adversus injuriam utere, quantum licet, cetera omnia Deo committe. Illud tamen etiam scito: Non rarò consultissimum esse, injurias pati, & filere. Plurima silendo rectissimè refutamus. Loqueris & Camerinam moves?

auctiorem

a Job, c. 2. v. 6. *b* Aug. l. 2. contra Adversarium legis cap. ult.

c Er hat gar nit völligen Gewalt.

d Joan. c. 19. v. 11.

audiorem senties injuriam . Christianum vindictæ genus est, aut nulla, aut mitissima responsa maledictis rependere. Hæc enim, inquit beatus Petrus, est gratia, si propter Dei conscientiam sustinet quis tristitias patiens injustè: quæ enim est gloria, si peccantes & colaphizati suffertis? sed si bene facientes patienter sustinetis; hæc est gratia apud Deum. *a* Non ergo reddentes malum pro malo, nec maledictum pro maledicto; sed è contrario benedicentes: quia in hoc vocati estis, ut benedictionem hæreditatis possideatis. *b*

Secundæ quæstionis est: Ob quænam peccata Deus potestatem det diabolo, ut in hominem licentiùs grassetur? Quandoque ob ea etiam, quæ videri possunt leviora. Gregorius narrat virginem sacram appetentiâ gulæ ductam in horto contra religiosas leges aliquid lactûculæ carpsisse, & omisso crucis signo furtim comedisse, mox à diabolo infestam humi corruisse. Cùm autem Equitius vir sanctus vim adhiberet diabolo, clamavit hospes malignus: Ego quid feci, & unâ hospitio cessit. *c* His affinia memorat Cassianus. Vult Deus ut diabolum etiam pictum, etiam vitro clausum, ipsam etiam diaboli umbram horreamus, & non graviores solùm ac capitales noxas, sed leviores quoque studiosè caveamus.

Sed ne ab instituto abeamus, peccata retriora, ob quæ frequentius cacodæmon in

humana
merita
pugnans
refus,
rum
est in
4. In
Christi
premi
sultus
mean
nis i
mus
fund
post
pœn
voca
bratu
mali
Hinc
Sym
nis
mon
tami
theri
flagi
per
eand
mo
dam
a
b

a 1. Petri c. 2. v. 19. & 20. *b* 1. Pet. c. 3. v. 9.
c Greg. l. 1. dialog. c. 4.

humanum corpus immittitur, hæc ferè numerari solent. 1. Infidelitas, adversùs quam pugnant in fonte sacro exorcismi. 2. Hæresis, affine crimen priori. 3. Sacramentorum contemptus, aut neglectus. Grave quid est in omni vitiorum turbâ contemptus. 4. Ingratus animus, Immundus spiritus, Christo teste, habitatâ sede pulsus socios septem se nequiores assumit, jamque ad insultus paratior: Revertar, inquit. in domum meam unde exivi: & fiunt novissima hominis illius pejora prioribus. *a* Ingratus animus malus dæmon, beneficia omnia perfundat, gratiam in odium vertit, facitque posteriora prioribus deteriora: diabolus pœnitentiâ expulsus, ab ingrato animo revocatur, *5*. Superbia & invidia. Rex Hebraeus Saul vitio utroque nobilis à spiritu maligno sæviter exagitatus est. *b* 6. Libido. Hinc septem Saræ mariti à diabolo necati. Symphoriani Præsidis Romani filius juvenis impurus, Ambrosio teste, à malo dæmone obsessus, quia libidinibus variè contaminatus. Cornelius Gallus, & Titus Ætherius homines lascivi, teste Valerio, ipsis flagitiis immortui sunt; diabolus eos Dei permisso interemit. Eodem fati genere ob eandem causam Giachetus Salvianus homo contaminatus periit. Super eos habet dæmonium potestatem.

a Matth. c. 12. v. 43. & seqq.

b 1. Reg. c. 18. v. 10.

§. I.

Neque verò tantùm, quod sedulò notandum, frædiora luxuriæ scelera omni supplicio à Deo vindicantur, sed ipsa etiam conjugii abusiones gravissimè puniuntur. Cameracensis Proëpiscopus Thomas Cantipratanus, horrenda, sed fide digna narrat, quæ ipse vel oculis hausit, vel auribus. Hoc è pluribus: Cameraci, ait, vir omnibus notus, non quidem jura fidemque tori, sed Christiani matrimonii pudicas leges violarat, inde haud aliter, quàm Arrius à Deo punitus viscera per alvum ejecit. Relatus in lectum, in manibus ignes horribiles persentiscens, hoc unum institit vociferari, manus abscinderent, doloribus mitigandis; ita sub tertiam pomeridianam mortuus. ^a Si ergo mariti cum uxore suâ inverecondius delictum animadversione tantâ punitum est, quid acturi sunt illi, qui omnes pudicitiz & tori leges perumpunt. Ceteri quos Cantipratanus memorat, homines libidinosi subito sunt extincti. Nempe Deus permittit, ut ejusmodi homines spurci diabolo, cui se ultro manciparunt, ex toto tradantur. Cavete, mortales, Deus puritatis auctor impuros arcet & odit. Mundi sunt oculi ejus, nec libidinum immunditiem diu sinunt impunitam. Gregorius Magnus in exemplum memorans: Matrona nobilis, inquit, ætate florens, gente Tuscanâ, in æde divi Sebastiani

^a *Thomas Cantiprat. l. 2. mirac. c. 3. num. 20. 27. 38. 55.*

bastia
vexat
duxit
dice u
lueru
ab un
fit :
prolix
tem e
nium
Gr
Nostr
& om
petul
rum
credi
rum
adfui
diebu
imò
rūs p
hum
do p
miser
pride
vam
Heus
quid
Subr
a
tria c
c l
mibi
adia

bastiani occupata à dæmone, & atrociter vexata est. Hospitem tam sævum non adduxit adulterium, sed matrimonium impudicè usurpatum. Parentes eam à magis voluerunt liberari; Liberata est. Sed in locum ab uno desertum legio diabolorum successit: dum denique Fortunatus episcopus prolixis orationibus impurissimum hospitem exegit. *a* Revera super hos tales dæmonium habet potestatem.

Gregorii dicta beatus Prosper confirmās: Nostris, inquit, temporibus res restatissima & omnibus civibus *b* nota contigit. Puella petulans ex Arabiâ in thermis obtutu parum verecundo Veneris effigiem conspicata credidit se formâ certare posse cum amorum Deâ. Mox diabolus, etsi non invitatus adfuit, & miseram invasit eâ immanitate, ut diebus septuaginta nec cibum, nec potum, imò nec miculam cibi, guttulâmq; potûs potuerit glutire. *c* Ah qualis hospes in humano corpore diabolus! ostium ei libido pandit, & introducit. Nicolaus Serrarius miserabile fatum commemorans: Non ita pridem, inquit, in cauponâ miles lascivam ad parietem tabellam vidit, & mox: Heus caupo, ajebat, quanti vendis hoc quidquid picturæ est, emptorem habes. Subridens caupo: Nihil abnuo, inquit,

a Greg. l. I. dial. c. 9. *b* Quis illius patriæ civis ignorat? ait Prosper.

c Prosper l. de dimidio Temporis c. 6. initio, mihi pag. 65. Vbi etiam enarrat, quâ ratione à diabolo sit liberata.

per me licet, tua sit hæc imago, non centum
affium est. Et leve pretium exegit. Miles,
dum tabulam molitur refrigerare, à diabolo
corripitur, & pavimento affligitur. Hoc il-
lisu miser animam ejecit. a Reverà super
hos tales dæmònum habet potestatem.

a Serar. Comment. in hunc librum mihi
pag. 75.

§. III.

Sed, ô cæcos mortales, qui tam tragicis
exemplis toties moniti nihilominus in
Christianam pudicitiam tam graviter delin-
quunt, libidinum cæno tam temerariè se
mergunt.

Sed quæri possit hîc tertio loco, cur dia-
bolus nocendi cupidissimus tot equis &
mulis, tot impudicis & ab omni castimoniâ
alienis hominibus parcit? cur Deus non de-
nuò sulphure, pice, ignibus pluit? Poëta
vetus ab exilio responderit.

*Si quoties peccant homines sua fulmina mittat
Iupiter, exiguo tempore inermis erit.*

Hoc nemo Christianorum nec dixerit, sed
nec somnari. Nam etsi totos dies & annos
assiduè Deus igne pluât, fulmine feriat, sua
tamen armamentaria hoc telorum genere
non vacuabit: nunquam arma defunt justit-
iæ divinæ. Quòd ea verò homines libidi-
nosos non illico cacodæmoni tradat jugu-
landos, aut flammis præcipitet, ejus rei
complures sunt causæ. 1. Deus naturæ or-
dinem à se constitutum non faciliè turbat,
tametsi scelera quandoque insolitam exi-
gant

gant vindictam. Hinc impuri vivere sinuntur, dum suâ morte decedant. Nimirum mitissimus Deus solem suum oriri facit super justos & injustos. *a* Ita tolerantur vel improbiſſimi, ut cives Mundi. 2. Non omnes libidinosi subito fato tolluntur, ut respiciendi spatium sit. Interim Paulus ad respiciendum excitans: An, inquit, divitias bonitatis ejus, & patientiæ & longanimitatis contemnis, ignorans quoniam benignitas Dei ad pœnitentiam te adducit? *b*
 3. Deus quò connivet diuriùs, eò tandem punit graviùs. Divina Nemesis læneo inscripit pede; nonnunquam cunctabunda & lenta venit, sed tarditatem supplicii gravitate compensat. *c* Insigniter Plutarchus scripsit de his, qui serò à numine puniuntur. *d* Sed & beatus Paulus stimulat: An existimas, ô homo, quia tu effugies judicium Dei? secundum duritiam tuam, & impœnitens cor thesaurizas tibi iram. *e* Ut ira Numinis in te demum exardescat, tu ipse quotidie apponis ligna. Sara, quia castissima ideò etiam Deo charissima, marito alteri septem illis longè sanctiori fuerat servanda: nec enim illi eâ digni fuerunt. Quod ipsa met testata: Aut ego, inquit, indigna fui illis, aut illi forsitan mihi non fuerunt digni. *f* Tam

I

spurci

a Matth. cap. 5. v. 45.

b Rom. cap. 2. vers. 4.

c Gott kômmt langsam/ kômmt aber wol.

d Plut. tom. 2. moral. mihi pag. 176.

e Rom. c. 2. v. 3. & 5.

f Tob, cap. 3. vers. 19.

spurci homines tam pudicâ conjuge prorsus indigni erant.

Singularissimam Deus providentiam suam monstrare voluit, cùm Tobix oculorum usum reddidit, cùm Sarâ inviolatam castimoniam defendit, cùm triste libidinosus omnibus exemplum statuit. Paucos punit, ut multi alieno exemplo sibi caveant.

Duplex dæmonum potestas est. Prima quidem illa maxima, quantum apud inferos divinæ justitiæ rigor poscit. Altera magna, sed restricta, & ad dimensum concessa, prout naturæ ordo, aut Dei permissio finit. Hic occulta Dei judicia, quæ nobis non scrutanda, cur repentinis aliquos, dilatis alios suppliciiis afficiat. Utrumque justissimus est Deus.

Abusus igitur matrimonii cavendus, libido modis omnibus in omni hominum statu fugienda. Quod beatus Fulgentius prudentissimè monens: Sic, inquit, quærendus est ex nuptiis fructus, ut cohibendus sit lubricæ voluptatis excessus. *a* Et psalter clamat: Nolite fieri sicut equus & mulus, quibus non est intellectus. *b* Sarâ septem mariti à diabolo necati, non quia adulteri, vel Sodomæi, sed quia libidinosi, qui nuptias contraxerunt non decenti fine, sed pronâ libidine ducti, ut suis offunderent offam nequitiis. Ideo dixit Angelus: Habet potestatem dæmonium super eos. A smodus libidinum præses libidinosos sibi venditos & mancipatos habet, quos etsi non statim jugulet

a Fulgent. epist. 1. c. 3. *b* Ps. 31. v. 9.

jugul
lè co
quit,
Hone
rus in
impr
cum
ries l
ambo
nibus
violet
sunt
mun
a
b
pag.

Tobi
q

T
suum
gaud
se m
guel.
jugen
ô An
infiti
Tobi

jugulet, eos tamen sub unguibus suis facile coercet. Idcirco Paulus: Fornicatores, inquit, & adulteros judicabit Deus. Addit: Honorabile connubium in omnibus, & torus immaculatus. *a* Quibus altiùs in animũ imprimendis Augustinus: Sit castus, inquit, cum conjugè torus, non sit effrenata luxuries libidinum, quia membra estis Christi ambo. *b* Conjugium sit honorabile in omnibus, ne verecundia, decorum, concordia violeatur. In omni hominum statu certæ sunt pudicitia ac castimoniam leges. Beati mundo corde.

a Hebr. c. 13. v. 4.

b Aug. tom. 8. in psal. 146. post init. miki pag. 694.

CAPVT XVII.

*Tobias junior in ambiendâ conjugè,
quæ septem viros extulit, im-
pavidus.*

Tobias unâ cum regio, ac cælesti, sed ignoto tabellario divertit ad patrum suum Raguelem, qui adventores insperatos gaudio magno excepit, & mirè hospitem se monstravit. Sermonis initium fecit Raguelem. Nam Tobiam suaviter intuitus, & conjugem compellâs: Quàm similis est, inquit, ô Anna, hic juvenis consobrino meo. Mox institit quærere, unde advenissent, & an Tobiam nosset virum integerrimum, tribulem?

bulem: Cui ambo: Novimus, dixerunt. Hic multa Raguel in Tobia laudem instituit commemorare. Orationem profecutus Angelus: Tobias, inquit, quem jure merito prolixè laudas, istius juvenis parens est. Hic Raguel lacrymis è gaudio prorumpentibus, Tobiam complexus & osculatus: Mi fili, ait, quàm sancti parentis es filius! Non minus Anna uxor, & Sara filia lacrymata sunt, ad tam grati hospitis adventum. Mox Raguel culinæ dans dictata, convivium parari jussit. Cùmque epulis jam illatis ad accubitum invitaret, Tobias ingenuè professus est se nihil cibi potusve libaturum, nisi prius, quod rogaturus esset, impetraret. Audaciter ergo Saram Raguelis filiam in uxorem postulavit. Cohorruit ad has preces Raguel, qui sciret, quo fato septem mariti ordine fuissent extincti. Non ergo sine ratione veritus ne idem huic juveni eveniret, anceps animi hærebat, quid diceret. Cùmque diutulè sileret. Angelus sequester optimus: Quæso te, inquit, omnem animo timorem pellas, & isti filiam tuam ne nega conjugem.

Multa hïc ampliore digna sunt, vel eloquio, vel explicatu. 1. Raguelis hospitalitas. 2. Admirabilis similitudo ac dissimilitudo inter homines. 3. Lacrymæ è gaudio nata. 4. Conjugii ambitus. 5. Raguelis metus. At nos ex omnibus hoc sumemus ultimum. Raguelis metum & unà impavidum Tobia animum explicaturi, quantum mali vanus, fatuus timor adferat, & quid in Orbe maximè timendum.

De
sapien
Initi
& fa
classe
eorum
diffe
lacte
men
hibeb
habe
ratas
ferm
redit
cula
enim
sed ex
re po
maju
res,
habu
sent
pand
Dei
nima
possi
cond
mus
dine
Dom

§. I.

De optimo timore dixit Psaltes : Initium sapientiæ timor Domini. *a* Verto & canto: Initium stultitiæ, timor Mundi, timor vanus & fatuus. Judæi certè in hac timidorum classe numerandi. Cùm enim exploratores eorum ex uberrimâ Chanaitidis regione rediissent, terram quidem illam fertilissimam lacte & melle manantem plurimum commendabant, allatos fructus spectandos exhibebant. Sed cultores, aiebant, fortissimos habet, & urbes grandes nimis, atque muratas. Stirpem Enac vidimus ibi *b* Ad hos sermones ea plebem trepidatio incescit, ut reditum cogitaret in Ægyptum. En plebecula stultissimæ vanissimos timores. Non enim ista, quæ metuebant, ipsi viderunt, sed ex aliis tantùm audierunt. Nec ignorare poterant famâ & rumoribus omnia in majus extolli. Dixerant quidem exploratores, urbes esse grandes nimis, sed si fidem habuissent prudentiæ humanæ, respondissent, tantò citiùs fame domandas & occupandas. Super hæc omnia expressissimum Dei promissum contempserunt, dum sibi nimias vires hostium, quibus nemo satis possit resistere, animo finxerunt. Hinc inconditi clamores illi : Utinam mortui essemus in Ægypto & non in hac vastâ solitudine! Utinam pereamus, & non inducat nos Dominus in terram istam, nec cadamus

I 3

gladio,

a Psal. 110. vers. 10.

b Num. c. 13. v. 28. & 29.

gladio, & uxores ac liberi nostri ducantur captivi. Nonne melius est reverti in Ægyptum. Constituamus nobis ducem, & revertamur in Ægyptum. *a* Stultitia luculentissima! O verè stultitiæ principium, timorem vanum! Nam reditus in Ægyptum nec quidè poterat somnari. Nam unde illis comestus? Manna Deus non dedisset tam rebellibus. Objectum mare quomodo superassent? Quomodo eos Ægyptii salutassent? Tot millia suorum in mari submersa non fuissent ulti? Ergo cogitare illuc reditum stultitia imò insania merissima. Sed initium hujus stultitiæ timor vanus. Porro Josue & Caleb ut seditiosum populum sedarent: Nolite, ajunt, rebelles esse contra Dominum, neque timeatis populum terræ hujus, quia sicut panem, ita eos possumus devorare. Recessit ab eis omne præsidium, Dominus nobiscum est; nolite metuere. Deus nobis terram Chanaan promisit: quis iste tam puerilis timor, ad pollicitationes divinas trepidare; iis diffidere; ab hostibus, quos divina vis obteret, metuere, & pavore marcere? Reverà Deus timores tam vanos insigniter punivit: nec enim pervenerunt, quia se perventuros diffidebant. Fiat ergo vobis secundum fidem vestram, secundum stultum timorem vestrum. Animus timidus & metu abjectus nil unquam egregii patrabit. Inanis metus omnium virtutum remora.

Perversi trepidant, & ad omnia fulgura pallēt.

Sic ævo Christi Hebræi Pontifices, & Pharisæi,

a Num. c. 14. v. 3. & 4.

risæi, totumque conciliabulum trepidabant. Hinc meticulosa volabant voces illæ: Quid facimus? hic homo multa signa facit. *a* Si sinamus hunc virum concionari & opera miranda edere, omnem ad se populum trahet, omnes illi credent; nos cum Mose nostro spernemur. Neque hanc occasionem negligent Romani; mox aderunt, gentemque nostram suæ potestatis facient, nosque omnes in ordinem redigent unâ cum terris nostris. Maturè igitur rebus consulendum, seditiosi excursus & conciones ad populum prohibendæ.

O boni Domini! Principium stultitiæ timor vanus. O ridiculi senatores, hominem innocentem occidere non veremini & ipsa hominis innocentia in metu vobis est. Fatua timiditas, horrere à præterfluente rivulo conspergi paullulum, & in eum interim totum prolabi. Quod psalter regius dixit: Illic trepidaverunt timore, ubi non erat timor. *b* Pontifices & Pharisei metuebant, ne terram perderent; cælum & terram simul perdere non curabant.

a Ioan. c. 11. v. 47.

b Psal. 13. & 52. v. 5. & 6.

§. I I.

Sedeciæ Regi malum metum injicientes regni proceres de Hieremiâ Prophetâ Rogamus, ajunt, ut occidatur homo iste: de industriâ enim dissolvit manus virorum bellantium &c. Siquidem homo iste non quarit pacem populo huic, sed malum.

Et dixit rex Sedecias : Ecce ipse in manibus vestris est : neque enim fas est regem vobis quidquam negare. *a* Ita formosis rationibus & p̄cto metu Hieremiam eorum potestati tradidit. Mox illi insontem in c̄nosam fo-veam dejecerunt. Initium stultitiæ timor vanus.

Idem prorsus evenit Danieli. Persarum fatrapæ omnem lapidem moverunt, ut specioso nomine liceret Daniele damnare ad leones. Darius rex pro Daniele posuit cor, ut liberaret eum, & usque ad occasum solis laborabat, ut erueret illum. At primates regi incusso metu : Scito rex, inquit, quia lex Medorum, atque Persarum est, ut omne decretum, quod constitueit rex, non liceat immutari. *b* Rex victus vanâ formidine, importunis accusatoribus cessit. Illic trepidavit timore, ubi non erat timor. Ita Daniel culpæ purus leonum dentibus est obiectus : obiectus timor vanus stultitiæ principium.

Servator noster Christus suos animans: Nolite, inquit, timere eos, qui occidunt corpus, animam autem non possunt occidere: sed potius timere eum, qui potest animam & corpus perdere in gehennam. *c* Nimirum umbra gladii formidanda non est, sed gladius. Corporis interitus umbra gladii est, mors animi ipse gladius, qui adigitur in hominem, quem jugulaturus est æternum. Socrates in Platonis Phædone : Tu verò, inquit,

a Hierem. c. 38. v. 4. & 5. *b* Dan. c. 6. v. 14. & seqq. *c* Matth. c. 10. v. 28.

quit, tuam metuis umbram. Sterilissimus hic metus est, quod & vetus verbum approbat, umbram suam metuere.

Nos homines meticulosi nostram ipsi umbram horremus in plurimis. Servus extimescit suum Dominum quandoque magis, quàm Deum suum; assentitur hero, quàm non licet, quàm non decet. Ita herum sibi conciliat, Deum à se alienat perverfissimo metu. Romanus Præses Pilatus Tiberium Imperatorem suum metuit, Deos suos non metuit, insontem ausus in crucem suffigere. Pecuniæ jacturam in metu ponimus, Philippios aliquot, imò pauculos sestertios amittere, damnum irreparabile censemus; quis jacturam cæli, dispendium æternitatis luget? Ignominiam, probra, contemptum horremus, futuram in judicio supremo coram omni humanâ gente infamiam non pertimescimus. Invaletudinem, morbos, dolores pavidi refugimus, & inferorum cruciatus, ignes æternos, flammam nunquam defuturas non perhorrescimus: ad primæ mortis adventum tremimus, illam immortalem alteram non formidamus. Peccare non veremur, sed poenitentiam agere; prædari inter metuenda non ponimus, sed restituere; venenum non averfamur, sed Alexipharmacum, veneni antidotum; sordes non cavemus, sed balneum; ad elisum è nube fulmen consternamur, at fulmen illud supremi judicis: Discedite à me maledicti in ignem æternum, heu quàm rarò cogitamus, de futuris malis pessimè securi.

Naturæ panegyristes Plinius de vulnere canini rictus memorans: Insanabilis fuit ad hōsce annos, inquit, rabidi canis morsus, pavorem aquæ, potiusque omnis afferens odium. *a* Quem Cerberus commordens fauciat, is plerumque aquam pœnitentię reformidat; seipsum accusare, animi vulnera detegere, amarius medicamentum admittere, dura videtur necessitas. Sed, obsecro, pareamus religioni, & non mali remedium, sed malum ipsum metuamus, peccatum fugiamus, non exomologesin peccati, Cerberi morsus sanare non abhorreamus,

a Plin. Nat. hist. l. 25. c. 2. post med. mihi pag. 560.

§. III.

Vir integerrimus ab exploratâ sanctimoniâ notus interrogabatur, quid in Orbe rerum præcipuè timeret? Nihil sanè, ajebat, nihil timeo. At illi certatim quæstionibus urgebant virum: Non times lanienam cordis, angores conscientiæ? Num mortem non times? Non penitus. Non times diabolum? Tam parum atque canem mortuum. Non times inferorum supplicium? Neutiquam. Non Mundum, non insidias, non tyrannos, & tormenta times? Nil eorum timeo. Deum saltem timebis. Deum, inquit, amo non timeo. Dic tandem; quid ergo times? Nihil sub sole, nihil supra solem, nihil in Orbe hoc universo timeo; & dicti rationem cœpit reddere. Egestatem, inedia, nuditatem, famem sitim, & hæc talia non timeo; quia

quia mala esse non possunt nisi malis. Nam & filius Dei pauper fuit, esuriit, sitiit, nudus in crucem ascendit. Morbos & dolores non timeo, hæc sobrium faciunt animum, & vel nolentem compellunt ire ad Deum; Dei filius in doloribus fuit. Infamiam, contumelias, maledicta, calumnias non timeo, hæc enim ad modestiam salubrem deprimunt: nec enim ego contemni magis, aut irrideri possum, quam contemptus fuerit & irrisus Dei filius. Mortem non timeo, hæc enim fores cæli effringit. Somnum non timeo, nisi prolixior somnus? Dei mater, Dei filius est mortuus, amici Dei quotidie moriuntur. Diabolum non timeo; quò enim magis me dolis tentat & vexat, hoc ego Deum arctius complector & stringo, plus inde præmii spero. Gehennam, damnatorum carcerem non timeo, pro solis enim diabolis & Dei inimicis ædificatus est; Ego Deum amo, & Dei amicum esse me censeo, saltem esse laboro. Tyrannos, afflictos, carnifices, tortores non timeo; nam hi sunt Dei aurifices, qui aureas nobis & gemmatas fabricant coronas. Sed neque Deum timeo, quia in Orbe toto fideliozem amicum non habeo, amicorum omnium fidelissimum, optimum. Ita nec inferos, nec diabulos, nec humanas misèrias, nec cruciatus ullos timeo. Nihilominus timore magno sum. Quid ergo, inquiunt, times? si nihil times, & interim plurimum times? Quibus ille demum appetissimè hunc in modum respondit:

spondit: Nihil, hoc est, peccatum supra omnem modum timeo. Nam, ut nostis, peccatum eruditus est non ens, seu nihil. Ita unicè timeo hoc solum Nihil, seu peccatum, quod à divinâ lege & rectâ ratione difformitas est.

Atque hæc illa est Larunda, a qua filium suum diabolus in cælo quidem peperit, sed non in cælo educavit. Hoc monstrorum omnium prodigiosissimum monstrum reverà solum & summè timendum. Abjiciamus tot vanos & superfluos timores. De fiducia in Deum multa dixi & scripsi, sed nunquam hætenus satis eam commendare potui. Nil enim æquè Deo placet, quàm cum summâ in eum fiduciâ nos illi totos integerrimè committimus. Tunc autem exercendæ hujus fiduciæ maxima est occasio, cum animus metu suspensus & fractus plerisque omnes alios advertit pavidos, formidinis plenos; Tunc enim maximus votorum locus, cum spei nullus. Non immeritò Navarchus ortâ tempestate prætrepidos illos & effeminatè pavidos objurgat, eisque in os exprobrat: Apparet vos maris & navigationum planè inexpertos: Hi maris mores sunt: mare fugiat, qui procellas adedò formidat. Hæc timidis & metu abjectis occinenda: Nunc animum exere, & ostende, quòd fidas Deo. Tunc plurimum fit animi, cum plurimum est periculi. Et certè, quò magis humana desunt auxilia, hoc magis nitendum est divinis. Corde va-

num

a Teuffelsmutter.

num metum excute. Lorica nulli telo penetrabilis est, Nil timere, nisi peccatum. Nec enim ullum in Orbe malum est nisi solum peccatum, è quo mala omnia nascuntur. Tobias etsi sciret jam septem maritos Saræ subitâ morte oppressos, nihilominus velut omnis periculi securus hanc ipsam Raguelis filiam, quæ virorum septem interfectorix habebatur, in conjugem sibi animosissimè depoposcit. Comiti suo credidit ad istam sese petitionem animanti. Ita nec jugulantem diabolum, nec improvisum fatum, sed solum timuit peccatum. Animus Tobiz in rebus ceteroqui formidolosissimis impavidus. Pellamus igitur vanum timorem, & quod vir ille sanctus maximo subsidio habuit, Nihil, hoc est, unum atque unicum peccatum timeamus. Sapientia clamat: Qui me audierit, absque terrore requiescet, & abundantia perfruetur, timore malorum sublato. *a* Fugit impius nemine persequente, justus autem quasi leo, confidens absque terrore erit. *b* Quod Siracides confirmans: Qui timet Dominum, inquit, nihil trepidabit, & non pavebit, quoniam ipse est spes ejus. *c* Enimverò cur paveat? si Deus pro illo, quis contra illum? *d*

a Proverb. cap. I. vers. 33.

b Proverb. cap. 28. vers. 1.

c Eccli. cap. 34. v. 16.

d Rom. cap. 8. vers. 31.

C A P V T X V I I I.

*Tobias ab bene agendi occasionem
attentissimus.*

CUm Raguel ad Tobiaë petitionem de filia ipsi nuptum locandâ cunctaretur annuere, Angelus partes suas interponens, animum Raguelis erexit, suavitque ne assensum extraheret, sed potiùs divinam laudaret providentiam, quæ sibi generum submisisset tam bonum. Ergo matrimonium contrahitur, matrimoniales tabulæ scribuntur, dos filiaë desponderetur, dantur sponsalia, nuptiaë junguntur.

Quam Deus res humanas mirandis temperat eventibus ! Tobias à parente mittitur ut decem argenti talenta apud Gabelum deposita reperat; ille non pecuniam tantum, sed & uxorem omni pecuniâ longè digniorem domum revexit, feminam oppidò prudentem & piam, virtutibus ornatam, gemmis omnibus præstabiliorem. Hanc nactus est, quam non quæsivit, sed ab occasione oblatam accepit. Hinc Raguel divinam providentiam extollens : Non dubito, inquit, quòd Deus preces & lacrymas meas in conspectu suo admiserit. Et credo, quoniam ideo vos fecit venire ad me, ut ista conjungeretur cognationi suæ. « Ita Deus bene agendi occasionē suppeditat. Apprehendis? Facile ducis capillatam quò vis. Negligis?

a *Tob. c. 7. v. 13.*

gligis? Mox calva erit, in nullum trahenda commodum. Hic igitur explicandum, quam occasione oblatâ utendum sedulô.

§. I.

Hesiodus sapienter dixit : Opportunitas in omni re optima. Et Germanotum vetus verbum submonet: Para tibi tibias dum inter salicetum ambulas, in pratis extra non licebit, *a* Occasionis frons comata est, occipit calvum. In sacro Salomonis carmine narratur sponsus è cælo animæ dilectæ fores adiisse, pulsasse, aditum petiisse. At illa morabatur, & deliberabat, lentè moliebatur surgere; & tandem cubitu surrexit. Sed serò nimis; iam recesserat sponsus. Hinc illæ dolentis querulæ voces: Pessulum ostii mei aperui dilecto meo; at ille declinaverat, atque transierat. *b* O bona filia, dilectus homines promptos & celeres quærit, qui non diu deliberent & morentur. Si redierit, vide ut ipsius pulsare, sit tuum aperire; quamprimum adest, arripienda est occasio.

Nautæ, ut primum secundus & favens adspirat ventus, mox navim impellentes clamañt. Agite nunc sultis, agite, pergamus dum ventus dat operam. Idem in virtutis studio, & in rebus actuosis omnibus observandum. Opportunitas in omni re optima.

Merca-

a Schneid Weiffen / weil du vnder den Felbern sitzest : Ruff durrer Haid thuts nimmer.

b Cantic. cap. 5. vers. 6.

Mercatores nec minimum lucelli tempus negligunt, nec enim ignorare possunt, multa modica in acervum denique ingentem excrefcere. Rutha egestatis suæ non ignara tempus colligendis spicis opportunum studiosissimè observavit. Quâ quidem re opes magnas feliciter enisa est. Semiramis Assyriorum regina dum calceatur, dum vestitur, dum caput & capillos componitur nuntium non lætum audit, Babylonem defecisse. At illa, ut illico in rem præsentem veniret, passos, turbatosque crines ventis involitandos præbens, omnia moliri & satagere, nec prius decorem capillorum in ordinem, quàm tantam urbem in suam potestatem redegit. Ita demum factiosâ urbe compositâ & alteram crinium partem colligendam dedit. Quocirca statua ejus Babylonem posita est illo habitu, quo ad ultionem exigendam celeritate præcipiti tetendit. *a*

Parva momenta sæpe maximas rerum attulerunt mutationes. Nocuit differre paratis. Jam tunde ferrum, tunde, tunde, dum candet. Prudenter dixit Romanus orator Tullius : Minimis momentis maximæ temporum inclinationes fiunt. *b* Philippus Bosquier è divi Francisci familiâ vir eruditus asserit, Ernestum Comitem Mansfeldium centum pænè annorum senem sapius dicere solitum, quod ab ore dicentis exceperit: Qui tempus expectat, cum tempus habeat,

a Valer Max. lib. 9. cap. 3. inter Externa mihi pag. 361.

b Cicero Philip. 5.

in tempus incidet, quo eum moræ pœnitent. a Nimirum,

Fronte capillata est, sed post occasio calva.

Occasio actionum anima, & rerum omnium bene gerendarum mater est. In eam rem hortatur regius psalter: Hodie, si vocem Domini audieritis, nolite obdurare corda vestra. b Si hodie, si hac horâ sit occasio bene agendi, arripite occasionem. Si hodie, si hac horâ dilectus ad fores pulset, quàm primùm aperite, ne declinet & aliò transeat.

a *Bosq. in Ientac. mibi pag. 393.*

b *Psal. 94. v. 8.*

§. II.

M. Cato, quod Frontinus memorat, in Hispaniâ brevissimo tempore loca munitissima occupavit complura primis insultibus. Interrogatus, quâ tandem arte, quibus viribus id effecisset, id unum respondit: Usus occasione iter quatruidi, biduo confeci, a Eâdem usus occasione, ad omnes civitates, quas Romanis subicere cogitarat, misit litteras, sed ejusdem omnino argumenti, & eodem prorsus tempore tradendas, quibus imperavit, ut lectis litteris, quamprimum mœnia solo æquarent; ni parerent, eas vim experturas, & apud Romanos in offensâ futuras. Quælibet earum urbium sibi uni id imperatum credidit, ita omnes obtemperarunt, & fecerunt jussa. Quòd si spatium dedisset deliberandi, communicatis inter se litteris ac consiliis, factâ conspiratione nunquam

a *Frontin. l. 3. Strateg. c. 2.*

quam paruissent. Occasionem capillatam Cato in rem suam traxit.

Sanctissimi quique homines, quàm sol-
 lerter & industriè omnem bene merendi
 occasionem vestigarunt, inventâ quàm ac-
 curatè & gnauiter sunt usi ! Beatus Paulus
 Athenis à Stoicis & Epicureis philosophis
 cinctus rationem poscebatur ejus, quam
 spargeret, doctrinæ de Resurrectione &
 Christo. Dum autem in Areopagum duce-
 retur, transeundo vidit aram cum hac in-
 scriptione, *Ignoto Deo*. Hinc ille occasionem
 arripiens, & ex tempore struens exordium:
 Viri Athenienses, inquit, per omnia quasi
 superstitiosos a vos video, præteriens enim,
 & videns simulachra vestra, inveni & aram,
 in quâ scriptum erat: *Ignoto Deo*. Quod ergo
 ignorantes colitis, hoc ego annuntio vobis:
 Deus, qui fecit Mundum, & omnia, quæ in
 eo sunt, hic cæli & terræ cum sit Dominus,
 non in manufactis templis habitat. *b* Occa-
 sione usus pulcherrimè veri Numinis cul-
 tum instillabat.

Ita Joannes Baptista discipulis eum ad
 Christi dignitatem evehentibus, causam
 & occasionem sumpsit, mittendi ad Chri-
 stum duos è suis velut legatos, quibus di-
 cendum illud commisit: Tu es, qui ventu-
 rus es, an alium expectamus? Noverat eâ oc-
 casione discipulos suos actuosâ Christi sa-
 pientiâ ita imbuendos, ut desituri sint falsa
 opinari. Ita Christus ipse artificiosissimè
 usus

a Superstitiosiores; alia exemplaria.

b Actor. c. 17. v. 18. & seqq.

usus occasione, ad fontem Sichar ex itinere fessus substitit, quò venturam noverat Samaritidem adulteram. Ab eà velut fruibundus viator primulum fontanam petere, deinde sensim aliò sermonem trahere, de Dei donis & aquà vivà disserere, immortalis vitæ desiderium movere, denique ut accersat virum, jubere, & occulta quæque pandere. Ita mulier victa manus dedit Christo, religionem & mores mutavit. Haud aliter Christus occasione usus Hierosolymis, ad convivia & mensas se vocari passus, subinde etiam invocatus ultro venit ad prandium, quò scribas & pharisæos præsciverat venturos: Nempe omnem occasionem quæ sit hos homines alloquendi, erudiendi, ad se trahendi. Venator feras sequitur, non feræ venatorem. Oblata occasio, si non repudiatur, lucri maximi esse solet. Dum vivimus, horis singulis locus nobis datur exercendæ virtutis, Cuius nostrum dicitur: Tempus oblatum noli prætermittere.

§. III.

Quod Paulus omnium animis infixum cupiens: Ecce, ait, nunc tempus acceptabile; ecce nunc dies salutis. *a* Quanta occasio largiendæ stipis! Nam, verbo Christi, semper pauperes habemus nobiscum. *b* Hi petitores oblivioni nostræ medentur, rogant, monent, vellicant, urgent & instant: Christus sponsor appromittit, & cautionem

a 2. Cor. c. 6. v. 2.

b Matth, c. 26, v. 11,

tionem præstat, eleemosynas omnes cum ingenti fenore restituendas : nihilominus cūctamur, & occasione non utimur. Quanta ubique præcandi occasio ! tot templa, tot ædes sacræ, tot sacella, tot domi recessus & loca sola, tot exhortationes ad præcandum, tot bene præcantium exempla Nihilominus occasione non utimur, & tot horas garrulis nugis transmittimus. O aurea occasio; ubi transferis, quàm eris plumbea ! Et quanta occasio jejunandi ! movent statim dies, cineralium tempus, Ecclesiæ leges, Christi patientis memoria. Quanta porro est occasio patiendi pro Christo ! Nullius rei vilior est annona quàm afflictionis & pœnarum. Nusquam deesse potest, quod vexet, torqueat, cruciet. Horis pænè omnibus sua hæret cruciabilitas. O gemmea nunc occasio, quàm omne perdis pretium neglecta ! Nihilominus tot pretiosissimas negligimus occasiones. Ecce nunc, ecce tempus acceptabile, & dies salutis. Quâ in re duopotissimum expendenda summatim subijicio.

I. Occasionis indoles hæc est, ut fugiat non illico arrepta. Occasio enim est punctulum temporis ad ea, quæ conducunt vel peragenda, vel providenda opportunum. Qui punctulum illud temporis non tangit, procul ab ostio cæli per errorem abit. Idcirco Pittacus è septem Græciæ sapientibus prudenter monuit : *γράφει χαίρον*. Nolce tempus. A momento pender æternitas, si istus iste temporis negligatur, si tantulum
offensum.

offensum, titubatúmque sit, aternitatis
beatitudo intercidit. Serum est in mediis
malis cavendi tempus.

II. Hæc, & hæc, & illa, & ista occasio,
quæ hac hebdomade, hoc die, hac horâ, hoc
temporis articulo venit, ubi abierit, in om-
nem aternitatem non redibit. Alia forsan,
atque alia succedet, sed ea ipsa brevî avo-
latura. Hanc igitur hebdomadem, hunc
diem, hanc horam, hunc ipsum temporis
articulum factum, tibi applica, in lucrum
tuum converte.

Apud inferos summi, ac immensi erit do-
loris, desperatissimæ pœnitentiæ tot opta-
tissimos dies, tot optimas horas, tot in-
dò menses, tot annos, tot commodissimas oc-
casiones neglexisse. Seræ nimium sunt vo-
ces illæ: O si vel horulam, ò si vel horulæ
partem! Serum est in mediis flammis do-
lendi tempus.

Idcirco quisque sibi ipse dicat: Nunc igi-
tur orabo, nunc jejunabo, nunc stipem da-
bo, nunc adversa quæque tolerabo, idque
hac die, hac horâ. Quid die crastinâ, quid
hebdomade alterâ, quid sequenti mense,
quid anno proximo facturus, quam occa-
sionem sim habiturus, incertissimum. Sed
habeam sanè occasionem, non erit ista, si
eam neglexero, sed alia. Utar igitur præsen-
te, occasionem hodiernam inutiliter elabi
non sinam, quis novit, num secutura sit cra-
stina, vel perendina. Hodie vocem Domini
sequar, an eam cras iterum sim auditorus
inter futura, ideò inter incerta numeran-
dum.

dum. Ecce nunc tempus acceptabile, Dixi,
nunc cœpi.

C A P V T X I X.

*Tobias junior orationis crebræ
studiosissimus.*

INito matrimonio, datoque nuptiali
epulo, conclave Raguel novis conjugibus habitandum assignavit. Tobias primitus in illud introductus, præceptionem sui comitis mente memori cœpit revolvere. Ergo jecoris è pisce sumpti partem imposuit prunis, ad arcendum cacodæmonem. Hic varix ponuntur quæstiones. 1. An per hepatis fumum expulsus sit dæmon? 2. An ulla naturalis huic fumo efficientia sit tribuenda. 3. Possintne alia sensilia, exemplo hujus jecoris adversus dæmones parari? 4. Quomodo & quare Asmodæus à Raphaële sit apprehensus & ligatus? 5. Quo loco, quâ de causâ, quamdiu ligatus sit Asmodæus? Sunt, qui ad plura talia exactè respondent. *a* Aliquam huius rei jam supra mentionem fecimus. *b* Jam nobis ad ista non vacat. Nec enim faciunt hæc bonos, sed doctos. Hic autem vitæ discimus, non scholæ.

Tobias igitur Raguelis filiam, quam in conjugem jam duxerat, illustri pietatis argumento

a Nicol. Serrarius in c. 8. Tobia, mibi pag. 79. b Suprà c. 15.

gumento ad preces cohortatus: Exurge, inquit, & deprecemur Deum hodie, & cras, & secundum cras. Et ejus rei geminas addit rationes. 1. Quia his tribus noctibus Deo jungimur. 2. Filii quippe sanctorum sumus, & non possumus ita conjungi sicut gentes, quæ ignorant Deum. Surgentes autem pariter, instanter orabant ambo simul. E tanto precandi studio rectè asserimus: Tobias crebræ orationis studiosissimus. Hic explicandum, quâ ratione quotidie non semel dumtaxat, iterumque, sed sæpius orandum.

a Tob. c. 8. v. 4. & seqq.

§. I.

Liceat hinc succinctâ catechesi quarere: Quoties, mi Christiane, de die oras? num manè ac vesperi, num quando discumbis, aut è mensâ recedis? Quòd si oras, quamdiu? an orationem ut ceremoniam capessis, an verò ut debitum obsequium perficis? Da veniam, quòd hæc interrogem: plerumque ad precandum non perinde atque ad epulandum prompti sumus. Sed aurem jam accommoda. Primum, quod ad crebriores preces impellat, est Tobia cohortatio: Exurge deprecemur Deum. Exurge, oremus, sed animo alacri, prompto, volenti & attento, quiq; hoc unum, quod agit, agat seriò. Rex David Salomonem filium ad templi structuram animans: Ego, inquit, lignorum & lapidum, ferri, argenti, & auri impendia paravi. Surge igitur, & fac, &

& erit Dominus tecum a Creberrimè opus foret hominem languidè precantem his talibus extimulare: Surge, torporem excute: cum Deo loquendum est: age, quod agis, & quidquid in te cogitationum, quidquid virium est, in hoc unum impende, ut attentè ores. Quia Deo jungimur, inquit Tobias. Ad intimam cum Deo conjunctionem nobilissimum est adjumentum oratio. Ubi ratio aut perfunctoriè oratur, mens Deo non conjungitur.

II Tempus ipsum tam matutinum, quàm vesperianum, tam antemeridianum, quàm pomeridianum orationis nos monet. An non æquissimum est, ut homo Christianus tam manè, quàm vesperi duo hæc attentissimè commeditetur. 1. Peracta est & ista nox. Bonus Deus ad hunc usque diem me pervivere concessit. Quot hominū millia hac ipsâ nocte præteritâ transferunt ad plures; Ego etiamnum vivo. Ergo Domino meo, & Deo meo gratias omni jure debitas meminero. 2. Jam diem auspico, quo, nisi me Deus tueatur ac dirigat, periculis & tentationibus plurimis expositus in exitum ruam. Quid enim mali vel dies unica invehere non potest? Serii, nisi dextera Numinis mihi opituletur. Toto igitur animo Deum precabor, ut me ducat, regat, custodiât. Absque divino præsidio nullus sum. Quod manè nobis, hoc & vesperi præstandum, agendæ gratiæ, deprecandæ culpæ per eum diem commissæ, tràquilla nox effragi-
tanda.

tanda. Hoc sanè & nobis ipsis & Deo debemus. Pari modo mensa precibus initianda, & inter preces deferenda. Non priùs accumbendum, nec ante ab accubitu recedendum, nisi & præmissâ & subjunctâ oratione. Tam prandii, quàm cenæ, omnisque refectionis exordium, & epilogus sit oratio. Verùm eò prolapsi sunt mores, ut multi Christianorum erubescant ad mensam stare, ac precari. Nimirum id officii pueris & puellis relinquunt. Interim ipsi circumspiciunt, fabulantur, gariunt. Pudet agere Christianum. Hem verecundiam prorsus stolidam & impiam! Omnes mendicabula sumus; omnibus ad Magni Regis ostium mendicanda est sportula. ^a Hic nemo Rex, nemo Imperator eximius; nemo non succlamare cogitur: Panem nostrum quotidianum da nobis hodie. Quòd si nescio quam opulentiam jaçtare placeat, si elemosynas petere, datis gratias agere, mendiculum se profiteri verecundiæ sit & pudori, ad bestias ablegabimur: Itè pecudes ad vestra pascua, ad præsepia vestra, quæ nec præviâ precatatione, nec posterâ, sacratis: Itè boves, & asini, cibum ingerite ventri, nil opus gratias referre Deo largitori. Nos aliter erudit Christum præceptis & exemplo. Nam cibum sumpturus, aut divisius: Intuens in cælum benedixit & fregit. ^b Nos frangimus; at verò intuitus in cælum, benedictio, gratiarum actio ubi est? Exurgite,

^a Wir müssen alle an d' Spend gehn.

^b Matth. c. 14. Marci c. 6. Luc. c. 9. Ioan. s. 6.

te, deprececur Deum, & cras, & omnibus
vitæ diebus.

§. II.

III. Priscis philosophis, & ipsis idolo-
latriis hoc solenne fuit, statis per diem tem-
poribus venerari Deum. Pythagoræ religiosa
præceptio est: Salute Auroram. Apollo-
nius Thyanæus, teste Philostrato, suos do-
cuit, ad Auroram cum Diis versandum: ita
quidem, ut in lucis ortu cum Diis loque-
rentur, & Diis in progressu. *a* Alexander
Severus Imperator, quod Lampridius de
illo prodit, matutinis horis in larario rem
divinam faciebat. Non litigem, vero an falso
Numini id præstiterit obsequi: illum certè
veneratus est Deum, quem putarat esse ve-
rum. Illius mater Mammæa minimè ex-
sam habuit religionem Christianam, quæ
illo ævo, maximè hymnos antelucanos
Christo canere solebat. Nunquid deteriores
esse idololatriis placet? Et nec diluculo, nec
crepusculo; nec ad Luciferum, nec ad He-
sperum, Deum precibus venerari, sed neque
auroram, neque vespertinam cultui divino
consecrare. Quot homines sunt languidæ,
imò sepultæ pietatis, & pecudes potius,
quàm homines, qui diem ordiuntur & fi-
niunt sine omni Dei & divinorum memo-
riâ? Nullæ preces, nulla gratiarum actio, nul-
li ad cælum gemitus eunt. Manè calentem
nidum agrè ac serò deserunt. E lecto ad la-
borem. Nec isti tamen pessimi sunt. Alii è
lecto

lecto ad fabulas rectâ & ad nugas, alii ad jentaculum viâ proximâ, aut ad ipsum prandium. Vix semisomnes oculos exteferunt, & jam cochlear aut cyathum manu tenent, aut jam ad abacum lusorium sedent, & fritillum movent, aut chartulas pictas miscent. Nimirum hæ illorum sublucanæ sunt ad Deum aspirationes. *a* Atque hi prout diem incipiunt, ita eundem finiunt. Nempe qualis prologus, talis & epilogus est. Neglectis precibus & surgunt, & cubitum eunt. Diceret fessos à triturâ boves in stramenta procumbere. Salutis nulla cogitatio, cura conscientiæ nulla. Vix vestem excutiunt, & raptim lectum insiliunt. Vix manè laciniam injiciunt, & ad sua vel negotia, vel otia indocæ convolant profanissimi. Si deteriores illis esse non recusamus, tam manè, quàm vesperi ad Deum vigilemus, principium mensæ ac finem precibus frequentemus. Exurgamus & deprecemur Deum, quia sic jungimur Deo.

a Schöne Morgengebete.

§. III.

I V. Orationem tam matutinam, quàm vespertinam, eam etiam, quæ cibo præmitti & adjungi solet, plurimum urgebant prisca Patres; nam istud unâ cum Christianâ religione cœpit, & adolevit. Tertullianus discretissimè: Non prius, inquit, discumbitur, quàm oratio ad Deum prægustetur: Editur, quantum esurientes capiunt; bibitur, quantum pudicis est utile; ita saturantur,

ut qui meminerint etiam per noctem adorandum Deum sibi esse; ita fabulantur, ut qui sciant Dominum audire. Post aquam manualemente & lumina, ut quisque de scripturis sanctis, vel de proprio ingenio potest, provocatur in medium Deo canere. Hinc probatur, quemodo biberit. Æquè oratio convivium dirimit: inde disceditur non in catervas castionum, neque in classes discurfationum, nec in eruptiones lasciviarum, sed ad eandem curam modestiæ & pudicitæ, ut qui non tam cenam cenaverint, quàm disciplinam. * In nostri ævi conviviis benedictio præmitti solita plerumque est brevissima, gratiarum actio nulla. Sed addens Septimius Florens: Plinius Secundus, inquit, cùm provinciam regeret, damnatis quibusdam Christianis, quibusdam gradu pulsis, ipsâ tamen multitudine perturbatus, quid de cetero ageret, consulit tunc Traianum Imperatorem, allegans, præter obstinationem non sacrificandi, nihil aliud se de sacris eorum comperisse, quàm cæcus antelucanos ad canendum Christo & Deo. *b* Ipsius Plinii Secundi verba sunt: Affirmabant autem hanc fuisse summam vel culpæ suæ vel erroris, quòd essent soliti statodie ante lucem convenire, carmenque Christo quasi Deo dicere secum invicem. *c*

Ergo Christianorum olim proprium erat summo mane, idque ante lucem convenire & Chri-

a Tertull. in *Apologetico* c. 39. *mibi* pag. 82.

b Tertull. in eod. *Apologetico* c. 2. *mibi* pag. 27.

c Plin. *Sec. l. 10. epist. epist. 101.*

& Christum Dominum sibi precibus in diem præsentem conciliare. Quod Chryso- stomus frequenter non immeritò ac ve- hementer urgens : Hic sanè mihi, ait, & ad viros, & ad mulières sermo est : flecte ge- nua, ingemisce, ora Dominum, ut tibi mi- sericors sit ; imò inflectitur nocturnis preci- bus. ^a Et in exemplum monstrat David re- gem, qui mediis noctibus ad precandum surgere solebat. At dicis : Laboravi per diem multum, & non possum. Cavillum est, in- quit Chryso stomus, & excusatio. Vide tot in castris excubitores milites in pluiarum & nivium sædissimis tempestatibus malè vestitos, ob vile stipendium, quod plerum- que non accipiunt, sub dio vigilantes. Vide tot in urbibus opifices, lignarios & ferra- rios fabros, sutores, pistores, viatores, tót- que alios, quorum opus horâ matutinâ quartâ jam fervet, quod adultâ nocte dese- ruerunt. Et quorsum tam operosâ vigilia ? ad extundendam farinam, ad lucrandum panem. Si nihil aliud, ait Chryso stomus, erubescamus, quòd nocturni vigiles ac cu- stodes propter hominum leges obambulant in frigore clamantes, & in vicis euntes sæ- pe compluuntur, rigéntque propter te ac tuam salutem, pecuniarúmque tuarum cu- stodiam. Illi pro tuis pecuniis tantam ha- bent curam, tu neque pro animâ tuâ. Qua- re ipse Christus pernoctavit in monte ? non- ne ut typus nobis fieret ? ^b Non autem hoc

K 3

agitur,

^a Chryso st. tom. 3. hom. 26. in Acta, mihi pag. 534. ^b Chryso st. loco cit.

agitur, ut precando totas noctes pervigilemus, sed ut saltem ad principium & finem noctis preces repetamus. Hic vigila, flecte genua, Dominum ora. Exurge & deprecare Deum, quia sic jungeris Deo.

§. IV.

V. Ad hoc ipsum orandi studium tot prophetarum vocibus excitamur. Rex David geminati regni curis intentus, negotii plenus, at verò nihilominus: Memor fui, ait, nocte nominis tui Domine. Mediâ nocte surgebam ad confitendum tibi. *a* Noctē, inquit, nocte tui memor. Nox & amor, vinumque nihil moderabile suadent: *b* Vesper somniculosus, & venter epulis fartus orationis studium non promovent. Nihilominus: Noctē, ait, memor fui nominis tui. Imò, Mediâ nocte surgebam ad confitendum tibi: sopor & quies mihi minimè tam chara, quin surgerem & orarem. Sed dicas: Quid magni, surrexisse hunc regem noctibus? Mane dormire potuit, dum libuit. Falteris, o bone, & imperitissimè vigiliis regias interpretaris. Nam audi: Præveni, ait, in maturitate & clamavi: Prævenērunt oculi mei ad te diluculo, ut meditarer eloquia tua. Mane summo diem antevertens rex David cum Deo loquebatur. Et si iis non urgeretur exemplis, quibus nostra somnolentia quot diebus excitatur. Hæc, obsecro una cogitatio animum nostrum altè penetret. Jam mediâ nocte, jam horâ tertiâ, vel quartâ

a Ps. 118. v. 55. & 62. *b* Ovid. l. 1. Amor.

matutinâ vigilant complura millia hominum, qui aut iuneribus, aut laboribus, aut studiis, aut precibus intenti sunt; ego non solus vigilo. Hac cogitatione Rex David sese impellere non potuit, tamen surrexit & oravit. Ita Jobus exurgēs diluculo offerebat holocausta per singulos. *a* Et unâ secum ad eandem vigilantiam alios cohortatus: Tu tamen, inquit, si diluculo consurrexeris ad Deum & omnipotentem fueris deprecatus, statim evigilabit ad te, & pacatum reddet habitaculum justitiæ tuæ. *b* Dies cum Deo & ordiendus & finiendus est. Sumendum à Deo principium; omnis in eo finis claudendus; omnia Dei beneficia paratis gratis accipienda. Exurgite ergo, & deprecemur Deum, quia sic jungimur Deo.

a Job c. 1. v. 5. *b* Job c. 8. v. 5. & 6.

6. V.

VI. Ad hoc ipsum precandi studium Servator Orbis, Dominus JESVS torporem nostrum suis tam præceptis, quàm exemplis excitavit. Et erat, quod Lucas asserit, pernoctans in oratione Dei. *a* Ambrosius hanc pervigilis orationis ideam nictantibus oculis opponens: Species tibi datur, Christiane, inquit, forma præscribitur, quam debeas æmulari. Quid enim te pro salute tuâ facere convenit, quando pro te Christus in oratione pernoctat *b*? Illud Christiani frigidissimi argumentum est; Non tantùm nec unicam quidem noctem, sed nec duas tres-

K 4

ve

a Luc cap. 6. v. 12.

b Ambros. l. 5. in Luc. c. 6. post initium.

ve horulas vel semel quidem pro Christo pervigilare velle. In conventiculis nocturnis quàm facile vigilatur? *a* Chrysolomus id suis exprobrans: Scitis etiam mulieres, inquit, si qua vos necessitas facit ire in agrum, vel ad vigilias progredi, quomodo per totam noctem vigilant. *b* Toto anno Christi Nascentis nox pervigilari solet, sed nec tota. Sunt, qui vel herilis officii, vel aliter coacti surgant, sed eam noctem pæne omnem lusibus consumant. Sunt & alii, qui surgant, sed etiam inviti, hinc angulos quarunt & latebras, ubi somno intemptivo indulgeant. Hinc jure Christus suum occinat: Siccine? Non potestis unâ horâ vigilare mecum? Vigilare & orare vel semel in anno his talibus nemo persuaserit. Pari modo plurimos nemo Tullius permoverit, ut vel unico Parasceves die, *c* vel horam consueto somno detrahant, & ad matutinam de Christi cruciatibus concionem maturi conveniant. Nec objurgationes, nec preces apud ejusmodi pecudes quidquam proficiunt; ab assuetis vel latum unguem abduci se non ferunt. Christiani sanè frigidissimi, aut prorsus mortui hæc signa sunt. Interim quotidianum est pistoribus, *d* potatori-

a Im Haingarten.

b Chrys. 1. 3. hom. 26. in Acta Ap. m. p. 534.

c Am Charfreytag. *d* Pistor senex septuagenarius mihi fassus Anno 1633. se totâ quadragesimâ pinsendis spirulis occupatum, duabus solum noctibus quietis aliquid in suo lectulo admisisse.

tator
ribi
torib
vecto
bus
gilar
licen
toria
bus
feras
ad li
vigil
fimi
restu
pars
da,
auspi
bus p
lapi
tium
cõn
erub
gite
jung
cont
mis
nam
gant
mus
Deo
hoc
tum
pisc

aP

tatoribus, lusoribus, amatoribus, saltatoribus, nonnumquam & sartoribus, venatoribus, piscatoribus, viatoribus, aurigis, vectoribus, cursoribus publicis, castrensibus excubitoribus & urbicis noctes pervigilare totas. Illi ad pictas chartulas, ad calicem, ad choreas, ad fabulas & tibias amatorias, isti ad vestes pro nuptiis aut funeribus suendas, ad furnum instruendum, ad feras indagandas, ad onera transuehenda, ad litteras deferendas, noctibus totis sunt vigilantissimi. Et vos, o Christiani torpidissimi, cum Christo horulâ vel unicâ non potestis, imò non vultis vigilare. Vel horulâ pars matutinis & vespertinis precibus danda, prolixum vobis & nimium videtur, auspicari mensam, & claudere precationibus puerile censetur. Eòne mali moris prolapsi sumus, ut molestum sit & grave, initium diei & exitum ritu Christiano dare? eòne vitiositatis degeneravimus, ut etiam erubescamus Deo preces adhibere? Exurgite, & deprecemur Deum, quia sic Deo jungimur. Præoccupemus faciem ejus in confessione, quod David monet, & in Psalmis jubilemus ei. a Priusquam alii hesternam crapulam edormiant, & stratis confurgant, divina nos obsequia paremus: vigilemus ad Deum diluculo, nec vesperi sine Deo vigilare desinamus. Hoc nos Tobias, hoc Ratio, hoc ipsum Tempus, hoc sapientum voces, hoc exempla optimorum, hoc prisca Patres; hoc Propheta & Apostoli,

K 5

hoc

a Psal. 94. v. 2.

hoc ipse Christus nos docet. Nimum indocilis est discipuli, sub tot magistris nil proficere. Oratio nervus animi, caput omnis boni, Oratio nos Deo jungit. Sine intermissione orate. ^a

^a 1. *Theff.* c. 5. v. 16.

P A R S S E C V N D A.

C A P V T I.

Tobias junior sanitatis à Deo impetranda cupidissimus.

TOBIAS & Sara matrimonio juncti tribus noctibus instanter orabant ambo simul, ut sanitas daretur eis. Orationis hæc erat formula: Miserere nobis, Domine, miserere nobis, & convescamus ambo pariter sani. ^a An non erant alia potiùs à Deo quàm sanitas petenda? Petere valetudinem, sapiens petitio, quæ plurimum complectitur boni. Et convescamus, rogant, ambo pariter sani. Quàm amabilis sit thesaurus sanitas, à plurimis tamen neglectui habeatur, dissertatione hac exponendum.

^a *Tob. cap. 8. vers. 6. & 10.*

§. I.

Sanitas divinum maximè suavissimumque vitæ condimentum semper habitum.

Qui

Qui sanus est, sat dives est, etsi se divitem esse nesciat. Metro veteri ferebatur:

Quid sanitate vita habet praestantius?

Resse valere, res est jucundissima.

O sanitas, nobis bonum tu maximum es!

Monile nullum sanitate gratius. a

Latinis ad omnem epistolam solennissima coronis est, VALE. Hoc enim est dicere: Mi Domine, mi frater, mi amice inter corporis bona excellentius nullum est secundam valetudinem; hanc tibi opto, voveoque, VALE. Ardens Tobiae votum fuit: Consenescamus ambo pariter sani. Tam sibi, quam conjugii longam sanitate petiit. Multum profecto petiit, tamen rei corporis solum petierit. Quarit Theologorum princeps: Utrum debeamus aliquid determinate a Deo petere, b Socrates olim censuit, nihil a Diis petendum, quam ut bona tribuerent; ipsi enim sciunt, aiebat, quid cuique sit utile. Tobias rogat valetudinem prosperam velut adjumentum maximum ad recte ac laudabiliter Deo servendum.

Revera tale corporis bonum est valetudo, ut omnis ab ea hilaritas vitae ac voluptas pendeat. Omnia amica, grata omnia reddit sanitas: quid honores, aut quid opes absque sanitate magni conferunt? Mors est diuturna, quae vivitur sine sanitate, vita. Valetum deliciae, si desit vobis contubernium.

K 6

sanitatis.

a Veteres jambi. Wer gesund / ist unvissend reich. Gesunder Leib ist vber alle Reichthumb. Germani.

b S. Thom. 2. 2. quest. 83. art. 5.

sanitatis. Ille verè vivit, qui valet. *a* Arabes dicere solebant: Sicut omnia, quæ ambitus cæli continet, à sole, sic voluptas omnis à valetudine dependet. Hominem ægrum doloribus correptum in argenteâ lecticâ, quàm blandissimè componite, plumæ lectuli olorinæ sint mollissimæ, lecticam operiant phrygii operis cortinæ pretiosissimæ, apponantur exquisitissimi cibi, cerebrum Jovis, præstantissimum nectar, in ægri conclave Aulædi veniant peritissimi, & modulis ægrum mulceant suavissimis, hæc ægro sunt amara omnia; nil horum afficit. Lectus etsi mollissimus eum tamen urit, conopæum non delectat, cibus ac potus selectissimus non exhilarat, nobilissima musica non recreat, fastidit æger & nauscat omnia, quia æger est.

Idcirco Pythagoras tria suasit à Diis petenda, formam, opes, sanitatem. Inter quæ optatissimum semper censebatur sanitas, hoc quidem triplici gradu. Optimum & primum, Bene valere: alterum, formosum esse; tertium, divitias habere nullâ fraude quæsitas. *b* Ita inter hæc bona ducit agmen valetudo.

Ser-

a Horatius:

*Si ventri bene, si lateri est, pedibusq; tuis, nil
Divitiæ poterunt regales addere majus.*

l. 1. epist. ep. 12, ad Jvium.

b Idem sentit Plat. l. 1. de legibus. Primum, ait, locum obtinet bona valetudo; secundum, forma; tertium, robur; quartum, opes non cæcæ, sed acutum cernentes scilicet justitiam.

Servitia Deo præstanda magnam partem pendent à valetudine. Nam subinde res minutissima, dens unicus, sed cariosus, aut corruptus, oculus læsus, digitus verminosus, vesicæ calculus ita hominem sibi rapiunt, ut nec legere, nec scribere, nec laborare, nec orare, sed nec sani quidquam aut serii cogitare libeat. Totum sibi hominem vendicat dolor. Hinc Pyrrhus Epirotarum rex, post Alexandrum Macedonem, non auctiorem potentiam, nec amplius regnum, nec horum quidquam petiit, sed unam, atque unicam sanitatem. Omnia cetera bellè successura ratus, si non deesset sanitas. Satis sibi visus beatus, si satis esset sanus. Cælius Rhodiginus Pyrrhi mentionem injiciens, verbum è verbo ita expressit: Pyrrhum, qui Epirotis imperitavit, quiq; post Alexandrum rei militaris prudentissimus est adjudicatus, ferunt ubi immolaturus templa inviseret, non regni ampliorem modum, non de hoste victoriam præsignem, neque item gloriam illustriorem, aut divitias & id genus alia, quibus mortalium plerique attoniti inhiant: sed sanitatem modò à Diis comprecari solitum, seu parte hac bene constitutâ, prosperiùs cessura viderentur omnia. Nam si toto sinu sese affundat Fortunæ afflatus, absit autem valetudo recta, nullum illinc profluit emolumentum quod juvet. Propterea Antiochum cognomento Sotera, prælio cum Galatis congressurum legimus, in quiete arbitratum Alexandrum sibi assistere, moneréque, ut prius quàm in aciem

aciem milites produceret, non aliud proponeret illis signum, quàm *ὕγιαίνεω*, id est, bene valere. Quod cum is non neglexisset, nobilem de hostibus victoriam assecutus. Scimus porro mandatorum librum ab Imperatore dari solitum, in quo præceptum primum erat de sanitatis curâ. Pythagoras quoque in epistolis non aliâ est usus consolatione, quàm ut juberet *ὕγιαίνεω*. Id institutum & Pythagorici mox servarunt, veluti animæ, corporique nil amplius congrueret, hocque uno hominis bona universa comprehenderentur. Quin & symbolum, quo inter compares interentur, dicebatur *ὕγια*, id est, sanitas. a

Ejusdem animi priscus Satyrographus Junius canebat, & monebat :

Orandum est, ut sit mens sana in corpore sano b
Aristoteles Stagyraus libros de motibus ad Eudemum his omnino verbis orsus : Qui, ait, Numinis sententiam in Delo edisserit, vestibulo templi inscripsit : Non in eodem omnia convenire : Bonum, honestum & jucundum. Nam justitiæ quidem cultum, rem esse pulcherrimam, sanitatem præstantissimam, rei verò amatæ consecutionem suavissimam. c Ergo justitia res priscis venustissima; valere, præcellentissima. Sed sanctoribus nos agimus testimoniis. Siracides summo

a Calius Rhodi. l. 7. lection. antiq. c. 24. initio. b Luvenal. sat. 10. v. 356.

c Arist. tom. 3. l. 1. Moral. Eudemiorum c. 1. initio. mihi pag. 366.

summo valetudinis encomio: Non est, inquit, census super censum salutis corporis. Melior est mors, quàm vita amara, & requies æterna, quàm languor perseverans. Melior est pauper sanus, & fortis viribus, quàm dives imbecillis, & flagellatus malitiâ. *a* Quidquid argenti, quidquid gemmarum & auri acerves, id omne sanitati neutiquam poterit æquiparari. Sanitas melior est omni auro & argento, addit Ecclesiasticus, & corpus validum melius, quàm census immensus. *b* Omnes Persicas gazas, montesque aureos antestat sanitas. Argæus mons Cappadociæ, Dardanus Apuliæ, Hæmus Thessaliæ, Caphareus Eubiæ, Alburnus Lusitanæ, Pyrenæus Hispaniæ & Galliæ môtium maximi, sint merum aurum, gemmæ meræ, census sanè immensus, sed melior illo est sanitas. Ergo verè dixerim: Quid sanitate vita habet præstantius? Rectè valere & sapere, duo vitæ bona maxima. *c*

Beatus Ignatius Loiola cum Romæ in suburbano domum cœpisset struere, quæ suorum valetudini commodaret, fuerunt, qui dicerent, penuriam rei familiaris obstare, neque verò id esse temporis, quo de struendis, sed de pane cogitetur. At verò Ignatius, pluris sibi aiebat esse cuiusvis sanitatè è suis, quàm omnes thesauros. Et illud porro addebat: Cum homo ægrotat, rarò aliquid boni potest in aliorum utilitatem facere,

a Eccli c. 30. v. 16. 17. & 14. *b* Ibid. v. 15.

c Aristoteles l. 2. Rhetor. Homini bene valere optimum est.

re, quando verò sanus est, potest multa bona facere. *a*

Albertus Imperator rogatus, quid demum in rerum naturâ sibi carissimum haberet? Sanitatem respondit. Tam enim pretiosus est, inquit, sanitatis thesaurus, ut quidvis potiùs, quàm hunc patiamur nobis eripi.

a Ribaden l. 5. c. 8.

§. II.

Est qui dicat: Non opus hic multis testibus; ista de præfacili credimus. Quid porro? Certissimum igitur quod Siracides dixit; Non est census super censum salutis corporis. Jam ex te, mi Lector, paucula libet quærere.

I. Si summus, sanitas, thesaurus, cur illum non pluris æstimamus, cur Deo non frequentius de inæstimabili hoc beneficio gratias habemus? Verissimè Franciscus Petrarca: Ingratissimi mortales, inquit, bona vestra vix aliter, quàm perdendo cognoscitis. *a* Si corporis sanitas argenti & auri censum omnem excedit, assiduas Deo gratias de incomparabili bono referamus.

II. Libet quærere: Si summus, sanitas, thesaurus, vel ex eo etiam capite, quòd in morbo nihil loci sit feriis laboribus, cur igitur pœnitentiam & emendationem vitæ, labores maximè serios ac difficillimos differimus in morbum? Quàm temeraria hæc insania est? scilicet laborem exantlabit ægrotus, quem vix potest sanus? Tandem

a Petrarca l. 1. de utraque fort. c. 4.

inter angustias deprehensus cogitur fateri :
 Velle adjacet mihi, perficere autem bonum
 non invenio. *a* Non possum, heu non pos-
 sum. Cur noluisti, cum potuisti.

III. Opportunè quæram : Si summus, san-
 nitas, thesaurus, cur illum intemperantiâ
 tam frequenti, tam faciliè dissipamus, im-
 minuimus, projicimus ? Apud plurimos
 nullus vitæ ordo est ; omnia temerè, &
 prout fert impetus, agunt. Nunc vesperi
 horâ quintâ, nunc septimâ, nunc octavâ,
 vel etiam nonâ cenant. Si necessitas id im-
 peret, ferendum, legem ea non habet. At
 illi tales in ceteris quoque ordinis negli-
 gentes, promiscuè ac perturbatè agunt
 consuetâ immoderatione vitæ. Nam modò
 maturè cubitum eunt, modò tardè, ac serò,
 jam summo mane de toro surgunt, nunc
 ipso pane meridie adhuc stertunt, nunc
 velut sudaturi calefaciunt, nunc eorum
 fornacula nihil animæ habet ; jam corpus
 exercent vehementissimè, jam omnis lan-
 guet exercitatio. Eâdem inconstantiâ, &
 perturbatione in aliis etiam feruntur. Vix
 quidquam tempestivè agunt, aut ex ordine,
 nisi casu. Pleraque omnia indispositè, tur-
 bulenter, sine ordine, promiscuè, ac confu-
 sè tractant, hinc intemperantia varia, diæta
 nulla. Moderatio, mundities, ordo pluri-
 mum sanitati conferunt. Immoderatio vi-
 tæ morbis & vitiis patrocinator. Saluber-
 rima Pauli præceptio est : Omnia honestè,
 & secundùm ordinem fiant in vobis. *b* Si
 tantum

a Rom. c. 7. v. 13. *b* 1. Cor. c. 14. v. 40.

tantum ergo valetudinis pretium est, cur illud non pluris aestimamus?

IV. Jure quaesiverim: Si summus sanitas thesaurus, cur illum adeo negligenter custodimus, & frequentissime adeo petulanter perdimus, cibo, potuque nimio? Quot hominum millia intemperantiae soli culpam & causam sui morbi possunt impingere, quot millia vitam sibi adimunt potitando? seipsum jugulant vino. Non illos jam lectus, hos tumultus citaret, nisi cibo, vinoque praegraves expuncta temperantia valetudinem vitiaffent. Ideo illi aegrotant, quia stomachum onerant epulis, certam valetudinis noxam, quae tanto gravior, quanto crebrior; ideo isti praemature cadunt fato, quia sanitatem perdidit comedendo.

§. III.

Gorgias rogatus, teste Stobaeo, quomodo tandem ad illud aetatis pervenisset? quem cibum potumque adhibuisset? At ille; Ego, aiebat, nihil unquam voluptatis causam comedi, aut feci. a Sapientissime factum, & Christiano dignum. Rogatus & Hippocrates quae tuenda esset valetudo? Elegans illud respondit: *Σίτη, ποτή, ύπνοι, ἀφροδίσια, πάντα μέτρια*: Cibus, potus, somnus, venus, moderata sint haec omnia.

Clarissimus medicinae doctor Hippolytus Guarinonius abominanda humanae gentis eruditè profecutus, quatuordecim prolixis dissertationibus hoc unum solidis rationibus commoustrat, ad valetudinem corrupendam

pendam & extinguendam vitam non esse promptius, deteriusque malum impurâ Venere, incontinentiâ, libidine. Hoc omnium sapientum est effatum, corporis viribus & valetudini summè noxiam esse salacitatem ac lasciviam. *a* Hippocrates ergo rectissimè tam cibi ac potionis, quàm somni ac veneris moderationem *b* exigit ab iis quibus curæ sanitas est. Epulis se referere, proximus ad morbum gradus est. Indignabundus olim Diogenes iis graviter succensebat, qui opimis sacrificiis bonam valetudinem postularent, & in ipso, quod facerent, epulis sese ingurgitarent, atque ita bona valetudinis facerent jacturam, dum ejus peterent gratiam. Democritus dicere solebat: Bellissimi homines sumus, quod ardentissimè optamus, id curamus negligentissimè. Valetudinem omnes expetunt, interim immoderatè vivendo suæ ipsi valetudinis proditores sunt. Sestertium vel unicum bis tève manu versamus, antequam in alienos oculos emittamus, valetudinem rem omnium pretiosissimam & intemperantiâ tam frequenti abjicimus.

Plutarchus conservandæ sanitatis præcepta tradens utilissima: Non refugere laborem, inquit, cibo non satiari, saluberrima sunt. *c* Idè Levinus Lemnius Medicus peritissimus

a Quod Nic. meus l. i. c. 10. uberius exponit.

b Hic Maronis illud usurpare liceat:

*Sed non ulla magis vires industria firmat,
Quàm Venerem & cæci stimulos avertere
amoris. l. 3. Georgic. ante med.*

c Plutarchus in præcept. de sanit.

præcipiens : Tria, inquit, saluberrima: Vesci
 citra saturitatem; Non refugere laborem;
 Naturæ semen conservare. *a* His opposita
 totidem insaluberrima: Cibo aut potu di-
 stendi; Ignaviâ torpescere; Venere enervari.
b Hinc prisca tres Deas; quæ vitam ex-
 tenderent, Veneri adversarias statuerunt:
 Minervam Temperantiæ ac Sapientiæ præ-
 sidem; Dianam exercitationis; Castitatis
 Vestam. Synesius è pentapoli Africæ Chri-
 stianus philosophus; Necessarium; inquit,
 bonum est cibi parsimonia, quam alius
 forsân irriserit; tibi nefas, cùm Hippocra-
 tem jactes, qui inedia dixit sanitatis ma-
 trem. *c* Calius Rhodiginus: Ad sanitatem,
 ait; multò utilissima est in cibis temperan-
 tia. *d* At nos veterum præceptiones de
 tuendâ valetudine non ignoramus, interim
 nostris vivimus moribus. Potior nobis est
 gula, quàm valetudo bona. Germani vete-
 res verbo tam celebri, quam utili mone-
 bant: Os hominis aut carnifex est, aut Me-
 dicus stomachi. Os gulosum & intempe-
 rantia assuetum, tam stomachum quàm
 alia corporis membra jugulat; os regi pa-
 tiens, & temperantiæ amicum suo domino
 pro centum medicis est.

Hoc

a Levin. in exhortat. ad vitam optime in-
 situendam, c. 29.

b Wolfgangus Kilian. in suis fastis mense
 Martio Anno 1637. his verbis utitur:
 Wohl nit zuvil so wirdstu ast.

c Synesius epist. 115. *d* Calius l. 30. lect.
 antiquar. e. 13. mibi pag. 1158.

Hoc
 gumen
 bus ac
 mior, co
 fior. I
 pracula
 Propter
 tem ab
 non est
 is, tan
 gat, qu
 eat hu
 urpiter
 ratione
 ti. The
 a Ea

Tob

Spera
 suis
 deum
 hilomi
 citudin
 in imar
 dit, &
 tis, cla
 tiocina
 ei, qu

Hoc profectò certissimum, nec ullis argumentatiunculis convellendum: Quò cibus ac potus est parcior, hoc valerudo firmior, constantior, hoc vita vegetior, productior. Luculentissimum est illud Siracidæ oraculum: In multis escis erit infirmitas. Propter crapulam multi obierunt; qui autem abstinens est, adjiciet vitam. Si ergo non est census super censum salutis corporis, tantò quisque impensius Deo gratias agat, quantò diutius hoc censu fruitur; doleat hunc censum sapius cibo, potùque turpiter imminuisse; statuatur summâ moderatione ac curâ, quod reliquum habet, tueri. Thesaurus summus sanitas.

a *Eccli. c. 37. v. 33. & 34.*

CAPVT II.

*Tobias junior divinæ gloriæ præco
amplissimus.*

SPeraverat quidem Tobia socer Raguel, suis precibus Deum annuisse, Asmodeum cacodæmonem profligatum esse: nihilominus nuptiali gaudio jam finito sollicitudinis & curarum plenus summo mane in imam domum cum famulis suis descendit, & in omnem eventum, arbitris remotis, clam effodit sepulchrum, ita secum ratiocinatus: Ne fortè simili modo evenerit ei, quod & ceteris illis septem viris, qui

sunt

sunt ingressi ad eam. *a* Parato tumulto ad conjugem suam reversus Raguel: Mitte, inquit, ancillarum unam, quæ videat, num conjuges novi etiamnum incolumes sint & sani. Sin minus, novo funeri, & nostro honori ante lucem consulemus. Ancilla brevè rediit, & ambos, quàm integerrimè valere nuntiavit, Raguel & Anna tam felici nuntio exhilarati, & continuò in divinas laudes effusi: Benedicimus te, ajunt, Domine Deus Israël, quia non contigit, quemadmodum putabamus. Fecisti enim nobiscum misericordiam tuam, & exclusisti à nobis inimicum persequentem nos. Misertus es autem duobus unicis. Fac eos Domine plenius benedicere te, & sacrificium tibi laudis tuæ, & suæ sanitatis offerre, ut cognoscat universitas gètium, quia tu es Deus solus in universâ terrâ. *b* Mox Raguel paratam foveam repleri jussit, priusquam illucesceret, ne quid terroris ea res moveret.

Pari modo Tobias in divinas laudes excurrentes amplissimè: Domine Deus patrum nostrorum, inquit, benedicant te cæli & terræ, marèque & fontes, & flumina, & omnes creaturæ tuæ, quæ in eis sunt. Tu fecisti Adam de limo terræ, dedisti que ei adjutorium Evam. Et nunc Domine tu scis, quia non luxuriæ causâ accipio sororem meam conjugem, sed solâ posteritatis dilectione, in quâ benedicatur nomen tuum in sæcula sæculorum. *c* Hinc meritò Tobiam divinæ laudis præconem amplissimum appellamus. *a* *Tob. c. 8. v. 12.* *b* *Tob. c. 8. v. 17. & seqq.* *c* *Ibid. v. 7. & seqq.*

pellam
expli
ad scri

Prim
bi nihil
vilitate
minis
David
meus,
lutes J
bimus
sum bo
ne tu
in no
& gla
etsi ar
dissim
exerci
sima,
delit
tutib
nervi
expe
dunt
Num
cum
non
bene
pissi
præsi
a
hac v
pfi, g

pellamus. Hic geminū vitæ sanctioris caput explicandum. 1. Sibi nihil adscribere. 2. Deo adscribere omnia. De utroque nunc plura.

¶ I.

Primus Christianæ sanctimonix fons: Sibi nihil virtutis aut vitium adscribere, suam vilitatem maximam agnoscere, se nihil hominis esse profiteri. Quā in re regius vates David exercitatus: Tu es ipse rex meus, inquit, & Deus meus, qui mandas salutes Jacob. In te inimicos nostros ventilabimus cornu (*uti bubalus cornibus prehensum hominem in altum eventilat*) & in nomine tuo (*non nostro*) spernemus iurgentes in nobis. Non enim in arcu meo sperabo, & gladius meus non salvabit me. *a* Nam etsi armamentaria mea omnia sint instructissima, etsi copiosi sub meis signis militet exercitus, etsi araria mea sint auro refertissima, vanæ sunt, nullæ sunt vires meæ, si tua desit dextera. Non egredieris Deus in virtutibus nostris. *b* Nō acervata pecunia, belli nervus, nec miles veteranus & copiosus, nec expeditus & abundans cōmeatus bella reddunt felicia, & victorias donant, sed invicta Numinis dextra. Quandoque illas nobiscum ratiunculas conficimus, ut credamus non posse non felicissimos successus tam bene constitutis rebus respondere. Toto sapissime cælo erramus. Ruunt omnia divinis præidiis non fulta; vanissimum, nullum est

a Ps. 43. v. 5. & seqq. *b* Ibid. v. 10. In hæc verba Ioannes Orosius tres orationes scripsit, quas tomus 4. exhibet legendas.

est omne humanum firmamentum potentiâ Numinis destitutum.

Cùm Samson Philistæorum mille strage in unâ unum velut cumulum jugulasset, nullam erexit aram, nullum obtulit sacrificium, non audita grâtiarum actio ulla, sed illud: In maxillâ asini, in mandibulâ pulli asinarum delevi eos, & percussi mille viros. Mox eâ correptus est siti ut diceret: En siti morior. O Samson, hæc sitis aliter te docebit loqui, & victoriam hanc obstupescendam non tibi, sed Deo adscribere. Igitur extremè sitiens, jam Deo supplicans: Tu, inquit, dedisti in manu servi tui salutem hanc maximam atque victoriam. *a* Hæc verba præ primis multò commendabiliora; hæc voces Deo reddunt, quæ Deo debentur. Ita loquendum cum psalte regio: Non nobis, Domine, non nobis, sed nomini tuo da gloriam. *b* Jure suo Deus hac in re neutiquam cedit, hoc debitum exactissimè poscit; gloriam suam alteri non dabit: nostris promeritis nihil hîc sperabile; homines nihil sumus, & sine Deo infirmissima, mera vanitas.

Hinc sæpissimè Deus vilissimis utitur instrumentis, & quæ ad opus producendum minimè sint apta, ut tantò magis elucescat scientia opificis; sulphurato scribit, & ut scribæ peritia innotescat; ab infecundis arboribus uberes fructus colligit, ut magnifi-

cè

a *Judic. c. 15. v. 18.* *b* *Psal. 113. v. 9.*

c Er schreibe gar schön mit einem Schwere behöltlin.

cè laudetur hortulantis; exiguo militum numero ingentes fundit exercitus, ut Domino exercituum adscribatur victoria. Chanaanus Dux Sisara ingens Hebræis terror femine manu cecidit, Jabelis clavo confixus morti soporem sociavit. *a* Unica vidua universum Assyriorum exercitum, Holoferne cæso, profligavit. Ita Gedeon innumeram multitudinem Madianitarum, qui locustarum instar universa compleverant, cum trecentis militibus fudit & fugavit. *b* Deo soli debetur facti gloria: Domine, clamat Isaias, exaltetur manus tua: omnia enim opera nostra operatus es in nobis. *c* Rex David ne quid divinæ gloriæ decerneret: Benedictus es, inquit, Domine Deus Israël patris nostri ab æterno in æternum. Tua est, Domine, magnificentia, & potentia & gloria, atque victoria, & tibi laus; cuncta enim quæ in cælo, & in terrâ, tua sunt: tuum, Domine, regnum, & tu es super omnes principes. Tuz divitiæ, & tua est gloria; tu dominaris omnium: in manu tua virtus & potentia; in manu tuâ magnitudo & imperium omnium. *d* Hoc ipsum, ne quid nobis tribueremus, sapius commendans Paulus: Deus est, inquit, qui operatur in nobis, & velle & perficere, pro bonâ voluntate. *e* Non solum Deus cuique rei perfectionem, & animam adspirat, sed & ipsum velle nostrum

L

a Judic. c. 4. v. 21.

b Judic. c. 7. v. 2. *c* Is. c. 26. v. 11. & 12.

d 1. Paralip. c. 29. v. 11. & 12.

e Philip. c. 2. v. 13.

strum ab ipso est. Hoc autem fatemur quidem verbis, nihilominus crebro & verbis & factis negamus. Hinc illæ voces turgidæ: Absque me fuisset, successum sanè nullum res habuisset; hoc meo consilio confectum, sine meis viribus negotium istud intercidisset; hoc meis patrociniiis, hoc promeritis meis, hoc industriæ, hoc vigiliis meis tribuendum. Ita profectò videmur nobis aliquid esse, valere posse. O homo bulla, quæ demum tua est potentia? Vociferantem Paulum audi: Qui existimat se aliquid esse, cum nihil sit, ipse se seducit. *a* Incredibile dictu est, quanti referat, hoc pectori alè infigere, ne quis sibi quidquam tribuat, omnia Deo.

Hominis est dicere: Instrumentum ego sum, animatum quidem, sed ineptum & vile, nisi divina me dextera moveat. In opificis mei manu sum, quemadmodum malleus & lima in manu fabri, subula in sutoris, rota in figuli, dolabra in arcularii, trulla in cæmentarii, ascia in fabri lignarii, acus & filum in sartoris, infurnibulum in pistoris, penicillum in pictoris, calamus in scribæ manu est. Si tali opificis instrumento vox esset, ita loqueretur: Nihil unquam operis non tantùm non absoveretur, sed nec quidem inciperetur meâ solius operâ: meus omnis motus ab artificis dextera est, hac cessante omnis mea actio perit. Ego dies & annos otior inutilis truncus, si absit meus artifex; hic unus & solus omnem mihi motum

tum omnemque vitam tribuit. Isaias asserit: Nunquid gloriabitur securis contra eum, qui secat in eâ, aut exaltabitur serra contra eum, à quo trahitur? quomodo si elevetur virga contra elevansem se, & elevetur baculus, qui utique lignum est. Propter hoc mittet Dominator Dominus exercituum, in pinguibus ejus tenuitatem, & subtus gloriam ejus succensa ardebit quasi combustio ignis. *a*

a Is. c. 10. v. 15. & 16.

§. II.

Nos igitur opificis summi, divinæ manûs instrumenta, sed animata sumus, idcirco affidè, pro se quisque roget, DIRIGE ME, ô mi opifex, meam ne sperne opellam tenuissimam; utere me, prout vis; habes me tibi subjectissimum, & ad omnem motionem paratissimum; in tuâ manu sum, ad omnes nutus tuos servire promptissimus; ecce me, quocunque volueris modo, me applica: tibi uni laus operis debetur. Ita de Deo, deque seipso sentire maximi momenti est. Nam hæc arcana subtilitatis sunt, & quæ Deus singularissimè observat, gloriam suam alteri non daturus. Hæc notitia nobis summè necessaria est, scire ac profiteri quantum in rebus omnibus à Deo pendeamus. Instrumentum pondus inutile, ni artificis manu regatur. Hunc ergo malleum, hanc limam, hanc securim, hanc asciam, hunc calamum, hoc penicillum, hunc, inquam, hominem Deus artifex necesse est moveat, alioqui

alioqui conatus omnes vanissimi, nulli sunt. Deus est, qui operatur in nobis & velle & perficere. Nemo se aliquid posse somniet, nemo sibi quidquam virtutis aut virium adscribat. Hoc autem tum demum præstābimus, si divinam opem assidue imploremus, non tantum ut rectè perficere, sed etiam ut bene velle possimus. Primum igitur omnium est sibi nihil bonæ actionis adscribere.

Alterum à primo est, Deo adscribere omnia, ad majorem Dei honorem dirigere universa, nisi ea sit actio, quæ suoapte genio honoribus divinis obstrepat. Exemplo rem monstramus. Est, qui animo fraudem, insidias, vafritiem, perfidiam, dolum malum coquat, ut alterum quoquo modo lædat. Hic etsi millies, iterumque millies dicat, ad majorem Dei gloriam; hæc sua Deo non probabit. Ohe, religiose nequam, hoc quidem cum Deo ludere est. Tu si seriò divinos honores ampliare cupis, divinas leges ne sperne. Quod accuratè Chrysostomus monens: Homo colonus, inquit, cujus terram possidet, illius auxilio opus habet. Qui justitiam tenet, nullius patrocínio indiget, nisi Dei. Qui in diaboli iniquitatibus ambulat, diaboli adjutorium necessarium habet. Colonus enim Dei, diaboli auxilium non requirit; colonus autem diaboli, auxilium Dei etsi quærat, non invenit. Vidisti aliquando euntem ad furtum, Deum orare, ut bene prosperetur in furto? aut qui vadit ad fornicationem, numquid sibi signum crucis ponit

ponit in fronte, & ut non comprehendatur in crimine? Quod si fecerit non solum non adjuvatur, sed adhuc amplius traditur, quia nescit iustitia Dei patrocinari criminibus. *b* Si ergo actio ex se mala sit, eâ dicendi formulâ (ad majorem Dei gloriam) emendari non poterit. Pilatus parricidium in Christo designatum in lavatione manuum non eluit. Actio in se corrupta melleis verborum globulis non reddetur sancta. Non verbis Deus, sed factis colendus. Quod si actio vel bona, vel certè sit adjaphora, *c* ea omnis planè in unius Numinis gloriam est reducenda. Ita divinus Paulus præcipit: Sive manducatis, sive bibitis, sive aliud quid facitis, omnia in gloriam Dei facite. *d* Paulinam hanc præceptionem eximie Bernardus explicans: Quidquid hi, inquit, favoris captas quod ad Deum non retuleris, ipsi futuraris. Tibi enim unde gloria putide pulvis, tibi unde? De vitæ sanctitate? Sed spiritus est, qui sanctificat, spiritus dico, non tuus, sed Dei. Etsi prodigiis aut signis effulgeas, in manu tuâ fiunt, sed virtute Dei. An blanditur popularis favor, quod verbum bonum, & bene forte deprompseris? sed Christus donavit os & sapientiam. Nam lingua tua, quid nisi calamus scribæ? Et hoc ipsum mutuo accepisti. Talentum creditum est,

L 3

repe-

a Ita expressè Chrysof. de signo crucis.

b Chrysof. tom 2. in c. 22. Matth. hom. 22. post initium, mihi pag. 907.

c Nec bona in se nec mala.

d I. Cor. c. 10, v. 31.

repetendum cum usurâ. Si inventus fueris ad opus impiger, ad fructum referendum fidelis, pro labore tuo mercedem accipies. Si quo minus, tolletur à te talentum, & nihilominus exigetur lucrum, & vocaberis servus nequam & piger. Omnis igitur de bonis multiformis gratiæ apparentis in vobis referatur ad ipsum laus; laudabilium siquidem universorum auctorem, & largitorem. Idque non fictè, quemadmodum ab hypocritis, nec solâ consuetudine, sicut à secularibus; sed nec quadam necessitate, ut jumenta ferendis oneribus applicantur: sed sicut decet sanctos sinceritate fidâ, devotione sollicitâ, hilaritate gratâ, sed non dissolutâ. a

a Bern. tom. 1. serm. 13. in Cant. post med. mihi pag. 774.

§. III.

Itaque omnia in Dei gloriam facienda. Hoc unum semper & oculis & animo sit affixum. Non ita pridem illustris dux belli centum grandiores auri monetas a sacculo clausas assumpserat itineri, quod duobus famulis comitatus confecit. In hospitio non vanè sollicitus de tuendo auro. Quid faciam, aiebat ipse secum, ut servem aurum itineris comitem necessarium. Tradam cauponi? Quid si perfidus sit? depositum negabit. Custodiendum famulis committam? Quid si mercurium non pedibus tantum, sed & manibus ferant? aufugient cum prædâ,

a Doptoner bey 300. fl.

dâ. Includam arcâ? quid si effringatur? nemo damnum fatebitur & farciat. Ergo pulvino subijciam & custodem caput meum apponam. Suo ipsius consilio paruit, & cervicali supposuit. Mane altero accelerans iter hospitio abiit, sed aurum lecto sepultum ex oblivione reliquit. Aliquantum viâ progressus aurum deesse deprehendit: Mox equo subdens calcaria viam omnem relegit, & ad illam mollem auri sepulturam avidus properavit. Reperit etiamnum fido loco celatum, quod oblivio destituerat, nobile metallum. Hic ille thesaurum inventum exosculatus, sanctioribus curis censuit asservandum. Ideo illum non sacciperio, ut minus fido immisit, sed intimæ vesti assui curavit, ut pæne citius perderet seipsum, quàm istum tam carum comitem suum. Quàm solliciti, ô bone Deus, quàm & seduli sumus in custodiendis numis, in auro servando, capiti supponimus, vesti assuimus, nonnunquam glutimus aurum, ne perdamus, imò ipsam sæpissime vitam amore auri perdimus. Hoc nimirum est cum ratione furere. Quin potius divinum illud pronuntiatum (ad majorem Dei gloriam) non tantum assuimus vesti, sed incidimus fronti, aut manui, ne ullus oblivioni locus sit, ut oculis semper obversetur: Sibi nihil, omnia Deo adscribenda.

Hoc Augustinus altè cujusvis animo defixurus, tam succinctè, quàm verè: Redditur meritis, inquit, quæ contulit gratia. a

L 4

Si

a Aug. l. de corrept. & gratiâ, c. 13.

Si herus famulo debitori nonaginta novem florenos donet, dicatque: Florenos mihi centum debes: hoc age; his unicum appone, & contractum apud me nomen expunge; nunquid non hinc meritis redderetur, quæ gratia contulisset. Ita prorsus facile ac commodum est alieno ære exire, si prius dono accipias, quod postmodum ex debito redhibeas. Sed Augustinus priora luculentius edisserens: Omne meritum, inquit, in nobis non facit nisi gratia: & cum coronat Deus merita nostra, nihil aliud coronat nisi munera sua. *a* Ergo jure meritissimo ad unius Numinis gloriam referenda sunt omnia. Hoc pii conjuges, Raguel & Anna, hoc Tobias & omnes virtutis amatores docent. Conjugum illorum voces sunt: Benedicimus te Domine Deus Israël, fecisti enim nobiscum misericordiam tuam. Tobias se unum & solum laudibus divinis impari nimis indicans: Benedicant te, inquit, cæli & terræ, maræque & fontes, & flumina & omnes creaturæ tuæ, quæ in eis sunt. Sed quid tandem est Deum benedicere, omnia Deo adscribere, laudem & gloriam in omnibus & de omnibus impertiri?

Cyrillus Alexandrinus illa Malachæ verba explicans: Si ergo pater ego sum, ubi est honor meus? *b* Quærenda, inquit, à nobis, quæ Deo sunt honorifica. Glorificabitur à nobis, si non, quod nobis jucundum & famicum est, agere studuerimus, sed illi potius

a August. epist. 105. ad Sixtum.

b Malach. cap. 1, vers. 6.

potius mentem nostram dedicaverimus, & in omnibus ad ejus nutum conformaverimus. Non singulis solum hebdomadibus, sed & diebus plurima obveniunt, quæ mollior natura refugit, & horret. Hic exurgat animus, & in Deum sese attollat, dicatque grandi spiritu: Mi Deus, hæc & hæc à cibo, potuque abstinentia mihi difficilis est, sed, *propter te*, abstinebo. Coercere vagos sensus mihi molestum, sed *propter te*, coercerebo. His aut illis me submittere, nimis quam arduum mihi videtur, sed *propter te*, submittam me. His aut istis ignoscere injuriæque gratiam facere, mihi multò difficillimum est, sed & hoc *propter te*, faciam, & promptam illis veniam dabo. Has aut illas preces extendere, has & illas eleemosynas erogare mihi grave, sed *propter te*, preces liberaliter extendam, eleemosynas largiter erogabo. Quæcunque mihi demum, vel factu ardua, vel perpeffu nimis aspera videbuntur, ea omnia paratissimus sum facere & pati propter te. Quidquid autem vel sanctæ cogitationis, vel actionis bonæ à me fuerit susceptum, id uni & soli tibi referam acceptum. Tibi laus & gloria ab omnibus & de omnibus. Tuum munus est, quod meremur, ære tuo nostra dissolvimus debita, tuis te donis honoramus. E tuæ bonitatis mari bonum omne defluit, æquum est ut omne bonum à nobis in illud refluat. Omnia in Dei gloriam facienda.

C A P V T I I I.

*Tobias junior mansuetæ comi-
tatis plenissimus.*

Peractis nuptiis, Tobias ad iter se ac-
cinxit, & ad parentes reditum paravit.
Hic Raguel omnia molitus, ut gene-
rum paulò diutius liceret retinere, adjura-
vit eum, ut duas hebdomades moraretur
apud se. *a* Tobias precibus armatis focii
expugnatus, cum cælesti tabellario agens:
Azarias frater, inquit, peto ut auscultes ver-
ba mea. Si me ipsum tradam tibi servum,
non ero condignus providentiæ tuæ. Tam-
en obsecro, ut assumes tibi animalia, sine
servitiis, & vadas ad Gabelum in Rages civi-
tatem Medorum, reddâsque ei chirogra-
phum suum, & recipias ab eo pecuniam, &
roges eum venire ad nuptias meas. Scis
enim ipse, quoniam numerat pater meus
dies: & si tardavero unâ die plus, contrista-
tur anima ejus. Et certè vides quomodo
adjuravit me Raguel, cujus adjuramentum
spernere non possuni.

Cælestis nuntius Raphaël Archangelus,
Tobiæ, quem ut herum suum coluit, seu
preces, seu imperia diligentissimè prorsus
ac fidelissimè executus est: Non servus Do-
mino, non fratrum ullus fratri suo tam in-
tegrè

a Tob. c. 8. v. 23.

b Tob. c. 9, v. 1. & seqq.

tegrè
hic
Tobia
huma
peto,
sueta
co exp
nes h
omne
tissim
melle
menti

I.
est op
facile
comm
mo d
cesse
scat. E
ne ne
fit di
Salon
gratia
sione
le, inc
nihil
niâ, q
se cor
Sed n
tem,
pram

a P

tegrè promptèque obsequitur, atque aliger hic nuntius suo, cui servit, hero. Id profectò Tobias facile potuit observare, hinc illum humanissimè affatus: Azaria frater, inquit, peto, ut auscultes verba mea. Tobias mansuetæ comitatis plenissimus. Hoc igitur loco explicandum, quanti referat erga homines humanum & comem esse, commodis omnes delinire dictis, lenissimis & amantissimis verbis uti, ita omnia hoc verborum melle ac saccaro condire. Res maximi momenti. Rationes adferimus.

§. I.

I. Hic nullis impendiis aut sumptibus est opus; nil arcæ, nil crumenæ demitur; tam facile bona verba dicere quàm mala, incommoda, aspera. Hoc tamen fatemur: homo duri oris, & calidæ mentis, seipsum necesse est vincat, dum suavius loqui addiscat. His solis expensis, sui victoriâ, hoc omne negotium agitur. Sed hic labor nemini sit difficilis, qui mille commodis pensatur. Salomon id pollicitus: Mansuetis, ait, dabit gratiam. a Hanc sapientissimi regis promissionem Chrysostomus expendens: Mirabile, inquit, Salomonis promissum. Et an iis nihil dabit gratiæ, qui jejniis, qui castimoniâ, qui eleemosynis, qui virtutibus aliis suo se conditori commēdarint? Imò verò dabit. Sed mites erunt primi, qui optimam partem, qui totos principatus auferent in præmium. Quod Siracides apertissimè con-

L 6

firmans:

a *Proy. cap. 3. vers. 36.*

firmans: Sedes ducum superborum, inquit, destruxit Deus, & sedere fecit mites pro eis. *a* Inhumanos illos, immites, asperos, insolentes, ferrei oris homines sede suâ excutit, in eâdem mites reponit & imperat: Mutate vices; tu surge, & sta; tu confide, & bona hujus occupa. Cùm igitur verborum suaviorum plaustra integra nil penitus crumenâ demant, cur hac in re parci simus, parsimoniâ prorsus damnosissimâ?

II. Quærit doctissimus Aquinas: Utrum hæc, de quâ agimus, mitis humanitas sit virtus? Ad quæstionem dilucidissimè respondens his omnino verbis sententiam pronuntiat: Affabilitas, est quædam specialis virtus, secundùm quam inter se homines bene disponuntur, simul conviventes. Imò verò etiam hæc addit: Affabilitas, cùm fit ad alterum, secundùm aliquam debiti rationem, est pars justitiæ. *b* Perit omnis humana societas ejectâ è cætu hominum hæc virtute. Non homines, sed fera sumus, quæ mutuis in se moribus eunt, si virtutem hanc negligimus. Idem & priscorû sapientum sensus. Naturali debito ac jure hominem obligari, *ut aliis delectabiliter cõvivat.* *c*

III. Hæc comitas, sive affabilitas, seu suavis humanitas maximum amicitia vinculum est. Quid autem magis cupimus & ambimus, quàm omnes habere benevolos, faventes,

a Eccli. cap. 10. vers. 17.

b S. Thomas 2. 2. q. 113. art. 1. & 2. conclus. mibi pag. 820.

c Macrob. l. 3. Saturnal. ante med.

faventes, amicos, omnium florere gratiâ,
 omnes nostri cupidos & studiosos esse, ne-
 minem inimicum, malevolum, infensum,
 neminẽ de nobis malè loqui. Atqui reverà
 potentius philtum non est ad omnium vo-
 luntates & animos nobis conciliandos,
 quàm humanitas, cõmitas, affabilitas: mel
 verborum, gulam etiam hostium delimit &
 propitiat; homo suaviter humanus, & dulcis
 eloquij, non difficulter omnium sibi bene-
 volentiam & favorem parat. Hoc Siracides
 testatissimis verbis affirmans: Verbum dul-
 ce, ait, multiplicat amicos, & mitigat ini-
 micos, & lingua eucharis (seu, gratiosa) in
 bono homine abundat. ^a Asperrimus ho-
 mo est, & è mordacissimo aceto subactus,
 cui hæc Siracidæ cohortatio mel verborum
 in os ingerere non possit. Triadixit Siraci-
 des. 1. Gratiõsa lingua multiplicat amicos.
 Qui plurium amicitiam ambit, facundi
 mellis copiam paret, bona verba in promptu
 habeat, norit omnibus benedicere. Vetus &
 notum illud: Verbum, mentis vehiculum;
 dulce verbum, dulcis animi signum. 2. Gra-
 tiõsa lingua mitigat inimicos: sermonis
 enim suavitas mirè penetrat mentem; nam
 uti falernum, aut Creticum per guttur, dul-
 ces Musicõrum moduli per aures blandissi-
 mè illabuntur, ita affabilitas animum au-
 dientis subit, eúmque sibi devincit. 3. Lin-
 gua gratiosa & eucharis in bono homine
 abundat. Deus mare dulcedinis est: In hoc
 faccari, mellisq̃ue mari lingua hominis
 boni

^a Eccl. cap. 6. vers. 5.

boni quotidie natat & lavat. Hoc ajo : Dei omnes patientissimam suavitatem, summamque benignitatem quotidie commeditatur homo caelestium gaurus. Hinc illi verborum suavitas. Ergo lingua gratiosa, eucharis, caelesti melle imbuta non tantum amicos multiplicat, sed & inimicos mitigat, & in homine bonæ mentis abundat. Beata Mechtildis miti suaviloquentiâ ita rapiebat omnes, ut loquentem Angelum audire sibi viderentur. Hanc illa suavitatem sermonis, ex illo, quod diximus, maxi hauserat.

Tullius olim de virtute hac differens: Difficile dictu est, inquit, quantum opere conciliet animos hominum comitas, affabilitasque sermonis. *a* Hinc prisceis Hercules Gallicus visus est, non rosas tantum, sed & torques aureos loqui, adeo sermonis dulcedine trahebat & vinciebat auditorem. Hinc Persæ, Plutarcho teste, *b* humanissimos se præbituri poculum mellis & lactis plenum propinarunt, tanquam si maximos favores & ipsam propinarent concordiam, quàm certè sermonis mel sive affabilitas maximè conservat. Quod Salomon affirmans: Favus mellis, ait, composita verba. *c* Abigail femina sanè prudentissima quantum incendium hoc oris melle restinxit? Ibat David Nabalis domum everfurus cædibus, in viâ occurrit Abigail, eaque orationis suadâ, tamque mellitis

a Cic. l. 2. de officiis.

b Plutarch. in Artaxerxe.

c Proverb. c. 16. v. 24.

mellitibus precibus placavit militarem animum, ut in vaginam redierit gladius cæde nullâ cruentatus.

§. II.

IV. Ad mansuetudinem Christianam, seu comitatem exercendam maximorum præceptis & exemplis impellimur. Tarsensis Paulus neophytos Romanos erudiens: Obsecro vos fratres, inquit, per misericordiam Dei, ut exhibeatis corpora vestra hostiam viventem. *a* Rogat, cum potuisset imperare ejuscemodi jussu. Hoc faciendum, aut adversarium me vestrum sentietis. Non ita Paulus, sed precibus agit, quod Dei spiritus amat facere. Nimirum medicus, uti Chrysologus loquitur, cum austerior est medicina, non imperio agit, sed precibus. Idcirco idem Paulus à falsis Apostolis tanquam vir vilis & sui commodi sectator pessimè traductus, non excanduit, neminem fulminavit, sed mitissimè: Obsecro vos, inquit, per mansuetudinem & modestiam Christi, qui in facie quidem humilis sum inter vos, absens autem confido in vobis. *b* Pari modo Ephesios cohortatus: Obsecro, ait, ego vos vincit in Domino, ut dignè ambuletis vocatione, quâ vocati estis. *c* Vide, inquit Chrysostomus, quàm nihil imperiosum, nihil authenticum, sed contractum ac submissum scribat! Non illud obtrusit: Ego,

a Rom. cap. 12. vers. 1.

b 2. Cor. cap. 10. vers. 1.

c Ephes. cap. 4. vers. 1.

Ego, qui verba ineffabilia audivi, sed, Ego vincit in Domino, meis vos precibus convenio, & obsecro. Ita plurima suavissimè juberi possunt precando.

V. Christus ipse hanc affabilitatis, seu comitatis pulcherrimam virtutem, & verbis docuit & exemplis divinis monitavit. Nam velut ludimagister ludum aperiens: Discite à me, inquit, quia mitis sum, & inveniatis requiem animabus vestris: a alioqui vitam omnem inter litigia & turbas acturi. Cùm apud superbum Pharisæum Simonem Christus ageret, hospiti suo civiliter deferens, & priùs dicendi facultatem postulans: Simon, ait, habeo tibi aliquid dicere. Discamus hæc cuiusvis facilè imitanda. Siracida frequens hac de re præceptum est: Fili in mansuetudine opera tua perface, & super hominum gloriam diligèris. b Subinde stimulos iræ senties, bilis effervescent, manus prurient in verbera, vocis fulmen eruptionem molietur: sed tu, si sopis, frange hos æstus, effervescentia verba contine, lenitatem adhibe, & omnium in te amorem trahes. Reverà hæc unà res summi momenti est. Quantæ ubique lites ac discordiæ caverentur, si suavis verborum lenitas & mansuetudo in promptu foret. Austera & aspera verba tam provocant rixas, quàm inflammant & alunt. In omnibus pæne domibus litigia perstrepunt, quia nemo ferè discit benedicere, ac comiter loqui. Ty-

multuamur

a Matth. c. 11. v. 29.

b Eccli. 6. 3: v. 19.

multuamur passim ac vociferamur, cultros & gladios loquimur, acerbis asperisque dictis nosmet mutuo proscindimus, nil mellis ore gerimus. Hinc iurgiorum ac bellorum ubique plurimum, ob penuriam tam pretiosi mellis.

Quo tandem modo Moses ultra sedecim centena millia hominum; rebellem, refractarium, durissimæ cervicis populum gubernare potuisset, nisi hoc oris melle uti voluisset? Moses vir erat mitissimus super omnes homines, qui morabantur in terrâ. *a* Hac unâ re ita omnes in sui amorem rapuit, ita omnes sibi devinxit. Ut plus eum, inquit Ambrosius, pro mansuetudine diligerent, quàm pro factis admirarentur. Quamvis enim cum Deo constanter loqueretur, homines tamen humili & gratâ appellatione affari solebat. Ita Moles monstra placavit verbis; *b* leones & tigrides humanâ disciplinâ imbuit, hoc est, efferos ac pervicaces populi sui mores suo melliloquio cicuravit. Nam bonitas, eodem Ambrosio teste, si mansuetudine morum adjuvetur, incredibile quantum procedit ad cumulum dilectionis. *c* Rex David cum Mose certans mansuetudine morum Deum armatis pæne precibus invadit: Memento, Domine, David, & omnis

a Num. cap. 12. vers. 3.

b Eccli. cap. 45. vers. 2.

c Ambros. tom. 5. l. 2. de officiis c. 7. mibi pag. 477.

omnis mansuetudinis ejus. *a* Idcirco & Ambrosius regium hoc affabilitatis exemplum ingerens: Rex David, ait, quàm mitis & blandus, humilis spiritu, sedulus corde, facilis affatu? fortis in prælio, mansuetus in imperio, patiens in convivio, ferre magis promptus, quàm referre injurias, ideo tam charus erat omnibus, ut juvenis ad regnum etiam invitus peteretur, & resistens cogeretur; senex, ne prælio interesset, à suis rogaretur, quòd mallent omnes pro ipso periclitari, quàm illum pro omnibus. Itaque parentes eum filii, filii parentibus præferebant. *b* Tantarum virium est affabilis mansuetudo ad conciliandos animos. Jus ea sibi vendicat in omnes, & in omnia, sed modo suavi prorsus & amabili. Homo mansuetus, suavis est Orpheus, qui lapides moyit canendo. *c*

VI. Promissum Christi est: Beati Mites, quoniam ipsi possidebunt terram. *d* Promissum prorsus admirabile, si eo terra, quam calcamus, designetur. Nam in hoc Orbe nostro ubique ferè locorum mites ac cedere faciles suis sedibus expelluntur & exagitantur. Quomodo igitur terram possident? Ne desimus quæstioni, responsione brevissimi-

a Psal. 137. vers. 1.

b Ambros. loco proxime cit. De his vide etiam Bernardum serm. 12. in Cant. ante med. mihi pag. 767. Vide & Philonem libro: Quis rerum divinarum sit hæres. mihi pag. 376.

c Horatius l. 3. Carm. Odâ 11. initio.

d Matth. cap. 5. vers. 4.

brevissimâ exponimus promissum. 1. Sunt, qui mansuetis ac melliloquis hominibus productiorem vitam promitti asserant. 2. Nemo dignior mansueto possidere terram. 3. Mansueti tantis & solatiis & gaudiis perfunduntur, satietate tam jucundâ vivunt, ac si nescio quot prædiis, ac latifundiis abundarent. 4. Hic sanè agrum, civitatem, ditionem possidet, qui annuos inde census, qui vestigalia, indictiones, tributa, collationes recipit. Terra malis hominibus plena est, mansuetudo verò ab iis omnibus suum vestigal & tributum percipit. Non enim ullum est malum, quod homo mitis non in suum derivet commodum. Ita certè is terram possidet, cui omnia terræ mala tributaria suas deferunt pensiones, sua pensitant vestigalia. Reverà mitis colligit de spinis uvas, & de tribulis ficus. 5. Adamus, etiânum incola paradisi, terrarum dominus fuit; terra utique jam serpentes, viperas, noxias herbas, spinasque aluit, sed non in damnum aut noxam Adami. At ubi jam furti reus agebatur, denuntiatum illi: Spinæ & tribulos germinabit *Tibi.* *b* Homini miti velut Adamo alteri, nil nocet dum mitis est. Conviciis appetitur, calumniis configitur, injuriis afficitur, variè contemnitur; at ille his spinis ac tribulis non pungitur, non uritur: Terram possidet, cujus est Dominus. Promissum Christi certissimum. Prædixit hoc psaltes:

Mansueti

a Matth. cap. 7. v. 16.

b Gen. cap. 3. vers. 18.

Manfueti hæreditabunt terram, & delectabuntur in multitudine pacis. *a*

a *Pfal.* 36. *vers.* 11.

6. III.

Sed objicias: Quis semper mella loquatur, & quis semper aded ad amulsum mitis fit? Multi sunt, qui turbant; & subinde aliis merfi cogitationibus paullulum asperius loquimur. Quis hæc ira in numerato habet, quis ista usquequaque semper ad perpendiculum faciat? *a* Hoc, ô bone, artis est: ideo, huic arti gnauiter studendum est. Ab exemplo rem discite. Agendum mihi est cum homine inhumano, agresti, tetrico, difficili, acerbo, immiti, aspero, à quo vix quisquam suauis, mitiusque verbulum impetret. Ergo nec ego ab eo rosas & mella expectabo, nempe audiam, quod alii, sed audiam paratus & ad omnem mansuetudinem compositus, dictis illius asperimis ego mollissima rependam; non proritabit nec inflammat me, non asperio rem me faciet, quantumvis ore sæuiat. Mordacissimum fel ipsius melle meo vincam: ita me Deus iuret. Si paribus certare velim, & asperis improbisque dictis, improba, aspera que ejusdem styli reddere, victus, occisus sum.

Hoc, mi Christiane, artis est, nolle vinci à malo, sed vincere in bono malum: *b* pro aceto mulsum, murinam, nectar, lene ac dulce vinum reddere: non reddentes ma-

lum

a Wer sans attezeit also am Schnürt haben.

b *Rom.* c. 12. v. 31.

P
lum pre
suetudi
dociles
scholâ
suetudi
scere re
ajunt, a
audi D
præcept
non m
Sed c
irasci n
Irafcim
duriusc
Paulus
ne com
tur, &
sed cor
non op
omnes,
go acer
Ita, qu
tuas co
Inter
nus qu
ducat
melle,
da, ex
laritate
Nos id
paullul

a 1.

c 2.

d 2.

lum pro malo. *a* Hoc discamus, aut mansuetudinis magistro Christo tanquam indociles discipuli minerval reperamus. *E* scholâ Christi proscribitur, quisquis mansuetudinem & christianam comitatem discere recusat. Iratus & furens elephas, ut ajunt, ad aspectum agni mitescit. Aspice & audi Dominum JESVM, mansuetudinis præceptorem mitissimum; & non poteris non mirescere.

Sed objicias iterum: Asperum esse, ac irasci nonnunquam necessarium. Sit ita: Irascimini; sed nolite peccare. *b* Objurgatio duriuscula melle sit temperata. Ita beatus Paulus præcipiens: Hunc notate, inquit, & ne commisceamini cum illo, ut confundatur, & nolite quasi inimicum existimare, sed corripite ut fratrem. *c* Servum Domini non oportet litigare, sed mansuetum esse ad omnes, cum modestiâ corripientem. *d* Ergo acetum, si opus instilla, sed cum melle. Ita, quod veteris est proverbii; Melle merces tuas contege.

Interrogatus Democritus, quâ ratione sanus quis ac valens in annos plurimos producat vitam? Hoc dedit responsi: Intus melle, foris oleo. Si valetudo sit conservanda, exercitationem sive oleum corpus, hilaritatem sive mel animus sibi deposcit. Nos idem asserimus: *Intus melle*, sed sensu paullulum mutato. Istud mel oris de quo loquimur,

a 1. Pet. c. 3. v. 9. *b* Ps. 4. v. 4.

c 2. Thessal. c. 3. v. 14. & 15.

d 2. Tim. c. 2. v. 25.

loquimur, à cordis sinceritate promendum. Quod Ambrosius singularissimè requirens: Hanc affabilitatem, inquit, volumus esse sinceram, ac sobriam sine ullâ adulatione. Quales haberi volumus, tales simus. *a* Si impoliti, horridi, insuaves, rustici, immites, barbari, oris ferrei haberi nolumus, ergo nec simus. Emanuelem divinum infantem prædicat Isaias, quod butyrum & mel comesturus. *b* Sponsam laudans cælestis sponsus: Mel & lac, inquit, sub linguâ tuâ. *c* Ita olim infantulis recens lustratis melli lac mixtum in os inferebatur. Locupletissimus testis Tertullianus: Inde suscepti, ait, mellis, & lactis concordiam prægustamus. *d* Qui ritus commonebat, ad virtutem comitatis & mansuetudinis infantes è cunis erudiendos, ut à teneris unguiculis maturè discerent non acetum & fel, sed rorem lacteum & mel linguâ tegere. Ajunt sub canum linguâ vermiculum, *e* quem Lyttam vocant, abscondi, catulis eximendum maturiùs, ne rodere assuescant: Quàm multi hominum sub linguâ caninum vermem hunc ferunt, mordent, rodunt, lacerant, petrodunt omnia. Mores prorsus canini. O homines! non obrodentes vermes, non asperos sermones, sed promulsidem lacteam, sed mansuetudinem,

a Ambros. l. 2. de officiis c. 7.

b Is. c. 7 v. 15. *c* Cantic. c. 4. v. 11.

d Tertull. l. de coronâ militis, initio mihi pag. 341.

e Venula est. Hinc dicitur, dem Hund dem Wurmb nemmen.

dinem
guâ, c
gite. D
inquit
officiu
tingen
derari.

V I I
affabil
plenus
ductiti
frater,
Obsc
servitia
domin
rarò si
loquen
nesciel
prabu
ait, &
precab
Bricci
tem m
quam
rei gen
ego ip
deber
sta or
Judam
ego no

a C
b P
rieban
d L

dinem & suaviloquentiam. *a* gestate linguâ, dicta omnia saccato, sesamôque *b* spargite. D. Aquinas ita erudiens. Affabilitas, inquit, specialis virtus est, ad cuius munus officiûmque pertinet, dicta omnia alios attingentia ad decori regulam prudenter moderari. *c*

VII. Quâ in re Tobias etiam noster, affabilis, suavidicus, mansuetæ comitatis plenus exemplo luculento famulum conductitium compellans ut fratrem: Azaria frater, inquit, peto ut auscultes verba mea. Obsecro te, ut assumes tibi animalia, sive servitia & vadas ad Gabelum. Ita servi cum dominis, non verò domini cum servis aut rarò sic loqui assolent. Nihilominus suaviloquens Tobias suo se servo, quem certè nesciebat esse Angelum, tam affabilem se præbuit. Ita Jobus: servum meum vocavi, ait, & non respondit mihi, ore proprio deprecabar illum *d* Ita Turonum episcopus Briccium sacerdotem de se pessimè loquentem mitissimè toleravit, nec adduci unquam potuit, ut eum officio moveret. Ejus rei geminam assignans rationem. 1. Meam ego ipse injuriam, inquit, neutiquam ulcisci debeo: est, qui judicet & vindicet; illi vindicta omnis est transcribenda. 2. Christus Judam ferre potuit proditorem suum, cur ego non feram Briccium? Mansueti hæreditabunt

a Ganstte hüpsche Neden.

b Placenta olim è melle sesamôque conficiebantur. *c* 8. Thom. 2, 2, quæst. 113. imitò
d Job 6. 19. v. 16.

rabunt terram. Sui victor, Orbis possessor est mansuetus.

Eam ob causam Paulus hoc Tito summâ curâ commendans: Admone illos, inquit, non litigiosos esse, sed modestos, omnem ostendentes mansuetudinem ad omnes homines. *a* Omne genus comitatis, mansuetudinis, affabilitatis vult exhiberi, & quidem omnibus tam servis, quàm dominis, tam egenis, quàm opulentis, doctis, indoctis, juvenibus, adultis, sapientibus, & rudibus. Quod & Siracides monet: Congregationi pauperum affabilem te facito, *b* nempe suaviter & comiter loquendo. *c* Suaviloquus homo, nemini non gratus. Vultuosus, asper, austerus, sermonis acidi, oris ferrei homo, nemini non exosus.

Telecrus, quod Plutarchus memorat, fratris suo conquestus: Quis fit, ajebar, mi frater, quod nemo civium mei studiosus bene mihi cupiat. Tibi volunt, ad te voluntatum inclinatio incumbit; quis fit? Cui frater: Pace tuâ dixerim, ait, Tu homo extra omnem comitatem positus injuriam ferre nescis; ego autem scio. Hinc mei favore imbuti, mihi favent, studentque; utror ego populo sanè meo. Tetricam morositatem tuam nemo non odit, & horret, & fugit.

Nimirum suaviloquentia mater est benevolentiz. Alios tibi cupis benevolos? Sis tu illis suaviloquus, mel oris liberalissime sparge,

a Tit. c. 3. v. 1. & 2.

b Eccli. cap. 4. vers. 7.

c Ait Nicolaus Lirano.

sparge, cum omnibus affabilis & humanus, oportet enim mansuetum esse ad omnes. Qui pacem & cōcordiam in cōnubio, in domo, in conjugio cupit alere, hoc agat, ut & ipse & omnes alii inter se verbis utantur bonis, comiter, placidè, suaviter loquantur. Sumptus hīc nulli, fructus maximi. Videbit mitis, quod Jobus vaticinatur, torrentes mellis & butyri. a

Prolixior fuit hæc dissertatio, sed eo fine, ut linguæ omnium discant non acetum, non fel, non acerbitates oris, & insuaves acrimonias, sed lac & mel, sed christianam ac decentem suaviloquentiam omnibus propinare, omnem ostendentes mansuetudinem ad omnes homines. Ita Deus jubet, ita Christus docet, ita exigit justitia. Res est maximi momenti. Ita domus, civitates, regna, Orbis universus longè rectiùs gubernari, ita innumeræ lites, & discordiæ aut penitus caveri aut multò citiùs ac faciliùs poterunt sedari. Oris mel, Orbis tranquillitas. Oportet mansuetum esse ad omnes.

a *Iob cap. 20. vers. 17.*

C A P V T I V.

*Tobias pudicæ sobrietatis
amantissimus.*

Tobias tabellarius è calo Raphaël pecuniam à Gabelo non solum recepit, sed & Gabelum ipsum adduxit summo

M

totius

totius domus gaudio, quod & lacrymas insoliti gaudii testes excivit. Lacrymis effusa in divinas laudes oratio jungebatur. A divinis laudibus itum ad mensam, epulimque sobrium. Nam cum timore Domini nuptiarum convivium exercebant. ^a

Hoc loco prorsus necessarium, si avi nostri mores considerem, de vulgatissimo Ebrietatis vitio differere. Ego hic more meo non colligam, sed seligam; rem summam paucis complectar, omniaque conferam ad compendium. Ab annis jam triginta violentiam deterrimum flagitium nec scriptis publicis, nec dictis insecutus sum. Aliqua caussarum erat: Agebant foedum comportandi morem per Germaniam passim aboleri. Nimirum tunc famuli sobrii sunt & frugi, cum testes adsunt dominorum oculi: his amotis quilibet audendi animus est. Jamque eò vitiositas invalescit, ut apud quosdam inter minora piacula censeatur vino sepeliri; apud alios virtutis etiam sit, plurimum vini capere & inter plures ultimum fieri ebrium. Hic, mi Lector, rumpendum est silentium; faciet indignatio verbum. Sed, ut dixi, agam quam brevissime poterò, atque Ebrietatis damna & noxas, unaque caussas, cur ea modis omnibus fugienda, summatim edisseram.

^a Tob. c. 9. v. 12.

6. I.

I. Ebrietatem Deus severissime prohibuit sub poenâ capitis. Supplicium æternum Teulentiz decretum. Hoc Paulus promulgans:

gans: Ebriofī, ait, regnum Dei non possidebunt. *a* Hoc edictum, hæc unica capitalis sanctio instar mille concionum fit. Ebrietas iacturâ cæli punitur, ad æternos ignes ablegantur ebriofī. Idcirco Christus tam sollicitè monens: Attendite vobis, inquit, ne fortè graventur corda vestra in crapulâ & ebrietate. *b* Perinde, si dixisset: Pater meus sobrietatis legem capite sanxit. Attendite; transgressionem legis brevissimam supplicium excipit æternum: Ebriofī regnum Dei non possidebunt.

Quærit Ambrosius, cur Deus Israëlī populo, non vinum scaturire iusserit è petrâ, quæ facilitate ac sumptibus iisdem præstâtissimum fudisset nectar. si Deus annuisset. Sed providentissimus Deus non ebrium, sed sobrium sibi populum conservare voluit. Oblato vino ingurgitassent sese, saltassent, in omne genus nequitiarum degenerassent. In officio contineri non poterant, dum aquam bibebant; vini flamma in omnia eos scelera egisset. Quod Basilius egregiè testatus: Ebrietas, inquit, malitiæ mater, virtutis inimica, iustitiam ignorat, prudentiam extinguit. *c*

II. Ebrietas, optimum quod habet homo, rationem adimit, facitque hominem belluam, & belluâ terriorem. Nullæ pecudes ultra sitim bibunt, cum sitim exinverunt, à nemine ad bibendum se cogi ferunt. At homo jam satur & ebrius bibit, & seipsum,

M 2

seipsum,

a I. Cor. c. 6 v. 10. *b* Luc. c. 21. v. 34.

c Basilius, hom. in Ebrietas.

seipsum, ut bibat, stultissimè cogit. Hic quaestio sit, quandònam in bibendo noxae letalis fiat initium? Ajunt Theologi: Cùm notat quis vino se gravari, & esse periculum, ne largiùs bibendo inebrietur, & tamen bibit, mortifero se crimini exponit. Hoc peccati principium etiàm si post unam alteramve horam, ebrietatis sequatur complementum. Oseas clamat: Fornicatio & vinum, & ebrietas auferunt cor. *a*

Nox & amor, vinumque nihil moderabile suadent. b

Tiberius Cæsar Attilio Butæ viro pratorio cùm is ad inopiam per luxum & temulentiam esset redactus, falsè obijciens: Serò, inquit, experrectus es. Excordes vivunt imò non vivunt, sed vitiosè dormiunt, aut mortui sunt, qui vino se mergere confuerunt. Ideo vociferatur Joël: Expergiscimini ebrii, & flete, & ululate omnes, qui bibitis vinum in dulcedine; *c* quoniam periit ab ore vestro. *d* Bernardus hinc paucis multa complexus: Ebrietas, inquit, ita alienat mentem, ut homo nesciat seipsum. Ebrietas mortale crimen est. Ebrietas ejicit hominem è paradiso, è regno Dei. Ebrietas demergit hominem in infernum. Multi per ebrietatem à dæmonibus capti sunt, nec est aliud Ebrietas, quàm manifestissimus dæmon. *e* Vinum & ebrietas auferunt cor, rationem sepeliunt.

III. Ebrietas

- a* Osee c. 4. v. 4. *b* Ovid. l. 1. de Arte.
c In dulcedine, non in necessitate, sed in delectatione. *d* Joël c. 1. v. 5.
e Bern. l. de modo bene viv. c. 25. m. p. 1656.

§. II.

III. Ebrietatem semper angue pejus & cane oderunt omnes Nuninis amici, omnes imò amantes recti ac honesti Anna Samuelis mater vinum nunquam bibit, Magdalena & Martha post Christi in cælos reditum vino, ut fertur, omni abstinerunt. Hoc virorum plurimi, quos alibi a laudamus, abstinentiâ laudabili præstiterunt. De seipso Salomon: Cogitavi in corde meo, inquit, abstrahere à vino carnem meam, *b* Quod ille cogitavit facere, hoc tot centena alii fecerunt, non necessitate, sed virtute omnis vini abstemii. Noverant ii blandimenta noxia & vim hujus potûs. Sed non agitur, ut omne poculum vinarium manibus excutiat, sed ut intemperantia caveatur, quæ licitum vini usum turpissimè corrumpit. Lacedæmonii servos obruerunt vino, & flagellis admoverunt sub oculis filiorum. His indecoros gestus ab ebriis editos monstrarunt, ut eos tantò facilius ab omni ebrietate absterrent. Laudatissimus Aragonum rex Alphonsus interrogatus, cur adeò ebrietatem & ebrios odisset: Quia scio, ajebat, Furorem & Libidinem Ebrietatis esse filias. Romanus Sapiens Annæus: Quàm turpe, inquit, plus sibi ingerere, quàm capiat, & stomachi sui non nosse mensuram! quàm multa ebrii faciunt, de quibus sobrii erubescunt. Nihil aliud est ebrietas, quàm voluntaria insania. Extende

M 3

in

a In Pharmaco Pharmacorum. l. 1. c. 3.
 §. 1. & 2 b Eccles. c. 3. v. 3.

in plures dies illum ebrii habitum, numquid de furore dubitabis? Nunc quoque non est minor, sed brevior. Alexander Macedo Clitum carissimum sibi ac fidelissimum inter epulas transfodit: & intellecto facinore, mori voluit, certè meruit. *a*

I V. Crumena, Valetudini, Fama nocumentum infert maximum. Ebrietas. *Crumena*. Locupletissimus testis Salomon: Qui diligit epulas, inquit, in egestate erit; qui amat vinum & pinguis, non ditabitur. *b* Homo bibulus pecunias suas perforato sacculo commendat. Quod Aggæus vates dixit: Qui merces congregavit, misit eas in sacculum pertusum. *c* Quàm multi uxore ac liberis esurientibus, ipsi in tabernis potitant, & lucellum omne gulâ profundâ obli-guriunt. Hoc pro fusus est nummos in sacculum pertusum mittere. At ego, inquis, gratis bibo; aliis me adjungo. *d* Sed illi alii, num & ipsi gratis bibunt? Non ra: è dominis suis furantur, aut suis familiis, ut dixi, subtrahunt. Cùm morbus, aut senectus adest, nummarius omne præsidium deest. Miseri, ter miseri, nisi ope alienâ sublevantur. Crumenas exhaurit Ebrietas. Sed & Valetudinem hoc idem vitium rapit. Res certissima Sira-cida oraculo: Propter crapulam multi obierunt, qui autem abstinens est, adjiciet vitam. *e* Quot millia singulis hebdomadibus

hoc

a Seneca epist. 83. mihi pag. 548.

b Prov. c. 21. v. 17. *c* Aggæus c. 1. v. 6.

d Ich schlag mich zu.

e Eccli. c. 37. v. 34.

hoc
tur,
ebri
mus
ac m
pen
effu
præ
na, p
do p
die e
nium
se ita
semp
Quo
mun
ras v
do a
rint.
mini
lam
plan
rante
velu
dore
scit
cùm
crud
vino
crud
ince
ipsâ
tem

hoc fati genere cadunt & tumulo merguntur, ante toties merfi vino? Plinius secundus ebrietati, & ebriis jure merito infensissimus: Solem orientem, inquit, non vident, ac minùs diu vivunt Hinc pallor & genæ pendulæ, oculorum ulcera, tremulæ manus, effundentes plena vasa, & (quæ sit pœna præsens) furiales somni, & inquietas nocturna, præmiùmque summum ebrietatis libido portentosa, ac jucundum nefas. Posterâ die ex ore halitus fædi, ac ferè rerum omnium oblivio mórisque memoriæ, Rapere se ita vitam prædicant, cùm priorem diem semper perdant, imò verò & venientem. Quod addit verissimum: Nullâ in parte mundi cessat ebrietas. Nam & hæc necessitas vitium comitatur, ut bibendi consuetudo augeat aviditatem. Quantò plus biberint, tantò plus sitiunt. a Ebrietatem non minùs Seneca detestatus: Adjice, inquit, illam ignorationem sui, dubia & parum explanata verba, incertos oculos, gradum errantem, vertiginē, capitis, testa ipsa mobilia, velut aliquo turbine circumagente totam domum; stomachi tormenta cùm efferuisse merum, ac viscera ipsa distendit, Quid cùm somno vitiatur, & quæ ebrietas fuit, cruditas facta est. Inde pallor & nervorum vino madentium tremor, & miserabilior ex cruditatibus, quàm ex fame macies: inde incerti labantium pedes, & semper qualis in ipsâ ebrietate titubatio: inde in totam cutem humor admissus, distentusque venter,

M 4

dum,

a Plin. l. 14. Nat. hist. c. 22.

dum malè affueſcit plus capere, quàm poterat: inde ſuffuſio luridæ bilis, & decolor vultus, tabèſque in ſe putreſcentium, & reſorti digiti articulis obrigeſcentibus, nervorum ſine ſenſu jacentium torpor, aut palpitatio ſine intermiſſione vibrantium. Quid capitis vertigines dicam? quid oculorum, auriumque tormenta, & cerebri æſtuantis verminationes, & omnia, per quæ exoneramur, internis ulceribus affecta? Innumerabilia præterea febrium genera, aliarum impetu levientium, aliarum tenui peſte repentium, aliarum cum horrore, & multâ membrorum quaſſatione venientium? Quid alios referam innumerabiles morbos, ſupplicia luxuriæ? *a* Alexandrum Macedonem tot itinera, tot prælia, tot hiemes, per quas, victâ temporum, locorumque difficultate, tranſieſat, tot flumina ex ignoto cadentia, tot maria tutum dimiſerunt, intemperantia bibendi, & ille Herculeus ac fatalis ſciptus *b* condidit. *c* Hunc Athenæo teſte, bis exhaustis, & concidit; aliquot dieſ decubuit, & obiit. *d* Auguſtinus in ebrietatem & ebrios ſapius excandescens: ô ebrietas, ait, nunquid non cuncta membra debilitas, nunquid non mortem acceleras? *e* Et valetudinem

a Senec. epiſt. 95. mihi. pag. 599. poſt med.

b Der Wiſtkumb hat ihn in Grub bracht. Biongius erat, hält 6. Maß.

c Sen. epiſt. 83 & epiſt. 95.

d Athen. l. 1 Dypnoſophn. & 12.

e Auguſt. rom. 10. ſerm. 31, ad fratres in aremo, mihi pag. 731.

tudinem & vitam rapit ebrietas, Nec *Fama* parcit, quam inficit & extinguit, Grande mirum, nemo se contemni patitur, & tamen homine potulento contemptibilior nemo est. Quoties sermones isti obambulant? Bonus homo, vir bonus, bonus dominus, sed cum ebrius est, stultus, insanus; amator fordidus, obscœnus, prodigus, tyrannus, turpissimus homo est, in quem Plautinum illud ex affe conveniat: Neque perjurior, neque pejor alter usquam est gentium, neque tam luteus, neque tam cœno pollutus, quàm herus meus est. Ita laus omnis perit, quisquis sit. Si de belli duce cetera cordato, & qui sese præclarè gesserit, sit sermo, si ejus encomiis addatur, *Bibit*, jam omnia conciderunt encomia. Si de famulo aulicò fiat mentio, dicaturque sedulus, comis, urbanus, intelligens, doctus: si tamen adjiciatur, *Bibit*, jam elogium omne evanuit; à nemine magni fit, nec à suis dominis, tanquam homo minimè frugi, amatur. Profectò notam nimis luculentam gerit inustam, hac maculà quisquis affectus est. Lauda, quantum velis, si addis: At bibulus est, jam laudem omnem corrupisti. Homo potulentus & calicum traho, pluribus necessariò vitiiis obnoxius. Ebrietas nusquam incedit sola; catervam secum trahit scelerè agminis, quod jam dicemus.

§. III.

V. Vitiorum omnium mater, & caussa
Ebrietas, Effatum hoc Augustinus testimonio

nis clarissimis firmans: Ebrietas, inquit,
 malorum mater, omnis luxuriæ soror. ^a Sed
 non opus hîc testibus; res ipsa loquitur.
 Annæus, quem dixi, philosophus verissimè
 pronuntiavit. Omne vitium ebrietas incendit,
 & detegit. Obstantem malis conatibus
 verecundiam removet. Plures enim pu-
 dore peccandi, quàm bonâ voluntate pro-
 hibitis abstinent. Ubi possedit animam ni-
 mia vis vini, quidquid mali latebat, emer-
 git. Tunc libidinosus cupiditatibus suis,
 quantum perierint, sine dilatione permittit,
 tunc impudicus morbam profitetur ac pu-
 blicat, tunc petulans non linguam, non
 manum continet. Crescit insolenti super-
 bia, crudelitas sævo, malignitas livido: omne
 vitium detegitur & prodit. Cogita quas
 clades ediderit publica ebrietas. Hæc, acerrimas
 gentes, bellicosasque hostibus tradidit;
 hæc multorum annorum pertinaci bello
 defensa mœnia patefecit; hæc invictos acie,
 mero domuit. Non est animus in suâ pote-
 state, ebrietate devinctus. Quemadmodum
 multo dolia ipsa rumpuntur, & omne, quod
 in imo jacer, in summam partem vis caloris
 ejetat: sic vino exastuante, quidquid in
 imo jacet abditum, effertur & prodit in
 medium. Onerati mero, quemadmodum
 non continent cibum, vino redundante,
 ita ne secretam quidem, quod suum alien-
 nūque est, pariter effundunt. Quæ autem
 gloria est (ô Christiani) multum vini cape-
 re?

^a Aug. tom. 10. serm. 33. ad fratres in
 eremâ, mihi pag. 731.

re? Cùm penes te palma fuerit, & propinationes tuas fratri somno ac vomitantes recusaverint, cùm superstes toti convivio fueris, cùm omnes viceris virtute magnificâ, & nemo meri tam capax fuerit; vincêris à dolio. M. Antonium, magnum virum, & ingenii nobilis, quæ alia res perdidit, & in exteros mores ac vitia trajecit, quàm ebrietas? Hæc illum res hostem reipublicæ, hæc hostibus suis imparem reddidit, hæc crudelium fecit. Ferè vinolentiam sequitur crudelitas, violatur enim, exasperaturque sanitas mentis. 4 Ebrietas omnium vitiorum secunda parens. Hoc ipsum Plinius deplorans: Tanto labore, inquit, & impendio constat, quod hominis mentem mutet, ac furorem gignat, millibus scelerum huic deditis tantâ dulcedine, ut magna pars non aliud vitæ præmium intelligat. Jam verò quæ vasa adulteriis celata? tanquam per se parum doceat libidines temulentia. Ita vitia ex libidine hauriuntur, atque etiam præmio invitatur ebrietas. Tunc avidi matronam oculi licentur, tunc animi secreta proferuntur; alii mortifera loquuntur, rediturâsque per jugulum voces non continent, quàm multis ita interemptis. Sed et si fileant hi testes, unus Bernardus locumille testium: Ebrietas, inquit, corpus debilitat, animam illaqueat. Ebrietas generat perturbationem mentis, ebrietas auget furorem cordis, ebrietas nutrit flammam fornicationis. Ebrietas inter homicidia,

M 6

&

a Seneca epist. 83.

& adulteria, & fornicationes reputatur, *a*

Interrogat Christus à malo dæmone infessum: Quod tibi nomen est? Cui promptè dæmon: Legio, inquit, mihi nomen est, quia multi sumus. *b* Idem de se dixerit Ebrietas: Mihi nomen est Legio, innumeros mecum traho comites; omne vitiorum agmen me unam comitatur. Hominem cetera non malum dæmon importunissimis, ut solet, illecebris obtundens: Aut vicini conjugem, ajebar, in tuos amores pertrahe, aut ipsum occide, aut meliuscule bibe, ac vino te ad jucundam ebrietatem merge; nec enim à me quietem impetrabis ullam, dum aliquid horum audeas. Diutissimè resistit illecebroso serpenti religiosus homo. Tandem ebrietati, malo dulci succumbens, & feminam corrumpit, & feminæ maritum sustulit, scelera: o prorsus compendio. Sed isto magis tragicum è cathedrâ singulari oratione percensuit Augustinus. Atque ut omnes id probè caperent, universum urbis Hipponis populum in concionem ad hoc unum audiendum cogi voluit. Hæc præsul sanctissimus pro suggestu dixit: Ecce Cyrillus civis vester filiū habebat, ut nostis, unicum, quem perditè diligebat, & idcirco à vitiis minimè coërcebat. Filius hac patris indulgentiâ pessimè usus, ruebat in omne genus scelerum. Jam nota vobis recito. Sed non refert, recensissimè facta publicè narrare non erubesco, ut sit in omnem vitam, quod

a Bern. l. de modo bene vivendi, ser. 25. mihi pag. 1655. b Marci c. 5. v. 9.

quod vos à vitiiis, ab ebrietate absterreat. Ille ipse Cyrilli filius hac ipsâ die de vino ebrius matrem gravidam nequiter oppressit, patrem occidit, unam sororum vitare voluit, duas mortiferè vulneravit. *a* Hæc ebrietatis pulchra sunt stratagemata. O Ebrietas verè omnium malorum mater!

Hic quadrigis albis diabolus invehitur, & triumphat, ubi hominem ad crebriorem Ebrietatem tot scelerum epitomen adegerit. Quod Ambrosius sapienter advertens: Diversa, inquit, singulis peccatoribus mala eveniunt, temulentis omnia *b* Hoc certum: Qui sacrificat Baccho, sacrificat & Veneri: Et quæso, éstne in Orbe, aut fuitne aliquis obnoxius temulentia, qui obnoxius non esset luxuria? Vinolentia & luxuria parè plerunque passa incedunt, sorores sibi conjunctissimæ. Apertissimè Salomon: Luxuriosa res vinum, & tumultuosa ebrietas: quicumque his delectatur, non erit sapiens. *c* Plato epistolâ, quam ad Dionis propinquos dedit: In vitâ parum sobriâ, inquit, nemo unquam sapiens, multò minus moderatus: addo, multò minus castus efficitur. Castus & Ebriosus, niger cygnus, corvus candidus. Idcirco Paulus monitor fidelissimus: Nolite, inquit, inebriari vino, in quo est luxuria. *d* Crapula impudicitiam, sordes, omnis generis spurcitiâ secum vehit.

a Aug. tom. 10. serm. 33. ad fratres in eremo, mihi pag. 731.

b Ambros. l. I. de Isaac & animâ, c. 5.

c Prov. c. 20. v. 1. *d* Ephes. 6. 5. v. 18.

vehit. Quod Hieronymus candidè, ac nervosè adstruens: Ubicumque, ait, saturitas & ebrietas, ibi libido dominatur. Nunquam ego ebrium patabo castum, qui etsi vino confopitus dormiverit, tamen potuit peccare per vinum. Venter mero æstuans desumat in libidinem. Dicat quisque, quod volet, ego loquor conscientiam meam: Scio mihi abstinentiam & nocuisse intermissam, & profuisse repetitam. *a* Heu Lothum, non vicit Sodoma, sed vicerunt vina. Omnia vitia Ebrietas incendit, omnium primò luxuriam: deinde rixas, altercationes, discordias, pugnas, cades. Hinc Bromio rectè appinguntur cornua. Alciati metrum est:

*Tympana non manibus, capiti non cornua
desunt.*

Quod Salomon luculenter exprimens: Cui vix, inquit, cujus patri vix? cui rixæ? cui foveæ? cui sine causâ vulnera? cui suffusio oculorum? Nonne his, qui commorantur in vino, & student calicibus epotandis? Ne intuearis vinum, quando flavescit, cum splenduerit in vitro color ejus: ingreditur blandè, sed in novissimo mordebit ut coluber, & sicut regulus venena diffundet. *a* Hoc ipsum Augustinus contentissimè crebrius inculcans: Majora, inquit, pocula providentur, certâ bibendi lege contenditur, qui poterit vincere, laudem meretur ex crimine. Inde lites & rixæ nascuntur, inde diversis & hor-

rendis
*a Hieron in c. 1. ad Titum v. 7. & epist. 83.
ad Oceanum.*

b Prov. c. 23. v. 39. & seqq.

rendis saltationibus membra torquentur: inde adulteria & nonnunquam homicidia perpetrantur. Et quoties nimium potum accipiunt, tanquam in paralyfin resoluti, suis pedibus ambulare non possunt. Hinc oculorum caligo, vertigo, fatigatio & dolor capitis, suffusio vultus, membrorum omnium tremor, animæ ac mentis stupor. In talibus impletur, quod scriptum est: Cui vix, cui iræ, cui rixæ? &c. Nonne his, qui morantur in vino, & eis, qui investigant, ubi potus sunt, a & student calicibus epotandis. b

a *Augustini verba.*

b *Aug. tom. 10. serm. 231. mihi pag. 176.*

§. IV.

VI. Ebrietas vitium est inter omnia omnino vitia periculosissimum. Atque hoc huic uni vitio proprium est, in periculum certum ac inevitabile mortis æternæ conjicere. In aliorum vitiorum usu, cum mors adest, ingemiscimus, & de noxis dolemus: homo ebrius nec poenitentia, nec sacramentorum capax, nihil ad Deum suspirii mittit, nihil doloris de peccatis concipit. Truncus est, saxum est, rationis jam expertus veluti brutum animal est. Quam autem ista sunt frequentia? Gravedines & distillationes subite, apoplexia, & nervorum sideratio, lapsus ex equo, aut curru, præcipitium per scalas, repentina vulnera, ænearum fistularum glandes, mors præpropera, subitanea.

Quid

Quid hęc faciat ebrius? Ad Deum se vertat, de noxis doleat, veniam poscat? sui & mentis impos est. Hęc nulli penitus bonæ, seriæque cogitationi locus. Ita ebrietas letale crimen, licet absint alia omnia, hunc hominem tradit morti, mors cacodæmoni æternis ignibus torquendum. Hęc vitæ ratio est. Idcirco Christus toties, tam contentè monet: Videte, vigilate: & orate; nescitis enim, quando tempus sit. Vigilare ergo, nescitis enim, quando Dominus domus veniat, serò an mediâ nocte, an galli cantu, an manè, ne cùm venerit repentè, inueniat vos dormientes. Quod autem vobis dico, omnibus dico, Vigilare, *a* Quis autem minùs vigilat, quis magis dormit, quis magis veterino impio sepultus quàm ebrius? Perit, & quidem æternùm perit, si repentè veniat Dominus, & inueniat non tantùm dormientem, sed ita mortiferè dormientem, ut excitari non possit ad ullam pœnitentiæ vigiliam. Vitiorum omnium longè periculosissimum Ebrietas. Eam ob causam excitat & hortatur Petrus: Sobrii estote, & vigilate, quia adversarius vester diabolus tanquam leo rugiens circuit quærens, quem devoret. *b* Ad eandem vigilantiam Paulus severissimis minis excitans: Manifesta sunt, inquit, opera carnis &c, homicidia, ebrietates, comestationes, & his similia, quæ prædico vobis, sicut prædixi, quoniam, qui talia agunt, regnum Dei non consequentur. *c*

VII. Deus

a Marcic. 13. v. 33. & seqq.*b* 1. Pet. c. 5. v. 8. *c* Galat. c. 5. v. 21.

VII. Deus etiam in hoc Orbe gravibus suppliciis ebrietatem affecit. Jam olim minatus Isaias: Væ, inquit, qui potentes estis ad bibendum vinum, & viri fortes ad miscendam ebrietatem; tanquam ad perdenda vina geniti, & tanquam illa effundi non possint, nisi per humanum corpus. Atque utinam, ait Augustinus, potum tantum modo perderent, & non etiam ipsi perirent. Lottus Dei amicissimus ab illecebris Sodomæ invictus, ad incestum geminum ab ebrietate impulsus est. Noëms post rotenturias annorum ebrius à suomet filio irrisus est. Samson mero gravis, à Dalilâ hostibus est objectus. Temulentus Holofernes non victoriam tantum & exercitum, sed & caput suum perdidit. Liberi Job dum poculis, & conviviiis vacant, ruinâ domûs sepeliuntur. Herodes vino madens Joanni Baptistæ caput auferri jubet. Purpuratus heluo quotidianis epulis saginatus apud inferos sepultus à Lazaro nec guttulam aquæ impetrat. Ultimus Babyloniorum rex Bathasar, dum convivatur, & mero se onerat, ad parietem manum scribentem cernit, proximâ nocte & regnum & vitam amittit. Ebrius, jam sui compos factus, hæc tria solum verbula sapius expendat, *Mane*, dies vitæ tuæ numerati, & decurtati sunt. *Thecel*, appensus es in staterâ, inventus es sobrietatis minus habens. *Phares*, divideretur regnum tuum; corpus toties vino repletum, vermibus; animus in pradam cedit dæmonibus. Ergo, attendite vobis, ne graventur corda

corda vestra crapulâ & ebrietate. Ebriosi regnum Dei non possidebunt: Sed quid hic remedii? In verba conferam paucissima.

§. V.

1. Fel & acetum in theatro crucis Christo propinatum sæpius expendendum, iis maxime, qui vino solent madere. 2. Et quanta innumerabilium hominum, quorum aliquos etiam ipsi novimus, fuit abstinencia, qui vino se nunquam obruerunt. Idem de plurimis aliis affirmare licet: nec iste, neque hic, nec ille, mero se unquam onerat; & ego solus homo spurcus, vini bibulus, & potator sum? 3. Quanti sunt, quibus nec aridus panis in prandium aut cenam est? Tu ergo, qui victu uteris tam commode, datorem agnosce tuum, & beneficium veritas in injuriam datoris & probi. 4. Attende igitur, & vigila, ne per eandem portam diabolus sub vino irrepat, per quam ingreditur Christus sub sacramento. 5. Hæc edendi & bibendi voluptas quanti illi spatii, seu loci & temporis est. Locus vix duorum digitorum: Tempus brevissimum, dum cibus scilicet ac potus hæret in faucibus. Hinc ista qualis qualis voluptas velut somnium evanescit, & tamen sui avidos ad Orcum dejicit. Voluptas bonum pecoris, inquit Annaeus, cui indulgere, initium omnium malorum est. a Chryostomus hominem hujus voluptatis avidum hoc modo interro-

a Seneca epist. 92. & epist. 110.

interrogat: Nunquid voluptatem quaris amice? hanc à frugalitate parabis. Num sanitatem? etiam hanc inde: num securitatem, & sollicitudinis immunitatem? etiam hanc: num animæ sobrietatem? num alacritatem? ita omnia hîc. In crapulâ autem contraria insuavitas, mala valetudo, infirmitas, illiberalitas, sumptus. Unde igitur ad illam eurrimus omnes? inquit. Ab infirmitate. Dic enim mihi, quare nocivum ægrotans inquit, nonne & istuc ipsum signum est ægritudinis? Quare claudus non rectè incidit? istuc ipsum autem nonne ab ignaviâ, & quòd non vult accedere ad medicum? Rerum enim aliæ temporariam voluptatem habent, & perpetuum supplicium: aliæ contra temporarium laborem, & perpetuam fruitione. Qui igitur sic dissolutus & ignavus, ita ut præsentis delicias præ futuris non contemnat, statim capitur. 4. Voluptas ergo maxima, voluptatis victoria. 6. Vinolentus in ediam, famemque Lazari, sed & sinum Abrahami sæpe cogitet; unâ etiam opulenti epulonis hîc lautâ mensam, & illic apud inferos æternam abstinentiam cû animo suo expendat. Quid post omnes delicias & voluptates remanet nisi vacua crumena, effatum ac morbidû corpus, imminuta & deturpata fama, læsa & desperata conscientia. Hoc autem unum tibi manet, quod tibi subtraxeris. Gulam & ebrietatem vicisse, solatium suavissimû. 7. Sed, inquis, hujus Domini aut

fautoris

a Chrys. tom. 3. in c. 13. *Actuum Apostol. hom. 27. m. l. pag. 533.*

fautoris magni, aut principis tanti gratiam amitto, nisi bibo, & ultra necessitatem bibo. Solent ebriosi, ait Augustinus; ita se excusare, ut dicant, Persona potens me cœgit, ut amplius bibam, & in convivio regis non potui aliud facere. Ad excusandas excusationes ista in peccatis prætendimus. Quid autem hac in re faciendum? continuò subjungens Augustinus. Etiam si, ait, ad hoc veniretur, ut tibi diceretur, Aut bibas, aut morieris: Melius erat, ut caro tua sobria occideretur, quàm per ebrietatem anima moreretur. ^a Imò illa plerunque obijciuntur falsò. Nam illi tales domini, quia prudentes & Christiani, ubi vident virili ac constanti animo potum nimium & ebrietatem repudiari, etiam si indignationis aliquid ostendant, postea tamen tacite admirantur & laudant, & secum ipsis non sine profectu reputant: quantis cum illo egimus, quot illum minis ac terroribus fatigavimus, & tamen à sobrietate abducere nequimus. Subjungens Augustinus: Nam & Deus, inquit, qui te videt per ejus amorem inebriari non velle, ipse tibi gratiam etiam illorum dabit, qui te, ut amplius biberes, videbantur hortari & cogere. ^b

Hæc à se dicta conceptissimis verbis Augustinus confirmans: Tolerabilius est, inquit, in carne mori, quàm per ebrietatem in animam interfici. Non sit tibi amicus, qui te Deo vult facere inimicum, qui & tuus, & suus

^a Aug. tom. 10. serm. 232. de Tempore, mihi pag. 377. ^b Idem loco cit.

suus
veris,
Deum
ra, si ju
ebriosi
huma
ebriosi
tet cor
bus pe
lant d
luxuri
paupe
Quod
cistis,
brian
aut pa
pro ist
die ju
missis
ebriet
dicare
vum
pro ig
rit, cu
non es
na c
gnum
niat
ebriet
nung
super
diem
ebrie
quia

suus est inimicus. Si & te & alium inebria-
 veris, habebis hominem amicum, habebis
 Deum inimicum. Et ideo sapienter confide-
 ra, si iustum sis, ut te à Deo separe, dum te
 ebrioso jungis. O infelicitas generis
 humani, quàm multi inveniuntur, qui
 ebriosos & luxuriosos amplius, quàm opor-
 tet cogunt bibere. & ante ostium pauperi-
 bus perentibus vel unum calicem diffin-
 dunt dare; nec attendunt, quia illud, quod
 luxuriosis videntur ingerere, Christus in
 pauperibus deberet accipere, qui dixit:
 Quod fecistis uni ex minimis meis, mihi fe-
 cistis. Ideò autem tantà infelicitate se inebriant
 homines, quia putant ebrietatem,
 aut parvum, aut nullum peccatum esse. Sed
 pro istà ignorantia maximè Sacerdotes in
 die iudicii reddituri sunt rationem, si com-
 missis sibi populis, quæ, vel quanta mala de
 ebrietate nascuntur, assidue noluerint præ-
 dicare. Qui ergo credit ebrietatem esse par-
 vum peccatum, si se non emendaverit, &
 pro ipsâ ebrietate pœnitentiam non egerit,
 cum adulteris & homicidis (*hæc, quæ so,
 non effluant*) æterna sine remedio illum pœ-
 na cruciabit, secundùm illud: Ebriosi re-
 gnum Dei non possidebunt. Et ideo definiat
 ac deliberet unusquisque apud se,
 ebrietatem grave esse peccatum, & tunc aut
 nunquam aut difficile eum ebrietas poterit
 superare. Et ideo rogo, & per tremendum
 diem iudicii adjuro, ut quantum potestis,
 ebrietatis malum, auxiliante Deo, fugiatis,
 quia etiamsi reliqua peccata Christiani non
 admittant,

admittant, sola eos, si frequens fuerit ebrietas, & emendatio ac pœnitentia non subvenerit, in inferni profunda præcipitat. Luxuriosa res vinum. *a* Chrystomus dicta omnia velut compendio complexus. Ubi ebrietas, inquit, ibi diabolus. *b* Ebrietas maiorum omnium mater. Ebriosi regnum Dei non possidebunt.

a *Idem loco cit. & priori serm. 231.*

b *Chryf. hom. 57. ad pop.*

C A P V T V.

*Tobias senior ob moram filii red-
cis vehementer anxius.*

CVM Tobias junior ob conjugium recens initum, atque celebratas nuptias, & ob Raguelis preces validissimas aliquantulum moraretur, hinc serius susciperet iter, eamq; ob causam statim tempore domi non esset, parentes mœsti ac solliciti absentiam filii luctu non levi deplorarunt. Mœrorem Pater non dissimulâs. Quare, inquit, moratur filius meus, aut quare derentus est ibi? Putâsne Gabelus mortuus est, & nemo reddet illi pecuniam? Cœpit autem contristari nimis, & Anna uxor ejus cum eo; & cœperunt ambo simul flere. eò quòd die statim minimè reverteretur filius eorum ad eos. *a* Hic anxia in adversis sollicitudo non nihil erudienda, mala trepidatio

a *Tob. c. 2. v. 1. & seqq.*

in improspertis corrigenda, erigendus animus ad providentiam divinam in omni eventu considerandam.

§. I.

Si res ad vivum revocanda, & origo nostrarum pæne omnium miseriarum scrutanda sit, eam esse comperiemus, quod divinam providentiam reverà non satis capiamus. Hinc vanæ sollicitudines, vani metus, inanis luctus, & plurima perturbatio. Adversa gravius sentire, nil ex se mali. Hoc humanum est, quod à nobis alienum non putemus; sed turbari fluctuare, angî, animi discruciarî, id verò laudem non habet, hoc denique vitiosum est. Istius mali origo, divinæ providentiæ est ignoratio. Huc igitur & oculos & mentem advertite Christiani, ad divinam providentiam digitorum intendo.

Divinæ providentiæ ita omnia sunt subiecta, ut nihil penitus nec minimum quidem ulli hominum evenire possit, quod providentiâ divinâ non præviderit, aut noluerit, aut malè permiserit. Invirâ vel nesciente Dei providentiâ neminem vel cattellus allatrat, nec musca tangit, nec culex mordet. Quod si hæc etiam minutissima divinæ providentiæ decreto fiant, utique graviora illa, nempe ab homine objurgari, lædi, vulnerari (infinita talia conglomerentur) absque decreto ejusdem providentiæ non fient. Nil rerû usquam fit, quod non ab omni æternitate Deus futurum præviderit, & ita
 prout

prout fit, fieri voluerit, unicum si demam peccatum, quod permittit fieri, ipsa permissio in nostrum tendit emolumentum. Melius enim iudicavit Deus, Augustino teste, de malis benefacere, quàm mala nulla esse permittere, bene utens bonis malis, & faciens bona de malis, ad faciendos bonos ex malis. *a* Exempli gratiâ: Est, qui me invadat, vituperet, carpat, objurget, laceret verbis mordacissimis. Quid ego hîc faciam? Primum omnium sit, cogitare: Deus, divina providentia hunc hominem in me immisit, hanc plagam Deus, hunc ictum, hoc vulnus tergo meo, & quidem ab æterno, destinavit, *b* voluitque ut me hic homo his modis exagitaret. Atqui, dices, hic homo peccat, dum tale quid patrat. Esto: peccatum Deus non vult, sed permittit, idque in bonum nostrum, atque ita voluntate malâ, voluntate pessimâ velut instrumento utitur ad suos exercendos, ad improbos puniendos & corrigendos. Quâ de re clarissimè Augustinus: Magna opera Domini exquisita in omnes voluntates ejus, inquit, ut miro & ineffabili modo non fiat præter ejus voluntatem: quia non fieret, si non sineret; nec utique nolens sinit sed volens, Nec sineret bono fieri malè, nisi omnipotens etiam de malo facere posset bene. *a*

Hæc

Aug. tom. 9. tract. 112. in Ioan. c. 18. mihi pag. 217.

b Den Straich hat er auff mich gemessen.

c *Aug. tom. 3. Enchirid. ad Laurent. c. 100. mihi pag. 82.*

Hæc
etiam
hinc
ni &
dunt:
& hor
omnia
sunt,
malis
hanc
vidua
egrot
reperi
des a
obolu
citur
nei ju
tem e
hæc m
hæc ta
sunt si
tur; ce
priis a
tur po
inde t
ment
cujus
realis
in Orb
prover

a
b
c P
explic

Hæc centies, hæc millies occentanda, quia etiamnum plurimi ea non cupiunt, atque hinc mœrores, perturbationes, angores vani & mali. Nec enim illud Siracidæ perpendunt: Bona & mala, vita & mors, paupertas & honestas à Deo sunt. *a* Ea profus mala omnia, quæ nos appellamus mala à Deo sunt, & quidem à volente Deo. Subinde malis alienis moti dicimus: Grande malum hanc domum occupavit: Vir mortuus, inops vidua octo liberos habet, è quibus tres ægotant, nec totâ domo vel buccia panis reperienda est. Sed & tempus urget mercedès annuas habitationum solvere, *b* nec obolus in arcâ est. Non solvit in plateas eicitur omnis supellex. Immites consanguinei juvare nolunt, quia cognatâ paupertatem erubescunt. Hinc ista lacrymæ. Atqui hæc mala à Deo sunt omnia. Et plerunque hæc tales arumnæ malè initi matrimonii sunt supplicia. Nam sæpe spreto Deo nubitur; conveniunt ut pecudes, junguntur nuptiis ante nuptias. Non claudo pede sequitur pœna divinæ legis contemptores. Subinde tamen etiam ejusmodi mala experimentum sunt pauperis ac probi hominis, cujus promerita misericordè augment. Quod de malis illis affirmavi, de malis omnibus, quæ in Orbe sunt, affirmo. A Deo mala omnia proveniunt, solum demo peccatum. Ita

N

Deus

a Eccli. c. II. v. 14

b Der Hauszins ist vor der Thür.

c Pœna scilicet, quod in Helioer opio fusissè explicatur.

Deus vult, ut iste sit opulentus, hic egenus; iste sanus, ille ægrotus; hic honoratus, iste abjectus; ita in omnibus sentiendum. Hæc Dei providentia ante oculos assidue obversetur.

Ad rem instruens Paulus: Nihil solliciti sitis, ait, sed in omni oratione, & obsecratione cum gratiarum actione petitiones vestræ innotescant apud Deum. Atqui, ut dictum, hæc ab æterno Deus novit, Nihilominus *innotescant*. Hic diversa quatuor edocemur. 1. Oratio, est animi ad Deum elevatio, quo quidem modo ad Deum accedimus. 2. Petitio est, quâ victum, valetudinem, sapientiam, alias à Deo virtutes poscimus. 3. Gratiarum actio est, quâ nos Deo memores & gratos sistimus ob accepta ab eo beneficia, quæ una res nostras preces plurimum commendat. 4. Obsecratio est, quâ precibus nostris vim & pondus ad impetrandum addimus, quod ipsa Dei bonitas est & promeritorum filii thesaurus infinitus. Hinc preces ita concipimus: Domine JESU, per nativitatem tuam, per baptismum & sanctum jejunium tuum, per crucem & passionem tuam libera nos. Sed quomodo hæc Deo jam omnia scienti *innotescant*? Vult Paulus. 1. Ut Angeli etiam, quid peramus, scient. 2. Assiduitatem & vigilantiam orationis extimulat. 3. Ut causas physicas ad æternam veritatem referamus. Hoc explicans Augustinus: Dicuntur Angeli, ait orationes, & vota nostra offerre Deo, non quia Deum doceant, qui omnia, antequam

ante
nov
con
tum
vel
mini
obru
Deum
& qu
nalis
nam
erga
petit
ration
nam
hom
causa
fiste,
injur
mal
prove
pote
temp
Ita in
stra.
nes
exer
a
mibi
discre

A
no q

Romam movit expilaturus Urbem & ever-
 furus, quod Socrates & Sozemenus me do-
 cent. ^a Vir sanctus magni animi, professio-
 ne monachus regem adiit & rogavit, parce-
 ret urbi & humano sanguini, mala inde in-
 gentia oritura. Cui Alaricus rex, se pænè in-
 virum expeditionem hanc suscepisse. Sed
 esse monitorem latentem, qui animum
 cunctantem urgeat, ac si quotidie hæc auri-
 bus ingerat: Iter capessito, Romam vasta-
 to. Tantæ urbis everfio, malum ingens, ma-
 lum maximum, sed hoc Deus voluit, quia
 voluit his bellorum flammis punire fontes
 ac purgare. Nihilominus è tantis malis plu-
 rimum eliquavit boni, velut pharmacopola
 è floribus pretiosum liquorem. Inter bona
 everfæ urbis numero Augustini duos libros
 de Civitate Dei, grande opus, multoq; no-
 bilissimum, quod pro suo agnoscit sanctissi-
 mus scriptor & fatetur scribendi causfam
 fuisse everfionem Romæ sub Alarico. Atqui
 hoc unicum est è multis bonis tam mise-
 randæ vastationis. Quòd si nihil aliud boni
 everfam Romam sit secutum, nihilominus
 quæstio planè sit, an Reipublicæ Chri-
 stianæ non magis expediat, hoc Augustini
 divino scripto jam posse frui, quàm urbem
 eo tempore non expilari.

Superiores annos in memoriam revoce-
 mus. Ab anno millesimo sexcentesimo tri-
 gesimo secundo ad trigesimum quintum,
 Deus bone, quale triennium fuit, quo Ger-
 nia

^a Socrates l. 7. hist. Eccles. c. 10. Sozo-
 menus l. 2. c. 6.

mania p̄ne omnis in cadaver & miserabile bustum extubuit. Sentimus etiamnum flammās, & ustulationes bellicas, sed utique ex his incendijs Deus plurimum boni collegit, quod supremo die cominus & luculentè spectaturi sumus. Quemadmodum verò Deus, cum urbe totà, cum provinciâ, cum regno, ita prorsus cum quovis homine agit, & sicut mala urbis, provinciæ, regni, universi Orbis, ita mala cujusvis hominis universa à Deo, à divinâ Providentiâ, & Voluntate proveniunt, quæ illa ipsa mala ad unguiculum, ad drachmæ partem minimam, ad granum a dimensa, in hunc ipsum hominem, bono ejus, destinatissimè & ex decreto æterno immittit. Idcirco Paulus: Nihil, ait, solliciti sitis: hæc vos non turbent, supra vos curat providentissimus Deus, & vestra vobis malâ in vestrum usum attemperat. Vos causas physicas ad æternam veritatem referte.

Atque hæc, quæ audimus, quæ legimus, quæ Christiana religio docet, non nistante oculo consideranda, sed eo mentis ardore, ac si præsentem cerneremus Christum Dominum, qui suâ nobis manu amariorem calicem propinet, ac dicat: Sume fili, sume filia, & honori meo, propter me hos amatores exhaurierunt salutem. At nos homunciones queruli & in perniciem nostram stolidè cari nostras hic consideratiunculas opponimus & vociferamur: Quomodo homo

N 3

ille

a Beym Quintim / beym Pfefferkörns
lin/ wie in der Hypotec/ ausgemessen.

ille sanctulus hoc in me aude; non sibi religioni ducit, tam iniquè mecum agere? mea mihi tam dolosâ vi eripere? tantis me incommodis afficere? fas omne temerario insultu proterere? Num hoc æquum & justum? quid à me unquam mali passus est? Quid, obsecro, argutamur miseri? æquum an iniquum, justum an injustum sit, priores læserimus, an lædamur primi. Ad rem non faciunt hæ quæstiunculæ. Hoc quæramus, quid pati nos velit Deus. Si mutare, aut mitigare non possimus, quo premimur, malum, divinam Providentiam & Voluntatem venerabundi agnoscamus; feramus, quod ferre nos vult Deus; exhauriamus, quem propinavit pater, amarum calicem; mala, quæ nos urgent, toleremus sine hæsitatione, sine murmure, sine querimoniis, sine perturbatione, in unam Dei voluntatem animo intentissimi. Ita causas temporales physicas ad æternam voluntatem referamus.

§. III.

E Chrysoftomo quærebant auditores Constantinopoli: Cur permisisset Deus, ab homicidâ scelestissimo Herode tot millia infantum jugulari. Etsi enim, ajebant, ille egit injustè, cur tamen Deus ista permisit? Ad ea Chrysoftomus: Quid igitur, inquit, ad hujusmodi objecta respondeam? Illud profectò, quod semper, & in ecclesiâ, & in domo, & in publico, & omnino ubique inculcare non desino, quòdque à vobis summâ

summâ cum diligentia cupio seruari. Stat enim certa illa, fixaque regula, & una contra omnes hujuscemodi aprissima ac validissima quaestiones. Quænam igitur hæc regula est, quæve ratio? *Quod videlicet, qui ladere velint, multi sint; qui vero ab alio ledatur, omnino nullus.* Et ne in longum vos sententia hujus conturbet ambiguum, rem absolvam. Quidquid illud à quolibet hominum passu fuerimus injuste: aut remissione peccatorum Deus, aut amplioris mercedis retributione compensat. *a* Exemplis dicta confirmemus. Servorum aliquis suo Domino septingentos florenos debet, quos tamen reddere non potest, variè impeditus: nam quædam illi erepta sunt furto, quædam malis artibus & fallaciis adempta; deinde multam satis pecuniam à suis debitoribus habet exigendam, sed nullus ei vel obolum reddit. Hinc servus ille ad suum sese Dominum vertens: *Here, ait, paratissimus sum, omne æs alienum, quo apud te laboro, exactissimè vel ad teruncium dissolvere, & illos septingentos florenos vel hac ipsâ luce reddere. Sed ab aliis ita mecum agitur; mei debitores multa satis apud me nomina contraxerunt, nulla expediunt, isti & isti, & illi, quod meum est, vi etiam eripiunt. Here adjuva. Herus debitores sui famuli & raptores facillimè coërcere, & ad nomina expungenda possèt adigere. Verùm hoc agamus, inquit, verfuram faciamus, &*

N 4

æquemus

a Chryf. tom. 8. hom. 9. in c. 2. Matth. mihi pag. 70.

æquemus rationes; *a* ego tibi florenos septingentos, tu creditas minores pecunias tuis debitoribus condona. Quid obsecro, & à quibus huic seruo nocitum est? Pari modo viri pauperis tugurium ab hoste incenditur. Tota hæc moles ducentis, ad summum trecentis sterit florenis. Vir iste pauper inflammata ædiculâ profugus mendicat, & florenos colligit quingentos reparandæ domui largam prorsus collationem. Quis hostium huic viro nocuit? Profuit ad lucrum.

Ita igitur ratiocinemur, quidquid denique injuriarum ab aliis patiamur. Aut nostra nobis in Deum delicta condonantur; aut si ea non sint tanta (quod longè rarissimum) copiosior in celo merces ob illatas & patienter toleratas injurias reddetur. Hoc nobile compendium non ignorans David: Respice, inquit, inimicos meos, quoniam multiplicati sunt, & odio iniquo oderunt me: Vide humilitatem meam & laborem meum, & dimitte universa delicta mea. *b* Mi Domine, par sit calculorum ratio: Tu mihi, ego meis hostibus dabo veniam.

Ergo erigamus oculos ad divinam Providentiam, quæ omne malum, omnemque peccati pœnam & supplicium destinatione certissimâ

a Wir wöllen Schulden mit Schulden bezahlen. Alles / was du mir schuldig / laß ich abgehn / wann du von deinen Staubigern nichts mehr fordern wilt.

b Ps. 24. v. 18. & 19.

certissimâ ip nos immittit, sed ideò, ut vel contractas à nobis noxas condonet, vel injurias æquanimiter toleratas, aliâve mala patienter accepta in sublimi regno remuneret. Reverà quisquis hoc probe capit, in adversis omnibus, in ærumnis maximis est erectissimus. Obfirmat animum, quem cum Deo jungit: Ruat jam cælum, collabatur Orbis, stabit erectus, qui divinam sibi Providentiam posuerit firmamentum.

CAPUT VI.

Tobias junior Raguelis soceri facultatibus & obsequiis ditatus.

VOluisse quidem Raguel generum suum diutius in suis adibus retinere, viri præsentia mirificè delectatus. Impetrandæ huic moræ pollicebatur certum ad parentes nuntium ablegare, qui cunctationis causas exponeret. At verò Tobias suaviter oblectatus: Ego novi, ait, quia pater meus & mater mea modo dies computant, & cruciatur spiritus eorum in ipsis; Cùmque verbis multis rogaret Raguel Tobiam, & ille eum nullâ ratione velle audire, tradidit ei Saram, & dimidiam partem omnis substantiæ suæ, in pueris, in puellis, in pecudibus, in camelis, & in vaccis, & in pecuniâ multâ & saluum atque gaudentem dimisit eum à se, dicens: Angelus Domini sanctus sit in itinere vestro, perducâtque vos incolumes,

lumes, & inveniatis omnia reſtè circa pa-
rètes veſtros, & videant oculi mei filios ve-
ſtros, priuſquã moriar. *a* Vir fuerit ſanè ho-
neſtus, & animi liberalis ac ſinceri Raguel,
qui cum genero ſuo tam non parcâ manu,
ſed prælargè ac munificè & quidè ex æquo
ſua diſiſerit. Beneficus & liberalis animus
divinæ bonitatis nobiliſſimũ ſimulacrum.
Hic explicandum, quàm obligati ſimus ut
alter alteri adiutorem ſe præbeat, præſidium
ferat, opem porrigat conſiliis, manu, obſe-
quiis, pecuniis, patrociniis, quibuſcunque
demum poterit modis. Alter in alterius bo-
num nati ſumus. Hoc exponemus.

a Tob. c. 10. v. 9. & ſeqq.

ſ. I.

I. Homo facilè obſequioſus & in alios
benignus pulcherrima Numinis eſt effi-
gies; Deo aſſimilatur. Eleganti diſtinctionis
nervo Gregorius Nazianzenus: Nihil, in-
quit, tam divinum habet homo, quàm de
aliis bene mereri. Et ſcimus neminem ſibi
naſci, neque nos nobis tantùm vivere. Idcir-
co Chriſtus toties Patrem divinum mon-
ſtrans: Eſtote ergo vos, inquit, perfecti, ſicut
& pater veſter cæleſtis perfectus eſt. *a* Li-
beraliſſima patris veſtri natura vobis eſt
æmulanda; omnibus benefacit, iſtis etiam
hoſtibus. Suum ſolem aſtrorum regem ne-
mini negat; ſummè miſericors & liberaliſſi-
mus in omnes. Eam etiam ob cauſam Pau-
lus:

a Matth. c. 5. v. 48.

Ius: Nemo, inquit, quod suum est, quærat, sed quod alterius. *a* Cùm verò istud minime quotidiani usus esse comperisset: Omnes, inquit, quæ sua sunt, quærunt. *b* Suum quisque commodum, suam crumenam, suum attendit quæstum, quisque suis adest rebus, nemo alienis. Atqui hoc patriſſare non est; Hoc à patris virtute turpiter est deflectere; ita degeneres filii à parentis ingenio fœdum declinant. Verus Dei filius imago patris cupit omnibus benefacere. Indoles Boni est se diffundere, ac communicare. *c*

II. Angeli hac in re nobis exemplo sunt, qui licet longè nobilioris sint prosapiæ, quàm nos, nihilominus obsequiis omnium nostrum apparent; serviunt & ministrant nobis. Nõne enim omnes sunt administratorii spiritus, in ministerium missi? *d* Non istis vile nimis est, sensili luto sua officia consecrare; non dedignantur nostris crepundiis pervigiles interesse, cùm tamen inde nec minimum quid commodi, vel voluptatis hauriant. Una atque unica Dei Voluntas eos ad ista ducit servitia. Quia sic visum Deo, ideò res nostras vigilantissimè curant. Hæc ipsa, quam explicamus, historia omni admiratione dignissima. Raphaël Angelus, unus ex septem, qui adstant ante Dominum, *e* è primis cæli princeps, sex

N 6

heb-

a I. Cor. c. 10. v. 24.

b Philip. c. 2. v. 21.

c Bonum sui communicativum, paramia nobissima. *d* Hebr. c. 1. v. 14.

e Tob. c. 1. v. 15.

hebdomadibus bajulum & mercenarium agit, iter facit, jumentorū curam gerit, inter servos & mercenarias operas se numerari non refugit, humano ritu comedit, bibit, huc illuc Tobia etiam absente, mitti se finit, Tobiam suum Dominum agnoscit, ad nutum obedit. Verbo; exactissime servit, Angeli profectō non quærunt, quæ sua sunt, nostris commodis non suis inserviunt. Siracides divinæ bonitatis amulator: Respiciate, inquit, quoniam non mihi soli laboravi, sed omnibus exquirentibus disciplinam. Eadem de se genii cælestes dixerint: Non tantum non solis nobis, sed nec nobis quidem laboramus, universus labor nostrer salutis, & bono hominum subservit. O homines non placet imitari exempla tam illustria, tam vicina, tam vobis fructuosa?

III. Raguel vir fidus, liberalis, obsequiosus, æqui amantissimus fuerit necesse est, qui Tobia tradidit dimidiam partem omnis substantiæ suæ; nam præter mancipia & jumenta, grandem pecuniæ acervum in manus consignavit. Id præ inauditum est, scelerum universas opes suas in partes geminas ad æquam bilancem dividere, sibi unam, genero assignare alteram. Quam non suo solum questui vigilavit Raguel? quam istud pacisci nihil habuit iniqui? Admiranda hæc liberalitas, & ingens benefaciendi studium. Tradidit ei dimidiam partem omnis substantiæ suæ, idque sine dilatione, statim, monetam præsentem, ceteraque omnia in manus

ma
facer
quit,
tem
ut pa
eoru
quæ
soli l
ti sur
firma
cere,
laus
Præci
ertar
nem
præst
sim b
trade
na, at
mem
cogn
dem
mut
stūm
ne tr
imp
Iste
Homo
Habe
Soci
mill
rent

a
b

manus consignando. Quod verbis iteratis facer historicus exprimens: De omnibus, inquit, quæ possidebat Raguel, dimidiam partem dedit Tobia, & fecit hanc scripturam, ut pars dimidia, quæ supererat, post obitum eorum, Tobia dominio devenirent. *a* Non quæ sivit Raguel, quod suum erat, non sibi soli laboravit. Ut alter alteri prosumus, nati sumus. Quod Annæus præclarissimè confirmans: Quantulum est, inquit, ei non nocere, cui debeas prodesse? Magna scilicet laus est, si homo mansuetus homini est. Præcipiemus ut naufrago manum porrigat, erranti viam monstret, cum esuriente panem suum dividat. Quando omnia, quæ præstanda sunt, ac vitanda, dicam, cum possim breviter hanc formulam humani officii tradere? Omne hoc, quod vides, quo divina, atque humana conclusa sunt, unum est; membra sumus corporis magni. Natura nos cognatos edidit, cum ex iisdem, & in eadem gigneret. Hæc nobis amorem indidit mutuum, & sociabiles fecit: illa æquum iustumque composuit: ex illius constitutione miserius est nocere, quàm lædi, & illius imperio paratæ sunt ad juvandum manus. Iste versus, & in pectore & in ore sit.

Homo sum, humani nihil à me alienum puto. Habeamus in commune, quod nati sumus. Societas nostra lapidum fornicationi simillima est: quæ casura, nisi invicem obstarent, hoc ipso sustinetur. b

IV. Hæc

a Tob. c. 8. v. 24.

b Seneca epist. 95. mihi pag. 598.

IV. Hæc Dei per Orbem constitutio, hoc decretum est, ut alter alteri succurrat, & adjumentum ferat: eam etiam ob causam uni non concessit omnia, nec enim omnes omnia possumus, ut alter alterius indigeat, uti provinciæ ac regna subsidiis servantur mutuis, prout diversa cælo dona defluunt. Huic Deus provinciæ singulariter præ cæteris frumentum, vinum illi, pecus isti, lanam & pannos alteri, huic fructus arborum, illi thesauros montium metalla, isti divitias hortorum aromata concessit, ut altera provinciæ alteri opem tendat, ab alterâ petat, quod sibi deest. Eâdem hac lege societatem humanam optimus pater voluit coalescere. Hinc uni robor corporis & vires, alteri potentiam & imperium, illi sapiëntiam & ingenium, isti facultates & aurum, alii scientias & artes contulit. Divisiones gratiarum sunt: divisiones ministracionum sunt: divisiones operationum sunt. *a* His utendum non arbitrio & libitu nostro, sed Ecclesiæ ac Reipublicæ bono. Nemo sibi nascitur. Hinc ille vecors & nihili homo non objurgatus tantùm gravissimè, sed & multatus est, qui acceptum à suo Domino talentum argenti defodit humi. Cùmque pecunia commissa, unâ cum ejus lucro repeteretur, pigerrimus nebulo ore promptior, quàm manu: Scio, ajebat, quia homo durus es, metis ubi non seminasti, & congregas, ubi non sparsisti, timens abii, & abscondi talentum tuum in terrâ: ecce habes,

a I. Cor. c. 12. v. 4. & seqq.

habes, quod tuum est. Cui dominus: Nimirum hæc sciebas, inquit, serve male & piger, meamque parsimoniam metuebas, quomodo igitur tam temerarius & nequam esse poteras, ut pecuniam meam otiosam, numos sepelires vacuos, unde jam ad me nec minimum lucelli, nec assis quadrans redit. Nec mihi, nec tibi, sed nec ulli alteri quidquam profuisti. Ergo, heus famuli, tollite ab eo talentum, & date ei, qui habet decem talenta. Et inutilem servum ejicite in tenebras exteriores. *a* Cuique sua sunt talenta; Argentum & aurum mutuam omnes ab illo divite domino accepimus, modò illud occupemus, exerceamus, fenori locemus. Possemus mutuam dare operam, & commodare manum, si vellemus, plurimis occasiones quotidianæ non desunt, officiis & servitiis, præsiidiis & auxiliis alios juvandi. Sed plerunque nemo domi est, cum auxilium subministrandum est. Nos nobis ipsis nascimur. Socordia, tædium, somnolentia, subinde & avaritia vincunt, & omne mutæ opis officium tollunt. Hoc aliud non est, quàm divinam ordinationem omnem eliminare, suis sibi vivere legibus, suo solum marsupio, suis commodis studere, sibi uni & soli prodesse velle. De his severissima exigetur ratio: servus inutilis, qui pecuniam communissam non occupavit, in exteriores tenebras ejicietur.

V. Proborum hominum exemplis ad alternas operas & obsequia mutua provocamus.

a Matth. c. 25. v. 26. & seqq.

camur. Quantas Moses, quod Ambrosius dilaudat, à populo illatas absorbebat contumelias, & cum Dominus insolentes vindicare vellet, se tamen pro populo offerebat frequenter, ut indignationi divinæ plebem subduceret. Quam mihi sermone post injurias appellabat populum, consolabatur in laboribus, delinibat oraculis, fovebat operibus. *a* Vir mitissimus, omnium obsequiis erat intentus. Eandem laudem Mosi tribuens Chrysostomus: Moses, inquit, multa & magna operatus est miracula, sed nullum tam magnum eum fecit, ut beata illa vox, quam ad Deum habuit, cum inquit, Aut mitte eis hanc noxam, aut si non facis, dele me de libro tuo. *b*

Rex David ante regnum, eodem Ambrosio teste, se pro omnibus offerebat, suam cum omnibus æquabat militiam, partiebatur laborem. Non suam, sed Dei gloriam affectabat, non tam præesse, quam prodesse cupiebat. Pascebat oves, non ut suas, sed ut sui domini, non ut herus, sed ut servus à domino, in omnium obsequia constitutus, Zabulon & Nephtali summis præconiis offeruntur, quod, cum indiceretur bellum per prophetidem Deborah contra ducem Sisaram, illi relictis oppidis, in quibus quietos agebant annos, relictis domo & liberis, postpositis viæ commodis ad subsidium Reipublicæ ultro se morti obtulerint.

a Ambros. tom. 5 l. 2. offic. c. 7. m. pag. 476.

b Chrys. tom. 4. hom. 25. in 1. Cor. c. 11. mibi pag. 452.

zint, a Eandem ardui obsequii laudem sibi vindicans Paulus: Græcis ac barbaris, inquit, sapientibus & insipientibus debitor sum, b Nam cum liber essem ex omnibus, omnium me servum feci, ut plures lucrificerem. Factus sum Judæis tanquam Judæus, ut Judæos lucraret: iis, qui sub lege sunt, quasi sub lege essem, ut eos, qui sub lege erant, lucrificerem: iis, qui sine lege erant, tanquam sine lege esse, ut lucrificerem eos, qui sine lege erant. Factus sum infirmis infirmus, ut infirmos lucrificerem, omnibus omnia factus sum, ut omnes facerem salvos, c Hæc autem Paulus, non mentiendo, sed compatiendo, non simulantis astu, sed commiserantis affectu dixit. Hæc, inquit Augustinus, dicuntur compassione misericordiæ, non simulatione fallaciæ, Fit enim tanquam ægrotus, qui ministrat ægrotto, non cum febres habere mentitur, sed cum animo condolentis cogitat, quemadmodum sibi ministrari vellet, si ipse ægrotaret, c Ergo Paulus omnium servus, omnium ultro debitor, officii erga omnes & obsequii plenissimus.

V I. Atque hoc summi est promeriti, sua in omnes, quantum quidem fieri potest, obsequia dispensare, omnibus velle bene ac cupere, auxilium omnibus, quæ licuerit, subministrare. Hoc indolis est divinæ, hoc Deum est æmulari. Hoc actiones omnes

alias

a *Iud. c. 5. v. 18.* b *Rom. c. 1. v. 14.*

c *1. Cor. c. 9. v. 19. & seqq.*

d *Aug. tom. 2. epist. 2. mihi pag. 16.*

alias cum pietate susceptas multum superat. Quod Chrysoſtomus luculentè docens: Hæc, inquit, perfectæ Christianæ religionis regula est, hic certissimus terminus, hoc supremum cacumen, quæ communem omnium comprehendant utilitatem. Nihil enim adeò potest nos Christi imitatores efficere, ut erga proximum cura (observemus, obsecro, has oris aurei voces). Pergit Chrysoſtomus: Licet jejunando, ait, & humi dormiendo corpus maceraveris, nullam autem proximi curam habueris, nihil egregium feceris, sed adhuc longè ab hujusmodi abfueris imitatione. Tu igitur, mi frater, quamvis fame conficiaris, quamvis humi jaceas, quamvis cinerem comedas, quamvis semper lacrymis madeas, sed nihil cuiquam proficias, nihil magnum facis. ^a Ita locupletissimo teste Chrysoſtomo precatiunculis, atque peregrinatiunculis, & nescio quibus devotiunculis aliis omnibus longè anteponenda proximi cura. Nihil agis, si hoc non agis, & tam aliorum studes commodis quam tuis. Asperrima cilicia, rigidissima lectisternia, triduana jejunia, jugiter fluentes lacrymas, prolixas & frequentes vigilias tanti Deus non æstimat, quanti obsequia, quæ alteri ab altero mente sincerâ deferuntur. Hinc illa toties à Paulo inculcata: Omnia vestra in charitate fiant. ^b Super omnia autem, charitatem habere. ^c Finis

^a Chrysoſt. tom. 4. hom. 25. in 1. Cor. 11. mihi pag. 451. ^b 1. Cor. c. 16. v. 14. ^c Coloss. c. 13. v. 14.

nis præcepti est charitas. ^a Sed eam commendat charitatem Paulus, quæ proficitur de corde puro, & conscientiâ bonâ, & fide non fictâ. ^b

Est quædam aulæ charitatis minimè laudanda: Quotidianum est, ut subsidium aliquis & patrocinium petat à Domino è palatinâ familiâ. At verò aulicus, qui rogatur, effugii urbani jam gnarus suavissimè illum à se ablegans: Hoc, inquit, age amicorum optime, & Dominum illum, quem monstro, accede; certa tibi ab illo salus est. Accedit. At iste alter iisdem artibus hunc supplicem à se dimittens: Si quid impetratum cupis, ait, istum, quem dico, Dominum ad; in ipsius manu est te tui voti competentem fieri. Paret, & tertium adit, eadèmq; rogat. Sed tertius easdem strophas callens hominem oratione melleâ priùs delibutum humanissimè amandans: Ego, inquit, non leviter te juvero, si monstrem cujus genua oporteat incerare. Illum è palatinis officiis virum nosti? Novi, ait supplex. Ergo hunc ipsum conveni, & tuam illi causam exponere. Consilii te mei non poenitebit; quod cupis, impetratum auferes. Ita itur ad quartum. Hic ejusdem farinæ ac simulationis, jam eminus odoratur hominem ductari verbis; igitur ore, quàm maximè composito: Quin tu meo pares consilio, inquit, & iritionem non differes. Si tua tibi causa cordi est, dominum illum in illis ædibus habi-

^a 1. Timoth. cap. I. vers. 5.

^b Ibidem.

habitantem saluta, & succinctè, quid velis, explica; patronum senties quem optas. Ita infelix irritò, inani, casso ita a mittitur ad quintum. Ita quintus ad sextum, alii ad alios verbis à se blandissimis amittunt. Omnes rogantur; nemo iuvat. Cujusvis aulicum artificium est, negotio illi civiliter se subducere, & à se in alios atque alios, quòd ingratum, vafre, sed humaniter amoliri. *b* O viri, hac charitas non est de corde puro, nec de conscientia bonâ, sed de fide fictâ. Ita Pilatus Christum vincitum misit ad Herodem Herodes denuò ad Pilatum. Hic cuiusvis est cogitare: Tibi derelictus est pauper (Tibi, Tibi, non aliis) orphano tu eris adjutor. *c*

VII. Hortatur & jubet Salomon: Deriventur fontes tui foràs, & in plateis aquas tuas divide. *d* Non te unum, sed & alios attinge; non tuos solùm oculos, sed & aliorum dignos cense, qui augmentum capiant. Ne, quæso, tibi tam benignus, aliis tam iniquus; ne in alios tam illiberalis, tam largus, in teipsum sis; ne, obsecro, tuis omnia commodis metiaris. Foràs deriva fontes tuos, foràs, ut & alii ex illis hauriant. Quot tibi vis fieri ab aliis; hoc tu aliis facito. Vis alios in te benignos, faciles, promptos, obsequibiles,

a Man schickt ihn vmb die Hoffscheer/ und in Aprilen; muesß etlich Narrengång thun.

b Sein hüpschlich den Kopff auß der Schlingen ziehen.

c Ps. 9, v. 34. *d* Prov. c. 5. v. 16.

sequibiles, parati esse auxilii? & tu talis in alios esto. Revera hac unâ in re sapius gravissimè delinquimus, cum aded restricti, difficiles, cunctabundi, inofficiosi, adjumenti tam parci, & lenti sumus. Jure meritissimo permittit Deus, ut tandem & ipsi hæreamus in luto, & nemo sit, qui manum porrigat, qui extrahere velit, qui suppetias ferat. Hic illud rectè occinitur: Recordare fili, quod idem aliis feceris. Subinde charitas, subinde ipsa etiam justitia nos obligat subsidio venire; non raro neutrum curamus. Talentis à Deo concessis non caremus, intelligentiâ, auctoritate, scientiâ, opibus pollemus, & non juvamus cum postulat opportunitas. Solent nonnunquam rusticorum avarissimi cum multi peregrinorum transeunt, fontes occludere, & publici usus elementum negare, qui cupit aquam, porrigat pecuniam; nemo bibit, qui potum non emit; dignissimi prorsus hi barbari, qui siti moriantur. Ita nos quandoque agimus inter nos, opellas mutuas, vel leviter molestas abnuimus: qui poscit, obsequium emat; qui gratis gratificetur gratiam, nemo est. Tinnulæ rationes plurimum habent virium ad persuadendum. ^a Non est indolis divinæ nemini precario auxiliari velle. Idem Dominus omnium, dives in omnes. ^b Dives tantum? Liberalissimus in omnes. Hoc patris divini mores sapit, operam,

^a Die Wort Lappenthaler klappen/ Dns
 eaten seynd die tråfftigiste Redner.

^b Rom. c. 10. v. 12.

operam, manumque omnibus, quibuscunque demum licuerit, commodare Hoc prisci, hoc & veri nostri Salomonis præceptio est: Deriva fontes tuos foras. Benefacite, & mutuum date, nihil inde sperantes: & erit merces vestra multa, & eritis filii altissimi, quia ipse benignus est super ingratos & malos. *a* Estote ergo invicem benigni. *b*

a Luc. c. 6. v. 35.

b Ephes. c. 4. v. 32.

C A P V T V I I.

Tobias senior mœroris nimii præclarus medicus.

Tobias pater principidè quidem, ob filii moras in itinere, non leviter sollicitus & mœstus; sed ubi rem perquisitiùs examinavit, recepit in mœtore animos, & uxorem etiam solatus est. Venia seni optimo danda, ut patri filium valde amanti. Res est solliciti plena timoris amor. *a* Quod in Tobiaz matre clarissimum. Flebat illa irremediabilibus lacrymis atque dicebat: Heu, heu me, fili mi, ut quid te missimus peregrinari, lumen oculorum nostrorum, baculum senectutis nostræ, solatium vitæ nostræ? spem posteritatis nostræ? Omnia simul in te uno habentes, te non debuimus dimittere ire à nobis. Cui dicebat Tobias: Tace, & noli turbari; sanus est filius noster;

a Ovid. in epist. Penelope.

noster; satis fidelis est vir ille, cum quo misimus eum. Illa autem nullo modo consolari poterat, sed quotidie exiliens circumspiciebat, & circuibat vias omnes, per quas spes remeandi videbatur, ut procul videret eum, si fieri posset, venientem. Quamto majus desiderium presentem cernere, tanto gravior erat luctus absentem non redire. Hinc moeror impatiens solatii. Hunc pæne nimium animi dolorem verbis suaviter castigans Tobias: Tace, ait, & noli turbari. Salubertimū & duplex doloris remedium; *Tacere, & non Turbari*. Hic duo nobis explicanda. Primum, in omni perturbatione, irā, & retriore affectu, maxime cum quis ab alio læditur, optimum esse atque utilissimum, flere. Alterum, quam eximie ac conducibilis sit artis necessitatem verere in rationem. a Gemina hæc præceptio capite hoc expendenda.

a *Auß der Noth ein Zugendt machen.*

§. I.

Prima præceptio. In omni turbamento, ægritudine, ac commotione animi, præsertim cum vulneris aliquid ab ore maledico inflictum est, homo conturbatus aut læsus digitum imponat ori, & ipsi sibi dicat: Sile, sile, impetum contine, alioquin à teipso gravissimè lædèris. Exemplum regis Davidis æmulare, qui de seipso: Turbatus sum, inquit, & non sum locutus. a Lex sapientiæ certa sit: Turbor, ergo non loquar. Si verbis

ha-

a *Psal. 76. v. 5.*

habenas laxem præsentissima est noxa. Tacere summa aliquando est sapientia. Aut, quod Ennodio placet, aliquando pro faciendâ silentium est. a Silentio peccata lingua excluderis. Si vinum caupo cellæ mandet hodie cras statim publico vendat, rem utique insullam fecerit, & artis cauponariæ imperitissimus habebitur. Vinum adhuc turbidum terret bibentem. Ergo aliquot dies concedat vino, dum subsidat, & suum recipiat colorem: ita cum vehementior affectus, sive iracundiæ, seu impatientiæ occupavit animum, ori silentium imperandum, cohibenda lingua, ne voces ejiciat plurimum nocituras. Nam si mentis sanissimæ homo locuturus bis terve consideret, priusquam loquatur; Bernardi suavis: Antequam verba proferas, bis ad limam, quam ad linguam veniant; Multo magis id faciat homo iratus aut aliter turbatus, qui salubria toto animo cogitare non potest, eo namque tempore nec suus est, nec domi suæ est; immoderatio eum affectus hac illac rapit. Igitur, quod proximum, & securissimum est, taceat. Semper tacere præstat, quam loqui indecentia. Loqueris tali affectu concitatus. Spumam rabidi canis, pus merum, abominandam pestem evomes.

Ea ebriosorum hominum pessima est indoles; aliis se ultro ingerunt, cum latebras deberent querere, ac sese abdere; loqui volunt, cum maxime tacendum. Nam teste Plinio, secreta proferunt, & mortifera loquuntur,

a Mit Schweigen verweht man sich nit.

qu
non
& rel
luend
quam
bia o
noli i
jugen
tim i
præst

Me
dum i
dum a
tur,
Nam
abrep
pera
gerit,
Si cib
ratus
excluf
cogita
num
ita pro
ctu p
dentu
da.

Att
bati &
cum l
tibi, a
conce
b Prur

a Pa

quantur, rediturasque per jugulum voces non continent: a retrahenda eis sunt dicta & resorbenda, aut etiam subinde capite luenda. Ita iracundi nil magis quarunt, quam vociferari & clamare. Hic illud Tobia opportunissime ingerendum, Tace, & noli turbari. Turbatam animadvertit conjugem senex optimus, ideo silentium statim imperavit. Silentium tali tempore prastantissimum medicamentum.

Medicorum sententiis cibum capere, dum ira fervet, dum mœror infidet, aut dum animus cogitationibus severis mergitur, valde noxium & pæne venenum est. Nam qui tali affectu, aut cogitationum estu abreptus prandet aut cenat, plerumque properat, tuburcinatur, malè mansa raptim ingerit, quod nocentissimum rectè tradunt: Si cibum corpori velimus accedere, depuratus sit affectus necesse est, sedata sit ira, exclusa tristitia, luctus mitigatus, tumultus cogitationum compositus, alioqui venenum potius est cibus, quàm alimentum: ita prorsus sicut in irâ, similive gravi affectu pasci, ita & loqui damnosum; extrudentur verba in omnem vitam pœnitenda.

Artis summæ, virtutis est maximæ, Turbari & non loqui. Amici Job istud lubricum linguæ confessi: Si cœperimus loqui tibi, aiunt, forsitan moleste accipies, sed conceptum sermonem tenere quis poterit? b Prurit sermo & exitum quarit in iracun-

O

do:

a *Plin. l. 14. Nat. hist. c. 22.* b *Iob c. 4. v. 2.*

do: qui sapit, cohibet molientem erumpere cum noxâ. Verbum vetus est: Tangi & filere, lædi & non mordere, summâ est fortitudinis. Hoc canes nesciunt, hoc ignorant stulti, hoc nondum compotes sui, & seiplos vincere nescii non possunt. Hoc autem decet ratio, hoc frequentissima ingerunt exempla, hoc quotidiana persuadet experientia. Turbatus sum, & non sum locutus. Quod Bernardus altè infixurus animo: Turbatio tua, inquit, ibi moriatur, ubi oritur, nec permittatur exire, quæ mortem portat. *a* Vis loqui? Tecum ipse loquere, teipsum objurga, & dic: Adeone stultus es, ut postquam toties incurstasti & offendisti, iterum & iterum, iterumque redcas, inque eandem oris efficiem stultitiam impingas? Nec quidem piscator ictus sapis? Verissimè dixit Seneca: Nihil æquè proderit, quàm quiescere, & minimum cum aliis loqui, plurimum secum. *b* Turbari & non loqui, hoc artis summâ, virtutis est maximâ.

a Bern. *serm.* 29. *in Cantica.*

b Senec. *epist.* 305.

§. II.

Alterâ præceptio artis est majoris; necessitatem vertere in rationem, seu, pout Livius loquitur, oblata casu flectere ad consilium Tobias pater cœpit quidem contristari nimis, & cœperunt ambo similes. *a* Mox tamen idem Tobias, veluti jam alius homo: Tace, inquit, & noli turbari; sanus

a Tob. c. 9. v. 3.

sanus est filius noster, satis fidelis est vir ille, cum quo misimus eum. Hac longè alia est cantilena. Solatium priùs omne respuebat, nunc abundans solatiis ipsam etiam consolatur uxorem. Quàm citò mutatus in meliorem! Nimirum priùs ostenderat, quid animi pars inferior sensibilis vellet, quàm ea sese intorqueret in adversis, quàm trepidaret, ac paveret rebus afflictis. Jam verò monstrat, quàm potenter appetitiones & motus animales, atque sensificos gubernet, & quomodo necessitas in rationem sit ver-tenda.

Heli sacerdos hac unâ re insignis, dextrè profectò necessitatem vertit in rationem. Eum à Numine accepit nuntium, qui exanimare potuisset, & neci dare. Nam Deus eum alloquio non dignatus, Samuelem adolescentem accersens: Ecce ego, ait, facio verbum in Israël, quod quicumque audierit, tinnient ambæ aures ejus. In die illâ suscitabo adversus Heli, omnia quæ locutus sum super domum ejus; incipiam & complebo. Prædixi enim ei, quòd judicaturus essem domum ejus in æternum, propter iniquitatem, eò quòd novèrat indignè agere filios suos, & non corripuerit eos. Idcirco juravi domui Heli, quòd expieret iniquitas domûs ejus victimis & muneribus in æternum. Hæc omnia Samuel jussu Dei ad sacerdotè suum candidissimè referens: Indicavit ei universos sermones, & non abscondit ab eo. Sed exim Heli non exposulavit: Cur ego noxas liberorum meorum luam?

ætatem habent; ad ista ipsi respondeant, Num ego in alienum arbitrium dominus sum? Cur Deus non ipse mihi hæc significat? Ego filios meos profectò de his monui. Si parere nolunt & sequi, quid ego possum? Nil horum Heli objecit, sed necessitate in rationem versâ: Dominus est, inquit, quod bonum est in oculis suis faciat. *a* Reverà Heli oblata casu in consilium flexit, & necessitatem in rationem vertit. Hinc pronuntiatum de eo: Meruit Heli remissionem peccatorum suorum, & pro eis temporaliter est punitus, non æternaliter damnatus. *b*

Hieronymus in litteris ad Paulam: Rem, inquit, dicturus sum incredibilem, sed, recte Christo, non falsam. Melaniæ inter Romanas feminas nobilissimæ, mortuus est maritus. Nondum repere funus desierat, cùm duos insuper filios unâ perdidit, Matres aliæ tam acerbis casibus prostratæ planxissent pectus, crines vulsissent, mente totâ excidissent. Melania stetit immobilis, & tanquam ad Christi præsentis pedes advolveretur, suo se conditori quàm integerrimè permittens: Nunc, inquit, expeditius tibi servitûra sum, Domine, quia tanto me onere liberasti. Factum illustrissimum. Hoc profus est arte quæstuosissimâ necessitatem vertere in rationem.

a 1. Reg. c. 3. v. 11. & seqq.

b Dionysius Carthus. in hunc locum.

§. III.

Tabellio fuit, qui aliquot annis solitum iter emensus est equo vehens. Videri poterat hic homo religiosus, & qui plurimum odisset pecuniam, vix enim unquam cubitum ibat, quin prius æs omne hilariter expendisset. Ita homo potentus facultates suas omnes obliguriit comessando. Cùmque jam nummus fundo suspiraret in imo, non tantùm non equum, sed seipsum alere vix potuit. Ex equo igitur dejectus in pedes, reidenti ore: Gratia, inquit, sint superis summæ, qui mihi pedum usum tamdiu amissum restituerunt. *a* Profectò & iste vir oblata casu acerbo in hilare flexit consilium, & necessitatem vel coactus ancillari jussit rationi.

Sanctius illo Remensis Præsul Remigius, qui cùm tristem nuntium accepisset omni ejus frumento ignes subjectos, ille ex templo equum conscendit, & advolavit pernix ad triste incendium. At ubi vidit flammis grassantibus nil moræ posse injici, ex equo desilens, & vultu ad hilaritatem composito ignes propius accedens: Seni, ait, bonus est focus quovis tempore. *b* Ita ingens damnum ore hilari, mente placidâ concoxit. Sapienter planè necessitatem in rationem vertit, & tristi casu objecta in hi-

O 3

lare

a Hat mir G. Det widerumb auff die Fuß gehoffen.

b Vide Heliotropium meum l. 4. c. 3. §. 4. Vbi hæc fusiùs narrantur.

Iare flexit consilium. Hoc ipsum Sapiens Romanus monito longè utilissimo instillans Unum est, inquit, levamentum malorum ingentium, Pati. & suis necessitatibus obsequi ^a

Vel ab ipsis canibus hoc discamus. Bruxellæ canis fuit ex illis grandioribus, Britanni generis, quibus cerdones Belgæ uti solent ad curcum coriis onustum in forum & è foro trahendum. Ille, præter hanc operam, doctus fuit ad macellum ire pecuniam ferre, carnem referre. Id ita fiebat. Corbem vimineum collo appendebant, pecuniâ in tot libras carnis impositâ. Ille restâ & nusquam insistens ferebat, in macello apud notum lanium se sistebat; carne acceptâ redibat. Sed eveniebat interim, ut in viâ canes aliî odore moti aspirarent, & accederent erepturi. Tum ille corbem deponere, in orbem propugnare, fugare. Cum copiâ & robore vinceretur unâ irruere, & partem de prædâ capere ^a En ut gladiator iste in arenâ ceperit consilium, & suis necessitatibus fit obsecutus. Carnes defendit quamdiu potuit. Hostium multitudine victus necessitati cessit, & prandium jam commune unâ sumpsit. Non minus, obsecro, sapiamus bestiis, & quæ mutare non possumus, tolerare non recusemus, necessitatibus nostris tranquillâ mente obsequamur.

• Israëlî vates Isaias ingenia mala vaticinatus,

^a Seneca l. 3. de Irâ, c. 16.

b 1. Lipsius Centur. 1. epist. ad Belgas, epist. 44. mihi pag. 45.

natus, Hierosolymam urbem vastandam, cives captivos in Babyloniam abducendos, eam servitutem annis septuaginta duraturam; addidit nihilominus: Consolamini, consolamini popule meus, dicit Deus vester. *a* Perinde si dixisset vates: Agite, stat Numinis sententia, decretum immutabile, migrare illud non licet; in Babylonem transferemini. At vos durio rem hanc necessitatem vertite in rationem, parete Numini, & destinatum vobis supplicium parato animo subite. Ita & vos o Christiani, licet ærumnis oneremini, calamitatibus affigamini, nihilominus Consolamini, consolamini; Deo, divinæque Providentiæ ac Voluntati plenissimè, in solidum vos tradite, necessitates vestras omnes in rationem vertite. Ita necessitas ipsa minùs erit dura, malum omne multò erit mitigatius. Nempe omnium malorum levamentum est opportunissimum, pati, & suis necessitatibus obsequi.

Ad œconomum appositissimè, dixit Tullius: Sed quanti, quanti: bene emitur, quod necesse est. Subinde longissimam teximus malorum seriem narrando. Est, qui dicat: Ego tot & tantis difficultatibus circumventus, tot & tantas patior ærumnas. Alius: Tanta, inquit, & tanta, atque tanta perfero. Iste sibi miser & infortunatus: Maximam, ait, calamitatem capio. Ille affligtus & jaceus: In summas, inquit, miseras projectus sum. Sic suâ opinione miserè per-

O 4

ditus:

ditus: Gravissimis, inquit, incommodis
 conflictor. Alius, ut sibi videtur, coopertus
 miseris: Talia & tam acerba tolero, aie, in
 infinita mala precipitatus sum, omnibus
 undequaque urgeor. Sed, ô mei homines,
 sed quanti, quanti: a bene emitur calorum
 regnum, quod emere necesse est. Ad hoc
 emendum conditi sumus; ad hoc nascimur,
 ad hoc vivimus, ad hoc emendum mori-
 mur. Perimus æternum, nisi hoc emimus.
 Hic omnium necessitatum summa nos ur-
 get. Bene ac vili emimus, quanti quanti e-
 mamus, quia necesse est emere. Hæc una
 necessitas nullas admittit leges, nullas hor-
 ret difficultates, nullos metuit dolores, nul-
 las sentit calamitates, nullos refugit crucia-
 tus, nulla formidat supplicia, tormenta
 summa, innumera non recusat tolerare
 mala. Quanti, quanti, minimo emitur, quod
 emere necesse est.

a Es kost gleich was es immer wöll.

C A P V T V I I I.

*Tobias junior parentum suorum
 thesaurus optatissimus.*

TObiæ mater, cum filius peregrè mo-
 ras traheret, nec statò die se siceret
 parentibus, in querelas amarissimas
 effusa: Heu, heu me, fili mi, aiebat, ut quid
 te misimus peregrinari? omnia simul in te
 uno habentes, te non debuimus dimittere
 arc

ire à nobis. *a* Tu ocellus noster, tu nostrum delictum, tu spes una neporum, tu thesaurus noster, tu nobis omne pretium. Ergo parum prudenter egimus, qui te à nobis peregrinatum misimus, cum in te uno omnia habeamus. Homo, Dei amans, has voces identidem usurpat: Deus meus, thesaurus meus, & omnia; quidquid velle, aut optare possum, in Deo invenio, Deus mihi omnia, & plusquam omnia. Ita prorsus animo penitissimo sentiendum. Hic igitur exponendum, quàm fatuum sit hujus rei perfunctoriam cogitationem suscipere, facile obsequiis divinis obnuntiare, levi de causâ Deum deserere, & velut venalem exponere cum verè in Deo habeamus omnia. Hæc hujus capituli summa.

a Tob. c. 10. v. 4. & 5.

6. I.

Rex Persarum Xerxes non ab unâ fatuitate notissimus insigniora quinque delicta commisit. 1. Montem Athon ad mille quinquaginta passuum longitudinem perfodit, eâ amplitudine ut maximarum navium duæ juxta se in occursum commodè transferant. Atque hoc, Herodoto teste, potentia monstranda, & memoria propaganda fecit. *a* 2. Oceanum *b* frenavit ponte, & Abydum Sesto conjunxit, ut Græcia pavorem injiceret. 3. Cum ipsius classem dissipasset

a Herod. l. 7. hist. lust. l. 2. Plutarchus in Themistocle.

b Hellespontum.

passet maris tempestas, mari colaphos, & trecenta verbera infligi, stigmata inuri, compedes non sine gravi convicio in illum dejecti iussit. & Iuvenalis non sine risu hanc dementiam sugillat.

*In Corum atque Eurum solitus sœvire flagellis
Barbarus, Æolio unquam hoc in carcere
passes*

*Ipsam compedibus, qui vinxerat Ennos-
gaum. b*

4. Cùm iter faceret per Lydiã, ad Platanum proceram, & diffusis large brachiis umbrosam est delatus. Hic diem integrum, non sine damno exercitûs placuit morari. Hanc insuper adeo venustè comatam arborem armillis & torquibus ad eam suspensis veneratus est. 5. Sed & virum è suis reliquit, qui lignear hujus Amasiæ custodem, nutricium, procuratorem ageret. Illustrissima fatuitas. Quam & Alianus risu excipiens: Ridendus profectò, inquit, Xerxes ille est, quòd cùm mari terrisque Jovis operibus posthabitis, nova itinera & insolitam navigationem sibi parasset, servivit platano, & arborem coluit, e quam ventus dejicere, securis

a Convicium quod ingestum est mari, hoc fuit: O amara aqua, Rex, compedes has injicit, quod illum injustè læseris, abs quo nihil malum passum fuisti. Etenim Rex Xerxes, velis nolis, transmittet, meritoque tibi nemo amplius sacrificabit, ut amaro dolosoque fluvio.

b Iuvenal. sat. 10. v. 180.

c Alian. l. 2. Var. hist. c. 14. initio.

securis excindere, ignis comburere potuit, quæ non solum ratione, sed & sensu caruit.

Verum, ô Christiani, hæc videmus, & similia facimus, nonnunquam & stultiora. Vide hominem, qui cæli, qui sup̄ius, qui Dei oblitus oblectatiunculas sterilissimas querit sub opacâ platano; huic tempus pretiosissimum, huic cogitationes & curas, huic suas pecunias, huic imò valetudinem suam impendit, nam aut gloriam vanam, aut mulierculæ formam, aut aliam voluptatem putidam ad eò insanè deperit, ut non dissimulanter fateatur: Hi amores mei, hoc meum delictum, hoc gaudium, hoc melliculum meum, hoc mihi volupe est. Miser & cæcus, pro conditore rem è conditis vilissimam amat, & ut Laurentius Justinianus loquitur, a peregrinationem, atque exilium diligit pro patriâ; creatus à Deo ad obtinendam beatitudinem, ad intuendum Deum, at ille crepundiis, nugis, somniis, delirijs, vitam cõsumit. Hunc talem Bernardus acriter, prout par est, extimulans, & ad meliora erudiens: Verum, inquit, qualibus ista tu tibi impediās rebus, utinam sine dissimulatione attendas: Væ, væ, vapor est ad modicum parens, quod æternæ felicitatis aditum intercludit, quod perennis luminis incircumscriptam claritatē abscondit, quod universitatis scientiâ fraudat, quod summæ privatæ dignitatis honore. Quousque tu tantæ gloriæ præfers sænum, quod hodie est.

○ 6

&c

a Laur. de ligno vita tit, Fides. c. 2.

& cras in clibanum mittitur, carnem dico & ejus gloriam? Siquidem omnis caro foenum, & omnis gloria ejus tanquam flos foeni. Si sapis, si habes cor, si tecum est lumen oculorum tuorum, desine jam ea sequi, quæ & assequi miserum est. Beatus, qui post illa non abiit, quæ possessa onerant, amata inquinant, amissa cruciant. An non ea satius cum honore spernis, quam cum dolore perdis? An non ea prudentius Christi cedis amanti, quam morti? Est in insidiis prædo, cujus manibus nec te, nec tua potes subducere. Non poterit prævideri, quia tanquam fur in nocte ita veniet. Nihil intulisti in hunc mundum, haud dubium, quia nec quicquam auferes. Dormies somnum tuum, & nihil invenies in manibus tuis. ^a Eadem paucis Innocentius instillans: Quid profunt, inquit, divitiarum, quid epularum, quid deliciarum? non liberabunt à morte, non defendent à verme, non eripient à sœtore. Fluxa illa omnia, in quæ tantopere ardemus; Platani umbra, frondes sunt & folia, sub initium hiemis casura. Inter eam voluptatem, quam quis è re caducâ, & quam à Deo haurit, immensa, nimia est differentia. Sit, qui omnibus mundi deliciis ac voluptatibus, omnibus exteriorum sensuum oblectationibus abundet ac diffuset magis, quam Hebræus rex Salomon; crescant acervatæ voluptates diebus singulis, idque annis plurimis, eò tamen nunquam excresecnt, ut cælitum voluptatibus æquari possint:

^a Bern. tom. 2. epist. 103. mihi pag. 141.

sint: mel illud cæleste ex alveario longè alio hauritur, hinc illius suavitas omnem aliam suavitatem infinitè superat. Hinc guttam unicam cum Oceano toto rectius comparavero, quàm omne mundi gaudium cum gaudio cæli minimo. Res liquet: guttula maris & mare totum solo differunt quanto: nam maris guttulæ ita multiplicari queunt, ut mare fiant: At verò mundi gaudia quomodocunque multiplicentur, gaudium cæleste nunquam æquabunt. Omne mundi gaudium quantumcumque grande ac cumulatum, semper tamen sordidum, turpitudinis & luti, pavoris, sollicitudinis, microris & cæni plurimum habet.

§. II.

Experientia hoc quotidiana testatur. Eò deliciarum Salomon est progressus, quò mortalium, putem, nullus. Tandem post omnem omnium voluptatum affluentiam, hæc demum cantilenam cecinit, hoc unicum ei remansit: Vanitas vanitatum, & omnia Vanitas. Hæc omnia inane magnum, afflictio spiritûs, merum fastidium, grande nihilum. Experientissimo regi, obsecro, credamus. Sapienter credidit Augustinus. Hinc illius voces illæ: Quidquid mihi præter Deum est, dulce non est: quidquid mihi vult Dominus meus dare, auferat totum, & se mihi det. a

Tobia mater sibi ipsi & marito querimoniam tristem occinens: Heu, heu me, fili mi, ait,

a Aug. in ps. 26. Enarr. 2.

ait, omnia simul in te uno habentes te non debuimus dimittere. Deliri senes fuimus, rem sanè stultam fecimus, cum filium in regionem exteram amandavimus. Debita omnia infra hunc filium erant collocanda. In eo simul habuimus omnia.

Sed quomodo, ó bona mater, omnia in uno filio habuistis? *Appretiative* aiunt, in scholis, nam filium supra omne cœlium æstimârunt, hinc eis uniuersa filio uiliora.

Si fatuum, dimittere filium aded charum, quãtò magis fatuum deserere Deum, super omnia summè amandum, sectari gaudium in rebus uanis caducum, cum in uno & solo Deo, non *appretiative*, sed reipsâ uerè omnia omnino habeamus bona. Roganti Moysi: Ostende mihi gloriã tuam: Humanissimè Dominus gloriã respondit: Ego ostendam tibi omne bonum. a Scipulum erat ostensurus, in uitã certè meliori.

Præceptum Christi Domini est. Verumtamen quærite primum regnum Dei, & hæc omnia adjicientur uobis. Quærite Deum, & simul omnia in Deo possidebitis. Hoc optimè, putem margaritarum & unionum piscatu explicauero. De illo eruditè Plinius naturæ præco: Origo, inquit, atque genitura conchæ, haud multum ostreatum est differens. His ubi genitalis anni stimulaverit hora, pandentes sese quadam oscitatione, impleri roscido conceptu tradunt, gravidas postea eniti, partiumque concharum esse

esse margaritas pro qualitate roris accepti: si purus influxerit, candorem conspici; si vero turbidus, & sœtum sordescere; eundem pallerè, calo minante conceptum. Ceterum in aquâ mollis unio, exemptus protinus unio. Concha ipsa cum manum videt, comprimit sese, operitque opes suas, gnara propter illas se peti; manumque si præveniat, acie suâ abscindit, nullâ justiore pœnâ, & aliis munita suppliciis, quippe inter scopulos major pars invenitur. Dos unionum omnis in candore, magnitudine, orbe, levore, pondere, haud promptis rebus, in tantum, ut nulli duo reperiantur indidcreti: unde nomen unionum Romanâ scilicet imposuere delicia. Nam id apud Græcos non est, nec apud barbaros quidem inventores ejus aliud, quàm margaritâ. Et in candore ipso magna differentia. Quidam tradunt sicut apibus, ita concharum examinibus singulas, magnitudine, & vetustate præcipuas, esse veluti duces, mirâ ad cavendum solertia; has urinantium curâ peti: illis captis facillè ceteras palantes retibus includi, a Hic duo quædam singulariùs observanda.

a Plin. l. 9. Nat. hist. c. 35.

6. III.

I. Piscator unionum subinde temeritatis suæ præmium asportat, quod nolle, nam inanum aut perdit, aut lædit: Nullâ, inquit Plinius, justiore pœnâ. Nam concha mater insidiatricem manum cernens
contra-

contrahit sese, & arma parat suam aciem, quâ nonnunquam piscatoris dexteram, si possit prævenire, abscindit. Ita prorsus & nobis extra Deum delicias querentibus sapissime contingit. In pœnam peccati malè mulctamur, pro gaudio luctum auferimus, & veluti felis aut canis in furto deprehensû, os probe contusum referimus; a cor inde amarum, inquietum, perurbatum, faucium, terrore, stimulis, angore, moribus, scelerum commissorum cruciatu miserè vexatum. Hæc animi vulnera, hæc conscientie laniena, iustissima peccati pœna. Hic ultro cogimur fateri: Vanitas vanitarum & omnia vanitas; & agnovi, quod in his quoque esset labor, & afflictio spiritus. *b* Ista satis agnoscimus, sed ista non perinde satis cavemus. Cupediarum nimis amantes catillamus & ligurimus non sine damno, quod tamen non cavemus. Jacturam facultatum, famæ, valetudinis, conscientie, corporis, animique facimus, & tamen non cavemus. Monemur, rogamur, distis & exemplis ad saniora excitamur, & tamen nociva non cavemus. Deprehendimur quandoque in ipsâ flagranti noxâ & punimur, sed nihilominus non cavemus; Mel ipsum nobis amarescit, ut muribus jam melle saturatis, & tamen pestiferum mel istud lingere non desinimus. Morbos inde contrahimus, crumenam vacuumus, ignominiam incurri-

a Man stofft vns das Maul drauff.

b Heu omnis multo corrupta dolore voluptas. Herat. l. I. sat. 20

incurrimus, & tamen oblectationes vanas, vetitas, gaudia lasciva, noxia usque & usque & usque lectari pergimus. Filii hominum usquequo gravi corde, ut quid diligitis vanitatem? Hic nostrum quemvis inclamat Hieremias vates: Scito & vide, quia malum & amarum est, reliquisse te Dominum Deum tuum, a in quo uno habebas omnia.

II, Piscator unionum, si ducem seu regem concharum capiat, levi negotio ceteras omnes includit retibus: Qui Deum habet, omnia habet, thesauros, gaudia, voluptates omnes possidet, ut verissimè possit dicere: Deus meus & omnia. Mens proba & juncta Deo non vel centies, vel millies die uno dicat: Mi Deus, omnia simul in te uno habens, non debeo te dimittere, Deus meus & omnia. Ita divus Augustinus cum Deo suavissimè loqui solitus: Domine Deus meus, inquit, da cordi meo te desiderare, desiderando quærere, quærendo invenire, inveniendò amare, amando mala mea redimere, redempta non iterare. Da mihi Deus meus te, redde mihi te, en amo te; atque si parum est, amem validius. Non possum metiri, ut sciam, quantum mihi desit amoris tui ad id, quod satis est, ut currat vita mea in amplexus tuos, nec avertatur, donec abscondatur in abscondito vultus tui. Hoc tamen scio, quia malè mihi est præter te

a Hier. c. 2. v. 19.

b Aug. de diligendo Deo c. 1. & c. 18. initio, & medio.

te Domine, non solum extra me, sed in meipso. Omnis enim copia, qua Deus meus non est, egestas mihi est.

O ergo Deus meus, & omnia. Extra te omnia vanitas, amaritudo, tadium, sollicitudo, deformitas, sorditudo, mera umbra, mors merissima. Qui te unum deserit bona simul omnia à se projicit. Bonum namque, quod neque in deterius commutari potest, tu solus es; qui simpliciter solus es, cui non est aliud vivere, & aliud beatè vivere, quia tua beatitudo tu es. Nos verò, quibus est aliud vivere, & aliud beatè vivere, omne quod vivimus, & beatè vivimus, tibi debemus. Deum deseruisse, est bonis omnibus excidisse. Hic denudò Hieremias vates vociferatur: Duo mala fecit populus meus: Me dereliquerunt fontem aquæ vivæ; & foderunt sibi cisternas, cisternas dissipatas, quæ continere non valent aquas. a Heu quam infana fatuitas! In proximo salit fons saluberrimus, & stolidi ad volutabrum properant immundissimum, ut inde hauriant.

O tandem isti piscatores sapite! Quid conchas venamini labore tam vano, tam noxio? Deus est gemmarum, unionum, margaritarum, bonorum omnium mare immensissimum. Vestrum est hoc mare totum, si vultis esse vestrum.

CA.

a Hierem. c. 2. v. 13.

CAPVT IX.

*Tobias senior, cæcus, piscis felle
curatus.*

I Am patriam repetebat Tobias cum comite suo Raphaële Angelo. Vbi verò ad urbem Charan, quod itineris dimidium erat, devenerunt, comes cæcæ: Tobias frater, inquit, scis quemadmodum reliquisti patrem tuum. Si placet itaque tibi, præcedamus & lento gradu insequantur iter nostrum familiæ simul cum conjugē tuâ, & cum animalibus. Placuit consilium comitis & ad eum omnino modum iter est institutum. Mox iterum comes: Tolle tecum, inquit, ex felle piscis, erit enim necessarium. Nam ubi introieris domum tuam, statim adora Dominum Deum tuum, & gratias agens ei, accede ad patrem tuum, & osculare eum, statimque linc super oculos ejus ex felle isto piscis, quod portas tecum. Scias enim, quoniam mox aperientur oculi ejus, & videbit pater tuus lumen cæli, & in aspectu tuo gaudebit. ^a Omnia ex ordine fecit Tobias; oculos patris felle inunxit. Nec parens hoc collyrium recusavit, sed horâ ferme dimidiâ illud sustinens suâ ipse manu gramias ^b ab oculis absterfit, & ita visum felicissimè recepit. Tantarum virum felicitas. Hoc loco disserendum, mordaci felle

rerum

^a Tob. c. II. v. 2.

^b Pelliculam.

rerum aduersarum intelligentiam mirè col-
lustrari, ideóque quidquid ejusmodi tellis
allinitur. patienter & æquo animo toleran-
dum esse. Humanæ miseræ fel illuminat, &
visum hebetatum vel perditum restituit.
Ita de utilissimo hoc collyrio jam plura.

f. I.

In domibus, quibus nihil tapetiorum est,
& tamen mundities cordi est, omnia li-
gnea, fellæ, scamna, mensæ, lacunar, parie-
tum crustæ juniperino gummi a præliniun-
tur. In hoc Orbe, in hac lacrymarum valle
omnia obliniuntur felle humanæ miseræ.
Quocunque vertas oculos, mœroris, sollici-
tudinis, doloris, amaritudinis & afflictionis
plurimum ubique videas; omnia felle lita.
Quod testatus Hieremias vates: Dominus
Deus noster, inquit, filere nos fecit, & po-
tum dedit nobis aquam fellis, peccavimus
enim Domino. *b* In luctu sumus, & fel bi-
bimus. Ita minatus olim Deus: Ecce ego,
inquit, cibabo populum istum absinthio, &
potum dabo eis aquam fellis. *c* Idem Hie-
remie Threni loquuntur: Circumdedit me
felle & labore. *d* Vbique mœror, ægrimo-
nia, dolor, & plurima mortis imago. Nulla
domus tam felix, ubi fel istud in cibum ac
potum non apponatur.

a Furnesf.

b Hierem c. 8. v. 14.

c Ibid. c. 9. v. 15.

d Thren. c. 3. v. 5.

Non
Agi
Non
Sed qu
istud n
rium a
verà si
vegete
est. Q
gentia
Christi
errand
tum a
center
cam
non es
quàm
descen
æterni
seipsum
intelle
doctr
& eju
cogit
oculis
plum
cos, H
ctum

Non

a
b
d
e
2.7.4

Non domus & fundus, non eris acervus & auri.

*Aegroto domini deduxit corpore febres,
Non animo curas.* — a

Sed quisquis es, mi Christiane, tolle, ex fel istud non invitâ manu, est enim necessarium ad reparandam oculorum aciem. Reverâ si quidquam est, quod oculos mentis vegetet, acuat, novo donet lumine, fel istud est. Quæ nocent, docent. Adversâ intelligentiam mirificè collustrant. Afflictio Christianæ prudentiæ mater. Multa cernimus errando. Fellea calamitatis amaritudo certum ac nobile pharmacum ad visum marcentem ac hebetem corrigendum, ad cæcam oculorum caliginem abstergendam non est potentius nec salubrius collyrium, quàm afflictio. Homo afflictus in seipsum descendit; præterita deplorat, futura sperat, æternitatem cogitat, tam Deum, quàm seipsum rectiùs nosse orditur. Vexatio dat intellectum. *b* Siracidâ teste: Flagella & doctrina in omni tempore sapientia. *c* Hinc & ejusdem vorum est: Quis superponet in cogitatu meo flagella. *d* Glaucoma demit oculis fel istud afflictionis. *e* Hic in exemplum Triumviros singulares Numinis amicos, Hieremiam, Petrum, Tobiam, sub aspectum dare proderit.

Hiere-

a Horat. l. i. epist. 2. ad Lolium.

b Is. c. 28. v. 19. c Eccl. c. 22. v. 6.

d Idem c. 23. v. 2.

e Vide. obsecro, *Gymnasium patientiæ parte*
2. §. 4. §. 1. 2. 3.

Hieremias multis lacrymis infusus: Ego, inquit, vir videns pauperitatem meam in virgâ indignationis ejus. *a* Non pauperem tantummodò se fatetur, nam Israëlitarum nemo non pauper illo ævo; captivi omnes erant: Sed insuper suam à se pauperitatem videri ait, perinde si dicat: Ego, meique cives ac tribules oculis jam cernimus, quod Isaias, Sophonias, aliique vates prædixerunt. Vera sunt, verissima eorum oracula. Pauperes facti sumus nimis. Nunc demum capimus, quam ferium habeamus patrem Deum, qui connivere aliquantulū videtur & indulgere filiis petulantibus, correptis demum virgis & baculo ferit nocentes. Nunc oculi nostri ad hæc omnia aperti. Castigasti me; & eruditus sum, quasi juvenculus indomitus. Convertete me, & convertar; quia tu Dominus Deus meus. *b*

a Thren. c. 3. v. 1. *b* Hier. c. 31. v. 18.

§. II.

Petrus charissimus quidem Christo discipulus, sed à magistro crebrius mordaci hoc felle aspersus. Monuerrat Christus de futuris cruciatibus suis & morte. Et assumens ei Petrus, cœpit increpare illum, dicens: Absit à te Domine, non erit tibi hoc. O Petre, quàm parum consideratè ista? Hæc pia excitas felle curanda est: Vade post me. Satana, ait Christus, scandalum es mihi, quia non sapis ea, quæ Dei sunt, sed ea, quæ hominum. *a* Ita etiam cum ad olivarium cliyum

a Matth. c. 16. v. 22. & 23.

clivum praefervidus Petrus gladium stringeret, & vim pararet, audit a magistro: Omnes qui acceperint gladium, gladio peribunt. *a* Quam parum oculata fuit hæc audacia, se unum tot armatis opponere? Sed dixerit Petrus: Hoc potentia divina non difficile. Sanè non est. At si modò defensione foret opus, An non illa Numinis potentia, plus quàm duodecim legiones Angelorum exhibere potuisset? Petre, scripturarum rudis es. Quomodo enim implebuntur scripturæ, quia sic oportet fieri? *b* Mordere poterat fel istud, sed oculos Petro reddidit, ut gladium conderet vaginâ. His annumerandum & illud. In Herodis carcere servabatur Petrus quatuor quaternionibus militum traditus, geminis catenis vinctus, ad capitale supplicium die altero producendus. Eâ ipsâ nocte Angelus carcerem ingressus adstitit, & lumen refulsit in habitaculo, percussitq; latere Petri exciravit eum, dicens: Surge velociter. Et ceciderunt catenæ de manibus ejus. Dixit autem Angelus ad eum: Præcingere, & calcea te caligas tuas. Et fecit sic. Et dixit illi. Circumda tibi vestimentum tuum, & sequere me. *c*

Quanti, ô Deus, jacent captivi vario scelere contaminati, quos vitiorum consuetudo inolita, societas prava, & mali affectus custodiunt, ne carceres effringant. Catenæ geminæ, Dulcedo peccati, & Horror

peniten-

a Matth. c. 26. v. 52.

b Matth. c. 26. v. 54.

c Actor. c. 12. v. 5. & seqq.

pœnitentia. His ligantur, ne ad veram animi libertatem evolent. Inter tot ac tanta corporis animique pericula sæpe cogitatio nulla de Deo, de inferis, de cælo nulla. Heu miseri & cæci! Luce crastinâ ducentur; jam hiant inferi & expectant; animi salus agitur æterna; Æternitas vicinissima est. Si malus est obitus, immortalis sequitur, interitus. Et quomodo tandem nil horum metuunt? Quia dormiunt. Monet Angelus, Ecclesiastes urget, conscientia vellicat, homines probi erudiunt, & cavere jubent; Non cavent, quia dormiunt: Exempla sub oculos ponuntur sanctiora, ingeruntur libri, memoria mortis inculcatur. Sed frustra: Oculi sunt clausi; dormiunt. Tandem adest excitator Deus, & gravi morbo, aut grâdi pecuniæ damno, aut acerbo casu alio dormientis pigrum latus tundit, fel inspergit, acerba redditur vita, evanescit voluptas, tædet vivere. Hic jam panduntur oculi, jam vigilant, jam cernitur adstare Angelus. Quod si nec percussi quidem evigilent, non jam inter dormientes, sed inter mortuos numerandi. Quibus fel istud nil adfert medelæ, jam depositi, jam conclamati sunt: moriantur, abeant, quod adeo festinant, Evigilabunt demum, sed nimis serò. Epulo purpuratus, elevans oculos suos, vidit Abraham, sed vidit à longè, sed vidit, cum jam esset in tormentis. Vera quidem, sed sera nimis vigilia. Sed hoc ipsum Petri dormientis speculum vertamus; alia & meliora cernemus.

Petrus inter milites duos sibi proximos
jacet,

jace
damin
ille ta
curis,
si mol
amici
mè c
provi
illud
sum e
& hoc
volens
arum
mâ n
hitur
tutis.
que d
dorm
stacul
positu
horul
dicunt
versu
Inter
sum
na
ean
quisc
mitti
hic at
quib
Idcir
tua,

jacet, duplici catenâ vincetus, jam capitis damnatus, die alterâ supplicio afficiendus, ille tamen tranquillâ conscientiâ, exclusis curis, omni metu posito securus dormit, ac si mollissimo cubaret lectulo, in hominis amicissimi cubiculo: Ita prorsus placidissimè conquiescit & respirat, qui divinam providentiam erectâ mente considerat, & illud alto pectori gerit infixum. Ita Deo visum est, ita supremo Numini placet, ut hoc, & hoc, & illud atque istud patiar. Lubens volens. Hic certe dormit suaviter, licet ærumnarum medius agat; nam velut tutissimâ navi recubat, quâ vel dormiens provehitur semper tam magnis itineribus, quàm tutis. Navarchum habet Deum, cui se suâque omnia plenè commisit. Ita Iacob indormit saxo, & amœnissimo pascitur speculo. *a* Ita idem fatali lectulo jam compositus ad mortem placidissimè supremam horulam exspectavit. Quod divinæ pagine dicunt: Adoravit Israël Dominum, conversus ad lectuli caput. Quod septuaginta Interpretes ita efferunt: Adoravit Israël summitatem virgæ ejus. *b* Providentia divina lectulus est suavissimus consideranti eam. Hic sine metu securus conquiescit, quisquis divinæ se providentiæ integrè committit. Supplicia & poenæ omnes, quibus hic afficimur, patris amantissimi virgæ sunt, quibus ad cælestem sapientiam erudimur. Idcirco Hebræorum regum optimus: Virga tua, inquit, & baculus tuus ipsa me con-

P lata

lata sunt. *a* Hæc alios terrent & dejiciunt, me consolantur & erigunt, aliis molestiam & fastidium, jucunditatem mihi pariunt & gaudium, me docent & illuminant.

Tolle igitur tecum ex isto felle, est enim necessarium. Mordet quidem, & urit, sed oculos aperit, visum restituit. In Tobia Triumvirorum hic tertio id cernere licebit. Tobias pater, cum ejus oculos hoc felle piscis linivisset filius, sustinuit quasi dimidiam ferè horam, & cœpit albugo ex oculis ejus, quasi membrana ovi egredi. Quam apprehendens Tobias traxit ab oculis ejus, statimque visum recepit. Extemplo senex optimus in divinas laudes effusus: Benedico te Domine Deus Israël, inquit, quia tu castigasti me, & tu salvasti me. *b* Cacitatis meæ causam non fortuna malæ, non hirundinibus; non eventui fortuito impingo: Tu castigasti me, perinde ac si hirundinum fordes in oculos meos tuâ manu conjecisses. Quidquid hoc mali fuit, à te fuit. Tu hoc fecisti, tu visum, quem dederas, jure ademisti in meam castigationem justissimam. Tu meæ cacitatis auctor, tu meus, & omnium hominum castigator es æquissimus. Tibi ad inferendam mihi cacitatem hirundines pro instrumento sunt famulatæ. Sicut igitur mihi à te uno cacitas est immissa, ita etiam à te solo sanitas est restituta, & visus redditus, illi tum fel palpebris instrumenti vicem habuit. Tu castigasti
sicut

a Psal. 22. v. 4.

b Tob. c. 15. v. 14. & seqq.

sicut filium amantissimus pater. Scio, Quem diligit Dominus, corripit, & quasi pater in filio complacet sibi. * Tu quoque salvasti me. Tibi uni ut medico longe peritissimo sostrum debeo. Eadem manus tua, & vulnerat & sanat.

Atque hæc talis cogitatio totum hominem mirifice illuminat. Ita cogitemus, ita loquamur: Hæc amaritudo, Domine, hæc afflictio, hæc ærumna, hæc calamitas & agrimonia, à te uno & solo est; te auctore, te volente ac jubente hoc mihi contingit. Ita fieri melius tibi visum, quam non fieri. Scio, ab omni aternitate voluisti, ut ego hoc, & hoc, atque hoc quoque paterer. Patiar libenter, quia tu voluisti me istud pati; quia tibi sic placet. Tu castigas me, tu salvas me.

Tobias visu jam restituto, actisque Deo gratiis: Et ecce, inquit, ego video, Tobiam filium meum. An non suam quoque conjugem, filii ductorem, suam familiam vidit? vidit utique & ista. Sed oculis singulariter in filium defixis: video, inquit, hominem mihi charissimum, & alterum me, proximum mihi. Ita homo cujus oculis fel illitum afflictionis: Nunc demum, ait, Deum meum video, & meipsum: Nunc agnosco, quam paterno animo me corripas. Urit quidem fel tuum, sed oculorum tenebras extergit: ita suam quilibet paupertatem, suas ita miserias cernit, & oculos identidem ad te Deum reflectit. Benedi-

ctus Deus Dominus Israël, quia tu castigas
& tu castigando salvas.

Non tantum acetum felle mixtum Christus præbabit, sed & nobis eundem fellis calicem propinavit; respondendum est propinanti. Hic illud legis est certissimæ: Aut bibe, aut abi: Lex ista, teste Tullio, in Græcorum conviviis obtinebat. Istius moris Diogenes Laërtius mentionem injiciens: At nostri Mnamones, inquit, has quoque leges præscribunt. Aut bibe, inquit, aut, hunc cantharum, quantus est, in caput impingam tuum. In cenâ tam profanâ poculum oblatum non respicimus, & Christo ad suum calicem bibendum exhortanti oblectabimur? Hunc morti jam vicinus nobis omnibus destinavit. Ita enim inter oliveta Patrem rogavit: Transeat à me calix iste; ad meos à me transeat; & ipsi felleum hunc potum hauriant meo honori, suæ saluti.

Hic ego Christianos omnes Angeli verbis altum inclamo: Tollite vobiscum ex isto felle, est enim necessarium. Nemo abnuat, nemo tergiversetur, aut gravatè id faciat. Frustra recusamus. Bibendum & respondendum est. Aut ergo bibite, aut abite, cum Christo partem nullam habituri. Fel istud afflictionis oculos claros, acres, vegetos reddit; tam Dei, quàm suiipsius notitiam ingerit. Initium veræ sapientiæ, desiderare Deum, & seipsum nosse.

CAPVT

a Cicero l. 5. Tusculanar. question.

CAPVT X.

*Tobias uterque divinis beneficiis
mirè gratus.*

TAbellarius è cælo herum suum Tobiasem
in viâ instruens : Vbi introieris, inquit,
domum tuam, statim adora Dominum
Deum tuum, gratias agens ei. Perinde si
dixisset : Mi Tobias hoc agamus ante om-
nia, divinatorum beneficiorum memores si-
mus. At nunquam erimus grati, nisi sta-
tim simus. Qui gratè beneficium accepit,
primam ejus pensionem solvit. Quamprimum
igitur paternæ domui pedem intule-
ris, mox Domino Deo tuo gratias memine-
ris. Magnis & compluribus à Deo beneficiis
aucti sumus. Iter sani confecimus, pecu-
niam mutuò elocatam referimus, uxorem
censu & virtutibus dotatam adducimus,
unâ cum grandi familiâ, parenti collyrium
reportamus. Omnia nobis è voluntate Dei
prosperè successerunt. Simus grati. Optima
momenti paruit integerrimè Tobias. Quod
sacer historicus affirmans : Cùmque, ait,
adorassent Deum, & gratias egissent, con-
federunt. & Itaque in rebus omnibus, &
ante omnia, deque omnibus beneficiis ju-
giter Deo gratiæ sunt agenda, quod capite
isto explanabimus.

I. Deus sub ipsa conditi Orbis principia Creationis beneficium septimo quovis die venerationi esse voluit, singulari, gratâque ejus diei memoriâ. Quod Moses afferens: Complevitque Deus, inquit, die septimo opus suum, quod fecerat, & requievit die septimo ab universo opere, quod patrarat. *a* Hoc sui laboris præmium semper exegit Deus, gratum animum. Ita Gubernationis divinæ ac Conservationis beneficium mensibus singulis restaurari jussit. Huic rei dies festus Neomenias decreverus. *b* Ita beneficium libertatis post servitutem Ægyptiam concessâ, quot annis celebrando Phasæ recolî præcepit. *c* Data legis memoriâ Pentecoste reducebat. Ob subministratam annis quadraginta alimoniam è caelo festi dies tabernaculorum instituti, qui habitata solitudinis monebant. Primitiâ, decimâ, statâ certis ceremoniis sacrificia hoc uno fine imperata sunt, ut beneficiorum memoria identidem refricaretur, ne unquam gratus animus & gratiarum actio deesset.

II. Gratiarum actio utilis, sancta, necessaria. Vtilis prorsus est, nam prima gratiarum actio, quid aliud est, nisi alterius & secundi beneficii suavis petitio atque impetratio. Beneficiorum mater gratitudo. Verbo veteri jactatur: Ferrum ferro acuitur, simile simili delectatur, donum dono honoratur, obsequium obsequio paratur, beneficium

a Gen. c. 2. v. 2. *b* Num. c. 28. v. 11. & 13.
c Exodic. 12. v. 14.

neficiam beneficii memoriâ elicitur. *a* Ista mutuis crescunt adminiculis. Gratus animus novis identidem beneficiis ornatur.

Sancta est gratiarum actio. Rex Ezechias, ut primum è letali morbo revaluit, amplissimam gratiarum actionem non verbis solum, sed & scriptis consignavit. Quod Isaias vates testatus: Scriptura, inquit, Ezechia regis Iuda, cum ægrotasset, & convalesset de Infirmirate suâ. *b* Nam statim rex optimus hoc restitutæ valetudinis beneficium publicis monumentis mandari iussit, ut ad posteros etiam ejus memoria propagaretur. Quoties Rex David gratissimo in Deum affectu recentissimâ veterum beneficiorum memoriâ exclamans: Quid retribuam Domino, inquit, pro omnibus, quæ retribuit mihi. *c* Confitemini Domino, quoniam bonus, quoniam in æternum misericordia ejus. *d* Quod amplius, Christus ipse absolutissimum virtutis specimen gratias agendo velut voce prævit: In desertis locis quinque millia virorum pisce & pane refecturus: Accepit panes, & cum gratias egisset, distribuit discumbentibus. *e* Lazarum à morte reducturus ad vitam: Pater, ait, gratias ago tibi, quoniam audisti me. *f* Suum corpus & sanguinem in cibum ac potum

P 4

tum

a Lohn vmb Lohn; gleichs vmb gleichs; Eisen wetzt Eisen; Dienst wirdt vmb Dienst zu Haus geladen/Danck vnd Gutthat ains bringet das ander auff. *b* Is. c. 38. v. 9. *c* Psal. 115. v. 3. *d* Ps. 135. psalmo toto, vices septies hoc repetit. *e* Ioan. c. 6. v. 11. *f* Ioan. c. 11. v. 41.

tum daturus : Accepto pane gratias egit. *a*
 Pari modo , Et accepto calice gratias agens
 dedit eis. *b* *Sancta* est gratiarum actio, quod
 suo nos exemplo Christus docuit.

Sed & *Necessaria est* gratiarum actio tam
 frequenter in novâ & veteri lege, nostro bo-
 no imperata. Hoc unicum habemus, quod
 tantis totque Dei beneficiis rependamus,
 gratias agere. Deus infinitè bonus, & qui
 bonorum nostrorum non eget, hoc tamen
 pretium nostræ gratiarum actioni posuit, ut
 eo pretio beneficia quodammodo exæque-
 mus, & æquale aliquantulâ proportionè
 reddamus æquali. Idcirco Augustinus ad as-
 fiduam gratiarum actionem impulsurus :
 Cultus Dei, ait, in hoc maximè constitutus
 est, ut anima ei non sit ingrata. Vnde in
 ipso verissimo & singulari sacrificio, Domi-
 no Deo nostro gratias agere admonemur. *c*

III. Gratiæ beneficia non secutæ bene-
 ficiorum fontem penitus exhauriunt. Nos,
 hac in re promptissimi solemus dicere: Ohe,
 non agit gratias, me benefactorem non ha-
 bebant unquam amplius. Ego meos panes,
 meum butyrum, vinum meum in ingratos
 non effundam : Vale, vale mortalium in-
 gratissime, imposterum à me nec obolum
 extundes. Hæc nostra in ingratos non ini-
 qua est sententia. Ita & Deus jure multò
 potiori beneficam manum subducens : Tu
 ingrata, dixerit, nec istud quidem mercedu-
 la

a Luc. c. 22. v. 19.

b Marci c. 14. v. 23.

c Aug. l. de spiritu, & litterâ, c. 11.

la tuo benefactori reddis, ut gratias agas. Auferam ergo quæ in te contuli beneficia, dotibus, quibus te ornaveram, spoliabo, deinceps mea dona in alios divisurus, te excluso. Quod Bernardus altè affixurus animo: Peremptoria res, inquit, est ingratitudo, hostis gratiæ, inimica salutis. Dico ego vobis, quoniam pro meo sapere, nihil ita displicet Deo, præsertim in filiis gratiæ, in hominibus conversionis, quemadmodum ingratitudo. Vias enim obstruit gratiæ, & ubi fuerit illa, jam gratia accessum non invenit, locum non habet. *a* Felix qui ad singula dona gratiæ redit ad eum, in quò est plenitudo omnium gratiarum: cui dum nos pro acceptis non ingratos exhibemus, locum in nobis facimus gratiæ, ut majora adhuc accipere mereamur. Omnino enim sola nos à profectu conversationis impedit ingratitudo nostra, dum quodammodo amissum reputans dator, quod ingratus accepit, cavet sibi de cetero, ne tantò plura amitteret, quantò plura conferret ingrato. Felix proinde, qui etiam pro quibusque minimis beneficiis, non minimas refert gratias. *b*

Animus ingratus est urens ventus, qui omnem divinæ pietatis fontem exsiccat. A rebus creatis aliis licebit hoc discere. Si arbor hortulano suo non respondeat, si terram infecunda occupet, si fructus nullos reddat, succiditur: si ager coloni sui vota

P 5 non

ba Bern. ser. 2. de septem misericordiis, p. 298.
Idem l. de diligendo Deo serm. contra pestimum vitium ingrati. mihi pag. 528.

non expleat, si non multa gratiarum millia rependat, ut effatum ac defatigatum solum deseritur. Ager reverà gratus tricies, sexagies, centies pro granulo vel unico gratias agit. Ita beatus Lucas: Et ortum, inquit, fecit fructum centuplum. ^a Ita flores & herbæ cum eliquantur igni, mox succos & liquores medicos per vitreum siphonem in subjectum vas exsudent. Ita nos peræquè statim accepto beneficio meritam benefactori gratiam persolvamus. Vbi differri grates & procrastinari incipiunt, ibi languet gratus animus: *Deo gratias* tardum, est pænè nullum. Hanc ob causam Angelus Tobiaë singulari monito instillans: Statim, inquit, adora Dominum Deum tuum, gratias agens. Gratiarum actio si est vera, est celerrima. Qui gratus futurus est, statim dū accipit, de reddendo cogitat. Morâ & dilatione nimium intepescunt grates, velut ferculum bonum, sed jam frigidum.

Verùm desidia humana, ne dicam, malitia, hac in re sæpe maxima. Nullum vitium frequentius, quàm ingrati animi. Mille in nos iterumque mille congeruntur beneficia, vix gratias de uno referimus. At dixeris: Dies toti agendis gratiis forent destinandi. Ita fanè, mi homo, dies toti inter gratiarum actiones expendendi. Non dico totis diebus submittenda humi genua, at tollendas caelo manus, laudes divinas voce decantandas: Hoc aio, crebrius de die iteratis vicibus, & quàm potest sæpissime gratias

^a Luc. c. 9. v. 8.

gratias Deo tribuendas his talibus voculis: Gratias tibi ago, mi Deus, gratias ago. Cùm autem singulare beneficium, quamvis id videri possit minimum, accipitur, mox suo se conditori sistat animus, & quibusdam velut saltibus attollens dicat: Ago tibi, mi Deus, ago mille gratias, ago decem millia, ago centies millia, ago decies centena millia, ago gratias immensas, infinitas. Hoc nimirum est, ut sacræ paginæ loquuntur exultare. Quod toties in psalmis David factitans: Exultabo, inquit, & iatabor in misericordiâ tuâ. *a* Idem & aliàs quàm creberrime repetit. Ita & Sophonias: Latere, ait, & exulta in omni corde. *b* Ita & Lucas de Christo: In ipsâ, inquit, horâ exultavit in spiritu, & dixit: Confiteor tibi Pater. *c* Idem de Christianorum primis: Sumebant cibum, ait, cum exultatione. *d* Maxima laus hominis defuncti, si ei funebris oratio hoc tribuat elogii: De beneficiis omnibus, minimis, maximis, de rebus latis, tristibus; de suavibus, acerbis; de prosperis, adversis jugiter Deo gratias egit. *e*

a Psal. 30. v. 8 *b* Sophon. c. 3. v. 14.

c Luc. c. 10. v. 21. *d* Actor c. 2. v. 46.

e Dictum de Serenis. Mechtilde Seneris. Alberti principis &c. defuncta coniuge, qua Anno 1634. Cal. Iunij sancte obiit.

§. II.

Videte vel barbaras gentes, quàm gratum animum idolis suis, Diis falsissimis exhibuerint.

buerint. Qui è præliis, è naufragiis, è morbis, è gravibus periculis evaserunt incolumes, ut sese gratos fisterent, implerunt templa tabulis votivis. Quod affirmans Tullius: Tu, inquit, qui Deos putas humana negligere, non animadvertis ex tot tabulis pictis, quàm multi vim tempestatum effugerint, in portumque salvi advenerint. *a* Strabo memorat Epidauri tēplum Æsculapio sacrum ægrotantium multitudine confertissimum, suffixis passim tabellis, quæ redditam sospitatem magnâ grati animi significatione testarentur. *b* Aristoteles Gratiarum templum medio urbium collocari solitum ait, ut omnes opportuniùs discerent dari beneficia, & reddere. Stagiræi philosophi verba sunt ista: Vnde etiam Gratiarum templum obviam statuunt, ut retributio efficiatur. Quippe cum id proprium gratiarum sit, ut & ei, qui nobis gratificatus est, vicissim inserviamus, & ipse rursus gratificando nos provocet. *c*

Ad eandem dandi & reddendi beneficii memoriam conservandam priscis celebratio nomine quàm pretio fuit *Batti annulus*. Battus in Africâ Cyrenem urbem condidit. Cives ne ingrati essent urbis Conditori Silphium, *a*

a Cic. l. 2. de nat. Deor.

b Strabol. 8. Tibullus eleg. 1. ad I fidem.

Nunc Dea, nunc succurre mihi, nam posse mēderi

Picta docet templis multa tabella tuis.

c Aristor. parte 3. l. 5. Moral. Nicomachio-
rum c. 5. ante med. mihi pag. 120.

phium, a unaque annulum, in quo ea herba erat insculpta, obrulerunt. Munus non magnum, sed magni affectus testimonium. Quidquid nos Deo gratiarum referimus, heu quam modicum, quam nullum est munus, nisi & annulum addamus, æternitatis memoriam, & eo, quo possumus modo, infinitas gratias agamus. Sed & ejus rei nos Batti annulus monet, ut, qui gratum animum in seipso cupit fovere, ea oculis opponat, quæ identidem ad beneficiorum memoriam inducant, & gratiarum moneant. Hic quis res sibi opportunas circumspectat, quas ante oculos ponat. Sunt qui strophii aut cinguli nodum, chartulam humi abjectam, memorialem annulum, alii alia sub aspectum collocant, ne quid eorum, quæ sibi facienda sciunt, oblivione obruant.

Nec ullum beneficium velut exiguum spernendum. Ita scriptor religiosissimus docet: Esto gratus pro minimo, & eris dignus majora accipere. Si dignitas datoris inspicitur, nullum datum parvum, aut nimis vile videbitur. A viro principe vel flosculum accepisse, magni æstimamus; è tali manu pretiosum venit munus, quodcumque venit. Qui gratiam Dei retinere desiderat, sit gratus pro gratiâ datâ, patiens pro ablatâ. c

Beatus Paulus in agendis gratiis summè affi-

a *Pharmacopola la serpitium Gallicum & Benzoinum vocant. Angelicâ nobis dicitur, & Sphondylium. Rutinalis, Panaces Herculeum, Radix sancti spiritus.* b *Thom. de Kemp. de Imit. Christi, l. 2. c. 12. n. 5.* c *Ibid sine.*

assiduus fuit. Hinc de beneficiis tam in se, quam in alios collatis millies agens gratias : Gratias ago, inquit, Deo meo per IESVM Christum pro omnibus vobis. *a* Hoc ipsum ingeminans : Gratias Deo, inquit, quod servi fuistis peccati, obedistis autem ex corde. *b* Idem aliàs repetit : Gratias ago Deo meo semper. Nec cessat eadem epistolis inferere : Gratias ago Deo meo, cui servio. *c* Ita non Romanis solum & Corinthiis, sed etiam Philippensibus, Ephesiis, Colossensibus, Thessalonicensibus, assiduè hoc ipsum commendans : In omnibus, inquit, gratias agite, hæc est enim voluntas Dei, in Christo IESV in omnibus vobis. *d* Nec ferè aliud quidquam est, quod adeò frequenter & contentè ingerat, quam istud ipsum : *Grati estote* : Quod Colossensibus unice commendans : Pax Christi, ait, exultet in cordibus vestris, in quâ & vocati estis, in uno corpore. Et grati estote. *e* Hic ego Christianos omnes voce magnâ vel millies, atq; millies iterumq; millies inclamo : *Estote grati*. Verendum sanè ne hac in re nimis modici simus. Neq; enim placet Deo, ut ei ad pecuniam numeratam, seu nummo, *f* ut Jurisconsulti loquuntur, semel pro totâ hebdomade, vel mense, sed partibus, pro singulis quibuscumq; beneficiis gratias agamus. Ita ipse sanctorum hominum quosdam erudiit, ut ad singulas quantum fieri possit, buccellas, quas ori ingererent, gratias agerent.

a Rom. c. 1. v. 8, *b* Rom. c. 6. v. 17.

c 1 Thessal. c. 5. v. 17. *d* 2 Tim. c. 1. v. 3.

e Coloss. c. 3 v. 15. *f* Oberhaupt.

agerent. Ita diva Mechtildi dictum: *Etiam dormiturus quisque desideret, ut singulas respiraciones, quas nocte illa faciet, tanquam eximiam voci laudem suscipiam.* a Ergo, quod Paulus imperat, in omnibus gratias agite, hæc est enim voluntas Dei. Id nos profecto docent optimorum exempla, id ratio jubet & conscientia. Nec enim aliud habemus hostimenti, quod divinis beneficiis reddamus, quam istud unicum: *Deo gratias.* Aut nimium avarus, aut certe desidiosus nimium est, qui gratias meminisse benefactori, cum possit, nolit.

a Ludov. Bloisus in *Monili spirit.* c. 9 m. p. 93.
Ud. *Amusim meam* l. 1. c. 5. p. 4 & l. 2. c. 8. p. 7.

C A P V T X I.

*Tobias uterque orationi, jejunio,
eleemosynæ deditissimus.*

TOBIAS uterque tam pater, quam filius ferio deliberarunt inter se, quid præmii viro illi fidelissimo darent. Tandem tot ejus beneficiis enumeratis, in eam sententiam conspirant, eorum omnium, quæ allata sunt, partem dimidiam offerre. Neque verò nimiam fore liberalitatem istam, quæ optimè merito, cum deberet totum, assignaret partem. Vocant igitur auctorem viæ, unaque ambo plurimum rogant, dignaretur dimidiam partem omnium, quæ attulerant, acceptam habere. a Quibus ille suavi humanitate: *Benedicite Deum cæli*, ait, & coram omnibus viventibus confitemini ei, quia fecit

a *Tob. c. 12. v. 5.*

cit vobiscum misericordiam suam. Etenim sacramentum regis abscondere, bonum est: opera autem Dei relevare, & confiteri honorificum est. Mox subjungens: Bona est, inquit, oratio, cum jejunio, & eleemosynâ, magis quàm thesauros auri recondere. Quoniam eleemosynâ à morte liberat, & ipsa est, quæ purgat peccata, & facit invenire misericordiam, & vitam æternam. *a*

Hic mihi, mi Lector, mens neutiquam est de oratione, jejunio & eleemosynâ differere. Id libris singularibus jam factum. *b* Animus est hoc loco solum de mixturâ, conjunctione, ac concordia orationis, jejunii, & eleemosynæ compendio differere. Aures obsecro vacivas dissertationi præbe. Ab ore Angeli hæc doctrina fluxit, pectori penitissimo inscribenda.

a Tob. c. 12. v. 6. & seqq. *b* Vide è meis Rhetoricam celestem; Gazophylacium Christi, & Pharmacum Pharmacorum omnium singulares libros.

§. I.

Bonam esse orationem cum jejunio & eleemosynâ sapientissimi quique ac sanctissimi viri ac faminae omni ævo censuerunt. Ita Moses, Elias, David, Ezechias, Daniel, Judith, Esther, totque alii prisca legis optimates judicarunt. Christus ipse hoc sermonibus & exemplis docuit. Moses, ut audientiam suo ad Deum accessui impetraret, in monte non tantum præcationibus submississimis egit, sed quadragintadie jejunium præmisit instituentis cum Deo colloquiis. Illiberalem aut

aut immitem in pauperes fuisse Mosen nemo cogitet. Erat enim Moses, quod sacra pagina testatur, vir mitissimus super omnes homines, qui morabantur in terrâ. *a* Cùm Imperator Josue conflictu acerrimo in Amalecitas pugnaret, in rupe Moses passis ac sublatis brachiis oravit. Tandiu verò Israël's populus vincebat, quamdiu Moses hoc precantis habitu persistebat. Sin autem paululum remisisset brachia, vincebant Amalecitas. *b* Quid hoc quæso superstitionis est? Num oratio non satis ex se nervosa, nisi eam diducta ac celo elata manus commendent? Num bonitas divina his ceremoniarum legibus adstricta à Mosis brachiis pendebat? En imaginem & ideam planè luculentam: Qui orat, & non jejunat, nec eleemosynas erogat, contractis manibus Deum invocat. Audit has preces Deus, sed audire dissimulat, cadit Israël, vincit Amalec & triumphat. Qui orat, & simul jejunat, nec non & eleemosynas dat, hinc verè Deum expugnat. Quando igitur fatigata Mosis manus defluebant, Aaron & Hur sustentabant eas ex utràque parte. *c* Aspice Archetypon. Bona est oratio, & victoriæ potens conciliatrix, si tamen manus utraque sit extensa, si orationi jejunium jungatur & eleemosyna. Hac trigâ evehimur calo.

Rex Hebraus David hac ipsâ trigâ usus habitabat cælum dum diversaretur etiam in terrâ. Quoties quàmque calidè vel

uno

a Num. c. 12. v. 3. *b* Exod. c. 17. v. 11.

c Exod. c. 17. v. 12.

uno die precari solitus est? Tot arduis, re-
 giisque negotiis districtus, nihilominus sep-
 ties in die precari, mediâ nocte divinas
 laudes iterare, summo mane somnum ab-
 rumpere, preces repetere consuebat. In
 promptu testimonia: Septies in die laudem
 dixi tibi super judicia justitiæ tuæ. *a* Mem-
 or fui nocte nominis tui Domine. *b* Me-
 diâ nocte surgebam ad confitendum tibi
 super judicia justificationis tuæ. *c* Anticipa-
 verunt vigilias oculi mei. *d* Præveni in ma-
 turitate & clamavi: Prævenerunt oculi mei
 ad te diluculo, ut meditarer eloquia tuæ. *e*
 His tam crebris aut pane assiduis precibus
 elemosynas jungebat largissimas, qui pau-
 perum egenorum causam disertissimus ora-
 tor toties commendans: Beatus vir, inquit,
 qui intelligit super egenum & pauperem;
 in die malâ liberabit eum Dominus. *f* Di-
 sperfit, dedit pauperibus, justitia ejus ma-
 net in sæculum sæculi, cornu ejus exaltabi-
 tur in gloriâ. *g* Porro David in ad Arcâ ho-
 norificentius destinato loco collocandam
 triginta millia hominum (quod Regum fa-
 cti memorant) electos ex Israël congregavit.
 Quam autem largificâ stipe, quam gratis
 sportulis omnem Israël's multitudinem, tot
 millia hominum refecit? Nam partitus est
 universæ multitudini Israël, tam viro, quam
 mulieri singulis collyridam *h* panis unam,
 & as-

a Ps. 118. v. 164. *b* *Ibid.* v. 55. *c* *Ibid.* v. 62.

d Psal. 76. v. 5. *e* Psal. 118. v. 147. & 148.

f Psal. 40. v. 1. *g* Psal. 111. v. 9.

h Tortam panis, 1. Par. c. 16. v. 3.

& as-
 lam
 jejuna
 sentise
 sunt
 valetu
 ingress
 In har
 leemo
 maria
 ut neu
 gum
 tus, ci
 larent
 titudo
 sunt,
 lit ad
 jejuni
 mam
 mosyn
 indica
 dum
 ratiõ
 rex ig
 sed cu
 cleem
 erog
 princi
 rio,
 mus.

a
 b
 c
 d

& affaturam bubalæ carnis unam, & simi-
lam frixam oleo. *a* Ita verò hic idem Rex
jejunavit, ut vires inediã prostratas per-
sentiscens dixerit: Genua mea infirmata
sunt à jejunio. *b* Pro infantuli morituri
valetudine, jejunavit David jejunio, &
ingressus seorsum jacuit super terram. *c*
In hanc concordiam David orationem, e-
leemosynam, & jejunium redegit; ita pri-
marias virtutum actiones sibi attemperavit,
ut neutra neutri deesset. Haud aliter Re-
gum optimus Ezechias. Ita rex Josapha-
tus, cum mœstissimi ad eum nuntii pervo-
larent, dicerentque; Venit contra te mul-
titude magna de his locis, quæ trans mare
sunt, & de Syriã. *d* At ille totum se contu-
lit ad rogandum Dominum, & prædicavit
jejunium universo Juda. En promptissi-
mam orationis & jejunii mixturam. Elee-
mosynas ab Ezechiã in plebem sparsas satis
indicat illud: Totum se contulit ad rogan-
dum Dominum: omnem placandi Numinis
rationem iniit. Neque verò pientissimus
rex ignorare potuit, bonam esse orationem,
sed cum jejunio, quod prædicavit, sed cum
eleemosynã, quam utique liberalitate regiã
erogavit. Neque verò ullus tam piorum
principum unquam dixit: Parcamus ari-
rio, parcamus & corpori; satis est, si ore-
mus. Bona est oratio, sed tunc demum bona
est,

a 2. Reg. c. 6. v. 19.

b Psal. 108. v. 24.

c 2. Reg. c. 12. v. 16.

d 2. Paralip. c. 20. v. 2.

est, si geminis comitibus, jejunio & eleemosynis stipata est.

§. II.

Hoc orationis, abstinentiæ, ac eleemosynæ temperamento assidue usa est Juditha sanctissimi nominis vidua. Eo seipsam & totam urbem Bethuliam ab hoste potentissimo servavit illasam. Juditha suo conjugē defuncto (quod sacra pagina testatur) fecit sibi secretum cubiculum, in quo cum puellis suis clausa morabatur, habens super lumbos suos cilicium, jejunabat omnibus diebus vitæ suæ, præter sabbatha & neomenias, & festa domus Israël. ^a Cum autem Holofernes Bethuliam arctissimâ obsidione cingeret, ingressa Judith oratorium suum, & induens se cilicio posuit cinerem super caput suum, & prosternens se Domino clamabat ad Dominum: cumque jam in castris Holofernis ageret, & cibus è mensâ Imperatoris ad eam deferretur, illa jejunii tenacissima & lautitias suaviter recusans: Nunc, ait, non potero manducare ex his, quæ mihi præcipis tribui, ne veniat super me offensio: ex his autem, quæ mihi detuli manducabo. Ita vilis, aridâ, & tenui prorsus annonâ, quam saccerio attulerat, vitavit. Imò cum jâ ipsam Imperatoris mensâ accumberet, exquisitissimis epulis intactis, non aliud in cibum & potum admisit, quàm suas aliquot esuriales buccas ab ancillâ ministratas: Manducavit & bibit coram ipso ea, quæ paraverat ancilla
ejus. ^a

ejus. ^a Decusso jam Holofernis capite, obtentâque victoriâ collectisque spoliis Juditha sese non orationis tantum & jejunii, sed & piæ liberalitatis amantissimam ostendit: nam universa vasa bellica Holofernis, quæ dedit illi populus, & conopæum, quod ipsa sustulerat de cubili ipsius, obtulit in anathema oblivionis. ^b Ita hæc herois divina per istam precum, abstinentiæ, elemosynæ temperantiam, & sibi ipsi, & omnibus civibus suis salutem atque incolumitatem omnibus sæculis obtupescendam attulit.

Hac ipsâ ratione jejunio, precibus, elemosynis Regina Esther omnem Israël's populum ab interitu vindicavit. Urgebat modis omnibus Mardocheus, ut Assuerum Esther accederet, pro populo suo deprecatura. At illa sapienter cauta persuaderi non poterat, ut regi supplicem libellum portigeret non vocata. Sed Mardocheo impensius instante, demum illa: Vade, inquit, & congrega omnes Judæos, quos in Susa repereris, & orate pro me. En oratio pars vitæ impetrandæ prima. Addit: Non comedatis, & non bibatis tribus diebus, & tribus noctibus. En jejunium pars altera. Ne verò videretur Regina sibimet indulgere, & omnem jejunii austeritatem aliis injungere, subjunxit: Et ego cum ancillis meis similiter jejunabo, & tunc ingrediar ad regem, contra legem faciens non vocata tradensque me morti & periculo. ^c

Cre dibi-

^a *Judith c. 12. v. 19.* ^b *Judith c. 16. v. 23.*

^c *Esther c. 4. v. 16. & seqq.*

Credibile profus omnem cibum & potum reginæ ac ejus pedisequis apponendum in aulâ, in pauperum domos eo triduo fuisse deportatum. En eleemofyna, tam ardui negotii pars tertia. Ita demum Eſther Regina hoc triplici præſidio, precibus, jejuniiis, piâ liberalitate firmata, eam animo audaciam concepit, ut ultro regem adire non dubitaret. Res omnis ex voto longè feliciffimè ſucceſſit. Servati Hebræi, Aman auctor exequendæ cædis pependit ſolus. Videte neceſſariam orationis, abſtinentiæ ac eleemofynæ temperaturam. Hæc una tot hominum millia à deſtinatiſſimo interitu ſervavit. Hæc triga cælum expugnat, hæc Dei ſolum terræ propitiat, hæc quidquid impetrabile non difficulter impetrat. Quod Petrus Chryſologus faciendâ eruditâ explicatiſſimè tradens: Tria ſunt, inquit, tria fratres, per quæ ſtat fides, conſtat devotio, manet virtus: Oratio, Jejunium, Miſericordia. Quod oratio pulſat, impetrat jejunium, miſericordia accipit. Oratio, Miſericordia, Jejunium, ſunt hæc tria unum, dant hæc ſibi invicem vitam. Eſt namque orationis anima jejunium: jejunii vita miſericordia eſt. Hæc nemo reſcindat: neſciunt ſeparati. Horum qui unum habet, & iſta ſimul non habet, nihil habet. Ergo, qui orat, jejunet: qui jejunat, miſereatur: audiat petentem, qui petens optat audiri: auditum Dei aperit ſibi, qui ſuum ſupplicanti non claudit auditum. Jejunium jejunator intelligat, eſurientem

ſentiat,

P
ſentiat
tit: mile
prietatem
ſibi vult,
quod ali
tibi miſe
quantum
diam tib
ter ipſe
dia, jeju
nobis ad
ſint una
triformis
quæ ten
judicis p
cauſas
injuſtor
veniam
ſtibus n
terris; h
cipatun
rantur,
propellu
iſta ſuce
ra, cor
tibus d
ſcholan
plum
hæc ho
deitatis
fratres.
Joanni
ritis ap
jejunio

sentiatur, qui vult Deum sentire, quod esurit: misereatur, qui misericordiam sperat: pietatem, qui quarit, faciat: qui praestari sibi vult, praestet. Improbus petitor est, qui, quod aliis negat, sibi postulat. Homo esto tibi misericordiae forma, sic quomodo vis, quantum vis, quam cito vis, misericordiam tibi fieri, tam cito alii, tantum, taliter ipse miserere. Ergo oratio, misericordia, jejunium, sint unum patrocinium pro nobis ad Deum, pro nobis haec advocatio sint una, una haec pro nobis oratio sit triformis. Haec sunt fratres, haec sunt, quae tenent caeli arcem, quae secretum Dei iudicis pulsant, quae ante tribunal Christi causas humani generis exequentur, quae in justorum petunt indulgentiam, reorum veniam promerentur. Haec cui in caelestibus non assistunt, ipse non subsistit in terris; haec cum teneant in caelestibus principatum, in terris rerum summam moderantur, haec regunt prospera, haec adversa propellunt, vitia extinguunt ista, virtutes ista succendunt, haec reddunt casta corpora, corda pura, haec pacem membris, mentibus dant quietem, humanos ista sensus, scholam faciunt disciplinae: per haec in templum Dei pectora humana confurgunt, haec hominem praestant Angelum, homini deitatis deferunt haec honorem. Et nos fratres, si volumus Moyse gloriae, Eliae vitae, Joannis virtutibus, omnium Sanctorum meritis applicari, insistamus orationi, vacemus jejunio, misericordiae serviamus: qui in his

vixerit,

sentiatur,

vixerit, qui per ista fuerit communitus, jacula peccati, diaboli tela, mundi machinas, vitiorum cuneos, mala carnis, voluptatum laqueos, arma mortis, Christianus armiger, bellator dominicus non timebit. *a* Bona igitur oratio, sed bona cum jejuniis, & eleemosynâ.

Daniel Nabuchodonosori regi somnium explicaturus, ad id muneris cum Hebræis tribus Sattapis precando & jejunando se disposuit. Idem rogaturus è servitute Babilonicâ libertatem, tres hebdomades inter orationem, jejunia, consuetam in egenos liberalitatem exegit. In diebus illis, ait, ego Daniel lugebam trium hebdomadarum diebus, panem desiderabilem non comedi, & caro, & vinum non introierunt in os meum. *b*

a Chrysol. serm. 43. mihi pag. 115.

b Dan. c. 10. v. 2. & 3.

§. III.

Eadem in lege novâ orationis, & misericordix fuit observata conjunctio. Anna vidua octoginta quatuor annorum, turtur castissima, non discedebat de templo jejunii & obsecrationibus serviens die ac nocte. *a* Dux belli Cornelius Christianis facris nec initiatus, sed solo naturæ melioris instinctu, *Vir religiosus ac timens Deum cum omni domo suâ faciens eleemosynas multas plebi.* *b* Primum largitionis elogium. Et depre-

a Luc. c. 2. v. 37.

b Actor. c. 10. v. 2.

CANS

can
terum
quart
eram
fecit
neli,
tux c
Petric
rà non
Ange
nelius
nuavi
quid
butus
jejun
rit. C
Quid
mus
lubet
erent
eroga
eleem
tio ec
Sunt
rant,
didi
hoc
mosy
stum
a
b
c
d
mosy

cans Deum semper. a Assidua orationis alterum. Sequitur jejunii tertium. A nudius-quarta die, usque ad hanc horam, orans eram hora nona in domo mea, & ecce visus fuit ante me in veste candida, & ait: Cornelii, exaudita est oratio tua, & elemosynarum commemoratae sunt in conspectu Dei. b Perinde si dicat: A diebus quatuor, ab hora nona vespertina, c quando mihi apparuit Angelus, mansi orans & jejunus. d Ita Cornelius preces & inedia quadriduo continuavit. Videte, amore Domini IESU, videte, quid miles disciplinam Christi nondum imbutus rationis ductu fecerit, quantum pietate jejunium & elemosynas orationi junxerit. Quid hic amplius egemus testibus? Quid porro nos Christiani? Quid agimus his exemplis dignum? si praere non lubet, cur sequi dedignamur? Sunt qui orant, sed hoc tantum: abstinere cibis, erogare nummos non placet. Sunt qui elemosynas spargunt: sed hoc tantum; oratio eorum frigida & rara, jejunium nullum. Sunt etiam, qui subinde inedia aliquid ferant, sed hoc tantum, cetera deparci, ac sordidi nec assidem partiuntur in stipem. Vbi hoc necessarium orationis, jejunii, & elemosynae temperamentum? Servatoris dictum hic usurpem: Hac autem oportuit facere,

a Actor. c. 10. v. 2.

b Ibid. v. 31.

c Hora tertia nostrate pomeridiana.

d Glossa ordinaria: Jejunium, oratio & elemosyna digna opera sunt visione Angelis.

cere, & illa non omittere. *a*

Servator ipse, Dominus JESVS, hanc doctrinam non solum verbis, sed ipse suis exemplis tradidit. Noctes totas orando pervigilavit, Lucâ teste: Et erat pernoctans in oratione DEI. *b* Teste Matthæo, Quadraginta diebus, & quadraginta noctibus jejunavit. *c* Et quamvis eleemosynarum subsidio vixerit, nihilominus & ipse quoque dedit eleemosynas sui œconomi Iscariotæ manu. Res liquet. In supremâ cenâ Christus proditori Judæ dixerat: Quod facis, fac citius. Exceptâ voce hac, Quidam putabant, inquit Joannes, quod dixisset JESVS, Eme ea, quæ opus sunt nobis ad diem festum, aut egenis ut aliquid daret. *d* Ergo solebat Christus è suo suorumque discipulorum arariolo in egenes stipem conferre. Idcirco Cyprianus orationem jejunio & eleemosynâ destitutam rectè appellat sterilem & infecundam: Inefficax, inquit, est petitio cum precatur Deum sterilis oratio.

Sed est, qui dicat: Cum Hebræus Daniel Nabuchodonosori Regi modum suggereret expiandorum scelerum, solius eleemosynæ mentionem faciens: Peccata tua, inquit, eleemosynis redime, & iniquitates tuas misericordiis pauperum: forsitan ignoscet delictis tuis. *e* Respondemus: Quid enim verò Idololatræ studium orationis suaserit?

a Luc. c. II. v. 42. *b* Ibid. v. 12.

c Matth. c. 4. v. 2.

d Ioan. c. 13. v. 27.

e Dan. c. 4. v. 24.

suaserit? Piacularem in ediam inculcare regi, dura nimis concio. Ergo solas elemosynas suasit, sed & addidit: Forsitan ignoscet: Non usquequaque certum. Inefficax petitio cum precatur Deum sterilis oratio.

Primitias olim Deus decimasque omnium frugū ab omnibus accuratione summā exigens: Decimas tuas, inquit, & primitias tuas non tardabis reddere. *a* Tolle de cunctis frugibus, tuis primitias. *b* Boni triplicis usum fructum concessit nobis Deus; Animi, Corporis, Facultatum, seu fortunarum. Par est omnino, ut è singulis bonis illis nos usufructuarii primitias & decimas demus, nisi usum fructum amittere velimus. Det igitur orationem Animus, abstinentiam Corpus, Arca facultates. Oratio bona est, bonum jejunium, elemosyna bona, sed hæc invicem jungenda, Domino, ut Esdras loquitur, in holocaustum omnia. *c* Hoc autem censendum est verum holocaustum, cui de suo totus homo impendit, quod offerri possit: cum ab animo preces, à Corpore Abstinentia, à crumenâ facultates in hujus holocausti pretium conferuntur. Hic omnium præcorum Patrum sensus fuit.

a Exodi c. 22. v. 29.

b Deuter. c. 26. v. 2.

c 1. Esdr. c. 8. v. 35.

6. IV.

Cyrtianus, quem dixi, hac de re disertissimus: Orantes, inquit, non infructuosos nec nudis precibus ad Deum veniant: in-

Q 3

efficax

efficax petitio est, cū precatur Deum sterilis oratio. Nam cū omnis arbor non faciens fructum excidatur & in ignem mittatur, utique & sermo non habens fructum, promereri Deum non potest, qui nullā est operatione fecundus. Et ideo scriptura divina instruit, dicens: Bona est oratio cum jejunio, & eleemosynā. Nam qui in die iudicii prāmium redditurus est, hodie quoque orationem cum operatione adferentis benignus auditor est. Nam & Raphaē Angelus ostendit orationes nostras, & jejunia minus posse, nisi eleemosynis adjuventur. Revelat Angelus, & manifestat, & firmat eleemosynis petitiones nostras efficaces fieri, eleemosynis vitam de periculis redimi, eleemosynis animas à morte liberari. *a* Tam eximie, quā succinctē dixit Augustinus: Vis orationem tuam volare ad Deum? Fac illi duas alas, jejunium & eleemosynam. *b* Beatus Leo ejusdem animi ac sententiā: Hęc, ait, triplex observantia omnium virtutum comprehendit effectus. In oratione permanet fides recta, in jejunio innocens vita, in eleemosynā mens benigna. *c* Bernardus de triplici petitione differens: In his ergo tribus, inquit, ut cordis petitiones sint, tria nobis sunt observanda. Nam & in primā quidem superfluitas, & in secundā impuritas, & elatio interdum surrepere solet

a Cypr. l. de oratione Dominicā. & l. de opere & eleemosynā.

b Aug. Enarr. in ps. 42. sine.

c S. Leo serm. de ieiun. sept. mensis.

in tertiâ. Nonnunquam enim temporalia quæri solent ad voluptatem, virtutes ad ostentationem; sed & vitam æternam fortassis aliqui non in humilitate quærunt, sed tanquam in fiduciâ suorum meritorum. Ergo animi bona impetraveris? Da orationem, & cave impuritatem, ne cor tuum curis sæculi gravetur. Corporis bona postulas? Da jejunium & abstinenciam, & cave superfluitatem, ne corpus delicias, otium, libidines, saliares mensas sectetur. Æternitatis præmium ambis & bona cælestia? Da eleemosynas & cave injustiam, è bonis tibi commodatis calum eme. Inefficax petitio, cum precatur Deum sterilis oratio.

Paulus Apostolum cœpit agere ab oratione & jejunio, quod toto triduo continuavit. Erat enim tribus diebus non videns, & non manducavit, neque bibit. *b* Loco omnium illi oratio fuit. Ecce enim orat, ait Dominus Ananiæ. Eleemosynas & pecunias collatitias Paulus epistolis sæpius commendat, & monet, ut ea ordine animoque benevolo fiant.

Sapuit profectò Rex Ninives, qui civibus universis ita jussit edici: Homines & jumenta, boves & pecora non gustent quidquam, nec pascantur & aquam non bibant. En jejunium. Et clament ad Dominum in fortitudine. En orationem. Er convertatur vir à viâ suâ malâ, & ab iniquitate, quæ est

Q 3

a Bern. serm. 5. in Quadr. de triplici modo orationis, mihi pag. 150.

b Acter, c. 9. v. 9.

in manibus eorum. *a* En Eleemosynas, quæ manuum iniquitates, avaritiam, & in pauperes duritiam emendant.

In cœnobio Divi Theodosii (quod explicatiùs alibi narramus *b*) nec orationis, nec jejuniorum usus, sed eleemosynarum largitas desiderata est. Solebat quot annis die cenæ Dominicæ triticum & vinum in egenos liberaliùs distribui. Eo autem anno, quo agri maligniùs respondebant, stulta providentia eleemosynas illas censuit subtrahendas specioso hoc nomine, ne annona monasterio deesset. Paullò pòst quidquid in horreis condebatur tritici in frondem effusum est. *c* Ea jactura quinque mille modis estimata. Hic Abbas suis tam stolidè cautis in os objectans: Nimirum, ait, hoc lucri jam habemus. Eleemosynæ pro more dandæ modios quingētos tritici haud excessissent: nunc iis negatis modiorum quinque millia perdidimus. Perbene factum. Has segetes metit fatua diffidentia. *d*

Ergo quod sedulò Paulus hortatur: Sobriè, & justè, & piè vivamus in hoc seculo. *e* Sobrietas abstinentiâ & jejuniis, justitia eleemosynis, pietas orandi studio nutritur. Quod Franciscus Georgius Venetus pulchre profecutus: Cur oratio, inquit, cum eleemo-

a Iona c. 3. v. 7. & 8.

b Vide Gazophylacium Christi.

c Ist aufgewachsen.

d Sophronius in Prato Spiritali, c. 8 §. miba pag. 398.

e Tir. c. 2. v. 12.

elemosynâ , & jejunio (Raphaële teste) Deo gratissima est? An quia, cum oratio sit (ut Damascenus inquit) elevatio mentis in Deum, tantò magis mens ipsa elevatur, quantò orans à gravaminibus expeditior existit? Duo enim sunt gravamina, quæ mortales valdè deprimunt: oblectamentum carnis videlicet, & terrenorum affectus. Illud autem gravanti corpori animam sub- jicit, & hic facibus terræ ipsam animam suffocat. Hinc ab utroque expeditus homo faciliùs ad Deum mente conscendit. An quia, si oratio elemosynæ associetur, operi charitatis Deo gratissimo conjungitur; & si jejunium addatur, quantò magis anima- lis homo per ipsum debilitatur, tantò magis spiritalis roboratur. His igitur, tanquam duabus alis, evolat oratio.

Ergo bona est oratio cum jejunio & elemosynâ. Et, ut nemo nesciat quàm hoc bonum sit, Angelus subjungit, magis quàm thesauros auri recondere. E cælo descendit hoc scitum, Non hoc Pythagoras aut Plato, non Augustinus, aut Chrysostomus, sed Angelus dixit: Suas Deo decimas demus, & non tardemus. Si non orare solùm, sed & impetrare cupimus, quod oramus; geminas orationi alas affigamus, Jejunium & Eleemosynam. Orator sobrius, justus & pius; orator optimus, potentissimus, victoriæ certus.

C A P V T X I I.

*Tobias uterque ad remunerandum
liberali voluntate paratissimus.*

IN eâ deliberatione, quam Tobias parens unâ cum filio instituit, ut filii animum exploraret, sententiam illius exquirens: Quid possumus, inquit, dare viro isti sancto? Cui filius: Pater, ait, quam mercedem dabimus ei? aut quid dignum poterit esse ejus beneficiis? Me duxit & reduxit sanum, pecuniam à Gabelo ipse recepit, uxorem ipse me habere fecit, & dæmonium ab eâ ipse compefcuit, gaudium parentibus ejus fecit, meipsum à devoratione piscis eripuit, te quoque videre fecit lumen cæli, & bonis omnibus per eum repleti sumus. Quid illi ad hæc poterimus dignum dare? Et vocantes eum, pater scilicet & filius, tulerunt eum in partem, & rogare cœperunt, ut dignaretur dimidiam partem omnium, acceptam habere.^a

Si avi nostri sordidos quorundam & illiberales mores considerem, fuissent, qui dixissent: Heus bone vir, eam tibi mercedem soluo, quâ tuam mihi operam conduxisti. En illam ipsam. Ampliorem, puto, non postulabis. Vtrimque pactis conventis stabimus. Qui lautissimus haberi voluisset, gracile auctarium adjiciens dixisset: En honorariam

^a Tob. c. 12. v. 1. & seqq.

ram stipem, philippeorum assem. a Omne reliquū sibi retinisset. Ad has sordes liberalitas Tobia neutiquam descendit. Paratissimi erant, tam pater, quā filius, non dimidiam tantū partem, sed dare omnia, modō verecundiam accipientis non haberent repugnantem. Arbitrabantur, quid quid dedissent, minus quā promerita postularent, esse duros. Quid dignum poterit esse beneficii ejus? Eximia remunerandi voluntas, insignis in bene merentem liberalitas. Hæc semper dives & abundans est; hæc dat etiam cū non dat. Hic explicandum quantæ divitiæ in unâ lateant voluntate, quid probitatis, ac sanctitatis desiderium, quanta sit opulentia serio velle probum esse.

a Duzet Thater Trinagelt.

§. I.

Ad virtutem & omnigenam probitatem assequendam princeps subsidium est serio velle ac cupere probum fieri, virtutem adipisci. Ad honestissimum hoc desiderium variis agimur impulsibus.

Hebræis olim Deus per Haiam: Si quaeritis, ait, quaerite: convertimini, venite. a Si urbem ab hoste defensam vultis, hoc agite, ut serio velitis, consilium pacatum, auxilium opportunum non respuatis. Ita & Moses: Cūque, ait, quaeris ibi Dominum Deum tuum, invenies eum; si tamen toto corde quaeris, & totā tribulatione

animæ

a Is. 22. v. 12.

animæ tuæ, a Nimirum invenitur Deus à serio quærentibus & cupientibus invenire. Virtutis acquirendæ pars prima, & sanè præcipua, velle virtutem acquirere. Lucilium equitem Romanum Annæus Seneca hortabatur, & ad optima quæque formabat. Eò & illa spectat Annæi epistola: Quid aliud, inquis, adhuc? Volo. b In hoc plurimum est. Nam sic quomodo principia totius operis dimidium occupare dicuntur, ita res animo constat: pars magna bonitatis est velle fieri bonum. c Vatis Venusini Sapiens monitum est:

Dimidium facti, qui cæpit, habet. Sapere aude:

*Incipe Vivendi qui rectè proorat horam,
Rusticus expectat, dum destuat annis --. d*
Ergo velis & tanta sapere: dimidium rei erit. Ergo fieri sanctior velis, & optimum sanctimonix fundamentum posuisti. Nec enim totum est positum; neque sola voluntas sufficit: sed videndum, ut recta ea sit, & firma. Actio enim recta non erit, nisi voluntas sit recta, siquidem ab hac est actio. Rursus voluntas non erit recta, nisi habitus animi rectus sit, ab hoc enim est voluntas. Habitus porro animi non erit sine scientiâ. Quemadmodum verò, ait Seneca, primum militix

a *Deut. c. 4. v. 29.*

b *Hæc Lucilii sunt verba: Quid ultra horaris, mi Seneca? iam volo, cui Seneca, multum hæc quidem est, non tamen omnia.*

c *Seneca epist. 34. fine.*

d *Horat. l. 1. epist. ep. 2. ad Lollium.*

militiæ vinculum est religio, & signorum amor, & deferendi nefas; tunc deinde faciliè cetera exiguntur, mandanturque jusiurandum adactis: ira in his, quot velis ad beatam vitam perducere, prima fundamenta jacienda sunt, & insinuanda virtus; hanc ament, cum hac vivere velint, sine hac nolint. *a* Sed hæc in divinis libris longè affirmatiùs traduntur, altiùs inferuntur discenti. Liber Sapientiæ, amorem virtutis, desiderium sanctitatis efficacissimè commendat his verbis: Initium sapientiæ, verissima est disciplinæ concupiscentia; & invenitur ab his, qui quærunt illam. *b*

a Seneca epist. 95. mihi pag. 602.

b Sap. c. 6. v. 14. & 18.

§. II.

Sed hîc in antecessum probè capiamus, Quid sit serîd velle, quantumque distet ab eo, quod in scholis *Volitionem* aut *Velleitatem* vocant. Torpidum velle. De leviter volente Salomon pronuntians: Vult, inquit, & non vult piger. *a* Desidiosus solennissimum est fortunas amplas, prosperos successus, felicitates maximas desiderare: sed ad moliri manum & ad illa adipiscenda seriam navare operam horrêt & refugiunt. Ita & volunt, quod desiderant, & nolunt, non enim quidquam ultra inania vota procedunt. Vult piger, quia impensissimè operatur; & non vult, quia nullam industriam operatur applicat. Desidiosus votum est: Vellem esse

a Prov. c. 13. v. 4.

esse doctus, dives, probus. Finem cupit, sed viam refugit, quâ pertingitur ad finem. Est, qui vellet ire Venetias, sed via homini pigro longa nimis videtur & operosa. Est, qui vellet nummos jam partos arcâ claudere, scientiam jam acquisitam ingenio completi, sanctimoniam obtentam animo possidere. Mi bone, sed piger Christiane, vis opes? Ergo aut venum expone merces:

*Impiger extremos curras mercator ad Indos
Per mare pauperiem fugiens, per saxa, per ignes. a*

Aut Galeni scholas frequenta, dat Galenus opes; aut certè principum servitiis para salarium. Hac ad opes itur. Via, inquis, laboriosa, fatigari nolo. Ergo vis & non vis. Eruditionem ambis & honorem? Ludus litterarius est subeundus, excipienda ferula, voluendi libri, discendæ litteræ, idque septem aut octo annis, dum ex inferioribus paullulum emergas. Vbi ferulæ manum subduxeris, in Lycea & Academiis proficiscendum, ubi etiam anni complures exigendi dum philosophiam haurias, dum aut Jurisprudentiæ, aut Medicinæ, aut Theologiæ exactiorem scientiam adjungas. Hos labores refugis? hos sumptus metuis? Ergo eruditus esse cupis, sed modum, quo comparanda est eruditio, rejicis: finem quæris, sed ea, quæ ducunt ad finem, spernis. Ergo vis & non vis. Sed scias eruditionem minoris non vendi. Aut eme tanti, aut illiteratus asinus abi. Sine labore nihil felix, à Sophocle

a Horat. l. i. epist. ep. i. ad Mecanatorum.

ele sapienter dictum.

Pari modo vis esse sanctus & probus, virtutis cultor? Finis optimus: ea igitur, quæ ad finem hunc ducunt, sectare. Virtutis studiosus sustinere, & abstinere, ante omnia os & linguam frenare, gulam substringere, libimet, suisque cupiditatibus imperare, animum frangere discat; crebrius precari, in ediam tolerare, egentibus benignè facere. His gradibus ad virtutem ascenditur. Tu autem iter arduum fortassis horres, nec sudare, nec algere sustines? Hoc prorsus est velle, & non velle, finem querere, veram ad finem viam declinare. Ergo apage ignavum pecus, Romam non pervenies, si Romam proficisci nolis, Pegasorum alis eò non deportaberis. Eò ire licet aut equo, aut thedà, aut pedibus; volare non licet. In editam virtutis rupem licet evadere, sed per ardua eluctandum est. Hic ascensus emittur sudore. Sudare non vis? ergo ascendere non vis. Hic reverà vulgarissimus est error; à nobis ipsis persuademur nos velle, cum nolle totis viribus obstitat. Sed hoc ipsum explicatiùs tradamus.

§. III.

Plurimi sunt ejusmodi Volones frigidissimi. Est, qui secum ipse dicat: Quàm meæ valetudini conduceret, si poculis valedicerem, si ebrietatem omnem caverem. Sobrietatem iste cupit, sed sobrietatis imperium spernit, ubi ubi symposiolum, popinationem, convivium vultur iste olfacit,

mor

mox advolat, & glutit; placet, quod sapit. Sobrietatem iste vult & non vult. Est, qui ipse sibi dicat: *Quam* decorum esset, & vero etiam necessarium castiores mores induere, pudicitiam sanctius habere, leges divinas non violare? Occasiones inserim nullas fugit, oculos non continet, genium re nullâ fraudat, cupiditatibus nihil imperat. Hic certe castitatem serio non amat. Vult esse castus & non vult. Haud aliter iracundus mansuetudinem laudat, & eâ præditus esse desiderat, sed mansuetudinis leges observare recusat, sibi ipse in omnibus assentitur, habenas bili laxat, adversus tam improbum affectum vi nullâ utitur. Vult esse mansuetus & non vult. Hi tales non sunt absimiles ei, qui sub secundâ ceraso ore stat hianti, quam veller cerasis vesci! sed cerasum ascendere, aut brachia paullo laboriosius in altum mittere non vult. Maturos fructus cuperet in os defluere. Ita illi omnes pigerrimi Volones nucleum volunt, nucem nolunt frangere. Hoc sanè non est serio velle. Hæc Voluntas, seu Velleitas aded non seria, non robusta, inferos non claudit, cælum non reserat. Hinc verus & verum verbum: Cælum bonis operibus, gehëna bonis desideriiis est plena. Quod asseverans Salomon: Desideria, inquit, occidunt pigrum, noluerunt enim quidquam manus ejus operari. *a*

Ore Salustii perorans Cato. Non votis, inquit, neque suppliciis muliebribus auxili

a *Proem. c. 2 l. v. 25.*

lia Deorum parantur: vigilando, agendo bene consulendo prosperè omnia cedunt. Ubi socordia te, atque ignavia tradideris, ne quidquam Deos implores; irati infestique sunt. Tam ignavas preces & vota somni plena sic irridet Maro:

*alitur vitium, vivitque tegendo
Dum, medicas adhibere manus ad vulnera
pastor.*

*Abnegat, & meliora Deos sedet omina
pascens. a*

Hoc Velle tam lentum ac frigidum parum facit ad virtutis studium. Idcirco suam quisque conscientiam interroget: Num serius & animo cupis virtutem, & mores repræsentare emendatiores? Hoc verè totòq; animo Velle ad Virtutem assequendam plurimum conducit. Huc spectant consolatoria dicta psalmographi: Animam esurientem satiavit bonis: *b* Et beati Lucæ. Esurientes implevit bonis. *c* Et ipsius Christi: Si quis sitit, veniat ad me, & bibat. *d* Jam satur aut ebrius si potum poscat, non sitire judicatur, nec facile, quod poscit, impetrat, ita desiderii languentibus non obtineretur Virtus.

Verè ac seriò Velle est acquirere. Quod Lactantius Firmianus adstruens: Quid est, inquit, virtutem colere, nisi eam animo comprehendere? quod unusquisque simul ac cœpit velle, assequitur. *e* Thomam Aquinatem soror germana interrogans:

Quâ

a Virg. l. 3. Georgi post med. b Ps. 106. v. 9.

c Luc. c. 1. v. 53. d Ioan. c. 7. v. 37.

e Lactant. l. 5. divin. Instit. c. 20.

Quâ ratione, mi Pater, inquebat, salvari possum? Continuo vir sanctus respondit: Si volueris, salvaberis. *a* In eo res vertitur; hic causæ cardo est. *b* Si volueris, mi homo, proficies; si volueris esse sobrius, castus mansuetus; eris. Si volueritis, ait Isaias, bona terræ comedetis. *c* Si desit facultas, remuneratur voluntas. Augustini pronuntiatum est: Non attendit Deus facultatem, sed voluntatem, sed cupiditatem. Coronat Deus intus voluntatem, si non invenit facultatem. *d* In rebus omnibus, ut philosophi docent, præferri moralibus amor, ac desiderium finis, est causa prima, quæ alias omnes ad agendum movet, ita quidem ut quò majus est desiderium finis, major etiam sit industria illius obtinendi. Hinc languentè desiderio cadit virtutis assequendæ conatus.

Quàm promptus, paratus fuit Rex David templum ædificare Domino! Hæc voluntas tam fuit robusta, simul & opulenta, ac si reverà templum ædificasset. Nec dilatum est præmium. Mox enim Nathan divinæ liberalitatis interpret: Domum, inquit, ædificabo tibi, regnum tuum usque in æternum ante faciem tuam, & thronus tuus erit firmus jugiter. *e*

6. I V. Se-

a Historia Predicator. parte 1. l. 3. c. 17.

b Da haffts/da ligt der ganze Handl.

c Is. c. 1. v. 19.

d Aug. tom. 8. in ps. 131. sine, mihi pag. 629.
e. 2. Reg. c. 7. v. 16. & 27.

§. IV.

Seriò velle sanctiorem fieri, res maximi est promeriti. Nam quemadmodum Christus cupiditatem pravam, velut ipsam actionem flagitiosam puniturus pronuntiat: Omnis, qui viderit mulierem ad concupiscendum eam, jam mœchatus est eam in corde suo: *a* Ita sancta proficiendi desideria, velut ipsa virtutis opera remuneraturus laudat: Ego sitienti dabo de fonte aquæ vivæ gratis. *b* Ita & Paulus: Qui volunt, inquit, divites fieri, incidunt in tentationem & in laqueum diaboli. *c* Hic Augustinus: Cupiditates, ait, non facultates accusat. *d* Ita prorsus, qui plurimum stipsis erogare, plurima pro Christo tolerare, multos ad Christi disciplinam, aut ad meliorem vitam adducere ardentè desiderat, nec potest, facti præmium recipiet: ita, qui modestiæ, submissionis, patientiæ, temperantiæ virtutem seriis conatibus sectatur, jam affectus censebitur. Abrahamus filium Isaacum non jugulavit in victimam, sed jugulare voluit. Hic etiam voluisse sat fuit. Coronavit Deus voluntatem, ubi jussio abstulit facultatem.

Petierat à Deo Daniel Hebræi populi libertatem è servitiis Babylonicis. Mox Gabriel Archangelus responsum deferens: Exaudita sunt, inquit, verba tua. Ratione hac

a Matth. c. 5. v. 29. *b* Apoc. c. 21. v. 6.

c 1 Tim. c. 6. v. 9.

d Aug. l. 50. homil. hom. 13.

hac adjunctâ: Quia vir desideriorum es. Hoc Danieli è cælo sapius nuntiatum: Noli timere, vir desideriorum, Pax tibi. a Nimirum toto pectore sincerisque studiis adniti & cupere Deo placere, servire, Dei voluntatem exequi, res summi meriti est. Pari modo ex animo velle alios juvare, stipem plurimam erogare, sibimet acriter imperare, cupiditates pravas frangere, inediâ corpus macerare, inquilinum, familiare vitium superare, quam creberrimè orare, virtutibusque ceteris graviter studere; licet non sint adèò in expedito posita, nihilominus coronabit Deus voluntatem, ubi conjunctam non invenerit facultatem.

Tobias obsequia sui comitis, si conventa pacta spectamus sex florensis exsolvere potuisset, nec amplius quidquam debuisset: at ille liberalissimâ voluntate, ultra sex millia florenorum, quod infrâ demonstrabimus, obtulit. Hanc pronissimam largiendi voluntatem pro facultate Deus coronavit. Dimidiam allatorum partem expendere Tobias paratissimus fuit, sed nec assem expendit, adèò hæc tam dives & liberalis voluntas Deo placuit.

Gertrudi sanctæ virgini fertur dixisse Christus: Latus meum semper est apertum donis ac gratiis plenum, quicumque vult haurire, potest, modò aureum applicet siphunculum, bonam voluntatem. Hac fistulâ è divino pectore diversa dona trahimus, hac lugimus salutem. Quisquis hoc

probè

a Dan, c. 8. v. 23. & c. 10. v. 11 & 19.

prob
suum
& etu
hic cas
servien
bili ro
melio
ficere.
voluer
tem h
quod
pro se
vel mi
etis, c

To

N
deus
pron
tation
mei
verita
lunt
justi
Dei,
in ve
bias

probè capit, sapius de die hunc syphonem suum admover, spiritum Christi attrahit, & erudita jam siti gratias bibit. Quàm juvat hîc castis sanctisque desideriis, ardenti Deo serviendi voluntate, ac cupiditate inexplebili rotos Mundos, mille Orbes implere, ad meliora semper tendere, jugiter velle proficere. Quisquis es, si volueris, salvaberis: si volueris, & hoc vitium expugnare, & virtutem hanc adipisci, & hosti tuo ignoscere, & quod veritum vitare poteris. Quin igitur pro se quisque dixerit vel uno die centies, vel millies. Volo, Domine, volo: Fac velis, & eris, quod esse volueris.

C A P V T XIII.

Tobias uterque cum Deo familiarissimus.

Non satis fuerat Tobiaz patri familiarissimè cum Deo agere, à Deo totum pendere, sed hos insuper affectus optimos, in suos posteros, in nepotes, & pronepotes studuit propagare. Hinc cohortationes illè pietatis plenissimæ: Audite filii mei patrem vestrum: servite Domino in veritate, & inquirete, ut faciatis, quæ placita sunt illi: & filiis vestris mandate, ut faciant justitias & eleemosynas, ut sint memores Dei, & benedicant eum in omni tempore, in veritate, & in totâ virtutè suâ. Hæc Tobias senex filio & septè adolescentibus suis nepoti-

nepotibus unice commendat. Hinc discere licet, quibus Tobias affectibus, quàm calidis Deum complexus, quàm arcana cum Deo familiaritate sit usus. Tobiam assidue memorem supra sub aspectum dedimus. Ex istâ porro assiduâ Dei memoriâ, familiaritas cum Deo suavissima enascitur. Hanc ipsam cum Deo intimam familiaritatem hoc capite pettractabimus.

§. I.

Quæstio sit, an esse possit jugis & assidua Dei memoria, in hac turbatiore vitâ. Sunt enim, qui dicant: Occupationibus variis implicamur, negotiorum pleni sumus; hac illac trahimur, cogitationes sparsas huc illuc volvimus, inquietum animum per omnia versamus, vel cibi ac mensæ oblivisceremur, nisi fames moneret. Quâ igitur ratione jugiter Dei meminisse possimus? Possimus, mi Christiane, possumus, modò velimus. Nec enim Deus id à nobis exigeret, si humanam facultatem excederet. Hoc Abrahamo scimus imperatum: *Ambula coram me & esto perfectus.* *a* Hoc age, tuos in me oculos desige; nunquam non presens sim tuis obtutibus. Par est, ut famulus fidelis hoc suo Domino præstet obsequii, Servientis oculi sint in manu operantis, & ad omnem nutum attendant. Hoc jussus est facere Abrahamus. Atqui hoc omnino est Dei assidue meminisse. Rex David hoc unice summis religionibus observans: *Pro-*
videbam,

a Gen. c. 17. v. 2.

videbam, inquit, Dominum in conspectu meo semper. *a* Non exigit à nobis Deus, quod fieri non possit. Hoc quidem non die uno, nec hebdomade aut mense, forsitan nec anno uno ad usum facilem perducipotest; Assuetudo constans hæc talia leni progressu docet. Volenti hoc facillimum, quia solatii refertissimum. Sapientiâ teste. Non habet amaritudinem conversatio illius, nec tædium convictus illius, sed lætitiâ & gaudium. *b* Inter amicissimos aliàs litigii aut fastidii aliquid facillimè obrepit. Assiduè Dei meminisse, omnia cum Deo peragere, merum mel ab omni amatore defecatum. Atque per hanc Dei memoriam assiduam, & orationem quàm frequentissimam aditus pater ad conflandam cum Deo familiaritatem arctissimam.

Nobilissima hujus rei idea Moses, quem Deus faventissimo testimonio commendans: At non talis, inquit, servus meus Moses, qui in omni domo meâ fidelissimus est, ore enim ad os loquor ei. Quare ergo non timuistis detrahere servo meo Mosi? *c* Sciveratis illum tantâ apud me gratiâ polletere, nihilominus dentes in eum stringere non estis reveriti: Ego hunc virum mihi charissimum amicitiz jure tueor. Hoc Moses obtinuit mansuetudine incredibili, & oratione jugi, toties locutus cum Deo. Hic modus est; ita nos in familiaritatem Dei insinuamus.

Sa:

a Psal. 15. v. 8. *b* Sap. 6. 8. v. 16.
c Num. 6. 12. v. 7.

Samuel etiamnum adolescens ad Dei ta-
men familiaritatem admissus est. Heli Sa-
cerdotem omittens & inhonoratum transi-
ens Deus, Samuelem ter unâ nocte accer-
sit, familiarissimè cum Deo locuturus. &
Neque verò Samuel ad familiaritatem
istam segniter sese applicans: Loquere Do-
mine, ait, quia audit servus tuus. Hic imper-
ia Deus prolixiora dictans, ad Heli omnia
suo nomine fideliter perferri iussit, Pertulit
Samuel fideli obsequio.

Tobias cum Deo familiarissimus fuerit
necesse est, quando talem à Deo accepit è
cælo tabellarium, qui non sermonis tantum
sed & itineris iniit commercium; qui hu-
mano ritu comedere, bibere, dormire, am-
bulare, equitare, carpento vehi, navigare;
qui pecuniæ, matrimonii, medicinæ, omnis
generis negotia tractare visus est per com-
plures hebdomades. Nil simile nec vetus,
nec nova lex in annales misit. Tobias uti-
que, perinde ut Moses, in omni domo Dei
fidelissimus fuit. Quàm autem illa Tobia
senioris ad virtutem valida cohortatio:
Servite Domino in veritate, & inquirete, ut
faciatis, quæ ei placita sunt semper. Sincero
animo serviri vult Deo, & summâ curâ in-
dagari, ne quid fiat, quod Deo displiceat,
cùm vitæ nostræ lex unica sit, Deo in om-
nibus placere cupere. Addit: Filiis vestris
mandate, ut faciant justitias & elemosy-
nas; ut sint memores Dei, & benedicant
eum in omni tempore, & in veritate, & in
totâ

totâ virtute suâ. Ad auream justitiæ libellam cum omnibus vult agi. Neque hoc tantum, sed & egénis debitum, quod justitiæ pars est, jubet persolvi: Neque solum continuam Dei memoriâ, sed & Dei orationes ac Dei laudes exigens continuas: Benedicant eum, inquit, in omni tempore. Neque hoc oscitanter, aut perfunctoriè, sed in veritate, & in totâ virtute suâ: summo studio, nervis omnibus, ac facultatibus, omnibus opibus, viribusque, totâ mente, omni cogitatione & curâ, contentione maximâ. Hic Tobix sensus fuit de obsequiis Deo præstandis, quæ, si ardens adsit constantia, è servo non difficulter faciunt amicum.

Rex David quàm familiari ac dulci confidentiâ dixit: Memento Domine David, & omnis mansuetudinis ejus. *a* Fruar, obsecro mansuetis moribus tibi amicissimo, nisi fallor, probatis. Subitò in angustiis deprehenus exclamat, & suppetias ab amicorum familiarissimo flagitat: Apprehende arma & scutum, & exurge in adiutorium mihi. Effunde frameam, & conclude adversus eos, qui persequuntur me: dic animæ meæ: Salus tua ego sum. *b* Hæc amicorum sunt mutuas inter se operas communicantium.

Ananias Pauli Magister Christo familiarissimus fuisse credendus est. Cum enim Christus legationem ei demandaret ad Saulum Tarsensem, Ananias grâdi profusus, &

a Ps. 34. v. 1.

b Psal. 34. v. 1. & 2.

& perquam familiari fiduciâ: Domine, ait, audivi à multis de viro hoc, quanta mala fecerit Sanctis tuis in Hierusalem. Et hic habet potestatem à principibus Sacerdotum alligandi omnes, qui invocant nomen tuum. Tergiversatur suaviter legationem hanc obire, & amicam adfert exculationem. Sed non minus amicè Christus: Vade, inquit, vas electionis est mihi iste. ^a

^a Actor. c. 9. v. 13. & seqq.

6. II.

Atque hæc cum Deo familiaritas summi est momenti, fructusque nobilissimus, quem parit assidua Dei recordatio. Nihil beatius in hoc Orbe tali amicitia, cum duo inter se adeò peramanter, candidè, sincerè, fideliter loquuntur, velut unus aliquis secum ipse: Judicio Siracidæ: Fideli amico nulla est comparatio, & non est digna ponderatio auri & argenti contra bonitatem fidei illius. ^a Deus verissimè talis est amicus. Inter homines id rarissimum, vix ullis exemplis commonstrandum. Sed dictis addit Siracides: Amicus fidelis, protectio fortis, qui invenit illum, invenit thesaurum. Amicus fidelis medicamentum vitæ & immortalitatis. Nimirum illud Euripidis decantatissimum:

Amicus in malis amico est gratior

Quàm navigantibus serenitas maris.

Omnibus thesauris pretiosior thesaurus, benevolus & prudens amicus. Quod Darius

Rex

^a Eccli. c. 6. v. 15.

Rex Persarum ad Historiam scripsit. Hinc Socrates rectè solebat dicere: Vero & bono amico pretiosiore nullam esse possessionem, nec aliunde plus fructus & voluptatis capi: itaque præposterè illos facere, qui gravius ferant dispendium pecuniæ, quàm iacturam amicitia, quique beneficium clamant perditum, quo sibi conciliarint amicum quovis lucro potiore. Quem autem, mi Christiane, amicum tibi eliges, qui sapientior, qui magis benevolus, qui fidelior sit Deo, aut Domino JESU Dei filio? Amor à Romanis pingebatur juvenis, nunquam enim senescit amor: veste lacerà, cum enim omnia largiatur aliis, ipse pauper efficitur: in vestis limbo scriptum erat *Vita & Mors*: in fronte. *Hieme & Æstate*: Apertum & nudum præferbat latus: in ipso hæc legebantur verba, *Et longè, & propè*. Hæc Christo ex æsse conveniunt. Immortalis Christi vita senii est expers. Aded autem liberaliter Christus omnia largiebatur aliis, ut ipsæ vestes illius sub cruce sint divisæ. In manu Christi vita & mors. Amicorum integerrimus, fidelissimus est Christus, hieme, æstate, omni tempore. Pectus gerit patulum in cruce lanceà reseratum. Et longè, & propè Christus est, Longè deserentibus se, propè diligentibus se. Uti, quod Ambrosius dixit, dormit tepidis, vigilat perfectis. Ergo apparuit benignitas & humanitas Salvatoris nostri Dei, *b Phrafi Gracà*: Apparuit amor

R homi-

a Ambros. l. 4. in c. 5. Luca propè finem.

b Tit. c. 3. v. 4.

hominum. Verissimè Christus non tantùm homines amans, sed amor hominum, qui amicitiam humana plurimum delectatur.

Hic quærat nonnemo: Quid est arcana hæc cum Christo, cum Deo familiaritas? Est amor benevolentissimus utrimque cognitus. Explico. Est qui corde sincero ac perfecto quàm potest fidelissimè Deo serviat, & cui servit, quàm integerrimè in omnibus fidat. Hunc talem hominem Dei Potentia, Bonitas, Misericordia, Providentia, Justitia, Sapientia mirificè delectant. Huic ex æquo summè placent omnia Dei decreta, leges, præcepta, constituta; illi omnis Dei tam nutus, quàm permissus gaudio est. Hic animam gerit Deo tam devotum, ut mille orbis, mille capita, millies vitam & fortunas omnes pro Deo relinquere paratissimus sit. Hinc illud medullitus & ex animo sapius pronuntiat: Deus meus, & omnia. Hunc certè amorem sui Deus novit, qui novit omnia. Ergo amor ille, quem dixi, benevolentissimus jam unâ parte notus est. Sed & parte alterâ sic innotescit. Ille ipse homo beneficiorum divinarum non immemor: Ea, inquit, beneficia in me congeffit Deus, tam potenter & suaviter suâ me hætenus providentiâ duxit, ut signorum satis & argumentorum habeam me denique cælo recipiendum, Dei aspectu, summâ beatitudine donandum. Hinc illæ protumpunt voces: O amantissime Deus, tibi nihil, quod à me petas, negare possum. Dic nutu, & impetrasti. Paratum cor meum, Deus,

P
Deus, pa
me vis
& mira
plales i
illumina
dixi, int
volentis
arcana, &
Deo fam
rectius,
rem hab
Gustate.
minus. b
liaritat
Sed pl
liaritas
Abfit m
melius n
Deum
hinc me
nium e
commer
tum, qu
ineund
Human
eum D
sapius
cunque
amici, a
lentissim
lus nos
spites &
a Pf.
b Pf.

Deus, paratum, paratissimum, Domine, quid me vis facere? Hinc in homine illo novum & mirabile lumen oritur. Cui augendo psaltes invitans: Accedite, inquit, ad eum, & illuminamini. *a* Ita proflus, ita ille quem dixi, inter Deum & hominem amor benevolentissimus utrimque fit cognitus. Hinc arcana, & contra mel omne suavis illa cum Deo familiaritas contrahitur. Cogitari hoc rectius, quàm dici potest. Nec contemptorem habet ullum, nisi talia non expertum. Gustate, & videre, quoniam suavis est Dominus. *b* In hujus multò suavissimæ familiaritatis notitiam sola ducit experientia.

Sed plebeium illud hîc objeceris: Familiaritas parit contemptum. Hîc neutiquam. Absit metus. Quò quis melius Deum, hoc melius novit & seipsum. Hinc excitatio in Deum amor, reverentia submissior: hinc major sui despicientia, virtutum omnium caput. Deinde famulus licet herocommendatissimus, non ei tamen ad lubitum, quavis horâ, ad colloquium cum heroincundum, in conclave licet erumpere. Humani mores hoc non ferunt: At verò eum Deo cujusvis horulæ parte decies ac sapius, momenti omnibus, & quotiescunque demum lubet, licet colloqui. Ut amici, ac familiares, ut domestici benevolentissimè admittimur. In hanc fiduciâ Paulus nos animans: Jam, inquit, non estis hospites & advenæ, sed estis cives Sanctorum,

R 2

&

a Ps. 33. v. 6.

b Ps. 33. v. 9.

& domestici Dei. *a* Oculi Domini super omnes quidem mortales, sed quod psalterius regius dixit, Oculi Domini super justos. In familiares & amicos singulariter tendunt hi oculi amoris & benevolentiae pleni. Vultus autem Domini super facientes mala: *b* Vultus terribilis & minarum plenus.

a Ephes. c. 2. v. 19. *b* Ps. 33 v. 16.

§. III.

Sed quaeras, quibus modis, quo aditu hæc cum Deo familiaritas possit contrahi? Aio, tripliciter: Orationis assiduitate, Voluntatis concordia, Rerum omnium communicatione. Primum Oratio. Ea autem *Orationis assiduitas* hinc requiritur, ut de die quam sæpissimè oremus, imò nunquam à Deo amoveamus oculos, qui sub ipsis negotiis identidem meliorem aliquo affectu sunt erigendi. Quà in re plurimum juverit, vel duas solùm vocolas (Domine JESU) continuis, piisque moribus ore aut corde voluere. Exemplum hujus nobilissimum Tobias, qui memor fuit Domini in toto corde suo. *a* Hæc assidua Dei memoria, oratione quàm creberrimâ sed brevi, facile conservatur, ut foliis prunas iterum, ac iterum, iterumque aniamus ad vitam igneam, ita Deum sapius cogitando, frequentius invocando animum restauramus ad jugem Dei memoriam. Huc ea potissimum

a Tob. c. 1. v. 13.

mum spectant Apostolorum & Christi monita: Quoniam oportet semper orare, & non deficere. *a* Sine intermissione orate. *b* Multum valet deprecatio iusti assidua. *c* Hinc tot ac tanti è Dei familiaribus totas horas, totas dies, totas noctes pervigilarunt orando; totam alii vitam inter preces & colloquia cum Deo exegerunt. Fuerunt, qui septies interdiu orationem repeterent; alii de die centies; fuerunt, qui centies vel ipsa nocte precatationem restaurarent; alii etiam trecenties in preces effusi Deum venerabantur. Maria Oegniacensis *d* die uno centies supplicare Numini, trecentis plagis corpus lacerare, pane atro famem vexare potius, quàm extinguere solebat. *e* Orationis assiduas vel geminis solùm oculis *f* continuata iucundissimam cum Deo familiaritatem constant.

Alterum, *Voluntatis Concordia*. Idem velle ac nolle amicorum est proprium. Mirificè solatur & roborat hæc una atque unica cogitatio. Errare non possum, si semper velim, semperque nolim, quod vult & non vult Deus. Et quamvis id nesciam, modò hoc intendam: Volo, quod vult Deus, quod Deus non vult, æquè nolo. Hæc humanæ cum divinâ voluntate concordia, nullis erroribus

R 3

a Luc. c. 18 v. 1.

b 1. Thess. c. 5. v. 17.

c Iacobi c. 5. v. 16.

d Alii Deignies, vel Ognies.

e De hac Surius, alii die 23. Iunii.

f Domine JESU.

roribus, est obnoxia, aut ipsos errores, si qui interveniant, reddit fructuosos. Christi Domini Mater, Virgo beatissima suam divinam Voluntati ita subiunxerat, ut si nullus usquam mortalium commodare operam voluisset filio in crucem agendo, suas ipsa manus, Deo ita volente, admovisset, & suum mater ipsa filium fixisset cruci. Ad eam suam attemperaverat divinam Voluntati. Eruditè dixit Aristoteles: Concordia simile quid esse videtur amicitia. *a* Vbi ergo hæc, quam diximus, animorum ac voluntatum concordia, illic & amicitia.

Tertium, Rerum omnium communicatio: hæc docet de agendis & omittendis cum Deo sermonem prius conferre, & cum Deo transigere omnia, suas illi necessitates omnes, non ut ignaro, sed ut amicorum fidelissimo detegere, & opem poscere. Ita vicissim Deus non rarè cum suis familiaribus agens: Num celare, ait, potero Abraham, quæ gesturus sum: Perinde si dixisset: Ea mihi cum Abrahamo amicitia est, tantè inter nos consuetudine conjuncti sumus, ut non possim, quin illi aperiam consilium meum de Sodomâ & Gomorrhâ delendis. Ita quislibet, qui Deo familiaris esse cupit, secum ipse statuat. Deum de re nullâ, nec de intimis quidem & arcanissimis cogitationibus, aut cogitationum umbris celare possum. Quid facturus, imò quid cogitaturus sim per omnem vitam, ab omni æternitate

a Aristot. parte 3. l. 8. moral. Nicomach. c. 2.

b Gen. 6. 18. v. 17.

tate novit ; sed ea sibi vult exponi, ut inter nos sit non sermonis tantum, sed rerum omnium familiarissima communicatio. De his Dei familiaribus Sapia: Participes facti sunt, ait, amicitia Dei. Et in amicitia illius delectatio bona. *a* Qui autem, ait Paulus, adhæret Domino, unus spiritus est. *b* Ut igitur in divinam familiaritatem sese insinuet homo, triplex ei accessus patet: Orationis assiduitas, Voluntatis concordia, Rerum omnium communicatio. Amici Numinis, si esse volumus, sumus. Ab Augustini calamo hoc scitum est: Amicus Dei, si voluero, ecce nunc fio. *c*

a Sap. c. 7 v. 14. & c. 8 v. 18.

b 1. Cor. c. 6 v. 17.

c Aug. l. 8. Confess. c. 6. n. 6. post med.

C A P V T X I V .

*Tobias uterque hostis peccati
maximus.*

Quam verè canit psalter regius: Qui diligit iniquitatem, odit animam suam. *a* Idem Angelus in verbis Tobias pronuntiat: Qui faciunt peccatum & iniquitatem, hostes sunt animæ suæ. *b* Qui meditatur & secum agit, ut peccet; qui modos excogitat, quibus malignè cogitata mandet operi, hoc agit, pugionem

R 4

acuit,

a Ps. 10. v. 5.

b Tob. c. 12. v. 10.

acuit, quo animum suum perimat. Qui hominem verberat, vulnerat, occidit, id iudice magistratu vel ære luit, vel pelle; qui verò animum suum ita lædit, ut æternum curari non possit; qui eum ita occidit, ut inter mortuos reviviscere, nil ei profuturum sit ad vitam; qui animum gravissimè saucium ad inferos præcipitat, & in flammis sepelit, hostis est animæ suæ capitalissimus. Nullus hominum, sed nec diabolorum ullus ei animæ ita nocere potest, atque is ipse, cuius est anima.

Ideo Tobias pater id filio documenti dedit: Cave, ne aliquando peccato consentias. & Non tantum nullum committas, sed nec committere in animum inducas. Qui faciunt peccatum, hostes sunt, carnifices, latrones sunt animæ suæ. Duo maxime spectat latro, ut spoliat, ut jugulet. Hoc quisvis facit, qui gravius delinquit; Animam suam & spoliat & jugulat. Quod isthoc capite differendum.

a Tob. c. 4. v. 6.

§. I.

Qui peccat, animam suam spoliat. Anima divinæ gratiæ non expers velut Attalica veste a induta, & gemmis ornata nitet. Hanc vestem, hæc ornamenta diripit, qui mortiferè delinquit, animam omni gratiâ divinâ exuit, omnia prioris temporis promerita perdit. Nam etsi annis prius quinquaginta

a Gulbins Stuck.

quaginta solo pane, modico & fonte tolerasset vitam, inedia quotidianâ emaciatus, etsi nudos lumbos ferreo sibi xisset cingulo, etsi bis quotidie corpus flagris cecidisset, etsi omnes facultates suas in pauperum alimoniam erogasset, etsi diebus singulis, flexis genibus orando septem horas contumplisset, adeoque ad omnem sese virtutem exercuisset, & promeritorum collegisset plurimum, jam id omne tot annis collectum, unico peccato perditum, omnis gratia Dei, amor omnis extinctus: Dei professus hostis est. O utinam ergo saperent, & intelligerent, a quid mali sit gratiâ divinâ spoliari, Dei hostem esse. Quod si homo divinâ gratiâ spoliatus annos sibi quinquaginta alios sumat, & eadem illa jejunia, rigorisque ceteros vitam repetat, nil grati obsequii exhibebit Deo, nihil caelestis gaudii emerebitur, dum animæ suæ latro, dum Dei hostis est. Dein commisso peccato vel unico plerunque impetus & furor peccandi non sistitur, ad alia atque alia & graviora proceditur: qui semel ausus est libidinosæ cogitationibus assentiri, sapius audebit; ebrietas semel admissa sæpius admittetur; furtum primum gradus est ad alterum; adulterium semel patratum ad plura provocabit. Felis gustatâ semel aruinâ crebrius redibit. Ita Rex David adulterii scelere suscepto, mox in homicidii flagitium incidit. Hoc nimirum est peccata necesse peccatis, & catenam texere; unum alteri viam pandit.

R 5 *Quem*

a Deut. c. 32. v. 29.

Quem diabolus semel sui juris & mancipi fecit, ex uno in aliud crimen facillimè propellit. Hinc non miremur tam fœdas à bonis moribus, ab auitâ pietate ac prisca religione defectiones, tam crebra è religiosis familiis transfugia, tam execrabiles à Christo ad Satanam transitiones. Quisquis venenatam vitiorum dulcedinem semel gustaverit, ad eandem frequentius lingendam revertetur, qui animam in miserabilem hunc casum vel semel dedit, sapius dabit; audacia. successu primo roboratur. Amicis Christi gratulatus psaltes: Ibunt, inquit, de virtute in virtutem: Sic animæ suæ latrones & Dei hostes de vitio eunt in vitium: Neque id quisquam miretur: In letale crimen prolapsus sic infirmissimus, & pronissimus ad lapsum alterum; jam scilicet omni gratiâ Dei exutus. Hic summa ad peccandum proclivitas est. Et qui per se cecidit, per se nequit resurgere, nisi Deus singulari excitante, ut vocant, ac præveniente gratiâ dextram porrigat dejecto. Peccatum omni bono spoliat.

§. II.

Hic talis homo, quem diximus, Dei gratiâ spoliatus longè miserrimus est: nec enim rerum creatarum ulla, nec ullum animal esse potest tam detestabile: infra canem, porcum, felem, serpentem est. Nam animantes illæ unam naturæ mortem debent, huic geminata mors decreta est; prima brevis, immortalis altera; nec infelix ullum

ab hac morte securum habet momentum; singulis horæ partibus ad inferorum fauces obambulat, & ignorat quo puncto temporis eò abripiendus sit. Quis enim novit, an somno, an conspectu, an subito lapsu, an temulentia, an defluxione repentinâ obrutus ad judicem, à judice ad supplicium trahatur sempiternum. Æternum perit, qui è vitâ sic discedit. Sed esto, vigilantem & intelligentem in letali tamen noxâ hærentem mors impetat, nihilominus æternum perit, ni Deus illi efficacem, quam nominant, respiscendi gratiam nemini debitam, ultro largiatur. Hæc verè nemo cogitat, nemo; illi omnium minimè, qui maxime deberent.

Hic homo letali noxâ, vel unicâ inquinatus, planè surdus, cæcus, mutus, à malo dæmone obsessus est, haud aliter quàm ille, quem Matthæus, Marcus, Lucas, memorant Christo adductum. *a* *Surdus* est: quidquid ei spiritualium rerum occinas, quidquid de cæli gaudiis, de tartari tormentis memores; furdo fabulam; non capit à sensibus tam remota. Narra facetias, symposia, choreas, convivia, voluptates, mox utramque aurem porriget; rebus divinis surdus. Nemo mfretur dominicis ac festis diebus omnibus omnia templa personare cohortationibus, pæne rumpi pulpita concionatorum clamoribus, acerrimè perstringi vitia, virtutum officia centies, ac sexcenties

R 6 ties

a *Matth. c. 12. v. 22. Marci c. 7. v. 32.*
Luc. c. 11. v. 14.

ties inculcari, & interim mutationes morum vix ulla sequi, stare vitia, virtutes eliminari: hoc, inquam, nemo miretur: auditorum plurimi divinâ gratiâ sunt vacui, hinc audientes ista non audiunt, & intelligentes non intelligunt, & surdi sunt, ridentes è concione abeunt.

Ita concionatores cantant quidem, si autem nemo fit, qui salter, abeunt illi, & rem Deo committunt, illud olim exprobratur: Cecinimus vobis, & non saltaſtis; lamentavimus, & non planxiſtis. *b* Surdus est, qui gratiâ divinâ vacuus est, Nec surdus tantum, sed & *Cæcus*; æternitas ei monstratur digito, non expavescit, non tremit, quia nihil videt; monstrantur ei corporis & animi pericula proxima, summa, non horret, quia nihil videt. Judex ei proponitur cernendus sententiam decretoriam brevî pronuntia-
 turus, æternus ignis depingitur *Cæco* colores. Nec illum, nec istum metuit, mentis oculos peccando perdidit; *Cæcus* est. Nec tantum surdus & *cæcus*, sed & *Mutus* est: nihil orat, nec orare potest, dum letali noxâ obſtrictus est. Nam etsi precatorios orbiculos centies quot mensibus decurrat, libellos precatorios mille evoluat, precatione istâ Deo non sunt acceptæ; peccator inſ gratus animæ suæ latro, Dei hostis est. Quemadmodum in templo Phariſæus, quia, superbus, multum quidem locutus, sed nihil precatus est. Quid rogaverit Deum, ait

Augu-

a *Matth. c. 13. v. 13. & 14. Luc. c. 8. v. 10.*

b *Matth. c. 11. v. 17.*

Augustinus, quare in verbis ejus, & nihil invenies. Ascendit orare; noluit Deum rogare, sed se laudare. *a* Ita homo ille mortifero crimine impeditus nil orat, nisi de peccatis doleat, & resipiscere statuat. Anima, quæ peccaverit, ipsa morietur. Justitia iusti super eum erit, & impietas impii erit super eum. *b* Verùm non *surdus* tantum, & *cæcus* & *mutus*, sed & à *cacodæmone* in seffus est, qui letali noxâ vincus, qui Dei gratiâ spoliatus est. Res aperta. Seipsum vendidit & mancipavit diabolo, spectat ad diabolum, qui rem mancipi possidens gloriari potest ac dicere: propriè meus est, à Deo desertus nunc inter meum pecus numeratur: Et certè si vel nutu Deus (sic loquimur) hunc hominem juberet tolli, perditissimus foret, & occisissimus in omnes æternitates. Talis revera est anima, Dei gratiâ spoliata. Spoliat eam mortiferum quodlibet peccatum. Ideirco clamat Oseas: Væ eis, quoniam recesserunt à me vastabuntur. *c* Sicut urbem hostis vi occupatam incendiis, cædibus, rapinis, deprædationibus, atrociniis miscet: ita diabolus animam suam dolis expugnatam modis miserrimis vastat. Væ eis, cum recessero ab eis. *d* Hoc primum peccati nocumentum, *spoliat*.

§. III. Al-

a Aug. serm. 36. de verbis Dom. circa med.

b Ezech. c. 18. v. 20.

c Os. c. 7. v. 13.

d Os. c. 9. v. 12.

§. III.

Alterum, *Inguat*. Qui facit peccatum hostis est animæ suæ, perinde ac si eam gladio confodiat, ita enim unico invidia, vel libidinis, vel vindictæ latentissimo etiam crimine occidit. Oraculum istud non fallit: Anima, quæ peccaverit, ipsa morietur: Omnes iustitiæ ejus, quas fecerat, non recordabuntur: in pravariatione, quâ pravariatus est & in peccato suo, quod peccavit, in ipsis morietur. Et dixistis: Non est æqua via Domini: Audite ergo domus Israël: Nunquid via mea non est æqua? (æquissima) Via vestra pravæ sunt. Cum enim averterit se justus à iustitiâ suâ, & fecerit iniquitatem, morietur in eis: in injustitiâ, quam operatus est, morietur. *a* Certissimū: Sicut enim corporis vita, est anima, sic anima vita est Dei gratia. Hac sublatâ extincta est omnis vita. Quid igitur est peccatum? Animæ mors æterna. E beato Paulo liquet: Stipendia peccati mors. *b* Nil certius, Stipendium peccati, æterna mors animæ. Quandoque etiam corporis prima, æternitatis famula. In Babylonio Monarcha id clarum. Balthasari regi dixit Daniel: Appensus es in staterâ, & inventus es minus habens. Eadem nocte interfectus est Balthasar Rex Chaldæus. *c* Idem tot aliis evenit, qui sceleribus

a Exech. c. 18. v. 20. 24. 26.

b Rom. c. 6. v. 23.

c Dan. c. 5. v. 27. & 30.

ribus suis vitam rapuerunt corpori suo, & incurrerunt mortē animæ suæ. Carolus Sigonius illustris scriptor de Occidētis regno memorat, Anastasium Imperatorem non uno flagitio infamem præcipiti morte sublarum. De imminente tamen fatō præmonitus est hoc modo. Imperatori secundum quietem vir terribilis spectandum sese obijciens, & librum manu præferens: *Ecce, ait, ob perversitatem tuam quatuordecim annos vita tua deleo.* Imperator nonnihil ter-ritus, quid sibi hoc somnii vellet studiosissime indagavit, non tamen mutavit mores. Denique velut ab oraculo responsum, igne pereundum Anastasio. Ille, ut hoc fati genus evaderet, cisternam in palatio meatibus aquarum plurimis secundam aperuit. Huic inditum nomen. *Frigida.* Sed frustra humanę sunt molitiones adversus consilia divina. Cum Deo pugnare nimis difficile. Non est, ait Tobias noster, qui effugiat manum tuam. *a* Adfuit demum fatalis hora Cæsari. Fulgoribus & tonitru multiplici cœpit irasci cælum. Anastasius jam à suâmet fulminatus conscientiam locum ex loco mutavit, & aliam atque aliam lecticam subiens in latebras huc illuc correpsit. Frustra sunt diverticula. Fulmine percussus in regio subiculo impius imperator occubuit. *b* Stipendium peccati mors animi, & quidem æterna, quam sæpe præit præcipitata mors corporis. Anima quę peccaverit, ipsa morietur,

a Tob. c. 13. v. 2.

b Sigonius de Occidentis imperio, l. 7.

atur, Quod Chrysoſtomus expendens: Peccatum, inquit, ita ſe habet, ut mox atque patratum fuerit, ſententiam ferat iudex. *a*

Hinc conſiſiones iſtæ: Peccatum morte, & quavis pœnâ, & ipſâ gehennâ gravius multo ac deterius. Vnicum orbis malum, peccatum, malorum omnium & æternæ mortis ſeminarium. Præſtat millies mori, quàm vel ſemel peccare; ſuaviùs rogi inſilias, quàm peccatum committas. Anſelmi dictum eſt: Si hîc peccati pudorem, & illic cernerem inferni horrorem, me potiùs inferno mergerem, quàm peccato. *b* Ita Ludovicum nonum Galliarum regem etiamnum adoleſcentem Blanca mater aſſiduis monitis docebat, mori potiùs, quàm letali culpâ inquinari. Ita Ludovicus Philippo filio inter præceptiones ſeptemdecim hanc dabat ſecundam: Cave unquam peccatum admittas mortiferum: Omne potiùs feras tormentum quàm tali culpâ offendas Deum. Ita idea pudicitia Sufanna: Melius eſt mihi, ait, abſque opere incidere in manus veſtras, quàm peccare in conſpectu Domini. *c* Ita omnes veri numinis amici ſentiebant. Accenſam priùs pyram inſilire, ipſam potiùs gehennam ſubire, quàm letali ſe noxâ obſtringere.

Nam eo Deus in peccatum odio fertur, ut Ludovicus Granatenſis ſcriptor religioſiſſimus

a Peccantem ſequitur excommunicatio lata ſententiæ, ipſo facto incurrenda.

b Anſelm. de ſimilitudinib. cap. penult.

c Dan. 6, 23. v. 23.

fissimus litteris hoc consignarit. Si omnium & Angelorum & hominum intellectus in unum, si & lingua omnium in unam confunderetur lingua, nec ille satis capere, nec ista satis exprimere posset odium, quo Deus prosequitur peccatum. Hinc nemo miretur peccati supplicium, mortem æternam. Nemo etiam seipsum fallat, & dicat: *Quid* istud adeò magni sit flagitii, num ideo animæ latro, Dei hostis ero? Humana sunt ista & parvula.

Ne spernamus modica. Luculenta nimium exempla in oculis sunt. Vnicum Luciferi & asæclarum superbum Noæ, cum homini Christo nollet se submittere, æternis eos flammis addidit. Pomum unicum, quia vetitum, protoplastos cum posteris omnibus in extremas calamitates præcipitavit. Punit Deus omnem à se aversionem, quomodocunque demum ea, vel quantulacunque ex causâ fiat, imò quò minus est illiciti, eò plus est delicti & gravior à Deo aversio: *Qui faciunt peccatum & iniquitatem, hostes sunt animæ suæ, seipfos spoliant, jugulant.*

Hæc equidem scimus, ah scimus prohiberi! hæc nobis centies iterumque centies occinuntur, cuilibet letali noxæ decretam mortem æternam. Scimus, quod quotidiana nos docent funera, quàm nostra omnis vita sit incerta, singulis horæ partibus ad interitum fatiscens, quàm nullam à morte tutum sit vel momentum. Hæc, inquam, scimus, at nihilominus inolitas consuetudines

tudines pravæ non emendamus; tam audacter peccamus, perinde si peccatum nullâ lege vetitum sit; tam impudenter & præfractè delinquimus, perinde si Deus non audiat, non cernat delinquentes, nec animi penetrabilia scrutetur. Intelligite hæc, qui obliviscimini Deum. *a* Siracides unumquemque nostrum in clamat: Miserere animæ tuæ placens Deo, & contine, & congrega cor tuum. *b* Contine, quantâ vi potes, à noxiis te abstrahe. Congrega, ad salubritatem ipsum urge ac impelle, thesauriza tibi fundamentum bonum in futurum: apprehende vitam æternam.

a Ps. 49 v. 22.

b Eccli. c. 30. v. 24.

c 1. Tim. c. 6. v. 12. & 19.

C A P V T X V.

Tobias uterque admodum longævus.

DE annis, quos vixit Tobias Senior, divinæ paginæ ita pronuntiant. Postquam illuminatus est Tobias, vixit annis quadraginta duobus, & vidit filios nepotum suorum. Completis itaque annis centum duobus, *a* sepultus est honorificè in Ninive. *b* De juniore Tobia filio divinus codex asserit: Et completis annis

nona-

a Græca pagina ait vixisse illum annis 158.

b Tob. c. 14. v. 29

nonaginta novem in timore Domini cum gaudio sepelierunt eum. *a*

Dixerat Tobias parens oculorum usu jam privatus: Non delectaris in perditionibus nostris, quia post tempestatem tranquillum facis, & post lacrymationem & fletum, exultationem infundis. Sit nomen tuum, Deus Israël, benedictum in sæcula. *b*
 O mi amantissime Deus, post tempestatum furias, post ventos, grandines, pluvias, post fulgures & tonitrua, serenum aperis cælum. Ita Deus cum Jobo egit, ita cū amicis suis omnibus solet agere, non quòd vivendi spatium in geminas partes dividat (hic error noster est) sed post tempestates & fletum brevissimæ hujus vitæ, tranquillitatem & gaudia vitæ melioris jubet succedere. Hoc in Tobia & paucis aliis velut in ideâ monstravit, quantum amicis omnibus præmii esset largiturus in patriâ, & in ipso voluptatum loco, qui aliquibus suorum tam multum solatii & gaudii dedisset in exilio. De Tobia patre dicitur: Reliquum vitæ suæ in gaudio fuit, & cum bono profectu timoris Dei perrexit in pacem. Tobias sanè uterque admodum fuit longævus. Quis est homo, qui non vult vitam, qui non diligit dies videre bonos? *d* Anno Christiano 1628. Claudius Deodatus Basiliensis Pontificis medicus trigeminum volumen edidit Brun-

a Tob. c. eodem v. 16.

b Tob. c. 3. v. 22. & 23.

c Tob. c. 14. v. 4.

d Ps. 33. v. 13.

Bruntruti, quo fusè ac eruditè docet, quã demum ratione vita humana ad annos centum viginti quatuor sit producenda Nobis non licet esse tam disertis. Contractiùs hãc agendum, Geminas ego radices porrigam, quibus vivendi spatium si non ad centesimum vigesimum quartum, in multos certè annos prorogari possit.

§. I.

Illæ, quas dixit, radices vitæ producendæ peritiles non ex Indiã, nec ex Arabiã, non à Sinarum regno, nec à Thule ultimã, sed nec ex Hispaniã, Cantapi, a aut Italiã inter peregrinas merces adferenda; In cujusvis horto succrescit, imò ante fenestras in testã scãili exsurgit, uti rusticis sua medicina sebum minus b provenit in stramineis testis. Radici primæ nomen est *Sobrietas*, *Pietas* alteri.

Prima radix utilissima extendendæ vitæ *Sobrietas*. Res longè certissima, neque hãc congerendis testimoniis opus. Hoc oracula & paginæ divinæ satis abundè pluribus assertionibus dilucidè tradunt. Ad rem Siracides: Propter crapulam, inquit, multi obierunt; qui autem abstinens est, adjiciet vitam d Si scias esse aliquid demerere, mensæ non necessaria subtrahere, scies, etiam

a *Calecut.*

b *Hauswurth.*

c *Vide hãc supra c. 1. §. 4.*

d *Eccli. c. 37. v. 24.*

P
etiam
ga vita
vigiliis
non age
imò ar
Theba
eadem
latex è
ad ann
perveni
licebit
unã &
avilon
numer
docti, p
summi
Præsule
hac scie
cenleri
diuturn
Hoc
matur
rum c
dens:
velis a
foccul
tes, qui
quint,
a H
co Pha
libro.
b C
d B
genus

etiam annos addere vitæ; parca mensa, longa vita. Quot hominum millia jejuniis, & vigiliis quotidianis ad octogesimum, ad nonagesimum, & centesimum, ad plures imò annos pervixerunt. Videte Paulum Thébæum inter Anachoretas primum, cui eadem palma & victum & vestitum dedit, latex è vicino rivulo sitim sedavit. Vir iste ad annum centesimum decimum tertium pervenit abstinendo. A Paulo longissimam licebit seriem hominum eorum texere, qui unâ & unicâ vitæ sobrietate admirandam ævi longitudinem sunt affecti. Hos inter numerandi veniunt, politici, sacri, docti, indocti, pauperes, opulenti, rustres, civici; summi, imi, principes, reges, imperatores, Præsules, Pontifices, qui sobrietate, radice hac scienter usi, inter longævos meruerunt censer. *a* Certissimum: vita sobria, vita diuturna. *b*

Hoc omnium eruditorum placitis firmatur. Ante annos pauculos. *c* Medicorum celeberrimus venustè ac eruditè laudens: Domine, inquit, si teipsum curare velis abstinentiâ, crede mihi non opus erit focculatâ *d* Medicorum Phœbus, Hippocrates, quid ad vitam producendam magis requirit, quàm exercitationem & Abstinentiâ?

a Horum plurimos nominamus in Pharmacopœia de Abstinentiâ singulari libro.

b Cateris paribus. *c* Anno 1623.

d Botus est, ut vocant, novum medicinae genus.

tiam? Ipsa Hippocratis verba ex ejus aphorismis quàm integerrimè adnumerabo. Ita igitur Hippocrates de hac re sentiens: Non pura corpora, inquit, quantò plus nutries, tantò plus lades. Libi cibus præter naturam plus ingestus est, hic morbum facit. a Platonem in Timæo afferentem veneror: Diætâ conveniente initia morborum curare oportet. Eadem mens Celsi est: Multi & magni morbi abstinentiâ & quiete arcentur. Eadem & Chrysostomi sententia est: Quod necessitatem in edendo excedit, id non alimentum, sed pestis & venenum est.

Quotidiana hoc docet experientia, quod quis in seipso facillimè observavit, nisi plus æquo sibi credulus indulgere soleat, appetentiæ plerumque avidius in noxia ruenti. Quamvis & hic ipse non agrè deprehendet, quantæ sint sobrietatis vires ad obtinendum longævæ senectutis votum.

Nicolaus Serarius è scriptis notus ex fide narrat, quod ipse suis & oculis & auribus hausit memoratu dignum, quodque ad institutum mirè faciat; Ante annos quinque, ait, cum Vogesum montem, qui Alsatiam intermedium & Lotharingiam dividit, transirem, in Senonensi cœnobio diversatus sum, Cœnobii Abbas ex ejus montis pago longiusculè dissito grandem natu rusticum, qui jam annis pluribus centesimum excesserat, accessit & ad mensam dominicam vocari jussit. Promptè adfuit vocatus, non equo, non cisio, aut vestibulo usus; pedes

venit

a Hippo. sect. 2. aphor. 10. & 17.

venit
bar lo
cetero
decrep
prand
alia fe
ille ru
feriem
multis
deesse
(id res
aliqui
stud
ipse lo
per ha
sem.
unus
re: Or
ipse lo
pione
hodie
me fiff
la hos
longi
peran
cilles
an eq
a 8
b 1

De
sene

venit incanus viator. Jamque mensa vocabat lotas manus ad epulum. Inter hospites ceteros ad prandium assedit etiam ille ipse decrepitus senex, abbate ita jubente. Dum prandetur, lautè ac hilariter, dum alia, atque alia fercula inferuntur mensæ, grandævus ille rusticus limis ea oculis intueri, escariam seriem illam mirari, secum nescio quid mussitare, ac musinari; visum est aliquid deesse silicernio. Hic abbas: Mi Pater, ait, (id reverentiæ dedit senio) quid dicis? num aliquid deest? Effare, juvabimus. Cui senex: Istud enim verò est, inquit, quod mecum ipse loquor: si mensam tam offertam semper habuissem, tamdiu profectò non vixissem. Ab omnibus arrisum suaviter. Nec unus omnium fuit, qui dicta vellet refellere: Oraculum ex tripode censuerunt. Hic ipse longævus agricola jam abiturus, scipionem suum Serario monstrans: Adhuc hodie, inquit, hic meus equus ligneus domi me sistet. *a* Rectissime addit Serarius: Nulla hominum viribus pestis capitalior, nulla longiori vitæ infestior securis quàm intemperantia, quam, qui sectantur, fiunt imbecilles, pallidi, cadaverosi, tremuli, enerves, antequam senes. *b*

a Serarius in c. 14. Iosue, mihi pag. 348.

b Ibid. Serar.

§. II.

De M. Porcio Catone temperantissimo
sene Livius: Invidi, ait, cupiditatibus
animè

animi erat, & rigida innocentia; contemptor gratia, divitiarum. In parsimoniâ, in patientiâ laboris, periculiq̄ue, ferrei propè corporis, animiq̄ue: quem ne senectus quidem, quæ soluit omnia, fregerit: qui sextum & octogesimum annum agens causam dixerit, ipse pro se oraverit, scripseritq̄ue; nonagesimo anno Sergium Galbam ad populû adduxerit iudicium.

Ausonius pater escariis deliciis aut intemperanti potu minimè fractus de seipso potuit gloriari.

*Nonaginta annos, baculo sine, corpore toto
Exegi, cunctis integer officiis.*

Guilielmus Postellus Barensonius de quadam Æthiopum gente: Multi, ait, centum octoginta annos nati etiam operas ditionibus locant *a* Neque desunt in Germaniâ nostrâ longævi, qui vitam ultra centesimum annum produxerunt unâ radice illâ sobrietate. Homo Dilinganus *b* non ita pridem de avi sui senectute ad annum centesimum vigesimum, de proavi ad annum ceteresimum quadragesimum propagatâ sanctè testatus est. In Poloniâ Felix *a* Schrensko Palatinus & Plocensis Præfectus avo suo paterno epitaphium scripsit, quo publicè testatur eum annos centum quadraginta vixisse. *c* Hebræus explorator Caleb ætatis suæ robur, & annos apud Josue ducem

expo-

a Postellus in suâ *Cosmographiâ*.

b Dilinga urbs Suevia, Academ. celebris.

c Eminentissimus Cardinalis Hosius de cæmœniis *c. 91.*

exponens : Quadraginta annorum eram, inquit, quando misit me Moses famulus Domini de Cadesbarne, ut considerarem terram, nuntiaviq̄ue ei, quod verum videbatur. Hodie octoginta quinque annorum sum, sic valens, ut eo valebam tempore, quando ad explorandum missus sum : illius in me temporis fortitudo usque hodie perseverat, tam ad bellandum, quàm ad gradiendum. *a* Hic ingentem possum eorum catalogum conscribere, qui temperantiâ & sobrietate ad ætatem spectatissimam, senectutem summam pervenerunt. *b* Ipsa, inquit Tullius, defectio virium adolescentiæ vitiis efficitur sapius, quàm senectutis. Libidinosa & intemperans adolescentia effatum corpus tradit senectuti. Arbitror te audire, Scipio, hospes tuus avitus Masinissa, quæ fecit hodie nonaginta annos natus; cum ingressus iter pedibus sit, in equum omnino non ascendere : nullo imbree, nullo frigore adduci, ut capite operto sit : summam in eo esse corporis siccitatem : itaque exequi omnia regis officia & munera. Potest igitur exercitatio & temperantia etiam in senectute conservare aliquid pristini roboris. *c* Rex Masinissa comesabundus & potator adeo non erat, ut prandere tantum solitus, quod Frontinus asserit, nam meridie stans vel inambulans ante tabernaculum

S

suam

a Iosue c. 14. v. 7. & seqq.

b Plures nominat Ioan. Rudolphus Camerarius Sylloge seu Centuriâ 2. c. 68.

c Cic. l. de Senect.

suum in castris jentaculum, & prandium, & merendam & cenam & pocemium a simul sumpserit frugali sanè compendio grandi sobrietatis encomio. De Spurinnâ exercitationis & temperantiæ observantissimo fene Plinius Junior: Apponitur, ait, cena non minus nitida, quàm frugi. Inde illi post septimum & septuagesimum annum, aurium, oculorumque vigor integer, inde agile & vividum corpus, solâque ex senectute prudentia. *b*

Galeno medicorum principi septuaginta vitæ annos Suidas, liberalius longè Calius Rhodiginus centum quadraginta tribuit. Eò ætatis venit Galenus, quia crudi nihil gustavit, arboreis fructibus abstinuit, ad satietatem nec comedit unquam, nec bibit.

Quo minus tam illustria sobrietatis exempla nos æmulari conemur, duo sunt, quæ retrahant: Incredulitas & assuetudo. Non credimus sobrietate vires firmari, vitam extendi. Ita corpus epulis & potionibus in nostram perniciem facimus, vires perdimus, vitam non extendimus. Aut certè si credamus sobrietate valetudinem & vitam conservari, assuetudine contrariâ à victu sobrio avocamur. Nimirum aliter assuevimus; quotidie bis ad præsepe plenum stare à puero assuefacti sumus; hæc imò in cunis didicimus, escâ stabilire ventrem, & famem ut grande malum horrere. Ita malam

a Schlasserunct.

b Plinius Junior l. 3. epist. 1. mihi pag. 73.

lam assuetudinem in quotidianum morem perducimus : Inde sobrietatis leges aut contemnimus ac ridemus, aut certè victi assuetudine, in leges, quas non nescimus esse saluberrimas, assidue peccamus. Si audes, mi Christiane, cum sapientissimis sapere, si tibi valetudo prospera, si longava vita cordi est, resiste consuetudini, & imperium sobrietatis tam jucundum senties, quàm fructuosum. Qui abstinens est, adjiciet vitam.

§ III.

Pietas, radix altera prolonganda vitæ multo aptissima. Affirmatissime dixit Salomón : Timor Domini apponet dies, & anni impiorum breviabuntur. *a* Leges divinæ jubent & pollicentur : Honora patrem tuum, & matrem tuam ut sis longævus super terram, quam Dominus Deus tuus dabit tibi. *b* Virtutis præmium prolixior vita. Hanc ob causam tam sedulo Hebræus sapiens hortatur : Fili mi, ne obliviscaris legis meæ, & præcepta meæ cor tuum custodiat. Longitudinem enim dierum & annos vitæ, & pacem apponent tibi. *c* Divinæ pagina sub oculos constituunt ingentem numerum eorum, qui ob pietatis defectum, quos potuissent, annos minime attigerunt. Obliti sunt legis divinæ, ideo longitu-

S 2

a Prov. c. 10 v. 17.

b Exod. c. 20. v. 12.

c Prov. c. 3. v. 1.

do dierum, & anni vitæ, & pax eis non est appositâ. Inter eos Saul, Balthasar, Antiochus, Absalon, alto quidem sanguine reges, sed vario scelere infames ad canos non pervenerunt. Ita Core, Dathan, Abiron, Achitophel, quadraginta duo pueri irrisores Elisai; quinquaginta, iterumque alii quinquaginta milites cum suis ducibus ad Eliam missi, opulentus, sed fatuus & superbus Nabal quem percussit Dominus & mortuus est. ^a Hos forsitan ad certum calculum revocare liceat, sed totam gentem humanam, quæ Noëmi avo, aquarum supplicio periit, quis numeret? Tot millena millia, tot milliones hominum, quos Noëticum mare sepeliit, una & sola impietas extinxit. Profligatâ pietate libidines suas, secuti vitam egerunt tam fædam, ut in supplicium illis fuerit non vivere.

Sed omisso hoc infinito hominum numero, quibus vitam ante vitæ finem rapuit impietas, & intemperantia, nos ipsi quantos novimus, qui suaviter ad annos septuaginta, octoginta & plures vitam potuissent perducere, si sobriè voluissent vivere. Sed duas illi coluerunt Parcas, Iracundiam & Temulentiam, ^a quæ filum vitæ non tam præciderunt, quàm abruperunt. Ubi crebro pitissatur, ubi livor & excandescencia dominatur, ibi nec sobrietas, nec pietas domi est. Viri sanguinum & dolosi non dimidiabunt dies suos. ^a

^a 2. Reg. c. 25. v. 38.

b Trunk und Zorn bringen umbs Leben.

suos, *a* Longitudinem dierum & vitæ annos apponit pietas.

Moses centum & viginti annorum erat, quando mortuus est : non caligavit oculus ejus, nec dentes illius moti sunt. *b* Posthac mortuus est Josue filius Nun, servus Domini, centum & decem annorum. *c* Ita rex David mortuus est in senectute bonâ, plenus dierum, *d* annos natus septuaginta ; ex his quadraginta annis imperavit. Ita Tobias pater completis annis centum duobus, desiit vivere. Tobias filius completis annis nonaginta novem in timore Domini cum gaudio abiit ad plures. *e* Quid istos totque alios fecit longævos ? Geminae radices illæ, Pietas & Sobrietas. Quid exigit sobrietas, non ignoramus. Quid velit Pietas, inquirendum.

Salomonis est oraculum : Animus gaudens ætatem floridam facit. *f* Quod Siracides amplissime confirmans : Tristitiam, inquit, longè expelle à te ; multos enim occidit tristitia, & non est utilitas in illâ. Zelus & iracundia minuunt dies. *g* Vel e triviis notum, quod veteri metro canitur.

*Si vis incolumem, si vis te reddere sanum,
Curas tolle graves, irasci crede profanum.*

S 3 Angores

- a* Psal. 54. v. 24.
- b* Deuter. c. 34. v. 7.
- c* Josue c. 24. v. 29.
- d* 1. Paralip. c. 29. v. 28.
- e* Tob. c. 14. v. 2. & 16.
- f* Prov. c. 17. v. 22.
- g* Eccli. c. 30. v. 23.

Angores & moerores, praesentia vitae mala non mitigant, sed geminant & duplicant, vires deiciunt, denique vitam extinguunt. Jucunditas cordis, ait Siracides, haec est vita hominis, & thesaurus sine defectione sanctitatis. *a* Velim, ais, esse laetus, modo possim. Poteris, si volueris. Animus revera gaudens & hilaris firmam laetamque in Deum fiduciam sese attollit, divino nutu & arbitrio in omnibus acquiescit. Haec animi tranquillitas, haec vera est laetitia. Paradigma hujus nobilissimum Tobias. Erat is senex & aeger, senectus enim ipsa est morbus, erat caecus, erat egens & pauper facultatibus ereptis, in aula regem habebat hostem, importunam domi & acerbam conjugem, irrisores cognatos; & tamen non est contristatus contra Deum, quod plaga caecitatis evenerit ei, sed immobilis in Dei timore permansit, agens gratias Deo omnibus diebus vitae suae. *a* Ita divinae voluntati ac providentiae omnia commisit, se a Deo non penitus deserendum scivit, ita Deo placuisse tranquillum tulit, ita reliquum vitae suae in gaudio fuit, & cum bono profectu timoris Domini in pace perrexit. Ita prorsus, ita sane, non contristabit justum, quidquid ei acciderit. *c* Haec Pietas vera, haec sincera est laetitia, haec vita longa. Nam licet quandoque impii diu vivant, non tamen pergunt cum bono profectu timoris Dei in pace;

a Eccli. *ibid.*

a Tob. c. 2. v. 13.

c Prov. s. 12. v. 21.

pace; quamvis pii citius moriantur, obdormiunt tamen in bonâ senectute. Melior vita bona quàm longa. Satis diu vixit, qui bene vixit. Vita quæ sceleribus impeditur, non vivitur, sed perditur. Præclare dixit Ambrosius: Insuper in bello nutritur & in discordiis, justus in senectute bonâ vivit, quia bene senescit: Injustorum autem nemo quamvis cornicibus vivacibus diuturniore vitâ vixerit. Ille ergo bene senescit, qui bene senescit. ^a Hæc vitæ diuturnitas in omnium est potestate. Ita cuilibet volenti senescere permissum. Miserat Hieronymus ad Paulum Concordiensem centum annorum vegetissimum senem epistolam: in eâ senis optimi sanctos mores, corpus validum, ætatem insolitè prorsus longævam eleganter commendans: Ecce, ait, jam centenus ætatis circulus voluitur: & tu semper præcepta Domini custodiens, futuræ beatitudinem vitæ per præsentia exempla meditaris. Oculi puro lumine vigent: pedes imprimunt certa vestigia: auditus penetrabilis, dentes candidi, vox sonora, corpus solidum, & succi plenum: cani cum rubore discrepant, vires eum ætate dissentiunt. Non memoriæ tenacitatem, ut in plerisque cernimus, antiquior senectâ dissolvit. Non calidi acumen ingenii frigidus sanguis obtundit. Non contractam rugis faciem arata frons exasperat, non deni-

S 4

que

^a Ambros. tom. 1. l. 2. de Abraham c. 9 mihi pag. 335. Hæc in tomo 4. habent editiones aliæ.

que tremula manus per curvos ceræ trami-
tes errantem stylum ducit. Futuræ nobis
refurrectionis virorem in te Dominus osten-
dit, ut peccati sciamus esse, quòd ceteri ad-
huc viventes præmoriuntur in carne; justis-
riæ, quòd tu adolescentiam in alienâ ætate
mentiris. Et quamquam multis istam cor-
poris sanitatem, etiam peccatoribus evenire
videamus: tamen illis hoc diabolus mini-
strat, ut peccent, tibi Dominus præstat, ut
gaudeas. *a* Videte, obsecro, quàm peritè hîc
juvenis centum annorum geminis radicibus
illis *Sobrietate, & Pietate* sit usus ad vitam
ultra seculum propagandam.

Hæc ergo latitia prorsus vera, hæc Pietas
est verè longava, ita suam divinæ Voluntati
subjungere, ut in eo solo suavissimè ac-
quiescat, quod Dei nutu consilioque geri-
tur. Inde nullæ super ullo infortunio au-
dientur querelæ, sed quæcunque adversa ac-
ciderint, animo vultuque hilari excipientur,
Dei consilium in omnibus approbabitur:
Non contristabit justum, quidquid ei acci-
derit.

*a Hier. tom. 1. epist. 21. ad Paulum Concord.
mibi pag. 55.*

CAPVT XVI.

*Tobias uterque in mercenarium
suum munificentissimus.*

Priusquam ad finem decurramus, liceat hic aliquid curiosioris quæstiunculæ mōvere de Tobia canē, de nepotibus, de salario, quod comiti caelesti ab utroque Tobia est positum. Quid opus, dixerit quis, tam minuta in codices sacros mittere? cūm ē diverso longē majoris ponderis videantur omiſſa. Paucis ad ista respondendum.

§. I.

Cūm Tobias à paternā domo non procul abſeſſet: Tunc, ait, historicus facer, præcurrit canis, qui simul fuerat in viā, & quæsi nuntius adueniens, blandimento suæ caudæ gaudebat. & Nec illud videtur grandis momenti. Anna autem sedebat secus viam quotidie in supercilio montis unde respicere poterat de longinquo. Et dum ex eodem loco specularetur adventum ejus vidit à longē, & illico agnovit venientem filium suum, currēnsque nuntiavit viro suo, diēns: Ecce venit filius tuus. Et confurgens cæcus pater ejus, cœpit offendens pedibus currere, & datā manu puero occurrit obviam

S 5

a Hic canis in colloquio Ratisbonensi latra-
tu suo multum litigii movit Anno 1615.

obviam filio suo. *a* Nec istud tanti ponderis videri posset, cum alibi omissa, qua scire cuperentus, mysteria.

Miratur Simon Cassianus de Dei filio humanam mortalitatem induente, hoc unum ab Evangelii præconibus dictum: *Et Verbum caro factum est.* De Christo nato hoc solum: *Et peperit filium suum primogenitum.* De Christo in crucem acto: *Crucifixerunt eum.* Nos seriem rei gesta quærimus, & nosse avemus, an in jacente, an verò in erectâ & stante cruce, num tribus aut quatuor clavis sit fixus, myrrharum vinum acerbis an dulcis potus fuerit, quod acriter eruditi litigant. *b* Quis vulnorum in Christo numerus, quot millia spectatorum morienti adfuerint. Plurima sunt ejuscemodi, quæ memoratu digna, & panè necessaria præ minutis aliis videantur fuisse recensenda.

Aio summam 1. Sunt quamplurima voluminis divini tam sublimia, ut ea verbis nequeant satis attingi Hinc Spiritus divinus sæpe factum, non facti modum enuntiât. 2. Ut enim considerationis promeritum remaneret integrum, magis illa talia cogitari voluit, quam dici. 3. Ut major daretur locus Fidei. Sic Eucharistiæ arcanum oratione angustâ clausum, ut fides tantò esset valentior, quanto extrinsecus

ad

a Tob. c. XI v. 5. & seqq.

b Eminentissim. Cardinalis Caser Baronius, & P. Jacobus Gretserus libro singulari de hac re edito.

ad eam impulsus esset debilior. Fides enim, quod Gregorius dixit, non habet meritum, cui humana ratio præbet experimentum. *a*

Quod illa, quæ videntur minutiora, spectat, complura sunt divinis paginis mandata talia. Quàm illud prisca legis, non minutum duntaxat, sed pæne sordidulum videatur: Habebis locum extra castra, ad quem egredieris ad requisita naturæ, gerens paxillum in balteo, cùmque sederis, fodies per circuitum, & egesta humo operies, quo relevatus es. Sed & causam adjungit: Dominus enim tuus ambulat in medio castrorum. *b* Quàm accuratè scribit Matthæus iter Domini JESU è Betphage in urbem Hierosolymæ, ubi rami per viam sparsi, substratæ venientis pedibus vestes, cantus plebei, asina & asellus vestaria jumenta, imò & ephippium, Apostolorum vestimenta diligenti calamo consignantur. *c* Quàm conquisitè Joannes cæci oculos subactâ massulâ è luto, & salivâ perlitos recenset? *d* Idem jam redivivum Christum in littore stantem, & discipulorum naviculam ducentis cubitis ab eo distitam, trecentos quinquaginta tres pisces captos annotat eum curâ. *e* Rem miram! Fuit, qui Babylonicæ fornacis flammam velut ad ulnam metiretur, & earum altitudinem quadrage-

S 6

draginta.

a Gregor. hom. 26. in Evang.

b Deut. c. 23. v. 13.

c Matth. c. 21. v. 7. & seqq.

d Ioan. c. 9. v. 6.

e Ioan. c. 21. v. 2.

draginta novem cubitos pronuntiaret : *a* Fuit igitur, qui cymba à ripâ distantiam, fuit qui piscium capturam numeraret, & non fuit, qui Christi flagellati & in crucem acti plagas & vulnera ad aliquem numerum revocaret ? Ita Paulus Timotheo Asiâ primati rem vilissimam commendans : Penulam, inquit, quam reliqui Troade apud Carpum, tecum affer, & libros, maximè membranas. *b* De regnis ad Christi disciplinam traducendis agitur, & cura est penulæ ? *c* Ita præcurrentem ac blandientem canem historia Tobia memorat. Quod observans Ambrosius : Talis, inquit, canis viator, & comes Angeli est, quem Raphaël in libro prophetico non otiosè sibi & Tobia filio adjungendum esse putavit. Quando perrexit, ut Asmodæum fugaret, firmaret copulam conjugalem. Memoris enim affectûs gratiâ pellitur dæmonium, stabilitur conjugium. Mutæ itaque bestia specie sanctus Raphaël Angelus. Tobia juvenis, quem tuendum receperat, ad relationem gratiæ erudiebat affectum. Quis enim non erubescat gratiam bene de se merentibus non referre, cum videat etiam bestias refugere crimen ingrati ? Et illæ impartitæ alimonix servant memoriam, non servas salutis acceptæ ? Quid nos dignum referimus nostro creatori, cujus cibo vescimur ? *d* Nimirum, quod Jobus co-

net,

a Dan. c. 3. v. 47. *b* 2. Tim. c. 4. v. 13.

c Hines Regenmäntelins vbrige Sorg.

d Ambros. som. 4. l. 6. Hexameron. c. 4. inis. mibi pag. 74.

net, interroga jumenta, & docebunt te; volatilia cæli & indicabunt tibi. ^a

^a *Iob c. 12. v. 7.*

§. II.

Deinde mentionem canis injicit sacra historia veritati commendanda, hæc enim verè sic gesta, prout narrata sunt, ne quis ad eò admiranda visum aut figmentum crederet. Ista suas insuper figuras, significatus, allegorias habent, quas Doctores sacri explicant, uti hunc ipsum Tobie canem venerabilis Beda sibi sumpsit ad humanos mores transferendum, & nos suprà de illo plura. ^a

Omnis igitur scriptura, Paulo teste, utilis est ad docendum, ad arguendum, ad corripiendum, ad erudiendum in justitiâ. ^b Idcirco Chrysostomus auditores suos ad summam reverentiam divinis paginis habendam excitans: Ego autem, inquit, omnes vos obsecro, ne simpliciter ea, quæ in scripturis sacris contenta sunt, transeatis. Nihil enim hîc scriptum est, quod non multas sensuum habeat divitias. Quandoquidè divinospiritu afflatus propheta locutus est, ideo uti à spiritu scripta ingentem in se continent thesaurum. Neq; enim vel syllaba, vel apiculus est in sacris litteris, in cujus profundo non sit grandis thesaurus. Atque hoc idem repetens: Neque enim syllabam, ait, neque

^a *Parte primâ, c. 14.*

^b *2. Tim c. 3. v. 16.*

neque apicem in divinâ scripturâ præterire oportet.^a

Ergo & domestici canis mentionem injicit divinus codex, ut vel hinc etiam Dei providentia & liberalitas tantò altius infigatur pectori. Deus in suis famulis remunerandis est liberalissimus. Antea in Tobia: domo mœror & luctus habitabat. Nunc omnia gaudiis referta: nec canis ipse expertus est lætitiæ. Quàm facili momento Deus omnia mutat! In luctu & excidio familiæ subinde nec canibus partum, *b* ita communi familiæ lætitiâ nec ipsum canem divina liberalitas vult exclusum. Idcirco etiam Deus hæc in speciem modica conscribi voluit, ut ad omnia vel minutissima quaque vigilantissimam Dei providentiam extendi probissimè caperemus. De eâ Christus pro concione disserens non Eliam à dapiferis corvis nutritum, non Israël's populum, *c* in solitudine quadraginta partum in exemplum statuit, sed ad apiculas flosculos, animalcula vilissima nos amittit. Quæ omnia Deus perinde curat ut maxima. De hoc ad populum perorans Christus: Nonne, inquit, duo passeres asse *d* vaneunt, & unus ex illis

a Chrysostomus tom. I. in caput 4. Genesis homilia 21. mihi pagina 125. & in caput 18. Genesis homilia 42. mihi pagina 296.

b David: Si reliquero, ait, de omnibus, quæ ad ipsum pertinent, mingeniem ad partem. 1. Reg. c. 25. v. 28.

c Minimum decies sexies centena millia.

d 5. obelis.

illis non cadet in terram sine patre vestro. ^a
 Passerculis etiam ita providet Deus, ut eorum nullus sine certâ Dei destinatione involvatur reti. Capis hoc, Christiane? Ergo si quis obliquo te oculo stringat, verbulo maligno feriat, petulanti manu tangat, errante pede trumat, obvio de via non cedat; si ancilla focaria olus adurat, aut plus a quo carnes saliat, aut pulcem malè condat; si famulus offam effundat, aut inscite vinum infundat; si uxor ogganiat, si filius non obediat, si amicus deserat, si labor non respondeat; si spes destituat, si feliciter cœptum sinistrè cadat; Cujuscemodi mille solent obtingere quotidie, quæ omnia singulique non minus divinæ Voluntati ac Providentiæ, quàm summa rerum momenta sunt tribuenda; ab illâ siquidem origine fluunt. In minimis etiam agnoscendus Deus, qui illa omnia ab omni aternitate prævidit, & voluit ut essent, vel delicti poena, vel promerendi præmii materia.

Ergo in rebus etiam minutissimis ad Dei Providentiæ & voluntatem horum omnium originem, & auctorem Deum identidem respiciendum, cum non tantum non passerculus ex aëre, sed nec capillus è capite, sed nec foliolum ex arbore defluat, quin Deus ita fieri & præviderit, & voluerit. Vox Christi est: Amen dico vobis, donec transeat cælum & terra, jota unum aut unus apex nõ præteribit à lege. Facilius est cælum & terram

^a Matth. c. 10. v. 29.

ram prætereire, quam de lege unum apicem cadere. *a* Lex æterna voluntas & Providentia divina, nec apice uno falli possunt nec fallere: omnia hoc circulo clausa. Nec ullum punctulum hinc exerrat. Armatura in omnes acerbos casus est optima, assidue istud animo volutare: Deus ita prævidit, ita voluit, vel ut malè meritum castiget, vel ut bene meritum remuneret.

a *Matth. c. 5. v. 19.*

§. III.

Quod Tobiaë posteros & seros nepotes attinet, ita pagina divina loquitur: Omnem hæreditatem domus Raguelis ipse percepit, viditque quintam generationem. *a* Prodigium pæne inauditum. Sed calculum ponamus. Tobias junior anno ætatis suæ vigesimo quarto conjugem duxit; annis nonaginta novem universè vixit; mortem obiit anno post Orbem conditum ter millesimo quadringentesimo decimo, post templum Hierosolymis structum trecentis octoginta octo. Ante diem nataleni Christi sexcentis quadraginta tribus annis. Additur, quod summè admirandum: Viditque quintam generationem. Ita Tobias junior fuit pater, fuit avus, proavus, abavus, atavus. *b*

Ita

a *Tob. c. 14. v. 15.*

b Waer Batter / Unherz / Unherrens Vater / Bhranherz Bhranherrens Vater / Erhett Söhn / Enigtle / Enigles Kinder / Br Enigtl B Enigles Kinder.

Ita idem habuit filios, habuit nepotes, pronepotes, abnepotes, & atnepotes, idque hoc ordine. Tobias natu minor habuit septem filios, horum primogenitus Eleazar genuit nepotem Nadabum, Nadabus progenuit Salemothum pronepotem; Salemothus progenuit Jadium abnepotem, Jadius progenuit Nathanaëlem atnepotem: hunc ipsum & priores alios omnes vidit, dum vixit Tobias: ita generationem quintam vivendo attigit. Res prorsus obstupescenda, cui nec sacra, nec profana, nec Græca, nec Romana, nec barbara historia geminam probatis tabulis proferre possit. Potuisse id fieri, cum ætatis primæ homines octingentos, nongentos annos excederent, nihil est dubii, factum esse non pronuntiat divinus scriptor. De Josepho Moses Geneleos auctor: Et vidit Ephraim filios, inquit, usque ad tertiam generationem, nimirum proavus pronepotes. At verò abnepotes & atnepotes non vidit, abavus & atavus non fuit. Admirandum hoc pæne inauditum. Tobias hoc servatum. Nec enim otiosè id affirmant paginae sacrae de pauperum laudatissimo benefactore. Non fallax Salomonis oraculum est. Anima quæ benedicit, impinguabitur. *a* Quidquid de virtutibus aliis eruditissima disserant volumina, encomium singulare obrinet elemosyna. Hic nobilissimus Christianæ charitatis actus, *b* singulariter placet Deo præ ceteris virtutibus. In
elemo-

a Prov. c. 11. v. 25.

b Ita D. Thom. 2. 2. quæst. 32. art. 1. conclus

eleemosynæ largitorem Deus non liberalis tantum & effusus, sed liberalissimus, effusissimus est. Pectus divinum thesauris omnibus immense abundantissimum eleemosynis vult expugnari. Eleemosyna in cælo gratiosissima apud Deum potest omnia. Quisquis id credere potest, id etiam sentire ac experiri potest. Non fallunt, nec inaniter promittunt Christi voces: Veruntamen, date eleemosynam, & ecce omnia munda sunt vobis. *a* Fiducia magna, inquit Tobias, erit coram summo Deo eleemosyna omnibus facientibus eam. Quoniam eleemosyna ab omni peccato (*Ecce omnia munda sunt vobis*) & à morte liberat, & non patietur animam ire in tenebras. *b* Anima quæ benedicat, impinguabitur. Et en illustrissimū specimen piæ liberalitatis in utroque Tobia.

a Luc. c. 11. v. 14.

b Tobia c. 4. v. 11. & 12.

§. IV.

Tobias minor natu sex hebdomades domo abfuit, quod tempus peregrè consumpsit & in itinere. Hinc suo, quem conduxerat, mercenario Raphaëli Angelo, non nisi quinque nostrates florenos & novem victoriatos debuisse locatæ operæ. *a*

Hoc autem in antecessum non ignoremus. Quod Romanis denarius, hoc Græcis drachma, Italis Julius, Hispanis est Realis, octo

a 5. Gulden vnd 9. Batzen Vottenlohn.

octo tr
riatos
nus t
merce
denari
duode
tamen
Quoci
bus im
novem
debuit
tis & f
Uterq
tes ro
diam
ceptan
easque
talenta
didit
lia phi
exigen
filii mi
genti,
in Ra
ejus
Gabel
lippco
a M
h s
guldē
c 7
philip
philip
d 7

octo trientes, vel crucigeros, aut duos victoriatos pretio æquans. Hinc denarius diurnus tam militum, a quam operarum & mercenariorum merces diurna. Non nescio denarium quandoque novem, imò etiam duodecim crucigeris æstimatum. Pretium tamen denarii consuetum octo crucigeri. Quocirca mercenarii opera sex hebdomadibus impensa florenos quinque, victoriatos novem exigebat. Hanc Angelo mercedem debuit Tobias. Hic jam liberalitatem parentis & filii mirissimam probe consideremus. Uterque Tobias mercenarium suum vocantes rogare cæperunt, ut dignaretur dimidiam partem omnium, quæ attulerant, acceptam habere. Tres attulit partes filius, easque sanè opulentas. Pars prima decem talenta, quæ Gabelus sibi commodata reddidit expuncto nonine; sunt hæc sex millia philippeum. *b* Hoc debitum parens filio exigendum committens: Indico etiam tibi, fili mi, ait, dedisse me decem talenta argenti, dum adhuc infantulus essem, Gabelo in Rages civitate Medorū, & chirographum ejus apud me habeo. *d* Hoc igitur nomen Gabelus expedit. Ita Tobias sex millia philippeorum, seu octo millia florenorū retulit, primam

a Militare in diem stipendium.

h 8000. fl. oder 6000. Philtstater / oder guldthaler / einen für 20. baßen gerechnet.

c Talentum auri, seu maius habet 6770. philippeos. Talentum argenti, seu minus, habet philippeos 600.

d Tob. c. 4. v. 21.

primam allatorum partem. Pars altera, dos Sarae, quam ei parens dedit Raguel vir inter Medos primarius, cui servi & ancillae, familia copiosa, multumque pecoris fuit. Hic in suis facultatibus minimum decem millia florenorum numeravit. Atqui Raguel, quod sacra pagina affirmant, de omnibus, quae possidebat, dimidiam partem dedit Tobiae, & fecit hanc scripturam, ut dimidia pars, quae supererat, post obitum eorum Tobiae domino deveniret. *a* Ergo dotis nomine dedit Tobiae Raguel, quinque millia florenorum, atque hoc pars altera. Pars tertia allatorum erat supellex, vasa, multum pecoris, servi & ancillae. Nam, quod facer historicus tradit: Post septem dies ingressa est Sara, uxor filii ejus, & omnis familia, & pecora sana, & cameli, & pecunia multa uxoris, sed & illa pecunia, quam receperat à Gabelo. *b*

Sumamus igitur ex allatis triplicibus his bonis partem dimidiam hac ratione, ex octo florenorum millibus, millia quatuor, è quinque millibus, duo millia & quingentos florenos subtrahamus. Ergo dimidia pars allatorum erunt sex millia florenorum, & quingenti. Hanc argenti summam obtulerunt mercenario pater atque filius, & rogare coeperunt, ut dignaretur accipere. Honestam fanè merces pro sex hebdomadibus itinere consumptis sex florenorum millia rependere; supellectilem & pecora non com-

a Tob. c. 8. v. 24.

b Tob. c. 11. v. 18.

PAR
computam
angelum
unt.

Videte
ummam
plicata
nimo,
n suum s
erunt eus
ua allat
Fenax ali
forenulo
et forlan
iam non
nam aut
nnalibus
miferico
peta, qu
ferunt, id
sed inger
gunt,
pugnent
Hinc
hinc ab
his tribu
tantum
pronepo
denique
potum f
2. Non p

a 21

computamus. Et tamen nesciverunt esse Angelum, quem sic remuneratum voluerunt.

V.

Videte, obsecro, videte liberalitatem summam utriusque Tobiaë, quàm largâ & explicatâ manu, quàm prolixo & munifico animo, quàm benignâ & liberali voluntate in suum sese mercenarium effuderint! Tulerunt eum in partem, dimidium omnium, quæ allata fuerant, bonorum offerendo. Tenax alius, præparcus, & sordidus Nabal florenulos quinque deprompsisset, adjecisset forsitan mercedulam, seu stipem honorariam non grandem; & hanc liberalitatem suam aut cælo appingendam, aut æternis annalibus dignam censuisset. Hi duo viri misericordiæ dimidiam summam, tam moneta, quàm ceterorum beneficâ mente offerunt, idque non verbis solum honorificis, sed ingenue, atque serio; nam & precibus agunt, ut bene merentis verecundiam expugnent.

Hinc mira calî effusio in hanc familiam, hinc abundantia & felicitas divina; quæ in his tribus potissimum cluxit. 1. Non filios tantum & nepotes, sed & nepotum filios pronepotes; sed & horum filios abnepotes; denique, quod pæne fidem superet, abnepotum filios atnepotes, cum gaudio vidit. 2. Non paternam tantum & maternam hereditatem

a Trinctge.

ditatem adiit, sed & foceri, & foceris, quibus oculos clausit, ex asse heres fuit. Scriptoris sacri verba sunt: Invenitque eos incolumes in senectute bonâ, & curam eorum gessit, & ipse clausit oculos eorum, & omnem hereditatem domûs Raguelis ipse percepit. *a* Opulentia singularis, & divini favoris spectabile argumentum. 3. Super omnia vero æstimandum illud, quod additur. Omnis cognatio ejus, & omnis generatio ejus, in bonâ vitâ, & in sanctâ conversatione permansit, ut accepti essent tam Deo quàm hominibus, & cunctis habitantibus in terrâ. *b* Elogium multo illustrissimum. Nempe anima, quæ benedicit, impinguabitur. *Benedicere*, Salomoni est, eleemosynam dare. Hinc Origeni, anima benedictionis ea est, quæ in egenos benefica est. Hoc sensu dixit Paulus: Qui seminat in benedictionibus, de benedictionibus & metet. *c* Divinis paginis idem est, Benedictio & Eleemosyna. Hinc & Salomon seipsum explicans iisdem monitis, phrasi diversâ: Alii dividunt propria, inquit, & ditiores fiunt: Alii rapiunt non sua, & semper in egestate sunt; Anima, quæ largiter dat, pinguet; & qui inebriat, ipse quoque inebriabitur; *d* & qui satiat pauperes, ipse quoque satiabitur. *e* Ubi eleemosynæ, ibi caelestium donorum copiosa pluvia. Hanc ob causam

Tobias

a Tob. c. 14. v. 15.*b* Ibid. v. 17.*c* 2. Cor. c. 9. v. 6.*d* Hoc inebriare sequentia verba explicant, v. c. 11, v. 24 & 25. *e* Ita Caietanus legit.

Tobias filio præcipiens : Quomodo potueris, inquit, ita esto misericors. Si abundes, da plenâ, da utraque manu, abundanter tribue : si difficultate domesticâ labores, & exiguum tibi fuerit, ne dicas : Largiri non est meum : res angusta domi vetat. Da quantum potes, & etiam exiguum libenter impertiri stude. Nihil dispendii habet eleemosyna. Quidquid erogas in egenos lucrum est, thesaurus est expensis nullis minuendus. Quoniam eleemosyna ab omni peccato, & a morte liberat. Date eleemosynam, & ecce omnia munda sunt vobis. Millies iterumque millies expendendum illud : Quidquid meis, id mihi fecistis. Manducat Deus panem in cælo, ait Chrysologus, a quem pauper acceperit in terrâ. Da ergo panem, da potum, da pecuniam, da vestimentum, si Deum vis habere debitorem, non judicem. Misericordem hominem nescit divinus ignis exurere. Si metuerè non vis gehennam, animosè in egenos excute crumenam. Summus eleemosynarum largitor Deus est, cum a mulatorem videt, sibi similem, suam effligem videt. Petrus Chrysologus, quem dixi, eleemosynas largiter dandas suadet & convincit brevi hac ratione : Clamat Deus, misericordiam volo homo : da Deo, quod vult, si vis tibi dari a Deo, quod vis. Fratres, prandium nostrum sit pauperis cena, ut Christi mēsa fiat nostrum prandium. Homo, dando pauperi, das tibi, quia, quod pauperi

non

a Petrus Chrysol. serm. 42. mihi pag. 115.

non dederis, hoc aliis relinquere cogêris.
Hoc solum tibi retinebis, quod pauperi de-
deris.

C A P V T X V I I.

*Tobias Senior providentiæ ac ju-
stitiæ divinæ scientissimus.*

VBi Angelus vale supremum dixit, & humanis oculis se subduxit. Tobias cum omni familiâ suâ in terram sese abjecit, & affusus humo continuis tribus horis divinæ bonitati gratias egit. Ita precando trihorium consumpsit. Historicus sacer testatur: Tunc prostrati per horas tres in faciem, benedixerunt Deum. *a* Divinis laudibus finitis, Aperiens Tobias senior os suum, benedixit Dominum, & dixit, Magnus es, Domine, in æternum, & in omnia sæcula regnum tuum: quoniam tu flagellas & salvas; deducis ad inferos, & reducis: & non est, qui effugiat manum tuam. *b*

Oratio hæc quidem succineta, sed sensus optimi refertissima. Nempe Tobias etsi annis aliquot cæcus, animi tamen oculos in divinæ Providentiæ ac Justitiæ solem assidue defixerat. Hinc ista succi plena dictio, & vivax æternitatis memoria; *In omnia sæcula regnum tuum.* Singulariter illa veniunt expendenda: Quoniam tu flagellas, & salvas; tu deducis ad inferos, & reducis. U-

a Tob. c. 12. v. 22.

b Tob. c. 13. v. 1. & 2.

trumque hoc dictionis membrum explicatu dignissimum: Quâ ratione Deus non flagellet tantum & salvet, sed etiam deducat ad inferos, & reducat.

§. I.

Aperiens Tobias senior os suum benedixit Dominum, & dixit, Magnus es Domine in æternum, quoniam tu flagellas & salvas. Quid hic, ais, mi optime Senex, quid loqueris? Deum agnoscere debemus ac venerari Salvatorem, & tu tortorem ac flagellatorem illum asseris? quæ deliramenta sunt ista, quid hæc dicis? sed perseverat senex, quoniam tu flagellas. Id quidem verissimum, ait, excrementis hirundinum in oculos defluentibus oculorum usum fuisse mihi ereptum; sed tu, ô Deus hirundines misisti, tu avicularum istarum sordes in oculos derivasti, tu voluisti, ut lumina oculorum amitterem, sicut etiam tu voluisti, ut oculi mei in pristinum restituerentur aspectum, tuo nutu & arbitrio mihi cæco reluxit dies: te volente hæctenus inops fueram, eodem te volente jam opes recepi: tu flagellas & salvas. Nihil fit fortuito, & teste Jobo, Nihil in terrâ sine causâ fit. ^a Fortuna inanè spectrum, larva picta, puerorum est tetriculum; nullæ sunt illius in nos vires. Sermones sunt vanissimi: Huic fortuna favet, huic adversatur, hunc deprimat, hunc

T

attollit.

^a Job c. 5. vers. 6.

attollit. Hæc idololatrarum sunt somnia: Deus est, qui facit hæc omnia, aut præcipiendo ut fiant, aut certè permittendo. Deus flagellat, Deus salvat. Augustini avo fœdus serpebat error Manichæorum, qui duplex aiebant esse principium, bonorum unum, malorum alterum. Delirium & insania. Unum atque unicum est principium, Deus, Auctor omnium; bonum & malum ab ipso sunt. Sed quâ tandem ratione auctorem mali constituemus Deum?

Utinam capiamus, quod nunquam inculcari sat potest, geminum esse malum, illud *Culpa*, istud *Pœnæ* malum appellari. Malum *Culpa* peccatum est, & quidquid legibus divinis vetitum. Malum *Pœnæ*, fames, sitis, dolores, morbi, tempestates, grandines, eluviones, bella, seditiones, incendia, pestilientia, annonæ caritas, injuriæ, vexationes, tyrannides, & quidquid horum numeraveris. Mala sunt ista, & grandia, sed mala *Pœnæ*, quæ Deus & vult & infligit. Peccata verò seu mala *Culpa*, quæ plerunque *Pœnæ* malis miscentur, ea permittit Deus, sed volens permittit, cum impedire possit. Illa verò alia omnia *Pœnæ*, quæ maximè sentimus & dolemus, sunt *Pœnæ* mala, quæ Deus in nos immittit; Deus, horum omnium Auctor, hæc infert: Deus flagellat. Quod Tertullianus dilucidè asseverans: Ad omnia, inquit, tibi occurrit Deus, idem percutiens, sed & sanans; mortificans, sed & vivificans; humilians, sed & sublimans; condens mala, sed

sed & pacem faciens. *a* Res liquida, divina pagina testimoniis confirmatissima.

Hebraeus vates Hieremias urbis Hierosolymorum depradationem, famem, vastationem, excidium commemorans: Fecit Dominus, inquit, quae cogitavit, complevit sermonem suum quem praeceperat à diebus antiquis: destruxit, & non pepercit, & latificavit super te inimicum, & exaltavit cornu hostium tuorum. Et dicta firmans: Praecipitavit Dominus, inquit, nec pepercit, omnia speciosa Jacob: Destruxit in furore suo munitiones virginis Juda, & dejecit in terram, polluit regnum & principes ejus. *b* An non hæc satis clara? sed pergens & ingerens clariora: Quis, inquit, est iste, qui dixit, ut fieret, Domino non jubente? Ex ore Altissimi non egredientur nec bona, nec mala? Egrediuntur verissimè & egressura sunt tam mala, quàm bona ex Altissimi ore. Quod & Isaias apertissimè confirmans: Ego Dominus, inquit, & non est alter, formans lucem, & creans tenebras; faciens pacem, & creans malum. Ego Dominus faciens hæc omnia. *d* Neque aliter Amos: Si est, inquit, malum in civitate, quod Dominus non fecerit. *e* Sed omnium multò clarif-

T 2 simè

a Tertull. l. 2. contra Marcionem c. 14. *mike*
pag. 777.

b Threnor. c. 2. v. 2. & 17.

c Threnor. c. 3. v. 37. & 38.

d Isai. cap. 45. vers. 6.

e Amos c. 3. v. 6.

simè Siracides pronuntiat : Bona & mala, vita & mors, paupertas & honestas a à Deo sunt. *b* Quid egemus ultrà testibus? Hoc sanè in adversis omnibus summo est solatio: habere persuasissimum, Nihil euenire, cujus Auctor non sit Deus, omniàque quantumvis gravia mala ab eo nobis attemperari ad nostram salutem, modò nostram fateamur culpam, ipsius opem imploremus, agnoscamus clementiam.

In rebus igitur humanis nihil homini cõtingit præter Dei volùtatem, præceptum, ordinationem, seu iubentem, sive permittentem. Quid murmuravit homo vivens, ait Hieremias, vir pro peccatis suis? *c* Nos infantes stulti modò malam fortunam, modò hanc aut illam provinciam, modò hunc aut illum tyrannum, hunc aut illum hominè perversum, hujus aut illius imperitiàm, socordiam, malevolentiam accusamus, cùm pœnæ mala sentimus. O fatui! Deus flagellat. Ille Dominus est faciens hæc omnia. Homines, hominum peccata, humana imperitia, socordia, malevolentia, nequitia, instrumentum & flagellum seu lorum sunt, quo Deus, quo divina manus nos cædit: Quid, homo inerudite, ne dicam, stõlide, contra lorum, quo verberaris, litigas? quid baculo indignaris, quid in flagellum excandescis? Illum, qui te flagellat, & flagel-

a Honestas, hoc est, Opulentia.

b Eccli. cap. 11. vers. 14.

c Threnor. c. 3, v. 39.

flagellantis manum attende, huc respice. Deus te flagellat, ad Deum oculos flecte, horum auctorem malorum Deum agnosce. Si istud, mi Christiane, altâ mente capias, nec boni, nec mali quidquam evenire tibi posse, cujus auctor non sit Deus, longè alium in rebus turbidis te geres, adversa omnia non difficulter vinctes, à Deo flagellante, ad Deum salvantem confugas, in bonum tibi venientur omnia. Sed addit Tobias.

§. II.

Tu deducis ad inferos, & reducis. Infernus, si notionem nominis spectemus, est diversus. Nam 1. Locum, quo Deus perduelles suos ignibus æternis cruciat, infernum Lucas appellans: Mortuus est, inquit, & dives, & sepultus est in inferno. *a* Hunc ipsum locum lugubris vox Ecclesiæ designat: In inferno nulla est redemptio. 2. Inferni nomen sortiuntur abominanda scelera; hæc Isaias enumerans: Humiliata es, inquit, usque ad inferos. *b* Synagoga quondam Dei templum, jam lupanar & prostibulum. 3. Infernus appellatur acervata calamitas, ærunnarum cumulus, mare miseriarum. *c* Diversis malis confictatus David:

T 3

Circum-

a Luc. c. 16. vers. 22.

b Isa. cap. 57. vers. 9.

c De hoc inferno meum *Gymnasium Patientia*, Parte I. c. 5. §. 5. Vbi de sacco.

Circumdederunt me, inquit, dolores mortis, dolores inferni circumdederunt me. *a* Iis premebatur angustiis, ut jam ad inferos se dejectum crederet. Sed tu, ô Deus, qui flagellas & salvas, tu quoque deducis ad inferos, & reducis. Permittit non rarò Deus ad extremas calamitates, & miseras devolv. suos; hinc demum opitulatricem manum porrigit, educit, consolatur, reficit. Ut sciat,ur divinæ id potentia fuisse non humanæ; Deum esse Dominum creatorem hæc omnia. Si quis vitæ suæ periodos inspiciat, facillè deprehendet se quoque ad inferos fuisse non semel dejectum. Subinde is incertor, horror, ægritudo, angor, pavor hominem invadit, ut ab omnibus tam superis, quàm inferis, tam Deo, quàm hominibus sibi videatur desertus; omnia desperationi proxima cõsentur: hic talis ad inferos præcipitatus est. Malis maximis Rex Dávid septus: *Quantas, inquit, ostendisti mihi tribulationes multas & malas: & conversus vivificasti me, & de abyssis terræ iterum reduxisti me.* *b* Est tamen aliquis, imò maximus in hoc inferno spei locus, est ex illo peropportuna redemptio. Deus deducit illuc & reducit. Hinc revocare gradum, & superas evadere ad auras concessum. Nemo ad hos inferos præcipitatus desperet: ductorem eò Deum habuisse satis est; qui duxerit, reducet. Dominus mortificat, & vivificat; deducit ad inferos, &

a Psal. 17. vers. 3.

b Psal. 70. vers. 20.

ros, & reducit: Dominus pauperem facit, & ditat, humiliat & subleuat. *a* Hunc lusum Deus cum suis lusit sæpissime, bono suorum. In Ægypto populum suum flagellari, & modis dirissimis permisit opprimi, eduxit demum ex hoc inferno. Sed in ipso egressu iterum infernus aliquis Israëllem uisit. Fugienti opponebatur à fronte pelagus, utrinque montes claudebant, à tergo insequebatur hostis Pharao. Jam capti videbantur Hebræi, nemo non occisissimos censuisset. Vociferabantur illi: Forfitan non erant sepulchra in Ægypto, ideo tulisti nos, ut moreremur in solitudine &c. Multò melius erat seruire eis, quàm mori in solitudine. *b* Subitò Deus aperuit mare, Filii autè Israël, quod Exodus testatur, perrexerunt per medium sicci maris, & aquæ eis erant, quasi pro muro à dextris & à sinistris: liberavitq; Dominus in die illâ Israël de manu Ægyptiorum. *c* Deducti sunt ad inferos, & redacti.

Bethuliam urbem obsidione arctissimâ cinxerat Holofernes, & ad extremam aquæ penuriam redegerat. Nam, quod sacer historicus tradit, defecerunt cisternæ, & collectiones aquarum, omnibus habitantibus Bethuliam, ita ut non esset intra civitatem, unde satiarentur vel unâ die, quoniam ad mensuram dabatur populis aqua quotidie. *d* At Deus per Juditham

T 4 viduam

a 1. Reg. c. 2. v. 6. & 7.

b Exod. c. 14. v. 11. & 12. *c* Ibi. v. 29. & 30.

d Judith cap. 7. v. 11.

viduam in arctissimis rebus opportunissime obsidionem solvit. Deduxit ad inferos, & reduxit.

Quoties Hebraeus Rex David jam in ipsis mortis faucibus hærebat, desertus à suis, cinctus ab hostibus, nec ullam effugii rimulam, quã elaberetur, habere visus; actum de illo dixissent omnes. Ille tamen animo commasculato, & ad Deum erecto: Omnes gentes, exclamat, circumierunt me: Circumdantes circumdederunt me: Circumdederunt me sicut apes, & exarserunt sicut ignis in spinis: Impulsus, eversum sum, ut caderem. Ad inferos deductus clamat, sed denuò reductus, Dominus suscepit me, ait, fortitudo mea, & laus mea Dominus, & factus est mihi in salutem. In tribulatione meâ invocavi Dominum, & ad Deum meum clamavi. Et exaudivit de templo sancto suo vocem meam. * Deductus ad inferos, & reductus est.

Ipsos etiam suos discipulos Christus ad inferos duxit non semel, sed & reduxit. Mare navigabant discipuli absente Christo. Mare navigabant discipuli absente Christo. Mare navigabant discipuli absente Christo. Nox & tenebræ horrorem navigantibus incutiebant, ventus vehemens augebat metum, intumescere mare, gradibus compluribus navis à littore distabat, & quod omnium maximè terrebatur, Christus aberat. Salute igitur jam prope desperatâ Christus aquis inambulans: Ego sum, inquit, nolite timere.

timere. *a* Deducti sunt ad inferos, & red-
 ucti. Eadem discipulorum navicula iis pro-
 cellis quatiebatur, ut fluctibus operata jam-
 jam mergenda videretur, presente quidem
 Christo, sed dormiente. Hinc illi pereun-
 rium clamores, *Perimus*. Jam visa est navi-
 cula undis expugnata, iam de salute actum,
 iam medio se mari natare putaverunt, brevi
 fluctuum impetu hauriundos. Continuo
 Christus imperavit ventis & mari, & facta
 est tranquillitas magna. *b* Deduxit eos
 Christus ad inferos, & reduxit.

a Ioan. c. 6. v. 16. & seqq.

b Matth. c. 8, v. 23.

§. III.

Quocunque pane vertamus oculos in
 hoc Orbe, conjuncta hæc duo *Flagellum* &
Sceptrum appento *Tintinnabulo* cernemus.
 Flagellat Deus & salvat, Deducit ad inferos
 & reducit: hoc flagrum adumbrat & sce-
 ptrum. Inter hæc duo nobis est mediis
 transeundum. Inter Timorem & Spem,
 Tormentum & Solatium, Supplicium &
 Præmium, Luctum & Gaudium, Justitiam
 & Misericordiam. Hic medio ibimus tu-
 tissimi. I. Transeundum, inquam, inter Ti-
 morem & Spem. Jobus sua omnia habens
 suspecta, & timoris plena: Verebar, inquit,
 omnia opera mea. *a* Spe tamen erectus: Re-
 posita est, inquit, hæc spes mea in sinu

T. 5

meo.

a Job c. 9. vers. 28.

meo. *a* 2. Transeundum est inter tormentum & Solatium, Castigari & flagellari non poenæ tantum, sed & solatii est: quia etiam filii, haud aliter tractantur. Quem enim diligit Dominus, castigat: flagellat autem omnem filium, quem recipit. *b* Illud Augustini assidue volvendum animo: Si exceptus es à passione flagellorum, exceptus es à numero filiorum. 3. Transeundum inter supplicium & primum. Si labor fatiget, si dolor cruciet, ne frangaris animo, nam plurimum illa emolumentum ferunt, si ferantur toleranter. Placeat, obsecro, flagellum, quia proximum ei est sceptrum. 4. Transeundum inter Luctum & Gaudium. Hæc mixtura luctus & gaudii omnem vitam obtinet: in luctu sceptrum respice. Scriptus es heres regni; quid est, quod perhorrescas? age viriliter. In gaudio flagellum intueri, & animum subsultantem contine, nondum evasisti ferulam. *c* 5. Transeundum inter Justitiam & misericordiam. O quanto beatius, nunc jam dum vivimus divinam sentire Justitiam, ut in meliore vitâ obtinere liceat Misericordiam. Isaias pollicitationibus suavissimis: Ad punctum, inquit, in modico derelinqui te, & in miserationibus magnis congregabo te: In momento indignationis abscondi faciem meam parumper à te, & in misericordiâ sempiternâ misertus sum tui: dixit

a Job c. 19. v. 27.

b Heb. c. 12. v. 6.

c Du bist der Dürchen noch nit entwachsen.

dixit redemptor Dominus. *a* Flagellum bre-
vi desinet ferire; flagello substituetur sce-
ptrum nunquam eripiendum. Sed ne flagel-
lum & sceptrum, quod monstravimus, exci-
dant memoriâ. Tintinnabulū appendimus,
quod identidem flagelli & sceptri aspicien-
di cōmonefaciat. Romani veteres in trium-
phali curru servum collocare consue-
runt, qui coronam lauream supra triumphantis
verticem teneret: Ipsi verò curru flagellum
& nolam aiunt appensam, quæ duo tacite
monebant; Meminerit triumphator hu-
manæ imbecillitatis & instantiæ, ne
sibi nimium placeret, néve insolesceret, aut
superbiret; posse illum eò miseriarum for-
tunæ ludibriis devolui, ut inter viros tintin-
naculos *b* censeatur & ducatur ad suppli-
cium. Augustæ Vendilicorum in turre ci-
vicâ *c* ingens campana est, quam Incen-
diariam, Martiam, Sanguinariam *d* vo-
cant. Hanc viri sex validi pulsant, quoties-
cunque reus è carcere civico ad capitis
supplicium educitur. At verò hac eadem
campana, solenniſſimo civitatis die, Augu-
sti mensis Principio, *e* cūm urbis proceres,

T 6 Duim-

a Is. c. 54. v. 7.

b Plauto viri tintinnaculi sunt, qui ducebā-
tur ad supplicium appensâ nolâ, ne quis infami-
corum occurſu, aut tactu contaminaretur.

c Huff dem Pertachurn.

d Sturm Blutglogg.

e Primo die Augusti, aut proximo quoque
am Wahitag.

Duūm viri, Septemviri, senatores ceteri recens electi è cuniâ descendunt, pulsatur, eo etiam, ut aiunt, significatu: Meminerint optimates, si contra jus fâsque egerint, iustitiam non parturam, hanc ipsam campanam sicut aliis reis, furibus, homicidis, latronibus, ita & ipsis senatoribus pulsandam. Laudabilis ritus, civilis admonitio.

Nos Christiani Flagellum & Sceptrum meditantibus oculis identidem contueamur; si memoria destituat, tintinnabulum moneat. Assiduè cogitemus illa: Si filii, & hæredes. *a* Si filii, certè & flagellandi. Si compatimur, ut & glorificemur. Si in labore hominum sumus, si cum hominibus & Christo flagellamur, *b* cum Christo etiam coronabimur. Si commortui sumus, & convivemus, si sustinebimus, & conregnabimus. *c* Flagellum & Sceptrum nunquam non in oculis sint. Quoniam tu, ô Deus, flagellas & salvas: Tu deducis ad inferos, & reducis. Transeundum igitur est inter Flagellum & Sceptrum. Descendendum est ad inferos, sed inde denuo emergendum. Hactur ad superos, ubi nulli amplius metuedi sunt inferi.

a Rom. cap. 8. vers. 17.

b Psalm 72. vers. 5.

c 2. Tim. cap. 2. vers. 11. & 12.

CAPVT XVIII.

*Tobias Senior relapsa in peius Ni-
nives interitum vaticinatus.*

Tobias Senior cum annum centesi-
mum secundum attigisset vivendo,
demum illam Jobi cantilenam ca-
nere coactus: Solum mihi superest sepul-
chrum. *a* Mors ultima linea rerum. Ulti-
mus, sed & optimus morborum medicus
Mors. Cùm ergo jam fatalis horula To-
biam vocaret ad plures, ille filium, & filii
filios, septem nepotes ad lectulum accer-
sens ita eos cohortari orsus: Propè erit in-
teritus Ninive, inquit; non enim excidit
verbum Domini. *b* Vrbs Ninive flagitiis
miserè deformata & exosa cælo, ad voces
Jonz capit respiscere, ac grandi conatu
Pœnitentiæ luctum exorsa die uno videba-
tur cælum expugnatura. Annuit benignissi-
mus Deus, & scelerum patratorem gratiam
fecit. Sed non duravit hæc Ninives sancti-
monia, brevè iterum viciorem dulcedini
Ninive succubuit; in antiquum & in pejus
relapsa sunt omnia. O Ninive, quàm bene
capisti, & quàm non bene finiisti! Scelerum
tuorum multitudo ministravit arma Ne-
mesi divinæ. Non potuit tandem non vin-
dicare

a Job cap. 17. v. 1.

b Tob. cap. 14. vers. 6.

dicare Deus in continuatam impietatem tuam. Peribis ô Ninive, peribis, quia voluisti perire. Perditio tua ex te, auxilium tuum in Deo fuerat tantummodo. ^a Hoc Ninives exitium Tobias prævidens vaticinatur: Propè erit interitus Ninive. Idem iis occinendum, qui assiduè in priores noxas relapsi, in eandem insolentiam, in eandem omnino libidines, in eandem temulentiam, in eandem scelerum turpitudines revolvuntur. De his hoc capite ultimo sermo erit. Hic tria nobis explicanda. 1. Eos qui toties in eadem peccata relabuntur, periculosius semper & gravius relabi. 2. Hos ipsos difficillimè avelli, & ad sanctiores mores retrahi. 3. Deum in illos ipsos severius animadvertere ac gravius punire.

^a *Os. c. 13. v. 9.*

§. I.

Relapsus lapsu gravior. Hoc Bernardus eximie demonstrans: Si, ait, dixerit mihi *Jesys*: Dimittuntur tibi peccata tua. Nisi ego peccare desiero, quid proderit? Exui tunicam meam, si reinduero eam, quantum profeci? Si rursus pedes meos, quos laveram, inquinavero, nunquid aliquid lavisse valebit? Sordens omni genere vitiorum jacui diu in luto factis: sed erit sine dubio recedenti, quàm jacenti deterius. ^a Ita prorsus est.

^a *Bern. serm. 3. in Capt. post init. mihi pag. 737.*

PARS II. Cap. XVIII. 447

est. Nam quisquis pœnitentiã peractã non cessat iterum, iterumque pœnitenda facere, ita labitur in pristina, ut semper gravius relabatur, profundius mergatur, damnosius involvatur, arctius constringatur, dum denique velut ingratus & refractarius à Deo penitus deseratur. Quã de re ita sentiunt Theologi, His talibus in pristina semper scelera recidentibus efficacissimum auxilium gratiæ Deus subministrat. Si repudient illi, & resistent, non redit amplius tam copiosa gratia, sed suis infelices cupiditatibus permittuntur. Pulsat quidem Deus iteratis monitis, sed una est ultima vocatio, quã rejectã, deseruntur cunctatores illi hominum miserrimi. Ita itur & interitur. Quapropter, vociferantur contentissimè diversi: Hodie, si vocẽm Domini audieritis, nolite obdurare corda vestra. ^a Hodie audite, hodie; nescitis enim an eam cras sitis auditori.

Hos ipsos homines affiduè ad antiqua vitia redeuntes velut digito monstrans Petrus: Hi sunt, inquit, fontes sine aquã, nebulæ turbinibus exagitatæ, quibus caligo tenebrarum reservatur. ^b Fôtes sunt, inquit, sed aquã carent. Quemadmodum calens furnus, aut clibanus sine panibus, grandis piscina sine piscibus, ampla cella sine Zytho aut vino, crumena pulchra sine argento vel auro, spatiosus ager sine frumento, magnum penu sine omni esculento nil juvat:

ita.

^a Ps. 94. v. 8. & Heb. c. 3. v. 15. & c. 4. v. 7.

^b 2. Petri. 2. v. 17.

ita illi homines in eadem crimina toties relabentes boni notitiam habent, sed actione carent; dicunt & non faciunt; multa statuunt, nihil exequuntur; volunt & non volunt: exomologesin obeunt, sed peccata nulla corrigunt; ob noxas suas ingemiscunt, sed mox easdem repetunt; desiderium eorum videri posset bonum, nisi esset tam frigidum; hortulum suum venenatis herbis purgant, sed radices non extirpant, hinc brevi eadem iterum veneni messis succrescit; meliora sibi sapius proponunt, sed nihil sequitur emendationis. Si enim, ait Petrus, refugientes coinquinationes Maudii in cognitione Domini nostri & Salvatoris **JESU** Christi, his rursus implicati superantur, facta sunt eis posteriora deteriora prioribus. Melius enim erat, illis non agnoscere viam iustitiæ, quàm post agnitionem, retrorsum converti ab eo, quod illis traditum est sancto mandato. Contigit enim eis illud veri proverbii: Canis reversus ad suum vomitum, & sus lota in volutabro luti. *a* Petrus ipsemet expertus, multò graviozem esse lapsu relapsum. Nam altera Petri negatio gravior erat primâ, tertia gravior secundâ. Matthæo teste, iterum negavit cum juramento. Denique Anatematizare ausus, & detestari, quia nescio, inquit, hominem justum, quem dicitis. *b* Relapsus lapsu gravior. Beatus Eligius Noviomensis

Antistes

a 2. Petr. c. 2. v. 21. & 22.

b Matth. c. 26. v. 74. & Marci c. 14. v. 71.

Antistes rem oculis subjiciens; Crux, inquit, semel fractum difficili curâ restituitur; crux idem alterâ, tertiâque vice contusum difficillimè curatur. Quod Cyrillus etiam confirmans: Animâ, inquit, febricitatio secunda est admodum periculosa. *a* Peccatum auferre, & peccati affectum non tollere, vanus & sterilis labor. Cicuta *d* horticenties convulsa, radice stante, centies recrefcit, & fertilior. Letalis noxa, cicuta est pestilentissima, hanc millies convelle, recrefcet millies, nisi eam stirpitus, & radicitus evellas. Peccati radix, cupiditas & libido peccandi est; nihil agis, nisi radicem hanc sustuleris.

Chrysoftomus in eandem hanc curam intentus: Noli peccare, inquit, post veniam, noli vulnerari post curam, noli sordidari post gratiam. Cogita, ô homo graviozem esse culpam, post concessam veniam. *c* Cicatricem jam obductam refricare, malum vix sanabile. *d* Si Hebraus rex David adulterium aut homicidium secundo tertiove aultu repetere voluisset, longè aliud à Nathan vate iudicium accepisset. Quod diximus, Christi Domini dicta & facta reddunt confirmatissimum. Homini morbido qui annis triginta octo in Salomonis pensili ambu-

a Cyrill. l. 5. in c. 17. Ioan.

b Witterich.

c Chrysoft. hom. de lapsu primi hominis.

d Behalten schadenwiderumb auffreissen
schier ein vnheilbars Bbel.

ambulacro decubuerat, jam perfanato dixit Christus: Ecce sanus factus es, jam noli peccare, ne deterius tibi aliquid contingat. ^a Adulteræ mulieri crimine jam condonato: Vade, inquit, & jam amplius noli peccare, ^b Relapsus lapsu gravior.

^a *Ioan. cap. 5. vers. 14.*

^b *Ioan. cap. 8. vers. 11.*

§. II.

II. Relapsi corriguntur ægrius. Ambrosius disertissimè: Facilius, inquit, inveni, qui innocentiam servaverint, quàm qui congruè egerint pœnitentiam. ^a Ambrosio non est vera pœnitentia, quæ non est valde ferua, & quæ non totum mutat hominem, & ab usque radicibus vitia extirpat. Nam addit: Renuntiandum sæculo est, somno ipsi minùs indulgendum, quàm natura postuler, interpellandus est gemitibus, interrumpendus est suspiriis, sequestrandus orationibus, vivendum ita, ut vitali huic moriamur usui; seipsum sibi homo abneget, & totus mutetur. Sed eheu, quàm rarum est, ita totum mutari & ab imis radicibus extirpare vitia! Sed à se dicta explicans Ambrosius: Quendam, ait, adolescentem ferunt post amores meretricios peregrè profectum, & amore abolito regressum, veteri

^a *Ambros. tom. 1. l. 2. de Pœnitent. c. 10. mihi pag 219.*

^b *Loco proximè dicto.*

PARS II. Cap. XVIII. 451

occurrisse dilectæ, quæ ubi non interpellata putaverit se non recognitam, rursus occurrens dixerit: Ego sum; Responderit ille, Sed ego non sum ego. Etenim qui mortui, & sepulti Christo sunt, non debent iterum velut viventes de hoc mundo decernere. Ne tetigeritis, inquit, omnia, quæ sunt ad corruptelam. ^a Nimirum hoc est mutari totum, hoc agere pœnitentiam, hoc ad frugem corrigi. Hoc autem rarum, pœne dixerim, rarissimum est. Hanc ob causam spiritualis medicus in istud omni cogitatione, curâque incumbat, non tantum ut sanet ægrum, & à sceleribus liberum dimittat, sed ut sanato ita prospiciat, ne in morbos eosdem recidat. Vicinas igitur peccandi occasiones amoliri studeat, antidota, & alexipharmaca præscribat, sincerè moneat, ^b hunc locum, hos homines cave, hoc sceleris illicium vita; fuge libidinem, fuge, fuge vel omnem libidinis umbram; ita superbiam elide; sic avaritiam coërce; ita invidiam elimina, sic edomagulam, sic iram comprime, ita socordiam expugna. Resiste diabolo, & fugiet à te. ^c Hac, inquam, ratione medicus spiritualis hominem infirmum servet à relapsu: alioqui frustra est medicina, quam è vestigio comitatur invaletudo pristina.

Hoc apertissimè Christus oculis subiiciens:

^a *Ibidem.*

^b *Pars hac boni Confessarii est.*

^c *Iacobi c. 4 v. 7.*

cum, inquit, immundus spiritus exierit de homine, perambulat per loca iniqua, quærens requiem. Et non inueniens, dicit: Revertar in domum meam unde exivi. Et cum venerit, invenit eam scopis mundatam & ornatam. Tunc vadit & assumit septem alios spiritus nequiores se, & ingressi habitant ibi. Et fiunt novissima hominis illius pejora prioribus. *a* Sathanas sede suâ pulsus non otatur, dum aliud commodum sibi hospitium indagat. Si nullum reperiat: In meam, inquit, tabernam veterem me recipiam, lautè illuc diversatus sum. Et veniens, quod Matthæus testatur, invenit eam vacantem. *b* Jam vicit cacodæmon, jam effregit hospitium, si hominem inveniatur otiosum. Otium omnigenæ vitiositatis seminarium. Res certa, si vacat domus, diabolo patet. Inter Anachoretas priscos in proverbii consuetudinem venit: Otiosus homo à mille diabolis impugnatur; ab uno tantum læcessitur is, qui laborat. Domus vacua, diabolo sacra. Non solum verò vacantem, sed scopis mundatam, obiter, perfunctoriè, negligenter versam invenit. Cera, pix, seuum pavimento hærens scopis non tollitur, majore vi opus. Ut homo à vitiiis resipiscens constanti sanctimoniâ veneretur virtutem, ardenti proposito, decretis opus est validissimis. Hic leniter velle, nolentis habet speciem. Scitote, ait Eliachim Sacerdos,

a Luc. cap. 11. vers. 34. & seqq.

b Matth. cap. 12. vers. 44.

dos, quoniam exaudiet Dominus preces vestras, si inanes permanseritis in jeuniis & orationibus, in conspectu Domini. *a* Tobias immobilis in Dei timore permansit. *b* Dixi, ait David, non movebor in aeternum. *c* Voluntate hinc opus robustissimam. Sed neque vacantem tantum, & scopis mundatam, sed & ornatam domum invenit hospes ab Orco. Consuetudines malae, occasiones pristinae, voluptates aliquantulum omittit pulchro ordine, nonnunquam etiam virtutis specie revertuntur. Non ignoramus honesto nomine culpas praetexere. Quaedam sub obtentu civilitatis aut affabilitatis, alia sub praetextu necessitatis liberè peccamus; nonnulla per causam boni majoris secutiuri delinquimus; vix unquam titulus deest erranti. En ornatam domum, quae avernalem hospitem ultro invitet. Tunc igitur vadit, & assumit septem alios spiritus nequiores se, & intrantes habitant ibi: Et fiunt novissima hominis illius peiora prioribus. Haec relabendi series est. Relapsi difficillimè corriguntur. Intersunt quidem tales rei divinae, preces recitant, conciones audiunt, stipem erogant, quandoque etiam jeuniis vacant, ita domum mundant, sed scopis; stat interim inconcussa peccati radix; ad antiqua identidem reditur, sapiunt boleti, quibus affueverunt, placent peccata, quitus

a Judith c. 4. vers. 12.

b Tob. cap. 2. vers. 14.

c Psal. 29. vers. 7.

quibus non ex toto renuntiarunt; veterem retinemus pelliculam Hinc emendatio vera tam rara. Frustra cantharides admoventur, & si capitis, vel stomachi, vel hepatis malum non ex integro curetur: Nihil proficiunt unctiões, si lien aut pulmo sit vitiosus. Invetratum malum non admittit manum medicam, nisi admodum peritam & potentem, quæ mali radicem norit tollere. Qui dedit voluntatem pœnitendi, ait Bernardus, opus est ut addat virtutem continendi, ne iterum pœnitenda, faciãmq; novissima mea pejora prioribus. *b* Verissimè dixit Augustinus: Inanis est pœnitentia, quam sequens coinquinat culpa; nil profunt lamenta, si replicentur peccata. Ista est, filioli, vera pœnitentia, inquit Augustinus, quando sic convertitur quis, ut non revertatur; quando sic pœnitet, ut non repetat. *c* Sed istud perquam rarum est. Relapsi difficillimè corriguntur.

a Spanisch Mucken ansetzen/ vergebene Arbeit/ wann im Kopff/ Magen/ Lever ein altes Vbel steckt.

b Bern. serm. 3. in Cant. circa med.

c Aug. tom. 10. serm. 3. de Natali Domini, mihi pag. 213.

§. III.

Relapsi à Deo severiùs puniuntur. Nobilissimum in eadem semper relabentium paradigma rex Pharao, qui clade tam multiplici affectus, nunquam non rediit ad ingenium,

genium. Quoties auditum illud: Peccavi in Dominum Deum vestrum, & vos; peccavi etiam nunc. Nec tamen desit peccare. Post aquas in sanguinem mutatas sanius est locutus Pharaon, sed non diu. Post copiosissimas ranarum pluvias doluit, neque hoc diu. Post ciniphum examina respuit, mox tamen ad suam contumaciam reversus. Post muscarum nimbos, poenitentiam monstravit, sed minimè diuturnam. Post animalium mortalitatem visus est ad clementiam motus; mox idem, qui antè, fuit. Post ulcerum dolores ab itum populo permisit, quem tamen statim revocavit. Post fulgura, grandinem, tonitrua veniam erroris petiit; cessante grandine, errores auxit. Post immisos locustarum exercitus se peccasse fassus est; locustis jam amotis, eadem, quæ priùs, egit, pelliculam veterem retinuit Æthiops. Post triduanas horribiles tenebras mitem sese præbuit, sed in furores pristinos brevè relapsus. Denique post omnia primogenita in Ægypto jugulata videri poterat priorem pertinaciam ac savitiam omnem emendasse, jam mutatus ex toto: Surgite, ait, & egredimini; ite & immolate Domino, sicut dicitis. a Jam tandem rex alius, rex bonus est. Jurasset Pharaonem immitte ac barbarum ingenium omne exuisse, in mores placidos ex integro reformatum. Sed neque nunc tigris ista constantem humanitatem didicit. Vix enim egressus populus, confestim Pharaon jam savior, quàm

a Exod. c. 12, v. 31.

quàm

quàm antea, cum ingenti exercitu secutus
hòe reperit, quod quæsiuit, tam crebri re-
lapsus certum supplicium. Cum copiis suis
omnibus alto mari sepultus est. Hoc habet.

Ita & Hebræi ipsi capitones duri ad redi-
tum in Ægyptium macellum pronissimi:
Recordamur piscium, aiunt, quos comede-
bamus in Ægypto gratis: in mentem nobis
veniunt cucumeres, & pepones, porriq̄ue &
cepe, & allia. Anima nostra arida est; nihil
aliud respiciunt oculi nostri nisi Man. *a*
Deus igitur illis carnes submitit copiosas,
sed sanè salsas: Nam, adhuc carnes erant in
dentibus eorum; & ecce furor Domini con-
citatus in populum, percussit eum plagâ
magnâ nimis. *b* Displicuit Deo tam im-
moderata carniùm appetentia, tam pruriens in
Ægyptum redeundi animus jure punitus est
acerbius.

Saul coronatus Proteus, blandus latro,
quoties fassus est insidias, quas genero suo
Davidi struxerat? quoties delicti veniam ro-
gavit? quoties & lacrymas profudit nequam
crocodilus? quoties persanctè dejerans me-
liora omnia pollicitus? videri poterat ex toto
mutatus, regum mitissimus, sed brevi tem-
pore hic fallæ sanctimonix vultus tenuit
mox lusum priorem lustr, ad ingenium re-
diit, acerbior in Davidem insurrexit, hoc
tam diu facitavit, & nequitias ejuratâs to-
ties repetiit, dum illum Deus denique de-
seruit

a Num. c. 14. vers. 5. & 6.

b Ibidem vers. 33.

seruit. Jámque infelicissimus regum, suus ipse carnifex suo se gladio peremit. Hoc habet & Saul. Relapsi puniuntur acerbíus. Hunc lusum Deus aliquanto tempore, velut dissimulans, tolerat; tandem è destinato ferit, & præscindit improbo lusori spatium relabendi, Nolite errare, Deus non irridetur. *a* Amotis jocis secum vult agi; impatiens est ejuscemodi lusûs, Quemadmodum ferius pater post filium toties monitum, toties castigatum: Abi, ait, abi furcifer in malam crucem, & corvos pascere. Frustra est omnis paterna castigatio tibi admota. Ergo, quam mereris, carnificinam subi. *b* Ita hominem Deus deserentem se deserit, & torquendum cacodæmoni permittit. Ita Semei post impetratam veniam relapsus capite punitus est. Sit delicto primo venia, fiat & secundo forsân gratia, in tertium certa est decreta pœna. *c* Primum maledicentiæ flagitium maledico Semei condonatum: at vero cùm rediret, & præscriptos exeundi fines negligeret, capite luit. Jure illi in os obiectum. Tu nosti omnè malum, cujus tibi conscium est cor tuum. Reddidit Dominus malitiam tuam in caput tuum. *d* Hoc omnibus in eisdem identidem noxas relabentibus occinendum: Malitia tua in caput tuum recidit.

V

Hoc

a Gal. cap. 6. vers. 9.

b Lauff hin Lecker dem Hencker zu; du schust doch kein gut. *c* Das erst / vnd das ander gen Hoff / das dritt gen Loch.

d 3. Reg. cap. 2. vers. 45.

Hoc ipsum & Ninives civitatis interitus abundè doceat. Vociferabatur Ionas: Adhuc quadraginta dies, & Ninive subvertetur. Et crediderunt viri Ninivitz in Deum, & prædicaverunt jejunium, & vestiti sunt sacco à majore, usque ad minorem. *a* Quis negarit hanc esse seriam pœnitentiam? Ita profectò evaserunt pœnam. Sed ô incredibilem ingenii humani nequitiam! Pœnitentia illa tam seria minimè fuit diuturna. Brevi pristinus flagitiorum status rediit, mali mores denuo subreperunt, pessima vetus consuetudo universam postliminio civitatem occupavit, antiquum hoc suum obtinuerant, edere, bibere, ludere. Passus secum agi Deus ad humanissimam conditionem descendit. *b* At ubi vitiosæ vitæ nullus finis, utrâque demum manu cædit, & à se profigat. Quod vates Hebræus in re præsentis elocutus: Et Ninive, inquit, quasi piscina aquarum aquæ ejus. Dissipata est, & scissa, & dilacerata; & cor tabescens, & dissolutio geniculorum, & defectio in cunctis renibus, & facies omnium eorum sicut nigredo ollæ. *c* Ita Deus cum quovis homine agit, sicut cum hac urbe. Monet, minatur, terret, rogat, urget, variam opem subministrat. Parere monitus recusat. Propè est interitus Ninives (propè hominis illius.) Non enim excidit verbum Domini. In Jusconsultorum scholis scitum est annozatu dignum:

a Ionæ c. 3. v. 4. & 5.

b Gottelast gar wol mit ihm tadelgen/ aber etc.
c Nabum c. 2. v. 8.

dignum: Dux vices faciunt consuetudinem & delicta iterata plus puniuntur. Hoc juris ad suum etiam tribunal Deus observat: Delictum iteratum gravius punit.

Cum igitur immundus spiritus è veteri tabernà fuerit exactus, ne, quæso, relinquatur vacans & segniter quieta domus; nemo unquam orietur ex toto; otium diabolo commodissimum est hospitium. Sed nec scopis tantum mundata sit domus. Pœnitentiâ hic opus est admodum seriâ, acri de noxis dolore, proposito firmissimo, ut non peccatum solum, sed & affectus, & radix peccati evellatur: ex integro resipiscendum. Denique ornare tantummodo domum, inanis, sed gratus dæmoni labor est. Itaque illecebræ & occasiones delinquendi omnes sedulo fugiendæ, ne posteriora fiant peiora prioribus, ne post pœnitentiam denuò committantur pœnitendæ; ne pristina superbia; ne vetus libido & gula, ne prior invidia & ira, ne cetera omnia in antiquum, & vitiosum chaos revolvantur. Interitus Ninives propè est; Verbum Domini non excidit. Perquam serius, & æqui tenacissimus est, rex qui læditur. Pœnitentiam exigit non perfunctoriam, non inconstantem, aut desultoriam, sed stabilem, & usquequaque firmam. Inanes lacrymæ falsa est pœnitentia, si finis commissi mali, gradus est futuri.

De noxi commissis dole, à committendis cave.

F I N I S,

APPROBATIO

R. P. PROVINCIALIS.

Posthumam lucubrationem hanc
R. P. HIEREMIÆ DREXELII
piæ memoriæ, qui TOBIAS
inscribitur, ab aliquot Deputatis lectam,
& approbatam, etiam Ego
Wolfgangus Gravenegg, Societatis
JESV per Superiorem Germaniam,
Præpositus Provincialis potestate ab
Admodum R. P. N. Mutio Vitellesco,
Societatis nostræ Præposito Generali,
concessâ, in lucem & publicam
utilitatem prodire permitto, fidemque
manu meâ facio, & officii mei
sigillo consigno. Ingolstadii
22. Maii 1640.

Wolfgangus Gravenegg.

SVMMA.

IO
S.
hanc
XE-
IAS
s le-
Ego
tratis
iam,
te ab
elle-
Ge-
bli-
o, fi-
fficii
tadii
g.
MA

SVMMA PRIVILEGII
REGIS CATHOLICI.

PHILIPPVS IV. Dei gratiâ Hispaniarum, Indiarum, &c. Rex Catholicus, Archidux Austriæ, Dux Burgundiæ, Brabantiæ, &c. Potentissimus Belgarum Princeps, Diplomate suo Regio sanxit, nequis *Tobiam*, auctore R. P. Hieremiâ Drexelio Societatis JESV Sacerdote, intra novennium præter *Vidua Ioannis Cnobbari Typographi Antverpiensis p. m.* voluntatem, in Belgio ullo modo imprimat, aut alibi terrarum impressum, in has Inferioris Germaniæ, ditiones importet, venalémve exponat. Qui secùs faxit, confiscatione librorum, & aliâ gravi pœnâ multabitur, uti latius patet in litteris datis Bruxellæ 9. Januarii an. 1638.


Signat.

COOLS

A N T V E R P I Æ,
Expensis Viduæ JOAN. CNOBBARI,
Sub signo S. Petri.

ANNO M. DC. XLII.

BARI




PA

C


P. N

Ex



Typi

pa-
Ca-
ux
en-
lo-
ala-
ere-
dote,
an-
ensis
illo
um
ma-
mye
sca-
cena
lit-
an-



Biblioteka Jagiellońska



stdr0029913

~~Sancta~~
Sancta Maria. succur
miferis uirg. Pusillima

Zartogelung Wascom
rofe Ken au r

